

本國學基  
叢書  
徐 孝 穆 集

國學基本叢書

徐 孝 穆 集

徐 陵 撰  
吳 兆 宜 箋 注

商務印書館發行

# 四庫全書總目

集部  
別集類一

徐孝穆集箋註六卷。陳徐陵撰。國朝吳兆宜註。隋書經籍志載陵集本三十卷。久佚不傳。此本乃後人從藝文類聚、文苑英華諸書內採掇而成。陵文章綺麗。與庾信齊名。世號徐庾體。陳書本傳稱其緝裁巧密。多有新意。自有陳創業。文檄軍書及禪授詔策。皆陵所製。爲一代文宗。其集舊無註釋。兆宜旣箋庾信集。因并陵集箋之。未及卒業。其同里徐文炳續爲補緝。以成是編。其中可與史事相證者。如資治通鑑。梁武帝太清二年。遣建康令謝挺。散騎常侍徐陵等聘於東魏。胡三省註謂建康令秩千石。散騎常侍秩二千石。謝挺不當在徐陵之上。蓋陵將命而使挺特輔行耳。今案集中。在北齊與楊僕射書。有云。謝常侍今年五十有一。吾今年四十有四。介己知命。賓又杖鄉云云。是謝挺實爲正使。蓋假散騎常侍以行。特通鑑但書其本官。並非舛錯。胡三省未考陵書。未免曲爲之說。參諸此集。可正其譌。而兆宜所箋。略不言及。蓋主於摭拾字句。不甚考訂史傳也。然箋釋詞藻。亦頗足備稽考。故至今與所箋庾集並傳焉。

## 本傳

姚察暨子思廉撰

徐陵字孝穆東海郟人也。祖超之。齊鬱林太守。梁員外散騎常侍。父攜。梁戎昭將軍。太子左衛率。贈侍中。太子詹事。諡貞子。母臧氏。嘗夢五色雲化而爲鳳。集左肩上。已而誕陵焉。時寶誌上人者。世稱其有道。陵年數歲。家人攜以候之。寶誌手摩其頂曰。天上石麒麟也。光宅惠雲法師。每嗟陵早成就。謂之顏回。八歲能屬文。十二通莊老義。既長。博涉史籍。縱橫有口辨。梁普通二年。晉安王爲平西將軍。寧蠻校尉。父攜爲王諮議。王又引陵參寧蠻府軍事。大通二年。王立爲皇太子。東宮置學士。陵充其選。稍遷尙書度支郎。出爲上虞令。御史中丞劉孝儀與陵先有隙。風聞劾陵在縣賦汙。因坐免。久之。起爲南平王府行參軍。遷通直散騎侍郎。梁簡文在東宮。撰長春殿義記。使陵爲序。又令於少傅府述所製莊子義。尋遷鎮西湘東王中記室參軍。太清二年。兼通直散騎常侍。使魏。魏人授館宴賓。是日甚熱。其主客魏收嘲陵曰。今日之熱。嘗由徐常侍來。陵卽答曰。昔王肅至此。爲魏始制禮儀。今我來聘。使卿復知寒暑。收大慙。及侯景寇京師。陵父攜先在圍城之內。陵不奉家信。便蔬食布衣。若居憂恤。會齊受魏禪。梁元帝承制於江陵。復通使於齊。陵累求復命。終拘留不遣。陵乃致書於僕射楊遵彥。遵彥竟不報書。及江陵陷。齊送貞陽侯蕭淵明爲梁嗣。乃遣陵隨還。太尉王僧辯初拒境不納。淵明往復致書。皆陵辭也。及淵明之入。僧辯得陵大喜。接待

饒遺其禮甚優。以陵爲尙書吏部郎。掌詔誥。其年高祖率兵誅僧辯。仍進討韋載。時任約。徐嗣徽乘虛襲石頭。陵感僧辯舊恩。乃往赴約。及約等平。高祖釋陵不問。尋以爲貞威將軍。尙書左丞。紹泰二年。又使於齊。還除給事黃門侍郎。祕書監。高祖受禪。加散騎常侍。左丞如故。天嘉初。除太府卿。四年。遷五兵尙書。領大著作。六年。除散騎常侍。御史中丞。時安成王瑱爲司空。以帝弟之尊。勢傾朝野。直兵鮑僧叡假王威權。抑塞辭訟。大臣莫敢言者。陵聞之。乃爲奏彈。導從南臺官屬引奏案而入。世祖見陵服章嚴肅。若不可犯。爲敘容正坐。陵進讀奏版。時安成王殿上侍立。仰視世祖。流汗失色。陵遣殿中御史引王下殿。遂勅免侍中。中書監。自此朝廷肅然。天康元年。遷吏部尙書。領大著作。陵以梁末以來。選授多失其所。於是提舉綱維。綜覈名實。時有冒進求官。誼競不已者。陵乃爲書宣示。自是衆咸服焉。時論比之毛玠。廢帝卽位。高宗入輔。謀黜異志者。引陵預其議。高宗纂歷。封建昌縣侯。邑五百戶。大建元年。除尙書右僕射。二年。遷尙書左僕射。陵抗表推周弘正。王勳等。高宗召陵入內殿。曰。卿何爲固辭此職而舉人乎。陵曰。周弘正。從陛下西還。舊藩長史。王勳。太平相府長史。張種。帝鄉賢戚。若選賢與舊。臣宜居後。固辭累日。高宗苦屬之。陵乃奉詔。及朝議北伐。高宗曰。朕意已決。卿可舉元帥。衆議咸以中權將軍淳于量位重。共署推之。陵獨曰。不然。吳明徹家在淮左。悉彼風俗。將略人才。當今亦無過者。於是爭論累日。不能決。都官尙書裴忌曰。臣同徐僕射。陵應聲曰。非但明徹良將。裴忌卽良副也。是日詔明徹爲大都督。令忌監軍事。遂克淮南數十州之地。高宗因置酒舉杯屬陵曰。賞卿知人。陵避席對曰。定策出自聖衷。非臣之力也。其年加侍中。餘並如

故七年領國子祭酒南徐州大中正以公事免侍中僕射尋加侍中給扶又除領軍將軍八年加翊右將軍太子詹事置佐史俄遷右光祿大夫餘並如故十年重爲領軍將軍尋遷安右將軍丹陽尹十三年爲中書監領太子詹事給鼓吹一部侍中將軍右光祿中正如故陵以年老累表求致仕高宗亦優之乃詔將作爲造大齋令陵就第攝事後主卽位遷左光祿大夫太子少傅餘如故至德元年卒時年七十七詔曰慎終有典抑乃舊章令德可甄諒宜追遠侍中安右將軍左光祿大夫太子少傅南徐州大中正建昌縣開國侯陵弱齡學尚登朝秀穎業高名輩文曰詞宗朕近歲承華特相引狎雖多臥疾方期克壯奄然殞逝震悼於懷可贈鎮右將軍特進其侍中左光祿鼓吹侯如故并出舉哀喪事所須量加資給謚曰章陵器局深遠容止可觀性又清簡無所營樹祿俸與親族共之大建中食建昌邑邑戶送米至於水次陵親戚有貧匱者皆令取之數日便盡陵家尋致乏絕府僚怪而問其故陵云我有車牛衣裳可賣餘家可賣不其周給如此少而崇信釋教經論多所精解後主在東宮令陵講大品經義學名僧自遠雲集每講筵商較四座莫能與抗目有青睛時人以爲聰慧之相也自有陳創業文檄軍書及禪授詔策皆陵所製而九錫尤美爲一代文宗亦不以此矜物未嘗詆訶作者其於後進之徒接引無倦世祖高宗之世國家有大手筆皆陵草之其文頗變舊體緝裁巧密多有新意每一文出手好事者已傳寫成誦遂被之華夷家藏其本後逢喪亂多散失存者三十卷有四子儉

南史儉一名報諫書云儉一名崇非份儀儉

# 徐孝穆集目錄

## 卷一

鴛鴦賦

中婦織流黃

隴頭水

關山月二首

長安道

紫駟馬

烏棲曲二首

長相思二首

走筆戲書應令

奉和詠舞

山齋

侍宴

聽馬驅

出自薊北門行

折楊柳

洛陽道二首

梅花落

劉生

雜曲

同汪詹事登宮城南樓

春情

和簡文帝賽漢高帝廟

詠柑

奉和山池

山池應令

別毛永嘉

秋日別庾正員

新亭送別應令

和王舍人送客未還閨中有望

爲羊兗州家人答餉鏡

詠織婦

內園逐涼

鬪雞

詠日華

詠雪

春日

奉和簡文帝山齋

勸進梁元帝表

讓五兵尙書表

讓散騎常侍表

讓左僕射初表

讓右僕射初表

爲王儀同致仕表

爲始興王讓琅邪二郡太守表

爲護軍長史王質移文

移齊文

檄周文

安成王讓錄尙書表後啓

謝敕賚燭盤賞答齊國移文啓

謝敕賜祀三皇五帝餘饌啓

謝兒報坐事付治中啓

謝賚鷹啓

謝東宮賚蛤蜊啓

謝賚蛤啓



卷二

爲貞陽侯與太尉王僧辯書

爲貞陽侯答王太尉書

爲貞陽侯重與王太尉書

爲貞陽侯答王太尉書

爲貞陽侯重答王太尉書

又爲貞陽侯答王太尉書

爲貞陽侯與陳司空書

爲貞陽侯重與裴之橫書

爲貞陽侯與荀昂兄弟書

在北齊與楊僕射書

在北齊與宗室書

卷三

在北齊與梁太尉王僧辯書

與王吳郡僧智書

答李願之書

爲陳武帝作相時與北齊廣陵城主書

爲陳武帝作相時與嶺南酋豪書

爲陳武帝與周宰相書

爲陳主與周冢宰宇文護論邊境事書

爲陳主答周主論和親書

在吏部尙書答諸求官人書

同前

答周處士書

與章司空昭達書

重答朝臣書

薦陸瓊書

報尹義尚書

與李那書

與顧記室書

答族人梁東海太守長孺書

諫仁山深法師罷道書

與智顛書三首

五願上智者禪師書

卷四

玉臺新詠序

司空徐州刺史侯安都德政碑

廣州刺史歐陽頎德政碑

晉陵太守王勣德政碑

丹陽上庸路碑

孝義寺碑

齊國宋司徒寺碑

長干寺衆食碑

卷五

東陽雙林寺傅大士碑

天台山徐則法師碑

皇太子臨辟雍頌

太極殿銘

報德寺刹下銘

麈尾銘

陳文帝哀策文

司空章昭達墓志

河東康簡王墓志

裴使君墓志

卷六

陳武帝卽位詔

陳公九錫詔

陳文帝登祚尊皇太后詔

爲陳武帝卽位告天文

陳公九錫文

梁禪陳璽書

梁禪陳詔

進陳武帝爲長城公詔

封始興王詔

梁禪陳策文

陳武帝下州郡璽書

附備考

徐孝穆集卷之一

清 吳江吳兆宜顯令箋注

賦

鴛鴦賦

飛飛兮海濱。去去兮迎春。炎皇之季女。〔漢張良傳注〕師古曰。赤松子。仙人號也。神農時為雨師。服水土。教神農。詔入火自燒。至崑山上。嘗止西王母石室。隨風雨上下。炎帝少女追之。亦得仙去。織素

之佳人。〔古詩〕。新人工織練。故人工織素。織練日一匹。織素五丈餘。將練來比素。新人不如故。未若宋王之小史。合情而死。〔列異傳〕。宋康王理豫。鴻夫妻。宿夕。文梓生有鴛鴦。雌雄各一。恆栖樹上。晨夕交頸。

憶少婦之生離。恨新婚之無子。〔玉臺新詠〕。漢建安中。焦仲卿妻劉氏。為仲卿母所遣。其家逼嫁。沒水。仲卿亦縊。人哀之。為詩云。中有雙飛鳥。自名為鴛鴦。既交頸於千年。亦相隨

於萬里。山雞映水那自得。〔異苑〕。山雞愛其毛羽。映水則舞。孤鸞照鏡不成雙。〔范泰鸞鳥詩序〕。昔罽賓王。結罽陵卵之山。獲一鸞鳥。王甚愛之。三年不鳴。其夫人曰。嘗聞鳥見其類而後鳴。何不照

鏡以映之。鸞覩影。恐鳴而絕。天下真成長合會。無勝比翼兩鴛鴦。觀其晬吭浮沈。〔左思蜀都賦〕。輕軀淺瀾。〔張衡南都賦〕。拂

苻戲而波散。排荷翻而水落。特訝鴛鴦鳥。長情真可念。許處勝人多。何時肯相厭。聞道鴛鴦一鳥名。教人如有逐春情。不見臨邛卓家女。祇爲琴中作許聲。

〔玉臺新詠琴歌序〕相如遊臨邛。富人卓王孫。有女文君。新寡。竊於壁間窺之。相如鼓琴。歌以挑之。其歌曰。同緣交頸爲鴛鴦。胡顏頰兮共

翔。翔。

### 樂府

#### 聽馬驅

白馬號龍駒。〔晉陸雲傳〕閩鴻見而奇之。曰此兒若非龍駒。定是鳳雛。雕鞍名鏤衢。〔三輔決錄〕平陵公孫奮。富聞京師。梁莫知奮儉。以鏤衢鞍遺奮。從貨五千萬。諸兄二千石。〔後漢書〕徐樹毅曰。

吏傳〕秦彭。字伯平。扶風茂陵人也。六世祖襲。爲潁川太守。與羣從同時爲二千石者五人。故三輔號曰萬石秦氏。小婦字羅敷。〔古樂府〕秦氏有好女。自言名羅敷。倚窗輕掃史。一作吏。未詳。〔漢書〕魏勃少時。欲求

見齊相曹參。家貧。無以自通。乃常獨早掃。齊相舍人門外。舍人怪之。以爲物而伺之。得勃。於是舍人見勃。曹參因以爲舍人。言之悼惠王。拜爲內史。召募擊休屠。〔漢書〕去病傳。上曰。票騎將軍。收休屠王祭天金人。塞外多風雪。

城中絕詔書。空憶長楸下。〔曹植名都篇〕連蹀復連蹀。〔文君白頭吟〕今日斗酒會。明日澆水頭。蹀。踐御溝上。澆水東西流。按蹀音鋪。馬蹀跡也。

#### 中婦織流黃

〔玉臺新詠古樂府相逢行〕曰大婦織羅綺。中婦織流黃。小婦無所作。挾瑟上高堂。

落花還一作飛

井上春機當戶前。帶衫行幃口。覓劍枕檀

一作入理

邊數鐸

疑作

經無亂

〔魏志〕舊綾機五十綜者五十。六十綜者六十。扶風馬鈞患

其表功費日皆易以十二躡

新蠶緯易牽

〔古今注〕蠶雖一名催織。一名絡緯。催織謂鳴聲如急織。絡緯謂其聲如紡績也。

蜘蛛夜伴織

〔張協雜詩〕蜘蛛網四屋

百舌曉驚眠

〔易緯通卦〕百舌

者反舌鳥也。能反覆其舌。隨百鳥之音

封用黎陽土

〔東觀漢記〕鄧訓故吏知訓好青泥封書。從黎陽步推鹿車。過易陽。載青泥一襆。道訓

書因計吏船

〔揚雄答劉歆書〕天子上計孝廉會者。雄嘗提三寸弱翰筆。以問其異

欲知夫壻處

〔古樂府〕東方千餘騎。夫壻居上頭

今督水衡錢

〔漢書〕本始二年春。以水衡錢爲平陵徙民起第宅。〔注〕應劭曰。水衡與少府皆天子私藏

出自薊北門行

〔樂府遺聲〕都邑三十四曲。有出自薊北門行。〔鮑昭出自薊北門行〕〔注〕薊故燕國

薊北聊長望。黃昏心獨愁

〔屈原離騷〕曰黃昏以爲期

燕山對古刹。代郡隱

一作倚

城樓。屢戰橋恆斷。長冰壅不流。天雲如地

陣。漢月帶胡秋。漬土泥函谷

顧有孝曰。〔後漢魏黨傳〕王元曰。元請以一丸泥爲大王東封函谷關

按繩縛涼州

朱鶴齡曰。〔漢西域傳〕烏秬國。其西則有縣度縣。度者石山也。谿谷不通。以繩索相引

而度云

平生燕領相。會自得封侯

〔後漢班超傳〕相者指曰。生燕領虎頭。飛而食肉。此萬里侯相也。後以西域五十餘國。悉皆納質。封定遠侯

隴頭水

〔崔豹古今注〕橫吹。胡樂也。張騫入西域。傳其法。唯得摩訶兜勒一曲。李延年因造新聲二十八解。魏晉以來不存。見用黃鶴隴頭折楊柳等十曲

別塗聳千仞，離川懸百丈。攢荆夏不通，積雪冬難上。枝交隴底暗。

〔漢地理志〕隴西郡〔注〕應劭曰：有隴坻在其西也。

石礙波前響，回

首咸陽中。

三輔黃圖：秦孝公始都咸陽，咸陽在九嶷山渭水北，山水俱在南，故名咸陽。

唯言夢時往。

折楊柳

嫋嫋河堤樹。

〔漢溝洫志〕哀平初，平當使領河堤。〔張衡西京賦〕周以金堤，樹以柳杞。

依依魏主營。

徐爛曰：〔魏文帝集〕柳賦序云：昔建安五年，上與袁紹戰於官度，時余始植斯柳，自彼迄今，十有五載矣。感物傷懷，乃作斯

賦。

江陵有舊曲，洛下作新聲。

未詳。按〔晉書〕謝安石能爲洛下書生詠。

妾對長楊苑。

〔三輔黃圖〕長楊樹在長楊宮。秋冬較獵其下，天子登此以觀。

君登高柳城。

〔後漢書〕

帝紀：護烏桓校尉出高柳。

春還應共見，蕩子太無情。

〔枚乘雜詩〕昔爲倡家女，今爲蕩子婦。

關山月二首

〔樂府解題〕關山月，傷別離也。

關山三五月。

張尙媛曰：〔禮記〕月三五而盈，三五而闕。

客子憶秦川，思婦高樓上。當窗應未眠，星旗映疎勒。

〔晉書〕左旗九星在河鼓兩旁，右旗亦如之。河鼓

居中。〔後漢耿恭傳〕恭以疎勒城旁有瀘水可固，乃引兵據之。

雲陣上祁連。

〔漢書注〕師古曰：天山卽祁連山也。匈奴謂天爲祁連。

戰氣今如此，從軍復幾年。

月出柳城東。微雲掩復通。蒼茫縈白暈。〔漢書〕高帝七年。月暈圍參畢七重。是歲高皇帝爲冒頓所圍。七日乃解。蕭瑟帶長風。羌兵燒上郡。胡騎獵

雲中。〔漢五行志〕文帝後六年。匈奴大入上郡。雲中。燒火通長安。將軍擁節起。戰士夜鳴弓。

洛陽道二首 〔玉臺新詠〕梁簡文帝。元帝樂府題。皆有洛陽道。

綠柳三春暗。紅塵百戲多。〔後漢安帝紀〕延平元年。罷魚龍曼延百戲。東門向金馬。〔張瑩漢南記〕馬援奏曰。武帝時。善相馬者。鑿作銅馬法。獻之。有詔立馬於魯班門外。則更名曰金馬門。南陌

接銅駝。〔洛陽記〕兩銅駝在宮之南街。東西相向。高尺。洛陽人謂之銅駝街。華軒翼葆吹。〔江淹詩〕許史乘華軒。〔說文〕軒。曲轡。轎車也。〔蜀志〕先主少時。戲言。吾必當乘此羽葆蓋車。飛蓋響鳴珂。

〔通俗文〕馬勒飾曰珂。〔本草〕珂。貝類。皮黃黑而骨白。可爲馬飾。生南海。〔曹植公議詩〕清夜遊西園。飛蓋相追隨。連手策繞投之。以果滿車而歸。

洛陽馳道上。〔漢賈山傳〕秦爲馳道於天下。道廣五十步。三丈而樹。厚築其外。隱以金椎。樹以青松。〔三輔黃圖〕蔡邕曰。馳道。天子所行道也。春日起塵埃。濯龍望如霧。〔後漢馬皇后紀〕太后詔曰。

前過濯龍門上。見外家問起。居者車如流水。馬如游龍。河橋渡似雷。〔晉書〕杜預以孟津渡險。請建河橋於富平津。聞珂知馬蹀。見傍聽見薨開。〔儀制令〕諸車一品。青油。通轡。朱裏。朱絲絡。網。



三品以上青通幃。朱裏。五品以上青偏幃。碧裏。六品以下皆不得用幃。〔謝惠連雪賦注〕。葦屋棟也。相看不得語。密意眼中來。

長安道

〔玉臺新詠〕。庾肩吾有賦得橫吹曲。長安道。

輦道乘雙闕

〔三輔黃圖〕。武帝作建章宮。宮在未央宮西。長安城外。帝於未央宮營造日廣。以城中為小。乃於宮西。跨城池作飛閣。通建章宮。構輦道以上下。〔古歌云〕。長安城西有雙闕。英雄被五都。〔尹文子〕。魏王得玉召。

玉工相之。工曰。此無價以。橫橋象天漢。〔三輔黃圖〕。秦始皇兼天下。都咸陽。渭水貫都。以象天漢。橫橋南渡。以法牽牛。法駕應坤圖。疑作輿。〔三輔黃圖〕。南簿。天子出車。輦次第。謂之南簿。有大駕有。

法駕。有小駕。大駕則公卿奉引。大將軍參乘。太僕御。屬車八十一乘。作三行。尚書御史乘之。備千乘萬騎。出長安。郊祠天於甘泉。備之。百官有其儀。注名曰甘泉園簿。法駕。京兆尹奉引。侍中參乘。奉車郎御。屬車三十六乘。北郊明堂。則省副車。小車。祠宗廟用之。〔繁辭〕。坤

為大。韓康賣良藥。〔後漢逸民傳〕。韓康字伯休。嘗采藥名山。賣於長安市。口不二價。董偃嚮明珠。〔漢東方朔傳〕。董偃與母以賣珠為事。偃年十三。隨母出入主家。誼誼擁車騎。非但執

金吾。〔後漢百官志〕。執金吾一人。中二千石。〔注〕。胡廣曰。衛尉巡行宮中。則金吾徵於外。相為表裏。以擒姦討猾。

梅花落

〔鮑昭吳均江總樂府題〕。皆有梅花落。

對戶一株梅。新花落故栽。燕拾還蓮井。

〔風俗通〕。殿堂象東井形。刻作荷菱。荷菱水物也。所以厭火。風吹上鏡臺。〔魏武雜物疏〕。鏡臺出魏宮中。有純銀參帶鏡臺一。純銀七子貴人公。

主鏡 倡家怨一作愁 思妾樓上獨裴回 啼看竹葉錦龍輔女紅餘志云桓器女字女幼製綠錦衣帶作竹葉樣遠視之無二

帝冬曉詩一作簪 罷未能裁義同

紫駟馬樂府鼓角橫吹十

玉鏡繡纏髮齊武帝諸子傳盧陵王子勰作銀鏡金薄 金鞍錦覆幪徐樹敏曰初學記宋劉義恭啓賜臣供

未起揚雄羽獵賦 草淺埽猶空晉書王濟 角弓連一作穿 兩兔詩駉 珠彈落雙鴻呂氏春秋以隋侯之

日斜馳逐罷 連翩還上東

劉生

劉生殊倜儻漢禮樂志 任俠徧京華漢游俠傳郭解 戚里驚鳴筑漢書高祖召石奮師為美人徙其家長安

揚威加海內 兮歸故鄉 平陽吹怨笳未詳按馬融長笛賦序融獨臥 俗儒排左氏漢儒林傳劉歆自左氏春秋可立

相孔光爲言左氏以求助。光卒不肯。〔後漢賈逵傳〕侍中劉歆欲立左氏。不先暴論大義。而輕移太常。恃其義長。詆挫諸儒。諸儒內懷不服。相與排之。號當隨漢廢。以奉天命。高才被擯。壓自古共憐嗟。

新室忌漢家。

〔漢元后傳〕王諫欲詔莽。上書言。皇天廢去漢。而命立新室。太皇太后不宜稱尊。

烏棲曲二首

〔樂錄〕烏棲曲者。鳥獸二十一曲之一也。

卓女紅妝期此夜。

見篇。鴛賦。

胡姬酌酒誰論價。

吳兆宮曰。〔辛延年羽林郎詩〕胡姬年十五。春日獨當壚。

風流荀令好兒郎。偏能傅粉復熏香。

〔世說〕劉季和嘗言。苟令君至人家。坐處嘗三日香。見〔襄陽記〕。

繡帳羅帷隱燈燭。一夜千年猶不足。惟憎無賴汝南雞。天河未落猶爭啼。

〔後漢百官志〕〔注〕〔蔡實漢儀〕。衛士甲乙微相傳。甲夜單傳。乙夜相傳。

盡五更。衛士傳言五更未明。三刻後雞鳴。衛士踵丞即趨殿上。盡不畜宮中。雞汝南出。雞鳴。衛士候朱雀門外。當傳雞鳴於宮中。

雜曲

徐樹聲曰。〔陳后妃傳〕後主自居臨春閣。張貴妃居結綺閣。龔孔二貴嬪居望仙閣。並覆道。交相往來。以宮人有文學者。袁大捨等爲女學士。後主每引賓客對貴妃等游宴。則使諸貴人及女學士與狎客共賦新詩。采其尤麗麗者。以爲曲調。

宮女有容色者。歌之。其曲有玉樹後庭花。臨春樂等。大抵所歸。皆美張貴妃孔貴嬪之容色。

傾城得意已無儔。洞房連閣未消愁。〔漢李延年歌〕傾城復傾國，佳人難再得。〔後漢梁冀傳〕堂寢皆有陰陽，奧室連房洞戶。宮中本造鴛鴦殿。〔飛燕外傳〕帝居鴛鴦殿便

房。省帝靈。嬖上簿。嬖因進言飛燕有女弟。合德美容體。性純粹。可信不與飛燕比。〔三輔黃圖〕楊震關輔。古語云。長安民俗謂鳳皇閣為貞女樓。綠黛紅顏兩相發。千嬌百念

情無歇。舞衫回袖勝春風。歌扇當窗似秋月。碧玉宮伎自翩妍。〔樂府〕有情人碧玉歌。一云。劉碧玉。宋汝南王妾。絳樹新聲最可憐。〔魏文帝

集答繁欽書。〕今之妙舞莫巧於絳樹。張星舊在天河上。〔天官書注。星經云。〕柳星。張周之分野。三河也。從來張姓本連天。〔諸舉記。〕天翁姓張。名堅。字刺滂。瀛陽人。〔漢張放傳。〕放取皇后弟平恩侯許

嘉女。上為放供張。賜甲第。充以乘輿服飾。號為天子取婦。皇后嫁女。大官私官。並供其第。兩宮使者冠蓋不絕。〔宋玉招魂。〕二八八年時不憂度。〔齊容起鄭舞些。〕旁邊得寵誰相妒。立春歷日

自嘗新。〔晉禮志。〕大史。每歲上年歷。立春讀五時令。服各隨其方色。帝御座。尚書已下就席。讀訖。賜酒一卮。正月春幡底須故。〔續漢書。〕立春之日。夜漏未盡五刻。京都百官皆衣青。立春幡。施土牛。耕人於門外。流

蘇錦帳。挂香囊。織成羅幌。隱燈光。〔晉鬱虞決疑要注。〕天子帳。流蘇為飾。〔古詩。〕紅羅覆斗帳。四角垂香囊。只應私將琥珀枕。〔吳兆壽曰。宋武帝紀。〕寧州管獻琥珀枕。光色甚麗。價

盈百金。冥冥來上珊瑚牀。〔本草。〕珊瑚似玉。紅潤。生海底。盤石上。一歲黃。三歲赤。海人先作鐵網。沈水底。貫中而生。絞網出之。失時不取則腐。

長相思二首 〔樂府〕怨思二十  
五曲其一曰長相思

徐孝穆集 卷一

長相思。望歸難。傳聞奉詔成泉蘭。〔漢書去病傳〕驍驁下師古曰泉蘭山名。龍城遠。〔漢書〕將軍衛青出上谷至龍城。鴈門寒。〔山海經〕鴈門山者鴈飛出於其間。愁來

瘦轉劇。衣帶自然寬。〔枚乘雜詩〕相去日已遠。衣帶日已緩。念君今不見。誰為抱腰看。〔玉臺新詠〕惠帝時童謠曰。鄴中女子莫千妖。前至三月抱胡腰。

長相思。好春節。夢裏恆啼悲不洩。帳中起。窗前髻。柳絮飛還聚。〔本草經〕遊絲斷復結。〔沈約詩〕遊絲映空轉。欲見洛

陽花。〔董橋繞詩〕洛陽城東路。桃李生路旁。花花自相對。葉葉自相當。如君隴頭雪。

詩

同汪詹事登宮城南樓

元良屬上德。率士被中孚。〔書〕一人元良。萬邦以貞。〔老子〕上德不德。〔詩〕率士之濱。莫非王臣。中孚見〔周易〕。漢幄朝無怠。〔東觀漢記〕時明帝年十二在幄後。周門夕復

趨。〔文王世子〕文王之為世子。朝於王季日三。雞初鳴。而衣服至於寢門外。問內豎之御者曰。今日安否。何如。內豎曰安。文王乃喜。及日中。又至。亦如之。及莫。又至。亦如之。桓經既受業。〔後漢書〕孝明皇帝。光武第四子。十九年立為皇太子。

師事博士桓榮。學尚書。賀拜且尊儒。〔晉書〕賀循世為儒宗。除太子太傅。命皇太子親往拜之。壯志諧風雅。高文會斗樞。〔西京雜記〕揚子雲曰。鷹隼之下。朝廷之中。高文典冊。用相如。鏗鏘

叶舞蹈。照爛等瓊瑜。河水慙雄伯。漳川仰大巫。

〔吳書〕張紘見陳琳作武軍賦。歎之。琳答曰。僕在河北。少文人。易為雄伯。故使僕有此談。今足下子布在彼。所謂小巫見大巫。神氣癡矣。

鮑

魚寧入俎。〔賈誼書〕文王使太公望傳太子發。嗜鮑魚。公不與。曰。鮑魚不登俎。豈有非禮而可養太子哉。

釣鼈匪充廚。

〔晉潘尼集鼈賦序〕皇太子遊於玄圃。遂命釣魚。有得鼈而獻之者。令侍臣賦之。

叔譽恆詞

屈。〔汲冢周書〕晉平公使叔譽聘於周。見晉太子。與之言。五稱而三窮。

防年疑作

豈濫誅。

〔後漢馬援傳〕援謂司馬呂種曰。國家諸子並壯。而奮防未立。則多通責。客則大獄起矣。後帝收捕諸王賓客。更相牽引。死者以千數。種亦豫其禍。

走筆戲書應令

此日乍殷勤。〔繁欽定情詩〕何以致殷勤。

相嫌不如春。今宵花燭淚。非是夜迎人。

〔何遜看新婚詩〕何如花燭夜。輕扇掩紅妝。

舞席秋來卷。歌筵無

數塵。曾經新代故。那惡故迎新。片月窺花簾。

〔南史王搢傳〕尚書令王儉。嘗集才學之士。搢校虛實。類物隸之。謂之隸事。唯盧江何憲為勝。乃賞以五花簾。白團扇。

輕寒入錦巾。

吳任臣曰。〔魏武帝紀注〕傅子曰。漢末王公。多委王服。以幅巾為雅。是以袁紹。崔豹之徒。雖為將帥。皆著練巾。魏太祖以天下凶荒。資財匱乏。擬古皮弁。裁練帛以為輪。合於易簡隨時之義。以色別其實賤。於今施行。可謂軍容。非國容也。

秋來應瘦盡。

偏白著腰身。

春情

風光今日動。雪色故年殘。薄夜迎新節。營壘卻晚寒。奇

一作

香分細霧。一作

石炭擣輕紈。竹葉裁衣帶。

見樂府。

梅花奠酒盤。未詳按〔四時寶鏡〕立春日春餅生柔餅春盤。年芳袖裏出。春色黛中安。欲知迷下蔡。〔宋玉登徒子好色賦〕嫣然一笑惑陽城迷下蔡。先將遇上

蘭。〔三輔黃圖〕上林苑有上蘭宮。

奉和詠舞。〔玉臺新詠〕梁簡文帝詠舞詩。戚里多妖麗。重聘滅秦余。逐節工新舞。嬌態似凌虛。納花承灑。垂翠逐瓊舒。扇開衫影亂。巾度履行疎。徒勞交甫憶。自有喜城居。

十五屬平陽。因來入建章。主家能教舞。〔漢衛皇后傳〕后字子夫。子夫為平陽主。主者既飲。謳者進。帝獨說于夫。主因奏于夫。送入宮。城中巧畫妝。〔後漢馬援傳〕長安語曰。城中好

高髻。四方高一尺。城中好廣眉。四方且半額。城中好大袖。四方全匹帛。低鬟向綺席。〔漢郊祀志注〕師古曰。〔漢舊儀云〕祭天用六綵。綺席六重。用玉几玉飾器。凡七十。女樂。即〔禮樂志〕所云使童男童女俱歌也。舉袖拂花

黃燭送空回。一作雷邊。影衫傳篋裏。香當絲好留客。故作舞衣長。〔景差大招〕長袖拂面。善留客只。

和簡文帝賽漢高帝廟。〔原注〕聲偶作徐。詩集作庚。肩音。並誤。尚瑗曰。〔梁簡文帝集〕漢高帝賽神詩。〔玉軾朝行〕勳。闔闔且應開。白雲蒼梧上。丹鳳咸陽來。日正江無影。城斜漢屢回。騰流知地脈。望領匹天台。欲結

九愁恨。聊舉十千杯。

山宮類牛首。〔三輔黃圖〕牛首池在上林苑中西頭。漢寢若龍川。〔漢地理志〕南海郡龍川縣。〔注〕義氏廣州記。〔本〕博羅縣之東鄉也。有龍穿地而出。即穴流泉。因以為號。玉筯無秋耐。〔張翥〕酒賦。

中山夏啓。醉耐秋發。金燈滅夜煙。〔後漢〕李尤。有金羊燈銘。丹帷迫靈嶽。未詳。紺席下羣仙。徐樹屏曰。〔漢舊儀〕皇帝自行。羣臣從齋。皆百

沛筑響。欽低戚舞妍。陳銳曰。〔西京雜記〕高帝戚夫人善鼓瑟擊筑。帝常擁夫人倚瑟而絃歌。畢每泣下流漣。夫人善爲翹袖折腰之舞。歌出塞入塞望歸之曲。聲入雲霄。何殊后廟裏。子建作華

篇。〔魏曹植集漢高帝贊〕屯雲斬蛇。靈母告祥。朱旗既抗。九野披攘。禽嬰克羽。掃滅英雄。承機帝世。著功武湯。

山齋

桃源驚往客。〔晉陶潛集〕有桃花源記。詳與宗室書。鶴嶠斷來賓。〔會稽記〕射的山南有白鶴山。此鶴爲仙人取箭。漢太尉鄭弘嘗采薪得一箭。頃有神人至。問何所欲。弘曰。嘗患若邪溪載薪爲難。願旦南風暮北風。後果然。

復有風雲處。蕭條無俗人。山寒微有雪。石路本無塵。竹徑蒙籠巧。茅齋結構新。燒香披道記。〔後漢襄楷傳注〕南陽張津。

爲交州刺史。常著絳柏頭鼓琴。焚香讀邪俗道書。云以助化。懸鏡厭山神。〔抱朴子〕道士以明鏡九寸懸於背。老魅不敢近。砌水何年溜。簷桐幾度春。雲霞一已絕。寧辨漢

將秦。

詠柑 〔藝文初學〕並作徐陵。乃劉孝綽舊集載此。或誤收也。

徐孝穆集 卷一



朱實挺江南。包品擅珍淑。〔張衡西京賦〕朱實離離。〔禹貢〕揚州厥包橘柚錫貢。上林雜嘉樹。〔西京雜記〕初修上林苑。羣臣遠方各獻名果異樹。江潭間修竹。〔東方朔七諫〕便

婿之修竹。寄生於江潭。〔漢貨殖傳〕蜀漢江陵千樹橘。涪川千畝竹。此其人與千戶侯等。〔吳志〕李衡遣客於武陵龍陽沅州上作宅。種甘橘千株。較兒曰。有木奴千頭。不責汝衣食。歲上一匹絹。

綠葉萎以布。〔左思吳都賦〕布護翠澤。素榮芬且郁。得陳終宴歡。良垂雲雨育。

侍宴

園林才有熱。夏淺更勝春。嫩竹猶含粉。初荷未聚塵。承恩預下席。應阮獨何人。〔魏王粲傳〕文帝為五官將。及平原侯植。皆好文學。粲與北海徐

幹字偉長。廣陵陳琳字孔璋。陳留阮瑀字元瑜。汝南應瑒字德璉。東平劉楨字公幹。並見友善。

奉和山池。〔梁簡文帝有山池詩〕日暮芙蓉水。聊登鳴鶴舟。飛簾飾羽葺。長幔覆棹油。停輿依柳息。住蓋影空留。古樹橫臨沼。新藤上挂樓。游魚向暗集。戲鳥逗槎流。

羅浮無定所。〔後漢郡國志〕〔南海郡博羅縣〕〔注〕有羅浮山。自會稽浮往博羅山。故置博羅縣。鬱島屢遷移。未詳。按〔魏志〕關原將家屬入海。住鬱林洲山中。不覺因風雨。何時入

後池。樓臺非一勢。臨翫自多奇。〔楚辭〕層臺累榭臨高山。雲生對戶石。猿挂入欄枝。

山池應令

畫舸圖仙獸

陳啓源曰。晉書。王濬畫鷁首怪獸於船首以懷江神。

飛艫挂采旂

左傳。楚大敗吳師。獲其乘舟餘皇。顏延之詩。祥麟被綵旂。注。綵旂。旗名。

榜人事金漿

曹植朔風詩。誰

忘沉舟。媿無榜人。

注。刺船之人也。

釣女飾銀鉤。細萍時帶楫。低荷乍入舟。猿啼知谷晚。蟬咽覺山秋。

別毛永嘉

英華。作別毛尚書。鏡曰。南史。毛喜字伯武。梁陽武人也。魏平江陵。喜與宣帝俱遷長安。及宣帝即位。歷丹陽尹。吏部尚書。委政於喜。益見親重。喜言無回避。時皇太子好酒德。喜常言之。宣帝太子遂衛之。即位後。移見

殊遠。至德元年。

授永嘉內史。

願子厲風規。歸來振羽儀。嗟余今老病。此別空長離。白馬君來哭。

後漢范滂傳。張劭喪。至塋將望。而滂不肯進。見有素車白馬。號哭而來。其母曰。是必范巨卿也。

黃泉我詎知。

釋奠挽歌。朝發高堂上。莫宿黃泉下。陸機挽歌。呼子子不聞。泣子子不知。

徒勞脫寶劍。空挂隴頭枝。

列士傳。延陵季子解寶劍挂徐君墓柏樹。

秋日別庾正員

藝文。作張正見。

征途愁轉旆。連騎慘停鑣。朔氣凌疎木。江風送上潮。青雀離帆遠。

古詩。青雀白鷺紡。

朱鷺別路遙。

後漢郡國志。交趾郡十二城。一名朱

惟<sup>高</sup>有當秋月。夜夜上河橋。見樂府。

新亭送別應令

晉祖遜傳。晉時南渡。過江人士新亭飲宴。

風吹臨伊水。時駕出河梁。野燎村田黑。江秋岸荻黃。隔城聞上鼓。迴舟隱去檣。神襟愛一作遠別。流睇極

清漳。地志。漳水。一出上黨沾縣大阻谷。名清漳。一出上黨長子縣鹿谷山。名濁漳。

和王舍人送客未還閨中有望

倡人歌吹罷。對鏡覽紅顏。拭粉留花稱。疑作勝。北堂書鈔釋名。花勝言著之則勝。御覽。金勝一名金稱。除釵作小鬟。釋名。釵。枝也。因形名之也。綺燈停不

滅。高扉掩未關。良人在何處。光惟見月還。

爲羊兗州家人答餉鏡

光齋曰。南史羊侃傳。侃字祖忻。泰山梁父人也。魏正光中。爲征東大將軍。東道行臺領泰山太守。初其父社。恆使侃南歸。侃至是將舉濟河以成先志。魏帝聞之。使授侃驃騎大將軍。司徒。泰山郡

公。長爲兗州刺史。侃斬其使。大同三年。至建鄴。授徐州刺史。累遷侍中。都官尚書。侃性奢侈。姬妾列侍。窮極奢靡。有彈琴人陸大喜。著鹿角爪。長七寸。舞人張靜琬。腰圍一尺六寸。時人咸推能掌上儻。又有孫荊玉。能反腰帖地。銜得席上玉簪。救饑人

王娥兒東宮亦養歌者屈偶之並妙盡奇曲一時無對

信來贈寶鏡。亭亭似團月。鏡久自逾明。人久情逾歇。取鏡挂空臺。于今莫復開。不見孤鸞鳥。香魂何處來。

見麗  
書賦

詠織婦

織織運玉指。脈脈正蛾眉。振躡開交縷。見樂府停梭續斷絲。光宮曰。吳苑。陶侃嘗漁雷澤得一織梭。簷前初月照。洞戶朱帷垂。一作未垂

帷。弄機行掩淚。彌令織素遲。見麗書賦

內園逐涼

昔有北山北。樹穀曰。後漢逸民傳。法真字高卿扶風人也。太守請見。欲任以功曹。真曰。以明府見待。有禮故敢自同賓末。若欲吏之。真將在北山之北。南山之南矣。今余一作來東海東。見本傳納涼高樹

下。直坐落花中。狹徑長無迹。茅齋本自空。提琴就竹篠。酌酒勸梧桐。

鬪雞

徐孝穆集 卷一

季子聊為戲〔左傳〕季郈之雞鬪季氏介其雞郈氏為之金距平子怒

陳王欲聘才〔藝文類聚〕魏陳思王植有鬪雞詩

花冠已衝力〔南越志〕雞冠四開如蓮花鳴聲清徹

芥爪復

驚媒鬪鳳羞衣錦兆審曰〔郡中記〕錦署有鳳皇錦

雙鸞恥鏡臺見鸞鸞賦

陳倉若有信為覓寶雞來

〔晉太康地志〕秦文公時陳倉人獲得獸如鷄不知名率以獻之遂二

童子童子曰此名為媚媚亦語曰二童名陳寶得雄者王得雌者霸陳倉人乃逐之化為雌雉上陳倉北阪為石秦廟之

詠日華

朝暉爛曲池夕照滿西陂復有當晝景江上鏤光儀時從高浪歇乍逐細波移一在雕梁上

〔梁武帝碧玉歌〕杏梁日始

照詎比扶桑枝〔淮南子〕日拂於扶桑

詠雪

瓊林玄圃葉〔淮南子〕崑崙山中有晉城九重有珠樹玉樹

桂樹日南華〔廣志〕桂出合浦冬夏常青其類自為林間無雜樹交趾置桂園

豈若天庭瑞〔揚雄劇秦美新〕上天庭

輕雲

帶風斜三農喜盈尺〔謝惠連雪賦〕盈尺則呈瑞於豐年

六出儂崇花〔韓詩外傳〕凡草木之花多五出雪花獨六出

明朝闕門外應見海神車樹屏曰〔金匱〕

武王伐紂都洛邑。雨雪十餘日。深丈餘。甲子平旦。有五丈夫。乘五車。從兩騎。止門外。尙父告武王曰。五車兩騎。四海之神。與河伯兩師耳。

春日

岸煙起暮色。岸水帶斜暉。徑狹橫枝度。簾搖驚燕飛。落花承步履。吳光寬曰。釋名。履。禮也。飾足以爲禮。流澗寫行衣。何殊九枝

蓋薄暮洞庭歸。未詳。

春和簡文帝山齋

〔梁簡文帝集山齋詩。〕玲瓏繞竹澗。間關通檻藩。缺岸新成浦。危石久爲門。北榮下飛桂。南柯吟夜猿。暮流澄錦壑。晨沐照彩鸞。

架嶺承金闕。飛橋對石梁。竹密山齋冷。荷開水殿香。山花臨舞席。水影照歌牀。闕。

表

勸進梁元帝表

〔梁書。〕大寶二年五月。湘東王繹。命王僧辯等。東擊侯景。十月。太宗崩。侯景僭位。其明年二月。王僧辯平侯景。奉表勸進。答曰。淮海長鯨。雖云授首。滬陽短狐。未全革面。太平玉燭。爾乃議之。五月。司空南平王恪等復勸

進。湘東王猶不受。八月。兼散騎常侍。聘魏使徐陵。於鄴奉表勸進。九月。四方征鎮王公。卿士復勸稱尊號。猶謙讓未許。表三上。乃從之。十一月丙子。卽皇帝位於江陵。詔改太清六年爲承聖元年。

徐孝穆集 卷一

臣聞封唐有聖還承帝學之家。〔帝王世紀〕帝嘗崩。擊於兄弟最長。得登帝位。封異母弟放勳為唐侯。後政微弱。而唐侯德盛。乃造唐而致禪。居代維賢。終纂高皇之祚。〔漢書〕

諸呂既誅。諸大臣謀曰。代王。高帝子最長。仁孝寬厚。乃迎立之。〔漢書〕無為稱於革鳥。〔漢書〕帝身衣弋絺之衣。履革鳥。〔漢書〕至治表於垂衣。〔繫辭〕黃帝堯舜。而撥亂反

正。非間前古。〔漢高帝紀〕羣臣曰。帝撥亂世反之正。至如金行重作。〔晉五行志〕董養曰。白者金色。國之行也。〔中興書〕有晉金行。奄君四海。源出東莞。〔晉書〕元帝父瑒。邪

武帝踐祚。封東莞郡王。炎運猶興。〔漢高帝贊〕漢承堯運。協于火德。枝分南頓。〔後漢光武紀〕南頓令欽。生光武。豈得掩顯姓於軒轅。〔帝王世紀〕黃帝二十四子。得姓者十四人。〔皇甫謐曰〕

黃帝居軒轅之邱。故因以為名。又以為號。非才子於顛項。〔左傳〕顛項氏有不才子。天下之人謂之禱杌。莫不因時多難。〔左傳〕司馬侯曰。或多難以固其國。俱繼神宗者也。〔書〕

受命于神宗。伏惟陛下。出震等於助華。鳴謙同於且爽。握圖一作秉鉞。〔春秋合誠圖〕黃帝遊玄扈洛水上。鳳皇衛

乘白旄以麾。〔胡渭生曰〕孝經援神契。舜龍顏重瞳大口。手握寶。〔宋均注〕。手中有寶字。將在御天。〔易〕時乘六龍以御天。玉勝珠衡。〔春秋命曆序〕神農戴玉理。宋均曰。玉理。玉英玉勝也。〔孝經援神契〕伏羲大目。山

準日角。而連珠衡。注。衡中有骨表如連珠。象玉衡星。〔漢書音義〕眉上曰衡。徐樹本曰。〔海錄碎事〕顏淵山庭日角。曾子珠衡犀角。先彰元后。〔書〕元后作民父母。神祇所命。非惟大室之祥。〔左傳〕

無冢適。曰當壁而拜者。神所立也。乃與巴姬密埋璧於大室之庭。使五人齋而長八拜。平王弱。抱而入。再拜。皆壓紐。圖牒斯歸。何止堯門之瑞。〔班固典引〕應圖合謀。窮祥極瑞。〔漢書〕李德仔居鈞弋宮。生昭帝。任身十四月乃生。

上曰昔聞堯十四月而生今鈞弋亦然乃命其所生門曰堯母門〔南史〕元帝諱繹武帝第七子也帝夢眇目僧執香爐誦託生王宮及生帝舉室中非清香有紫胞之異封湘東王鎮江陵任臣曰〔梁書〕元帝背生黑子巫覡見曰此大貴兆當不可言若夫

大孝聖人之心中庸君子之德見〔中庸〕固以作訓生民貽風多士一日二日研覽萬幾允文允武包羅羣

藝見〔書〕擬茲三大〔老子〕故道大天大地大王亦大域中有四大而王居其一焉賓是四門〔舜典〕歷試諸難〔書序〕虞舜創微堯聞之聰明將使嗣位歷試諸難作舜典成熙庶績

斯無間而稱也〔論語〕禹吾無間然矣〔南史〕果遷鎮西將軍都督荊州刺史機務煩多軍書羽檄文章詔詰點毫便就殆不游手自无妄為象〔繫辭〕鍾禍上京梟獲虔

劉〔晉書〕崔懿之謂新準曰汝心如梟獲必〔魚龍河圖〕黃帝攝政有蚩尤兄弟八為國患〔左傳〕呂相絕秦曰虔劉我邊垂宗社蕩墜銅頭鐵額與暴皇年〔魚龍河圖〕黃帝攝政有蚩尤兄弟八十一人並獸身人語銅頭鐵額威振天下封

豨修地行災中國〔左傳〕申包胥曰吳為封豕長蛇以薦食上國靈星所宅〔漢郊祀志〕三星為秦乙鐘旗命日靈旗為兵禱大史奉以指所伐國下武其興〔詩〕下望紫極

而行號〔爾雅〕北極謂之北辰春秋合誠圖北辰其星五在紫微中〔漢〕渭生曰〔漢〕瞻丹陵而殞慟〔帝王世紀〕堯母慶都

〔南史〕東魏高歡卒侯景與高澄不協奉表以河南十三州降梁遂據壽陽作亂攻陷襄城家冤將報天賜黃鳥之旗〔墨子〕天錫國害宜誅神奉玄狐之錄〔黃〕帝出

軍決〔南史〕帝伐蚩尤乃睡夢西王母遣道人被玄狐之裘以符授之〔南史〕王僧辯討侯景次於大雷軍人杜稜夢雷池君周何二神乘朱航陳甲仗稱下討侯景〔後漢書〕馮異為孟津將軍軍河上以拒朱鮪李軼等初軼與光



武首結謀約。及更始立。反共陷伯升。欲降不自安。乃與吳通書。光武故宜露之。舖怒殺軼。征陶謙於海岱。

〔魏志〕曹操父嵩避難在瑗邪操迎之。嵩輜重百餘兩。陶謙別將守陰平掩襲嵩於華費間。殺之。操引兵擊謙。攻拔十餘城。皆屬之。〔南史〕

武帝為景所制。憂憤成疾。口苦索蜜不得。再曰。荷荷。遂崩。〔又〕立簡文帝。尋使彭儻。進土囊而弑之。

滕公擁樹。雄氣方嚴。

〔漢書〕夏侯嬰為滕令。奉車。故號滕公。項羽大破漢軍。漢王不利。馳去。見孝惠魯元。載之。漢王急馬罷。虜在後。常

墮兩兒棄之。嬰常收載。行。面雍樹馳。卒得脫。

張繡交兵。風神彌勇。

〔魏志〕張繡與曹操戰。殺操長子昂。操中流矢。敗走。〔南史〕世子方等討河東王粲。軍敗死之。

忠誠貫於日月。

清生曰。戰國策。唐睢曰。專諸之

刺王僚也。彗星襲月。毒攻之刺韓傀也。白虹貫日。此皆有志之士。懷怒未發。休祲見於天。

孝義感於冰霜。

冰霜用王祥。鄒衍事。

如雷如霆。

見詩。非豨非虎。

〔牧誓〕尙桓桓如虎如貔。

前驅效命。

〔詩〕為王前驅。

元惡斯殲。

〔胤征〕殲厥渠魁。

既挂膽於西州。

〔世說〕姜維死時。見剖膽大如斗。

方燃臍於東市。

〔後漢書〕董卓築塢於郿。號萬歲塢。及誅。暴屍於市。守吏為大柱置臍中。燃之光

明達

蚩尤三塚。寧謂嚴誅。

〔雲笈七籤〕軒轅本紀。所殺蚩尤。身首異處。帝閔之。令葬其首。冢於壽張。其肩胛冢在山陽。其髀冢在鉅鹿。

王莽千剗。非云明罰。

〔漢王莽傳〕莽在漸臺。商人杜吳殺莽。

校尉公實就斬首。軍人分裂莽身。支節肌骨鬻分之。傳首詣宛。陳沂震曰。〔禮記〕公族有罪則殲。刺。

青羌赤狄。

〔英雄記〕董卓說校尉賈龍擊劉焉。焉出青羌與戰。〔通鑑注〕青羌羌之一種。〔漢書〕晉文公獲戎狄。居西河圖洛之間。號曰赤翟白翟。

同昇豺狼。

〔詩〕投畀豺虎。

胡服夷言。

〔趙世家〕武靈王胡服騎射。〔左傳〕衛侯輒歸。效夷言。

咸為京觀。

〔左傳〕楚子曰。古者明王伐不敬。取其鯨鯢而封之。於是乎有京觀。〔南史〕王僧辯入據建康。侯景

奔吳。羊侃子麟殺景。送屍建康。傳首江陵。暴屍於市民爭食之。并骨皆盡。

邦畿濟濟。遠見隆平。宗祀愔愔。方承多福。

〔詩〕邦畿千里。〔又〕濟濟多士。〔班固東都賦〕卽土之中。有周成隆平之治焉。〔孝

經。宗祀文王於明堂，以配上帝。東晉補亡詩。惜惜我王，紹文之緒。善曰。左傳。祈禱之惜惜杜預曰。惜惜安和貌。詩。綏以多福。自氤氳混沌之世，驪連栗陸之君。〔繁辭〕天地細細，萬物化生。〔三皇本

紀。自人皇已後，有五龍氏、燧人氏、大庭氏、柏皇氏、中央氏、卷須氏、栗陸氏、麗連氏、赫胥氏、尊盧氏、混沌氏、吳英氏、有巢氏、朱襄氏、葛天氏、陰康氏、無懷氏。蓋三皇已來有天下者之號。卦起龍圖。〔三皇本紀〕密儀氏有龍瑞，以龍紀官，號曰龍師，始畫八卦。

文因鳥迹。〔晉衛恆書勢〕黃帝之史沮誦蒼頡，眺彼鳥迹，始作書契。雲師火帝，非無戰陣之風。〔三皇本紀〕炎帝神農氏，以火德王，故曰炎帝，以火名官。〔五帝本紀〕黃帝軒轅氏，脩德振兵，以與炎帝戰於

阪泉之野，三戰然後得志。官名皆以雲命，為雲師。堯誓湯征，咸用干戈之道。〔大禹謨〕禹乃會羣后，誓于師曰，濟濟有衆，咸聽朕命。〔仲虺之誥〕東征，西夷怨，南征，北狄怨。星躔東井，時破曙

撞。〔漢書〕漢元年冬十月，五星聚於東井，東井，秦之分野，沛公至霸上，秦王子嬰乘車白馬，係頸以組，奉皇帝璽，降於軹道傍。雷震南陽，初平尋邑。〔後漢光武紀〕世祖奔二公陣，二公兵

出，會大風雷雨。二公大衆遂潰。未有援三靈之已墜。〔文選注〕三靈，天地人也。救四海之羣飛。〔揚雄劇秦美新〕海水

如當今之盛者也。於是卿雲似蓋，長暎姚鄉。〔呂氏春秋〕虞舜荆雲歌曰，荆雲爛兮，札纓纓兮，日月光華，旦復且兮，孔安。〔國曰〕警吏妻攝登，見大虹，感而生舜於姚墟，故姓姚。甘露如

珠，朝垂原寢。〔後漢書〕明帝永平中，甘露降於原陵，按光武葬於原陵。芝房感德，咸出銅池。〔漢書〕武帝作芝房之歌。〔又〕宣

銀箭。〔帝王世紀〕堯時，有草夾階而生，隨月生死，以占日月之數，名曰實莢。〔尸子〕使雞伺晨，陸倕新編，銘云，每日晨興，屬傳漏之音，聽雞人之響，又金徒抱箭。〔南史〕大寶二年十月辛丑朔，紫雲如蓋，臨江陵城。重以東漸玄菟。

〔漢武帝紀〕朝鮮斬其王右渠降。以其地爲樂浪、臨屯、玄菟、真番郡。  
西踰白狼。〔晉地理志〕高雲。高柳生風。〔後漢郡國志〕代郡十一城一名高柳。扶桑銜日。〔十州記〕扶桑在碧海樹

長數千里一千餘圍。張尙珍曰。〔淮南子〕日拂於扶桑。莫不編名屬國歸貢鴻臚。〔後漢百官志〕承秦有典屬國別主四方夷狄朝貢侍子成帝省并於大鴻臚。荒服來賓。〔國語〕蠻夷要服戎狄荒服。

遐邇同慶。〔南史〕大寶二年九月己亥盤盤國獻馴象。其文昭武穆。〔左傳〕富辰曰管蔡邲靈魯衛毛鄭邾雍曹。跗蓐也如彼。〔詩〕常棣之華。不韞韞。〔箋〕

承華者曰鄠。拊鄠足也。天平地成。〔書〕地平天成。功業也如此久應旁求掌故。〔漢舊儀〕大常博士弟子試射策中乙科補掌故。〔司馬相如封禪文〕宜命掌固悉奏其儀而覽焉。咨詢

天官。〔周禮〕天官冢宰。斟酌繁昌。〔魏志〕文帝受禪爲壇於繁陽黃初元年改穎陰之繁陽亭爲繁昌縣。經營高邑。〔後漢光武紀〕命有司設壇場於鄗南千秋亭卽皇帝位因改鄗曰高邑。宗王啓霸。

非勞武德之侯。〔魏志明帝紀〕帝諱叡年十五封武德侯黃初七年立爲皇太子丁巳卽皇帝位。清蹕無虞何事長安之邸。〔中華古今注〕秦制出警入蹕。〔後漢安帝紀〕帝父清河孝王慶。孺帝廟

太后與兄車騎將軍鄧騭定策拜帝爲長安侯卽皇帝位。揚龍旂以饗帝。〔魯頌〕龍旂承祀。御鳳辰以承天。〔周禮〕掌次職王大旅上帝則張氈案設皇邸。〔鄭司農曰〕皇羽覆上邸後板也玄謂後板屏風與染羽

象鳳皇羽色以爲之疏言後板者謂爲大方板於坐後畫爲斧文言屏風者據漢法濕之。歷數在躬。〔大禹謨〕帝曰。疇咨爲讓。〔堯典〕帝曰。去月二十日兼散騎常

侍柳暉等至鄴。〔齊神武帝紀〕神武以孝武既西恐逼橋陝洛陽復在河外接近梁境如向晉陽形勢不能相接乃議遷鄴。伏承聖旨謙沖爲而不宰。〔老子〕生而不有爲而不宰是謂玄德。或

云洛陽未復。〔杜氏通典〕魏文帝受禪後，脩洛陽宮室，權都許昌，宮殿狹小。元日於城南立藍殿，青帷以爲門，設樂饗食，後還洛陽，依漢舊事。函谷無泥。見樂旋駕金陵。〔初學記〕江寧縣，楚之金陵邑也。吳晉

宋齊梁陳六代都之。方膺天眷。〔南史〕十一月丙子，帝卽位於江陵，下詔將還建康，胡僧佑等諫止之。愚謂大庭少昊，非有定居。〔左傳注〕杜預曰：大庭氏，古國名，在魯城內。帝王世紀：少昊帝名摯，降居江水，邑

於窮桑，以登帝位。漢祖殷宗，皆無恆宅。〔漢高帝紀〕帝西都洛陽，成卒，妻敬說上都關中，張良勸上，是日車駕西都長安。〔殷本紀〕盤庚之時，殷已都河北，盤庚渡河南，居西亳，復居成湯之故居，廼五遷無定處。

登封岱嶽，且署明堂。〔漢武帝紀〕上登封泰山，降坐明堂。陳鐸曰：〔孝經〕授神契，明堂者，天子布政之宮，上員下方，八窗四闥，在國之陽。兆寬曰：〔大戴禮〕明堂凡有九室，一室而有四戶，八闥，總三十六戶七十二闥，以茅蓋屋。

巡狩荊州，時行司隸。〔後漢竇武傳〕桓帝巡狩南陽，以武府掾胡騰爲護駕從事，騰上言：臣請以荊州刺史比司隸校尉，臣自同都官從事，帝從之。自是肅然，莫敢妄有干欲。何必西瞻虎踞，乃建王

宮。〔蜀志〕諸葛亮曰：鍾山龍盤，石城虎踞，南望牛頭，方稱天闕。〔一統志〕牛頭山，在應天府，一名牛首山，有二峯東西相對。晉元帝初作宮殿，王導指雙峯曰：此天闕也，故又名天闕山。抑又聞之，玄圭

既錫。〔禹貢〕禹錫玄圭。〔周禮〕大宗伯之職：蒼玉禮天，黃琮禮地。〔詩〕芄芄，非苞茅之不貢。〔左傳〕管仲對楚曰：爾雲

和之瑟，久廢甘泉，孫竹之管，無聞方澤。〔周禮大司樂〕孤竹之管，雲和之琴瑟，雲門之舞，冬日至於地上之圜丘奏之，則天神皆降，孫竹之管，空桑之琴瑟，咸池之舞，夏日至於澤中之方丘奏之，則地示皆

出。〔漢郊祀志〕武帝作甘泉宮，中爲臺，豈不懼歟。伏願陛下，因百姓之心，振萬邦之命。〔賈逵國語注〕振救也。豈可逡巡固讓。

〔公羊傳〕齊侯遯巡而謝。樹敏曰。〔漢外感傳〕耿育疏。太伯見歷知適。遂循固讓。方求石戶之農。魏慈高士傳。石戶之農。與舜為友。舜高謝為君。左思魏都賦。徒引

箕山之客。〔高士傳〕許由字武仲。聞堯致天下。而讓焉。乃遯於潁水之陽箕山之下。未和上德之不德。惟見聖人之不仁。〔老子〕上德不德。是以有德。又聖人不仁。以百姓為芻狗。率

士翹瞻。〔詩〕率士之濱。蒼生何望。〔書益稷〕帝光天之下。至於海隅蒼生。昔蘇季張儀。違鄉負俗。尙復招三方以事趙。請六國以

尊秦。〔史記蘇秦傳〕秦字季子。東周洛陽人。為從約長。并相六國。北報趙王。行過滎陽。車騎輻重。擬於王者。秦嚮然歎曰。使吾有權。賜賈郭田二頃。豈能佩六國相印乎。〔張儀傳〕儀魏人也。入秦。惠王以為客卿。與謀伐諸侯。漢書武帝詔。士或有負俗之累。〔會

稽典錄〕范蠡字少伯。越之上將軍也。本是楚宛三戶人。佯狂何備。賈俗。〔李斯上秦王書〕惠王用張儀之計。散六國之從。使之西面事秦。況臣等。顯奉皇華。〔詩〕皇皇者華。親承朝命。珪璋特

達。〔聘義〕以珪璋。聘重禮也。通聘河陽。〔曹植送應氏詩〕置酒此河陽。〔晉地理志〕河內郡領河陽縣。貂珥雍容。漢官云。秦置散騎。又置中常侍。漢因之。皆銀珥。附鞮為文。貂尾為飾。謂之貂璫。尋盟漳水。

〔左傳〕會於葵邱。尋盟且脩。加牢貶館。〔左傳〕士鞅來聘。隨世汗隆。〔禮記〕道隆則從而隆。道汙則從而汙。瞻望鄉關。誠均休戚。〔盧堪詩〕義

等休戚。但輕生不造。〔謝朓詩〕輕生諒昭命。與時乖。忝一介之行人。同三危之遠擯。〔左傳〕晉行人子員對鄭曰。不使一介行李。告於寡君。〔禹貢〕

三危既宅。〔注〕三危在雍州之西南境。即彘。三苗之地。山有三峯。高極甚危。承間內殿。事絕耿弇之恩。〔後漢書〕蕭王幸放名三危。〔本傳〕太清三年。兼通直散騎常侍。使魏。陵累求復命。終拘留不遣。溫明殿耿弇請問曰。

王郎雖破天下兵革乃始耳。聖公敗必不久。王曰。卿勿妄言。我告斬卿。身曰。大王哀厚。身如父子。故敢披赤心耳。  
封奏邊城。私等劉琨之哭。〔晉書〕劉琨、段匹磾相與歃血同盟。冀戴晉室。遣右司馬溫嶠奉表詣建康勸進。不勝區區之至。謹拜表以聞。

讓五兵尙書表

〔本傳〕天嘉四年。讓五兵尙書。領大著作。

臣聞仲尼大聖。猶云書不盡言。〔見〕〔繫辭〕士衡高才。常稱文不逮意。〔語見〕〔文賦〕臣比衰病自積。思緒茫然。頻託朋

遊。爲裁章表。雖復陳琳健筆。未盡愚懷。〔魏文帝書〕孔璋章表殊健。孫惠詞人。頗加繁飾。〔晉書〕孫惠好學。有才識。以書于東海王越。爲記室參軍。所以高

天緬邈。〔陸機擬古詩〕緬邈若飛沉。弗降昭回。〔詩〕倬彼雲漢。昭回于天。瞻拜絲綸。更增憂懼。臣雖不敏。弱冠登朝。伊昔承華。〔初學記〕太子之門曰承華。豫遊多士。晚逢興運。爰濫寵私。爾時四郊多壘。〔正義〕王報卒後。天下無主。三十五年。七雄並爭。至秦始皇立。天下一統。國家制度。

日不暇給。〔班固兩都賦序〕大漢初定。日不暇給。趙宮論受命之宜。隨邑奏升壇之禮。〔漢陳平傳〕高帝至平城。爲匈奴所圍。七日不得食。用平奇計。使單于闕氏解圍。以得開。其計秘世莫得聞。飛箭馳書。未動聊城之將。〔善仲連傳〕田單攻聊城。餘餘不下。魯連乃爲書約之。箭以射城中。燕將自殺。不期枚乘老

徐孝穆集 卷一

叟忽降時恩

〔漢枚乘傳〕武帝以安車蒲輪徵乘

馮唐暮年見申明主

〔漢書〕武帝求賢良舉馮唐時年九十餘不能為官

擢宰京邑朝坐棘林

〔周禮朝士〕掌建邦外朝之

法左九棘孤卿大夫位焉右九棘公侯伯子男位焉面三槐三公位焉

遂致洛陽無雨

〔東觀漢記〕永初二年三月京師旱至五月和熹鄧太后幸洛陽省獄舉冤未還宮樹雨大降

非比長安多盜

〔漢張敞傳〕

以敵守京兆時長安市偷盜尤多百賈苦之上問敞敞以為可禁

其宜屏錮用實嚴科猶處名僚久為叨竊但著書天祿雖如劉向

〔漢劉向傳〕向嘗校書天祿

關夜有老人以青藜火照之曰太乙之精聞卯金之子好學故下觀

朔望登朝轉同王隱

未詳案〔漢張禹傳〕禹領尚書代王商為丞相封安昌侯罷就第以列侯朝朔望位特進

其於朽劣尚可從容

司會文昌邈然非據

〔周禮天官司會之職〕鄭玄曰會大計也司會主天下之大計計言之長若今之尚書矣 樹聲曰〔荀綽晉百官表注〕尚書為文昌天府

讓散騎常侍表

〔本傳〕天嘉六年除散騎常侍

臣聞五十知命宗師之格言

見〔論語〕

六百辭滿通賢之高槩

姜宸英曰〔漢兩龔傳〕邴漢兄子曼容為官不肯過六百石輒自免去其名過出於漢

昔墨子諸

生襄裳救楚

〔淮南子〕楚將攻宋墨子聞之自魯趨而往一日一夜足重繭而不休息裂裳裹之至郢見楚王

魯連隱士高論卻秦

〔魯仲連傳〕仲連難新垣衍以秦為帝秦軍為卻

況乎謬蒙

知己〔戰國策〕士為知己死女為說己容

寧無感激洪私過誤真以通班司憲文昌

見遂諧常伯

〔晉職官志〕侍中於周為常伯之任

今者昆吾小

器諦視不見玄黃。未詳。鈞天並奏，靜聽能聞鐘鼓。趙世家：簡子病二日而寤，曰：我之帝所甚樂，與百神遊於鈞天廣樂，九奏萬舞。雖神農分藥。補三皇本紀：神農以耒耨鞭

草木始管百。草始有百藥。岐伯提鍼。司馬相如賦：詔岐伯使尙方張楫。曰：岐伯者黃帝太醫，屬使主方藥也。冥衆因緣，難可匡救。陛下嗣臨寶曆，光闡大猷，屬意

銓衡，留情樞極。詩：瓦瓦極樸，薪之樞之。燕臺裝玉，儻不精真。關子：宋愚人得燕石，以爲大寶，藏以華篋十重，緹巾十襲，客見掩口盧胡而笑。齊客吹竽，諒宜澄簡。韓

齊宣王使人吹竽，必三百人。南郭處士請爲王吹竽，宣王悅之，廩食以數百人。南郊奉乘，當求鄭默之才。晉鄭默傳：默爲散騎常侍，武帝出祀南郊，詔使默參乘。西省文辭，應用羅合之

學。晉羅合傳：合累遷散騎常侍，中少嘗畫臥夢鳥入口，漢思日新，謝尙稱爲湘中之瓊玕。

讓左僕射初表。本傳：大建元年，除尙書右僕射，二年遷左僕射。射陵抗表推周弘正王勳等固辭累日，陵乃奉詔。

臣聞七十之歲，揚雄擬經。漢書：揚雄以經莫大於易，故作太玄。六十之年，平津對策。漢書：公孫弘對策金馬門，後爲丞相，封平津侯。若斯強壯，無歎耆老。

臣勵當作勸則胄華軒冕，才允卿相，出納流譽。舜典：帝曰：龍，命汝作納言，夙夜出納朕命，惟允。朝野共瞻，臣弘正。南史：周弘正字思行，至江陵，王僧辯飛騎迎之。

相見歡甚，即日啓元帝，授黃門侍郎，直中書省，俄遷左戶尙書，加散騎常侍。太平元年，授侍中，領國子祭酒，遷太常卿，都官尙書，陳宣帝即位，遷特進，領國子祭酒。國老儒宗。左傳：季孫謂仲尼曰：子爲國老，樹



情尙虛簡。玄風勝業。獨王當年。臣鍾當作種。南史。張種字士苗。永從孫也。種少恬靜。居處雅正。傍無造請。景平初。司徒王簡辭以狀奏。請爲中從事。陳武帝受禪。爲太常卿。歷位左戶尙書。侍中。中書令。金紫光祿

夫。氣懷沈密。文史優裕。漢書。東方朔曰。臣朔年十二。學書三冬。文史足用。東南貴秀。朝廷親賢。並見壯猷。詩。方叔元老。克壯其猷。皆宜左執。若漢

武好少。則微臣已老。漢書。顏驕眉皓髮。爲郎。武帝問之。對曰。陛下好少。臣已老。若周文愛老。則有此羣才。齊世家。呂尙年老。以漁釣于西伯。伏願天明。更謀

梓匠。求其妙選。稱是能官。

讓右僕射初表。本傳。大建元。年。除尙書右僕射。

加以言尋盟好。仍屬亂離。先零盜其牛馬。漢蘇武傳。武字子卿。單于幽武。置大窖中。絕不與飲食。武臥齧雪。與羶毛并咽之。至海上。杖漢節牧羊。後丁零盜武牛羊。武復窮厄。烏孫竊其

印綬。漢書。蘇武。蘇從吏卒十餘人。隨昆彌還。未至烏孫。烏孫人盜蘇印綬節。子卿茹雪。叔向爲凶。未詳。雖復東歸。備罹此厄。昔李廣遺恨。不值漢初。

時。令書高祖世。高戶侯。豈足道哉。漢李廣傳。文帝曰。惜廣不逢時。令書高祖世。高戶侯。豈足道哉。寧戚自悲。不逢堯禪。呂氏春秋。寧戚飯牛。歌南山。行白石爛。生不逢堯與舜禪。臣隨望聖運。實在權輿。爾雅。權輿。始也。

時參決勝之籌。漢書。高帝曰。運籌帷幄之中。決勝千里之外。吾不如子房。頗奏發兵之識。後漢光武紀。同舍生彊華。奉赤伏符至。曰。劉秀發兵捕不道。當塗錫命。非無董昭

之誠。〔魏志董昭傳〕昭與列侯諸將議以丞相宜進爵國公九錫備物以彰殊勳。典午禪文。〔蜀志〕譙周常書版示文王曰典午忽兮典午者謂司馬也。〔魏書〕云陳留王咸熙二年二月詔羣公卿士具儀設壇於南郊使使者奉皇帝璽綬

册禪位於晉嗣。不降張華之實。王如漢魏故事。

### 爲王儀同致仕表

尺波歸海。恆歎不居。〔陸機長歌行〕尺波豈徒旋。〔注〕喻年命流行曾無止息也。燭火爲薪。猶悲假續。〔高士傳〕堯舜致天下而讓許由曰十日並出而燭火不息其光不亦難乎。況復星

回日薄。通人有乞告之言。〔劉勰新論〕天回日轉其謝如矢。顧湄曰〔古樂府〕白日薄西山。鐘鳴漏盡。前史有夜行之誠。〔魏志〕田豫嘗司馬宣王曰年過七十而居位。譬猶鐘

鳴漏盡而夜行不休也。五陵鼎族。家傳軒冕。〔班固西都賦注〕高惠景武昭帝五陵在北土人多宅於此。四姓卿侯。榮由恩澤。〔後漢明帝紀〕四姓小子侯。〔注〕尙書以上爲甲姓。九卿方伯爲乙姓。

散騎常侍大中大夫爲丙姓。吏部正員郎爲丁姓。虛名靡實。世官非才。〔書〕官人以世。年力方強。不能辭退。今三元肇慶。〔玉燭寶典〕正月一日爲元日。亦云三元。六

呂司春。得奉萬壽之杯。〔漢兒寬傳〕武帝東封泰山。還登明堂。倪寬上壽曰。臣寬奉觴再拜上千萬歲壽。預參百辟之禮。便釋朝衣。謹遵初服。同孔光之

杖。載遊戶庭。〔漢孔光傳〕光稱疾辭位。太后詔曰。太師光聖人之後。賜太師靈壽杖。入會中用杖。廣德之車。方懸私館。〔漢書〕薛廣德爲御史大夫。免。賜安車駟馬。歸沛。沛以爲榮。縣其安車示子孫。

爲始興王讓琅邪二郡太守表

〔隋書〕南海郡曲江縣。〔注〕舊置始興郡。東海郡胸山縣。〔注〕舊曰胸。置琅邪郡。桐曰。〔南史文帝諸子傳〕始興王伯茂，字鬱之，文帝第二子也。初武帝兄始興昭烈

王道談，仕梁爲東宮直閣將軍。侯景之亂，援臺中流矢卒。紹泰二年，贈南兖州刺史，封義興郡公。諡曰昭烈。武帝受禪，重贈太傅，改封始興郡王。道談生文帝及宣帝。宣帝以梁承聖末遷於長安。至是武帝遙以宣帝襲封始興嗣王，以奉昭烈王祀。武帝

崩，文帝入篡帝位。時宣帝在周未還，文帝以本宗乏嗣，徙封宣帝爲安成王，封伯茂爲始興王，以奉昭烈王祀。

甫離懷袖

〔班婕妤怨歌行〕出入君懷袖

裁脫綺紈

〔漢書〕班伯在綸襦紈袴之間，注貴戚子弟服

適荷隆私，使膺珪組，執玉不趨，摠衣未勝

〔曲禮〕執玉不趨

〔又〕兩手摠衣去齊尺，〔論語〕執圭，鞠躬如也，如不勝

自甘泉通火

〔漢書〕文帝時，匈奴使騎兵入燒回中宮，烽火及甘泉宮

細柳屯兵

〔漢書〕周亞夫軍細柳，〔注〕長安有細柳聚

旁帶戎臣，頗

同疆場

〔左傳〕疆場無主，則啓戎心

言瞻漢草，迺曰中州

未詳，按〔漢書〕胡中草白，昭君冢草獨青

遙望胡桑，已成邊郡

〔曹植豔歌〕出自薊北門，遙望胡地桑

誠復居

藩體國，應思馬駿之功

〔晉書〕扶風王駿，鎮關中，善撫御，有威恩

論地惟親，宜慕曹彰之勇

〔魏志〕任城王彰，少善射御，膂力過人，手格猛獸，太祖持彰鬚曰：黃鬚兒竟大奇也

移檄

爲護軍長史王質移文

〔南史王質傳〕質字子貞，梁世，以武帝甥封甲口亭侯。陳宣帝輔政，爲司徒左長史。〔北史附傳〕後梁蕭詧嗣位之五年，陳湖州刺史華皎，巴州刺史戴僧朔，並來附。皎送其子玄，誓爲質於陳

仍請兵伐陳。上言其狀。武帝詔衛公直督荊州。總管權景宣大將軍元定等赴之。歸亦遣其柱國王操率水軍二萬會於巴陵。既而與陳將吳明徹等戰於沌口。直軍不利。元定遂沒。歸大將軍李廣等亦為陳人所虜。長沙巴陵並陷於陳。初華皎賊僧朔從衛公直與陳人戰。李其麾下數百人歸於歸。歸以皎為司空。封江夏郡公。

比金風已勁。玉露方圓。宜及窮秋。幸踰高塞。當使孤旌不反。隻騎無還。〔公羊傳〕秦伯將襲鄭。晉人與姜戎要之殺而擊之。匹馬隻輪無反者。非止

湯羅。〔帝王世紀〕湯出見羅者。命解其三面。而置其一。面。漢南諸侯聞之。咸曰。湯澤及禽獸。歸者三十六國。豈知堯德。〔堯典〕克明峻德。其承比年民墊。〔書〕下民昏墊。仍歲蘊隆。〔詩〕

甚。蘊隆。粒粟貴於隨珠。〔說苑〕墨子謂滑釐曰。今凶年。有欲與子隨侯之珠者。又欲與子一鍾粟者。子將何擇。滑釐曰。粟可取也。分糜乏於齊鼎。〔封氏見聞錄〕青州南城佛寺有二大鑊。大者容四十五小

者容三十石。舊傳寺即孟嘗君宅。且氏羌旅拒。〔後漢馬援傳〕援曰。黠羌欲旅拒。已跨伊瀍。〔漢書三川注〕河洛伊也。〔隋書〕豫州河南郡河南縣。〔注〕有瀍水。胡羯憑陵。

〔後漢吳漢傳〕居上黨武鄉羯室。方踰汾潞。〔隋書〕冀州文城郡。〔注〕東魏置南汾州。後周改為汾州。上黨郡。〔注〕後周置潞州。刺虎之勢。時期卜生。〔陳軫傳〕

刺虎。館豎子曰。此兩虎方且食牛。食甘必爭。爭則鬪。鬪則大者傷。小者死。從而刺之。莊子果有雙虎之功。拾犒之機。彌驗蘇子。〔戰國策〕趙且伐燕。蘇代謂惠王曰。今者來過。川犒方出。曝而鷄啄之。兩不相舍。漁者得而并食之。但

國家體茲明信。〔左傳〕苟有明信。〔詩王風〕謂予不信。有如皎日。豈惟風雨之日。猶救匹夫。宵夢之言。無欺幽壤。未詳。按〔列士傳〕羊角

哀與左伯桃為友，俱往仕楚。至梁山，逢雪糧盡，度不兩全，遂并糧與哀。至楚，楚用為上卿。後收葬伯桃。伯桃墓，遇荊將軍陵，而伯桃告云：「吾日夜被荊將軍伐之，哀乃加兵未勝，云我向地下看之，遂自刎死。」〔琴操〕其思華子對楚王曰：「臣友三人，石文子、叔愆子、竊墓大王。高義欲俱來，調至於歛，殿之間，逢飄風暴雨，衣寒糧乏，度不能俱活，二子不以臣為不肖，推糧與臣，二子遂凍飢而死。」  
賊華皎，近以臨蕃有譴，作牧無重。〔疑作〕既權檻車之徵。〔魏〕

〔魏文帝紀注〕令遂乃治兵楚夢。〔漢司馬相如傳〕楚有七澤，其小者為雲夢，方九百里。竊載干戈。〔樂記〕傍引西

戎。〔禹貢〕其謀東夏。〔左傳〕開偽周遣其衛國公宇文直等，總統獯獫，為其羽翼。〔漢張良傳〕上曰：醜徒濟西戎即敘，君將靖東夏。

岸來攻郢城，逆豎浮舟，同趣夏浦。〔本傳〕周武帝遣柱國長湖公元定，攻圍郢州。梁明帝授任蠻奴，巴陵內史潘智慶，岳陽太守章昭恭，桂陽太守曹宣，湘東太守錢明，並隸於皎。又長沙太守曹慶等，本隸皎下，因為

用。王師熾權，素在中流，羣帥爭驅，應時殲蕩。〔左傳〕門官穢焉。〔注〕杜預曰：穢，盡也。〔本傳〕盧皎先發，乃前遣明徹，率衆三萬，乘金翅直趣郢州。又遣撫軍大將軍淳于量，率衆五萬，乘大艦繼之。

羌胡寶馬。〔史記〕李斯上書曰：縱橫七澤之中。〔見〕荆楚樓船，彌滿三江之上。〔漢武帝紀〕路博德等皆將罪人，江淮中廢之寶馬，臣得賜之。

水皆會巴陵洞，庭破號三江口。俘禽所獲，水陸無遺。華皎擢自芻微。〔本傳〕皎叨居藩翰，情慙犬馬，罔顧恩靈，翻執干戈，自圖

家國，聞諸閭諜。〔左傳〕晉人獲秦諜。〔注〕具彼鄰謀，乃授冬官。〔周禮〕冬官，大司空之職，以佐王富邦國。即為鄉導。〔魏志〕太祖北征烏丸，令田疇將其衆為鄉導。

雖傷仁義之俗，非敢有私期，和與國之情，猶冀無失。

移齊文

〔南史〕潘子暹傳，〔華皎〕擄逆，以暹為征南大將軍，西討大都督，暹率大艦自郢州樊浦拒之，皎平并降，周將長湖公元定等詳前移。

獲去月二十日移，承羯寇平殄，同懷慶悅，眷言鄰睦，淡副情佇，夫天網之大，〔老子〕天網恢恢疎而不漏。固無微而不禽。

神武之師，〔魏王粲詩〕所從神且武，安得久勞師。本無征而不克，至如戎王傾其部落，〔漢匈奴傳〕秦昭王時宣太后詐而殺義渠戎王於甘泉，遂起兵伐滅義渠。逆豎道其

鄉關，非厥英圖，殆難戡戮，況復洞庭遐曠，兵食殷阜，西窮版屋，北罄氈廬，〔詩〕在其版屋，〔漢書〕匈奴法，漢使不去節，不以墨黥其面，不得入穹廬。

聲冠苻姚，勢兼聰勒，苻秦，姚後秦，聰漢，勒後趙，俱東晉僭國，見〔晉書〕。庸蜀寶馬，彌山不窮，巴漢樓船，陵波無際，〔曹植〕洛神賦，〔渡波微步，〔木華〕海賦，〔萬里〕無際，詳

前移。我之元戎，上將協力同心，承稟朝謨，致行明罰，為風為火，殪彼蒙衝，〔吳志〕周瑜傳，〔與曹公〕遇於赤壁，黃蓋取戰艦數十艘，實以薪草，漢膏油其中，同時發

火，時風甚猛，悉延燒岸上營落，軍遂敗退。如霆如雷，語見詩。擊其舟艦，羌兵楚賊，赴水沈沙，棄甲則兩岸同奔，橫尸則千里相枕，江川

盡滿，譬睢水之無流，〔漢高帝紀〕羽敗漢兵睢水上，水為之不流。原隰窮胡，等陰山之長哭，〔漢匈奴傳〕郎中侯應曰，置頓單于依陰山，治兵器，後武帝奪其地，匈奴過者未嘗不哭。於

是黑山叛邑

見與王僧辯書。諸城洞開。臣頌。胡馬洞開。

白虜連羣

未詳。後漢段熲傳。雜種羌屯聚白石。白石山今蘭州東。鏡曰。北史。鄧至者白水羌也。世為羌豪。因地名號自稱。

鄧至投戈請命

揚雄解嘲。解甲投戈。長沙鷓鴣鳥。靡復為妖。

漢書。賈誼為長沙王傅。三年有鷓鴣鳥飛入誼舍。止於坐隅。不祥鳥也。

湘川石燕。自然還儻

湘中記。零陵有石燕。

遇雨則飛。止還為石。

克翦無算。縲禽不賞。欲計軍俘。終難巧歷

莊子。巧歷不能得。

所獲龍駒驥子。百千其羣。更開首蒼之園

述異記。張騫首蒼園。今在洛中。首蒼本胡中菜也。饗於西戎得之。

方廣駒駝之廐

漢百官公卿表注。漢書儀云。天子六廐。未央。承華。駒駝。騎馬。輅。大廐也。馬皆萬匹。

於是衛霍甘陳。虬髯曠目

衛。衛青。霍。霍去病。陳。陳湯。甘。甘延壽。見漢書。晉桓溫傳。劉琰稱溫曰。溫鬚如蝟毛。蜀志。張飛據水斷橋。瞋目橫矛曰。身是張益德也。可來共決死敵。

心馳隴路。志飲河源。乘勝長驅。未知所

限。豈如桓溫不武。棄彼關中

晉書。桓溫入關。王猛被褐詣之。捫髭而談。當世之務。勞若無人。且曰。公不遠數千里。深入敵境。今長安咫尺。而不度。瀕水百姓。未知公心。所以不至。初溫指秦麥以為糧。既而秦人悉芟麥。清野以

待之。溫軍乏食。徙關中三千餘戶而歸。

殷浩無能。長茲羌賊

晉書。殷浩連年北伐。師徒屢敗。糧械都盡。桓溫因朝野之怨。上疏請廢之。朝廷不得已。免浩為庶人。徙之信安。浩既廢黜。雖愁怨。不形辭色。常書空作咄咄怪事四字。

方且西踰酒郡。抵我境而置邊亭。東略鹽池。為齊朝而反侵地

史記大宛傳。檄煌置酒泉郡。西至鹽水。往往有亭。漢地理志。酒泉郡。注。武帝太初元年開。

劭曰。其水若酒。故曰酒泉也。又。河東郡安邑縣。注。鹽池在西南。

此政亦翦妖氛。未窮巢窟。便聞慶捷。媿佩良深

檄周文 〔南史吳明徹傳〕 太建九年，詔明徹北征，軍至呂梁，周徐州總管梁士彥率衆拒戰。

主上恭濟寶歷，嗣奉瑤圖。既稟聖人之材，兼富神武之略。又安兆庶，共靖戎華。用戢干戈。〔詩〕 載永銷鋒。

鏞。〔後漢陳龜年傳〕 疏曰：守塞候望，懸命鋒鏞。況復追惟在楚，無忘玉帛之言。軫念過曹，猶感盤殮之惠。〔左傳〕 晉公子重耳及曹，僖負羈乃饋盤殮，置璧焉。公子受殮，反璧。

及楚。楚子囊之曰：公子若反晉國，則何以報不穀？對曰：子女玉帛，則君有之，其何以報君？〔陳宣帝諸子傳〕 始興王叔陵，魏克江陵，宣帝遷關右。宣帝之還，以後主及叔陵爲質。天嘉三年，隨後主還朝，梁承聖中，生於江陵。年馳玉節之使。〔周禮〕

節。守邦國用玉節。焜曰：〔公羊傳〕陳乞謂陽生曰：吾不立于者，所以生子者也。走矣，與之玉節而走之。歲降銀車之恩。未詳。庶使懷音，微悟知感。而反其藏匿，招我叛臣。

謂華皎等也。詳前移。翊從瀟湘，空竭關隴。荆梁左右，漢沔東西。〔隋書〕 荊州沔陽郡沔陽縣。〔注〕梁置沔陽營，陽州城三郡。顛地呼天。〔後漢張奐傳〕 寃則呼天，窮則叩心。望

佇哀救。夫一人掩泣，猶愴滿堂。〔說苑〕 聖人於天下也，譬猶滿堂飲酒，有一人向隅而泣，則一堂之人皆不樂。百姓爲心，彌切宸辰。〔老子〕 聖人無常心，以百姓爲心。大都

督吳明徹、台司上將德茂勳高，威著荆湘。〔本傳〕 宣帝詔授明徹都督湘州刺史。仍與征南大將軍淳于量等討平華皎。化聞庸蜀。〔本傳〕 文帝詔以明徹爲江州刺史。〔隋書〕 梁州

隆山郡隆山縣。〔注〕舊曰樓爲，置江州。叱咤而平宿豫，吹噓而定壽陽。〔漢韓信傳〕 項王嗜噓叱咤，千人皆廢。〔隋書〕 徐州下邳郡宿豫縣。〔注〕舊置宿豫郡。〔後漢鄭泰傳〕 孔公緒噓枯吹生。〔隋書〕 揚州



淮南郡領壽春縣。按壽陽晉郡名。治壽春縣。樹屏曰。後漢皇甫嵩傳。關忠曰。指搗足以振風雲。叱咤可以興雷電。陳宣帝紀。大建五年三月。以開府儀同三司吳明徹都督征討諸軍事。略地北邊。冬十月。吳明徹克壽陽城。斬王琳。傳首建業。本傳。齊遣王琳拒守也。七年。進攻彭城。軍至呂。梁又大破齊軍。八年。進位司空。席卷江淮。無淹弦望。李陵與蘇武詩。安知非日月。弦望自有時。

啓

安成王讓錄尚書表後啓

梁宗室傳。安成康王秀。字彥達。文帝第七子也。仕齊。為太子舍人。天監元年。封安成郡王。六年。為江州刺史。尋遷荊州刺史。加都督。魏縣瓠城人反。殺豫州刺史司馬懷悅。引司州刺史馬仙琕。仙琕。荊州求應援。彥成謂宜待。彥報。秀即遣兵赴之。十三年。為郢州刺史。加都督。郢州夏口。嘗為戰地。多暴骸骨。秀於黃鶴樓下祭而理之。時司州叛蠻田魯生。魯賢。超秀據襄陽來降。武帝以魯生為北司州刺史。魯賢北豫州刺史。超秀定州刺史。為北境扞蔽。而魯生超秀互相讒毀。有去就心。秀撫喻懷納。各得其用。當時賴之。遷。雍州刺史。在路。薨。喪至都。贈司空。諡曰康。隋書。揚州廬陵郡安復縣。注。舊置安成郡。

臣聞間平就國。乃盛漢之常儀。

後漢光武十王傳。東平王蒼。建武十七年。進爵。蒼自以至親輔政。意不自安。上疏歸職。永平五年。乃許還國。章帝八王傳。河間孝王開。以永元三年封。延平元年。就國。奉遵法度。吏

人敬之。廊霍無官。實宗周之明典。左傳。五叔無官。豈尙年哉。何則。皇季之重。非待歷階。王爵之隆。自高羣辟。況臣戢翼要荒。

吳越春秋。扶同曰。鷲鳥將搏。必卑飛戢翼。詳勸進表。亟離寒暑。見進。趙勝。能定楚從。趙平原君傳。毛遂謂楚王之左右曰。取雞狗馬之血來。毛遂奉銅盤而跪進之。楚王曰。王當歃血而定從。次者吾君。次者

遂遂定從於殿上毛遂左手持盤血而右手招十九人曰  
公相與歃此血於堂下公等錄錄所謂因人成事者也  
退匪齊文馳免秦厄〔史記〕齊田文自秦逃歸王悔追之闕法雞鳴乃出客時尙早追者將至客有善爲雞鳴者野雞皆應

之乃固以內切皇心外貽家恥甘輸重餌降禮單于〔漢賈誼傳〕試以臣爲屬國之官以主匈奴請必保單于之頸而制其命真德秀曰〔新書〕以主匈奴下陳三表五餌而史削之

列城十五如請和璧〔趙蘭相如傳〕秦王欲以十五城易趙王和氏璧蘭相如奉璧見秦王秦王無意償趙城相如因給璧卻立倚柱曰臣觀大王無意償趙城故臣復取璧大王必欲急臣臣頭與璧俱碎於柱矣因持璧睨柱秦王恐破璧

乃謝市鄉三十聊同寶劍〔越絕書〕越王句踐有寶劍五其一曰純鉤客有直之者有市之鄉二駿馬千匹千戶之都一武夫力而獲諸原微臣還而反諸敵曠言

馬駿著隴右之功〔魏志〕代郡烏丸反影乘勝逐北至於桑乾前王子弟若此勳庸偏其反而見〔論語〕豈

可勝媿。

### 謝敕賚燭盤賞答齊國移文啓

昔班彪草移〔後漢班彪傳〕寶融曰所上章奏皆從事班彪所爲阮瑀裁書〔魏文帝書〕元瑜書記關關致足樂也按瑀字元瑜馳譽當年遂無加賞非常大賚始自

今恩雖賈逵之頌神雀〔東觀漢記〕永安中神爵集京師帝敕蘭臺給筆札令賈逵作神爵頌拜爲郎寶攸之對麋鼠〔寶氏家傳〕世祖與百家大會靈臺得鼠身如豹文焚之光釋世祖問羣臣莫知

惟飲對曰名魁鼠見〔漢書〕上嘗使諸家射覆東方朔連中輒賜帛〔魏略〕邯鄲淳作投壺賦千餘言文帝賜帛千匹〔爾雅〕賜帛百匹

光前官燭斯燃更慙良吏〔謝承後漢書〕巴祗為揚州刺史與客坐閣中不燃官燭宵光可學乃會者年〔說苑〕師曠曰老而學者如秉燭之光〔左傳〕臣職居南史〔南史〕

南史氏聞太史身典東觀〔後漢和帝紀〕永元十三年春帝幸東觀覽書林閱篇籍博選術藝之士以充其官〔史記〕謹述私榮傳之方策

謝敕賜祀三皇五帝餘饌啓

竊以甘泉之殿舊禮義軒〔漢郊祀志〕武帝作甘泉宮畫天地泰一諸鬼神而置祭具甘泉更置前殿宣帝即位立黃帝天

樂之宮本圖堯舜〔漢官儀〕帝祖母稱長信宮帝母稱長樂宮皇后稱長秋宮樹屏曰〔藝文類聚〕陳思王畫贊序〔自東京〕

晚世曠代無聞西漢盛儀復睹今日金壺流十旬之氣〔韻書〕九玉案備千品之差〔楚漢春秋〕淮陰侯曰漢王賜臣玉案之食昔

絳羅為薦既延王母〔漢武故事〕帝齋於尋真臺設紫羅薦夜二更後西王母至紫蓋為壇允招太乙〔漢郊祀志〕武帝時老人繆忌奏祀泰一方曰天神貴者泰一泰一祝宰則衣裳及繡成帝時丞相

術言甘泉泰時紫壇八瓊宣通象八方〔又〕同斯爽號理致衆星臣以餘年豫聞清祀如陪瑤席〔沈約集〕賽蔣山廟文揚玉桴布瑤席

遂飲瓊漿。〔真誥〕明星玉女者居華山服玉漿。

### 謝兒報坐事付治中啓

夫拾金樵路高士所羞。〔吳越春秋〕延陵季子出遊於齊見道傍遺金有披裘采薪者季子呼薪者取彼地金薪者曰吾當夏五月而薪豈取金者哉。整冠李下君子斯慎。〔古詩〕君子防未然不

處嫌疑間瓜田不納履李下不整冠。兒報不能謹潔敢觸嚴網右趾鐵繫事允法科。〔漢食貨志〕敢私鑄鐵器者鈇左趾章昭曰鈇以鐵爲之著左趾以代刑也。左校論輸

實繇恩宥。〔後漢皇甫規傳〕規以餘寇不絕論輸左校〔漢官儀〕左校署屬將作大匠。老臣過庭之訓。見〔論語〕多謝古賢折筭之杖。〔國語〕范文子曰有秦客庚辭於朝大夫莫

之能對也吾三知焉武子擊之以杖折其委筭。有媿前達。

### 謝賚鷹啓

臣昨既陪羽獵仍宴上林固謝長卿之文彌慙子雲之賦。〔漢書〕司馬相如字長卿有上林賦揚雄字子雲有羽獵賦。預割鮮禽已同鹽浦。

〔司馬相如子虛賦〕頻蒙大饗更異梁王。〔晉書〕梁孝王形謂王銓曰我從兄爲尙書令不能啖大饗銓曰大饗爲誰曰盧播詰旦歸來猶爲飽飫虞衡所獻。

復降今恩。〔周禮冬官〕山虞、林衡、川衡、澤虞掌山林川澤之政令。賜細君以爲歡。〔漢東方朔傳〕朔曰：拔劍割肉，一何壯也。割之不多，又何廉也。歸遺細君，抑何仁也。非屠門而大嚼。〔桓譚新論〕

關東鄙語曰：知肉味美，則過屠門而嚼。

謝東宮賚蛤蜊啓

船俗嚴戈。〔漢南粵傳注〕粵人於水中置人船，又有蛟龍之害，故置戈於船下。漁人資設。〔詩〕魚網之設。于彼海童。〔左思吳都賦〕海童於是其語注：海童海神也。冒茲水豹，望樓

闕之氣，得波潮之下。〔漢書〕海傍，壓氣象樓臺。

謝賚蛤啓

鴻化□□，雀入猶新。〔月令〕季秋之月，蟄入大水爲蛤。蟄變秋成，已聞冬獻。

徐孝穆集卷之二 書上

書

為貞陽侯與太尉王僧辯書

〔梁宗室傳〕蕭明字靖通長沙王懿之子也封貞陽侯王僧辯納之改承聖四年為天成元年及陳霸先殺僧辯後奉晉安王以明為大傅明年齊人徵明霸先遣使送明道發背死後

齊文宣遣兵納永嘉王莊主梁祀追諡明曰閔皇帝〔南史〕

王僧辯字君才承聖三年二月詔以僧辯為太尉車騎大將軍

昔自天狼炳耀非無戰陣之風參虎揚芒便有干戈之務

〔天官書〕參為白虎三星直者是為衡石下有三星兌曰罰為斬艾事其東有大星曰狼狼角變色多盜賊

至

於夏鍾夷羿

〔左傳〕魏莊子曰昔有夏之衰也后羿自鉅遷於窮石因夏人而代夏政

周厄犬戎

〔周本紀〕申侯與緡西夷犬戎攻幽王殺之驪山下索隱曰在新豐縣南故驪戎國也

漢委珠囊

〔初學記〕鄭玄

注日月遺其珠囊云珠謂五星遺其珠囊者日月失度也

秦亡寶鏡

〔尚書考靈樞〕秦失金鏡〔鄭玄注〕金鏡喻明道也

彰於史籍可得而聞未有國家殲危遂若當今

者也我大梁膺龍圖而受命

〔帝王世紀〕神農本起烈山故曰烈山氏一曰厲山氏黃帝代之於時河出龍圖

御鳳邸以承天

〔五帝本紀〕黃帝

居軒轅之邱而娶於西陵之女是為嫫祖嫫祖為黃帝正妃生二子其後皆有天下其一曰玄囂是為青陽降居江水其二曰昌意降居若水注索隱曰降下也言帝子為諸侯

湯武方於兒戲

〔漢書〕文帝曰向者三霸上棘門如兒戲耳

光有父。見勸進表。四海無波。韓詩外傳。成王時有越裳氏重三譯而朝曰。天之不迅風。兩海之不波溢也。三年於茲矣。意者中國有聖人乎。蓋往朝之靈貺咸臻。表裏禔福。後漢光武贊。靈貺自甄。

願延年詩序。上非日非月。蒼生仰其照臨。詩。日居月諸。照臨下土。如雲如雨。天下蒙其恩蔭。易。雲行雨施。天下平也。而屯亨有

數。易。屯剛柔始交而難生。剝極為災。後漢董卓傳。梟獍豺狼。梟。過剝成災。梟獍豺狼。晉崔懿之傳。懿之謂斬準曰。汝心如梟獍。必為國患。後漢書。張綱。還侍御史。埋車輪於洛陽都亭。曰。豺狼當道。安問狐狸。遂奏大將軍梁

冀兄弟罪惡。肆逞兇逆。後主誕資上聖。光啓中興。大翦仇讎。左傳。今令尹不尋諸仇讎。方平宗社。謂元帝滅侯景。雖復瀟湘舉斧。

梁元帝集。救王僧辯曰。黑秦達盟。忽便舉斧。樹毅曰。南史。王琳為湘州。自疑及禍。使長史陸納率部曲赴州。身詣江陵。王下琳吏納據湘州以叛。王僧辯。蕭循等討平之。庸蜀彎弓。漢匈奴傳。士能彎弓。射曰。南史。武陵王紀。武帝第八子也。大

寶二年。僧辯於蜀。率衆東下。王僧辯。陸法和等討平之。凡厥兇徒。誰不殲撲。豈圖天未悔禍。喪亂薦臻。羗虜無厭。乘此多難。虔劉我南國。

蕩覆我西京。謂于謹陷江陵。奉聞驚號。肝膽崩潰。雖復金行版蕩。火政淪亡。見勸進表。綠林青犢之羣。後漢書。王莽末。新市人王匡。王鳳及馬武。

王常。成丹等起兵。藏於綠林山中。又。鄧禹說。大司馬曰。今山東未安。赤眉青犢之屬。動以萬數。黑山白馬之卒。魏志。張燕據博。捷速過人。軍中號為飛燕。乘至百萬。號曰黑山。英雄記。公孫瓚每聞邊警。輒厲色作氣。常乘白馬。又選致

十白馬為騎射之士。號曰白馬義從。八王故事。曾未混殺。八王故事。書名也。紀載晉事。按晉書。司馬氏骨肉相殘。政亂朝危。如汝南王亮。楚王瑋。趙王倫。齊王冏。長沙王乂。成都王穎。河間王顥。東

胡人甚畏之。相告曰。避白馬長史。

漢王 九州春秋 誰云禍亂。司馬彪作九州春秋。紀漢末事。昔隆周徙播，皆憑晉鄭之功。左傳。周之東遷，晉鄭焉依。疆漢阡危，終假虛牟之

力。漢高五王傳。朱虛侯章，東牟侯興居，欲從中與大臣為內應，誅諸呂。今者，武皇之子，無復一人，貌是孤孫。北史于謹傳。初，梁元帝於江陵嗣位，其兄于岳陽王譽，時為雍州刺史，以梁元帝殺其兄

譽，遂結隙，據襄陽來附，乃命謹出討。還同三叛。周本紀。周公當國，管叔、蔡叔羣弟疑周公，與武庚作亂，畔周。等子頹而為暴。左傳。衛師燕師伐周，立子頹，鄭伯遂以王歸，於櫟，鄭伯將王自圍門入，魏叔自北門入，殺王子頹。

遂納 同劉芳而入關。漢紀。劉芳，安定三川人，本姓盧，王莽末，天下咸思漢，芳由是詐自稱武帝後，變姓名為劉文伯，後與三川屬國羌胡起兵北邊。乞命諸戎，勢何支久，孤宗室之長。

爰自布衣。南史。宣武王懿，東昏賜藥，與弟融俱殞。又。宣武之難，業與二弟俱逃匿免。皇運之初，彌承天德，何則？據鞍輟哭，雖紹霸圖。吳書。孫業為許真客所害，權悲

號，未見事。張昭曰：「孝廉，此寧哭時邪？」乃易權服，扶上馬，使出巡軍，按策追諡長沙桓王。獨居掩涕，終討家怨。後漢書。光武長兄縉，字伯升，為更始所害，光武自縊死，每獨居，輒不御酒肉，枕席有涕泣處。孤二三昆

季。按南史。懿長子業，字靜曠，業弟藻，字靖，一藻弟猷，猷弟朗，字靖徹，朗弟明也。方矢戴天。禮記。父之讎，弗與共戴天。被此恩慈，如何酬答，所以徐彭之役，不吝輕軀。

梁蕭淵明傳。武帝既納侯景，大舉北伐，詔督諸軍趣彭城，淵明師次呂梁十八里，作寒山堰以灌彭城，水及於堞，不沒者三版。哀荷之誠，久聞朝聽。南史。魏人求和，親以貞陽侯換侯景。況復邦家不造，

見勸 至此橫流。孟子。當堯之時，天下猶未平，洪水橫流，詳卷四。宗社無依，何所逃責。班固。諸侯王表。有逃責之臺，被竊鈇之言，然天下謂之共主，強大弗之敢傾。因以提戈負劍，



〔晉中興書〕桓溫父被害溫枕戈泣血經年乃提刀直進手刃仇人〔刺客傳〕王貞劍

臥泣行號〔說文〕泣無聲出涕也〔左傳〕號而出之注號哭也

言念荆巫〔張載詩〕西瞻岷山嶺嵯峨似荆巫

志雪讎

〔史記自序〕為弱燕報強齊之讎雪其先君之恥

大齊觀書有洛輯瑞榮河

〔尚書中候〕成王親於洛河沈璧禮畢王退俟至於日昧榮光並出休氣塞河青雲浮洛青龍隨璣銜圓甲之圖吐之而出

功格蒼

旻德滿天地慈孝之道通於百靈

〔抱朴子〕黃帝役使百靈

仁信之風覃於萬國〔易〕萬國咸寧

是以日月所照舟車所通

見中

候海水以來賓注見上

瞻蒼雲以奉貢

〔十洲記〕天漢三月月氏獻神香使者曰國有常占東風入律百旬不休青雲干呂連月不散意中國有好道君故搜奇異而獻神香

自昔軒農炎昊

曾無宣國之規虞夏商周非有伐戎之略豈知華夷仰德遠近同心穀價無堯湯之憂

〔漢鑑〕錯論貴粟〕堯禹有九年之水漢有七年

年之旱

糧儲同水火之賤

〔孟子〕聖人治天下使有菽粟如水火

精兵利器勢勇雷霆

〔漢英布傳〕布兵精甚樹敏曰〔後漢虞詡傳〕不遇盤根錯節無以別利器〔詩〕如蓬如雪

天馬

龍媒量比山谷

〔漢禮樂志〕天馬徠龍之媒樹聲曰〔貨殖傳〕烏氏求奇繒物問獻我王戎王予畜畜至用谷量牛馬

斯固開闢以來未之有也至於親鄰之道夙契

逾深無改曩懷增感彌篤以為興亡繼絕

見論語

事炳前經推擇庸虛命守宗禋方欲仰憑神武清我寇讎

旨喻難達諸懷更惡明公誕膺時運光贊本朝勒瑞姜瓖

〔尚書中候〕王至磻溪之水呂尚釣于崖王下拜尚答曰得玉璜刻曰姬受命呂佐檢德來昌來提撰爾離鈐報在齊

及佐周克殷封于齊。書名何鼎。〔梁虞荔鼎銘〕蕭何爲丞相鑄一鼎自表其功其文曰紀功鼎。故以通期管樂。〔蜀志〕諸葛亮環邪人躬耕南陽自比管仲樂毅好爲梁父吟先主凡三顧乃見先主曰孤之有孔明猶魚之有水。

冥契風雲。〔世說〕支道林喪法慶之後謂人曰冥契既逝兆宮曰〔魏吳質牋〕臣幸得值風雲之會。戮不世之渠兇。殲滔天之巨寇。〔堯典〕共工象恭滔天。重以三湘放

命。〔寰宇記〕湘潭湘鄉湘源是爲三湘〔書〕蘇方命罔族。七國連從。見勸進表。征旅東西。必翦妖逆。雖復棧道木閣。田單之奉舊齊。〔戰國策〕紹勃謂齊王曰棧

道木閣而迎王與后於城陽。今國已定。民已安矣。王乃曰。單且嬰兒之計不爲此。綰繯將兵。周勃之扶隆漢。〔漢書〕薄太后謂文帝曰。綰侯始誅諸呂。綰皇帝重將北軍。中宗佐命。俱畫丹青。

〔漢書〕宣帝以戎狄養服。思腹臑之美。乃圖畫其人於麒麟閣。霍光至蘇武。凡十一人。光武功臣。皆懸星象。〔後漢書〕明帝思中興功臣。乃圖二十八將於南宮雲臺〔范曄論〕前世以爲上應二十八宿。非貔非虎

之封。〔書〕尙桓桓如虎如貔如熊如羆于商郊。同心同德之勞。〔書〕予有臣三千同心同德。校彼功庸。曾何髣髴。但與存與亡。期於體國。〔書〕仲虺之誥〔推

亡固存邦。喪君有君。寧庸無主。〔左傳〕呂甥曰。征繕以輔孺子。諸侯聞之。喪君有君。夙承所立。猶則屏蒙。天步方難。〔詩〕天步艱難。寧可弘濟。自

淹留大國。志荷恩私。朝夕宮闈。預奉顏色。黃河白日。亟宣誠言。〔左傳〕晉公子曰。所不與舅氏同心者。有如白水。投其璧於河。〔又〕殖綽願曰。爲私誓。州綽曰。有如日。

分災卹患。事非虛旨。〔左傳〕凡諸侯救患分災討罪禮也。但善相小國。終資大賢。〔左傳〕君子謂合左師善守先代。子產善相小國。定我邦家。緊公是賴。淮

流不竭。豈獨琅邪。〔晉書〕淮發源屈曲。不類人工。王導使郭璞筮之。曰。淮水絕。王氏滅。望能喻此衷懷。思之無忽。近陸居士有啓。陳其禍亂。〔北史陸法和

傳〕法和。不稱臣。其啓文。朱印。名上。自稱居士。初仕梁元帝。江陵陷。入齊。朝旨即命河東。〔楚辭哀郢〕疑作清河。按〔齊書〕清河王岳。字洪略。高祖從父弟也。太昌初。封清河郡公。天保初。進封清河郡王。王岳等。勒率熊羆。使

相抵赴。道阻且長。〔詩〕雖無之及。所聞西浮夏首。〔楚辭哀郢〕便當險隘之衝。南扞巴陵。方拒窺窬之寇。〔魏

公孫淵上書曰。方今二敵窺窬。上黨王。皇齊寵弟。是號宗英。〔漢書序傳〕禮親御戎軒。遠於將送。〔詩〕遠于將之。〔北史齊文宣帝紀〕天寶六年春。清河王岳度江。克

夏首。梁司徒鄆州刺史陸法和。請降。詔以貞陽侯蕭明爲梁主。遣尙書右僕射上黨王洸。送之江南。尙玠曰。〔齊神武諸子傳〕上黨剛肅王洸。字敬壽。神武第七子也。力能扛鼎。材武絕倫。讀書頗知梗概。而不甚耽習。〔隋書〕冀州上黨郡。上黨縣。〔注〕舊置上黨郡。

裴侍中英起。淮南貴族。兼事戎行。躍冀馬者千羣。〔後漢劉表傳〕披燕犀者萬隊。來自河陽。曾不旬日。持節

徐武潼三州諸軍事。散騎常侍。明遠將軍。東徐州刺史。始興郡開國侯。湛海珍等。〔梁書武帝紀〕太清三年。東徐州刺史湛海珍。舉州附

於魏〔隋書〕徐州彭城郡。〔注〕舊置徐州下邳郡。夏邱縣。〔注〕後齊置。并置夏邱郡。尋立潼州下邳郡下邳縣。〔注〕舊曰歸政。置武州下邳郡。梁改縣爲下邳。置郡不改。改州曰東徐。竝前朝舊將。夙著勳庸。推轂

海邊。〔漢書唐傳〕上古王者遣將也。跪而推轂。屬是喪亂。〔詩〕天雖復投身有道。志雪朝怨。咸預戎行。共指鄉國。江淮舊隸。悉已

招攜。〔左傳〕管仲曰招攜以禮。方稟英謨，共翦讎難。去月將晦，便屆壽春。〔隋書〕揚州淮南郡領壽春縣。已具舟師，將臨江浦，使人入境。

行陳所懷，撥日覘光。〔未詳〕遲在還牘，當使宗祊有主。余同小白之勳。〔左傳〕宋司馬子魚曰：齊桓公存三亡國，以屬諸侯。家國無虞，公保

阿衡之貴。〔詩商頌〕實維阿衡，實左右商王。何其美也，豈不休哉！言念此私，但以號咽。

### 為貞陽侯答王太尉書

姜常侍暈至，復枉去月三十日告。具公所懷，良以慨息。孤雖庸薄，不及通賢，猶曰生民，寧無心識。自皇家

禍亂，亟積寒暄。九州萬國之人，蟠木流沙之地。〔史記〕：顛頊紀：西至於流沙，東至於蟠木。動靜之物，大小之神，日月所照，莫不砥厲。莫不行號臥泣，想望休

平。何況乎孤，預在宗室，家荷報雪之恩，身蒙鞠養之愛者。先皇之慈也。〔南史〕：武帝兄長沙宣武王懿，為東昏所殺，信至，武帝便舉義兵。〔史臣曰〕：梁武帝

時蓬昏虐，家遭冤禍，既地居勢勝，乘機而作。蒸嘗不絕於私廟。〔詩〕：願予蒸嘗。子弟得嗣於南藩者，後主之惠也。〔南史〕：蕭詔傳：詔字德茂，懿之孫也。初封上甲某都鄉侯。湘東王

改詔繼宣武王封長沙王，遂至鄧州刺史。朱方之地。〔漢地理志〕：會稽郡丹徒縣。〔注〕：師古曰：即春秋云朱方也。建業之都。〔宋州郡志〕：晉武帝太康二年，丹陽移治建業。誰家丘陵，誰家宮廟，豈

有爲人臣子。荷此恩靈。親執干戈。自殉家國。

〔檀弓〕戰于郎。公孫禹人與其鄰童汪錡往。皆死焉。魯人欲勿。童汪錡仲尼曰。能執干戈以衛社稷。雖欲勿殤也。不亦可乎。

公之忠孝。

信感人神。公之盟誓。事同懸象。

〔繫辭〕懸象著明。莫大乎日月。

雖復宗盟不造。

〔左傳〕周之宗盟。異姓爲後。

骨肉爲讎。安可相期。盡如蕭管。

邪。

〔梁元帝紀〕雍州刺史岳陽王詵自稱梁王。藩於魏。二年九月。魏使柱國萬紐于謹來攻。十月。魏軍至襄陽。梁王詵率衆會之。城陷。帝被執。如晉營。甚見詰辱。十二月辛未。魏人戕帝。

古者天子六軍。是爲萬乘。今日

凶荒。致闕斯禮。偏裨將校。尙握精兵。州郡官曹。各有交吏。未有居稱辰座。

〔明堂位〕天子黃辰。依南向而立。

行曰乘輿。

〔後漢〕

服志〕殷璠山車。金根之色。漢乘素制。御爲乘輿。所謂孔子乘殷之輅者也。

遂無五尺之童。

〔孟子〕雖使五尺之童適市。

高謝千夫之長。

〔書〕千夫長。

於公明允。

〔舜典〕惟明克允。意

復云何。國家凋荒。旣乏屯衛。皇齊與睦。幸惠優於。何乃自起。趙趙。

〔易〕其行次且。

苟違鄰德。克戡禍亂。欲立功名。

咸自軍師。豈在芻蕘。湛海珍等。前朝舊將。差匪齊人。分給羸兵。卽是梁甲。非云背信。

〔左傳〕慶鄭曰。棄信背鄰。患孰恤之。

豈

曰渝盟。

〔左傳〕公及鄭伯盟曰。渝盟無享國。

朝野羣雄。何所攜貳。且公天資命世。再造皇家。梁代之桓文。蕭宗之伊管。誰其遠

近。不稟英謨。如有姦回。正速齊斧。

見移文。

尙何憂于共工。

疑作霍也。

何畏于有苗哉。

見舉自異。

所覽來書。旣爲疑難。上黨

王、恭承朝旨，不敢相同。方篤鄰和，不容全異。如須減損，更遲行人。張廷尉種等所具見讓表，此無多及。

爲貞陽侯重與王太尉書

席威卿等還，枉此月十四日告，披覽未周，良深慨息。昔長平建策，猶聞蝕昂之徵。〔漢鄒陽傳注〕蘇林曰：白起爲秦伐趙，破長平軍，遂欲

滅趙，遣衛先生說昭王益兵糧，爲應侯所害，事用不成，其精誠上達於天，故太白爲之蝕昂。疎勒城傍有澗水可固，五月，乃引兵據之，於城中穿井，十五丈不得泉，乃整衣冠再拜。

爲吏士禱，有頌水泉奔出。豈在余涼德。〔左傳〕史醫曰：魏多涼德。書不盡言。見繫詩遂使吾賢猶迷所執，斯故銜哀掩淚，仍復披陳者也。孤

以庸薄，寧有霸圖。侯服于周，見詩常懼盈滿。〔易〕人道惡盈而好謙。〔書〕滿招損謙受益。豈望身居黃屋。〔班固典引〕于嬰度次得冠，冠王冠，佩華紱，車黃屋。〔蔡邕曰〕黃屋者，天子車，翠羽蓋，以黃纒爲表，是爲黃屋。

者，天子車，翠羽蓋，以黃纒爲表，是爲黃屋。手御青綸。〔後漢輿服志〕百石青綸綸一采，宛轉纒織長丈二尺。揖讓而對三靈。見勸進表端委而朝百辟。〔左傳〕于賈曰：秦伯端委以治。詢知

圉牧，莫不皆知。〔左傳〕芋尹無宇辭曰：王臣公，公臣大夫，大夫臣士，士臣阜，阜臣輿，輿臣隸，隸臣僚，僚臣僕，僕臣臺，馬有圉，牛有牧，以待百事。爰誓神明，回自無爽。〔左傳〕公孫舍之曰：昭大神要言焉，若可改

也，大國亦可叛也。但大齊仁信之道，關於至誠，睦鄰之懷，由於孝德，遂蒙殊獎，歸嗣本朝，拜首陳辭，敦誘彌廣，既而

仇讎未殄。見前書。方憑大國之威，宗祏陸危。左傳：原繁對曰：命我先人，典司宗祏。尤仰親仁之德。左傳：五父諫曰：親仁善鄰，國之寶也。備悅恩寄，號觀

惟深，而敕諭分明，信誓殊重。詩：信誓旦旦。乃云邦家有父，社稷無虞，凡廣陵歷陽。隋書：揚州江都郡江陽縣。注：舊曰廣陵，後齊置廣陵，江陽二郡歷陽

郡歷陽縣。注：舊置歷陽郡。皆許見還，白水黃河，屢奉然諾。漢書：廷尉以貫高辭聞，灌公曰：此固趙國立名義，不侵為然諾者也。詳與王僧辯書。至於夏藩衝要，控湯上流。

且命強兵，為我臨據，若其自有精甲，能扞醜徒，並用還梁，皆如前旨，以孤頻經，悉竊屢守，淮淝門生故事，

徧於江右。後漢袁紹傳：袁氏樹恩四世門生，故吏徧於天下。凡諸部曲，並使招攜。漢書音義：大將行有五部，部有曲也。投赴戎行。陸機辨亡論：拔呂蒙於戎行。前後雲集，

霜戈雪戟。左思吳都賦：霜刃染。無非武庫之兵。洛陽記：建始殿東有太倉，倉東有武庫，藏兵之所。龍印犀渠。古詩：解佩襲犀渠。皆是雲臺之仗。晉書：武帝太元八年，

翟斌克雲臺成，收萬餘人甲仗。文物以紀之，聲名以發之。見左傳。斯實不世之隆恩，寧曰循常之恆禮，則公固天所授，弘濟本

朝，曲阜同功，營邱等烈。史記：成王封師尚父於齊，營邱，封周公旦於魯，曲阜。若夫伊尹庖廚賤宰。殷本紀：伊尹負鼎俎，以滋味說湯，致於王道。霍光階闕小臣，

漢霍光傳贊：霍光以精要內侍，起於階闕之間。諸葛亮無應變之才。蜀諸葛亮傳：陳壽評曰：應變將略，非其所長。管夷吾非王者之佐。論語：管仲之器小哉。論其世業，

較彼勤勞書契以來罕有明德且程嬰之義自古為難

〔史記〕晉程嬰抱趙氏孤歷山中十五年韓厥言於晉景公復立趙氏後是為趙武武既冠嬰曰下宮之難我非不能死欲存趙後

也今宜下報宜孟梓曰遂自殺

荀息之忠良以喜慰

〔左傳〕晉獻公使荀息傅奚齊公疾召之稽首而對曰臣竭其股肱之力加之以忠貞其濟君之靈也不濟則以死繼之

但先朝乘玉鏡之符

〔尚書帝命期〕桀失玉鏡用其嗟歎〔注〕玉鏡喻清明之道

御金輪之寶

〔法華經〕優曇華鉢名瑞應三千年一現現則金輪王出

菩薩之化行於十方

〔樓炭經〕有十品菩薩

仁壽之功

活於萬國

〔漢王吉傳〕殿一世之民濟之仁壽之域

兇人侯景遂殄邦家何況於今亦有吳會江東如掌差匪虛言

〔後漢岑彭傳〕辛臣陳田戎曰

洛陽地如掌耳不知按甲以觀其變

淮陽在面方此非局

〔漢賈誼傳〕淮陽之比大諸侯廬如墨子之著面

不稼不穡

見多歷歲時大東小東全無機杼

〔詩〕小東大

東杼杼關中空

關中醜虜寧非冒頓之鋒

〔漢書〕匈奴單于有太子名冒頓作鳴鏑習勒其射騎而令之曰鳴鏑所射而不悉射者斬

齊國強兵便是軒轅之陣

〔史記五帝本紀〕軒轅

氏教熊羆貔貅羆虎以與炎帝戰於阪泉之野三戰然後得志

西南當扼喉之勢東北承撫背之機

〔漢書婁敬傳〕敬說曰夫秦地披山帶河所謂扼天下之亢而撫其背也

首尾交侵華

夷俱騁而中人數歲復子方賒

〔書洛誥〕周公拜手禮首曰朕復子明辟

德未感於黎烝威不加於將帥斯等鞅鞅非少主臣

〔漢書〕

景帝目送周亞夫曰此鞅鞅非少主臣也

安有碌碌因人成事

見表後啓

公之才具

〔晉書〕高崧時謝萬方臥在室崧為敘刑政之要萬起呼崧小字曰阿鬲有才具

雖復明允勢何如於



天監時何若於大同。俱梁武帝年號乘與國之隆恩。孟子我當君約與國當滔天之猛寇。見前匡救之德翻有未從。忠許之

謀誰其相曉。臥薪待火。方此弗危。賈誼傳營猶厝火置之積薪而寢其上繁草從風。儻之非切。書君陳爾惟風下民惟草若能思其上策。審

此英圖。見引幹獵之車。漢霍光傳太僕以幹獵車迎曾孫就齊宗正府入未央宮見皇太后封為陽武侯已而光奉上皇帝璽綬謁於高廟是為孝宣皇帝還向長安之邸。見勅進表一則二

則惟在大賢。吳張昭傳策笑曰昔管子相齊一則仲父二則仲父而桓公為霸者宗外相內相。未詳終當相屈。正當搆諸舊隸。率我賓游。朝服簪纓。

直拜園寢。梁人望國。俱登赤馬之舟。漢劉熙釋名輕疾者曰赤馬舟其體正直赤如馬也齊帥臨江。仍轉蒼龍之旆。考工記龍旂九旒以象鴻

火大火蒼龍宿之心分袂南浦。江淹別賦送君南浦傷如之何揚鞭北風。民不疲勞。軍無怨謫。見左傳如其執事尙秉前言。將恐戎

旄便濟江表。何則。西浮夏首。水經夏水在江夏西冬竭夏流故名夏水詳與王僧辯書已據咽喉。東進彭波。禹貢東次指心腹。廣陵京口。

烽煙相望。魯柝聞邾。方之尙遠。左傳魯伐邾及范門猶聞鐘聲大夫諫不聽茅成子請告於吳不許曰魯擊柝聞於邾吳二千里不三月不至何及於我胡桑對薊。匹此為遙。植豔

歌出自薊北門。遙望胡地。桑枝枝自相值。葉葉自相當。水陸爭前。龍虎交至。則楊都蕩定。晉文苑傳功自齊師。江左臣民。非關梁國。豈不

追慙後主崇寄之恩。還負齊朝親鄰之意。東門黃犬。固以長悲。〔史記〕李斯願謂中子曰。我欲與若復牽黃犬。出上蔡東門。逐狡兔。豈可得乎。南陽白

衣。何可復得。〔諸葛亮出師表〕臣本布衣。躬耕南陽。苟全性命於亂世。不求聞達於諸侯。立茲幼弱。非曰大勳。滅我宗祊。何所逃覺。今復遣前吉州刺

史馬嵩仁至彼。更具往懷。想不遠而復。無貽祇悔也。見易。若英謨有在。方與祀夏之功。〔左傳〕伍員諫吳子曰。少康復禹之績。祀夏配天。

不失舊物。明監如達。便等過殷之歎。〔尚書大傳〕微子朝周。過殷故墟。見麥秀之薪。斷兮禾黍之蠶。蠶也。曰。此故父母之園。乃為麥秀之歎。存亡社稷。一在於公。臨紙崩號。不

復多及。

為貞陽侯答王太尉書

姜嵩至。枉示具公忠義之懷。家國喪亂。於今積年。三后蒙塵。〔左傳〕臧文仲對曰。天子蒙塵於外。敢不奔問。官守。四海騰沸。〔詩〕百川沸騰。天

命元輔。匡救本朝。弘濟艱難。建我宗祊。至於邱園版築。〔易〕黃于丘園。〔孟子〕傳說舉於版築之間。尙想來儀。公室皇枝。豈不虛遲。

聞孤遠國。理會高懷。但近再命行人。或不宣具。公既詢謀。卿士訪逮。藩維。訟訴往來。理淹旬月。使乎屈止。

殊副所期。便是再立我蕭宗。重興我梁國。億兆黎庶。咸蒙此恩。社稷宗祊。曾不相媿。近軍次東關。頻遣信

妻之橫處。示其可否。答對驕凶。殊駭聞。上黨王。陳兵見衛。欲救安危。無識之徒。忽然逆戰。前旌未舉。即

自披猖。驚悼之情。彌以傷側。上黨王。深自矜嗟。不傳首級。更蒙封樹。飾棺厚殮。務從優禮。見襄使君墓志齊朝大

德。信感神明。方仰藉皇威。敬憑元宰。討逆賊於咸陽。謂北周誅叛子於雲夢。謂後梁同心協力。克定邦家。覽所示

權景宣書。北史周權景宣傳。孝閔帝踐祚。除基都陝平四州五防諸軍事。江陵防主。上流諸將。本有忠略。棄親向讎。庶當不爾。防奸定亂。終在於公。

今且頓東關。更待來信。未知水陸何處見迎。夫建國立君。布在方策。八盟出質。左傳。宣公十三年。楚子國鄭潘。入盟于良。出質。有

自來矣。若公之忠節。上感蒼旻。羣帥同謀。必匪攜貳。則齊師返旆。義不陵江。如致爽言。誓以無克。輅旗側

席。漢陳湯傳。谷永疏曰。臣聞楚有子玉得臣。文公為之仄席而坐。遲復行人。曹冲奉表齊都。即押送也。渭橋之下。惟遲敘言。漢文帝紀。使宋昌先之長安觀變。昌至渭

橋。丞相以下皆迎。昌還報代王。乃進至渭橋。羣臣拜謁稱臣。汜水之陽。預有號懼。漢高帝紀。二月甲午。上尊號漢王。即皇帝位於汜水之陽。

為貞陽侯重答王太尉書

王尚書通至。南史。王通字公達。仕梁。為黃門侍郎。敬帝承制。以為尚書右僕射。復枉示。知欲遣賢弟子世珍。以表誠實。南史王僧辯傳。遣第七子顯。顯所生劉。并弟子珍。往充實。

具悉憂國之懷。復以庭中玉樹。〔晉書〕謝玄與從兄朗。爲叔父安所。掌內明珠。〔江淹傷愛子賦〕無累胸懷。志在匡

救。豈非劬勞我社稷。弘濟我邦家。慙歎之懷。用忘興寢。晉安王。〔南史〕晉安王。諱方智。字慧相。小字法真。元帝第九

縣。〔注〕舊曰東。東京貽厥之重。〔詩〕詒。西都繼體之賢。〔史記外戚世家〕嗣守皇家。寧非民望。〔左傳〕崑子

之得。但世道喪亂。宜立長君。以其蒙尊。難可成業。〔漢賈誼疏〕雖有愚幼。不肖。成昭之德。自古希儔。〔周本紀〕

當國。成王長。周公反政成王。〔漢昭帝紀〕上官桀安父子與大將。沖質之危。何代無此。〔後漢書〕孝沖皇帝諱炳。順帝之子

帝諱纘。肅宗玄孫。沖帝崩。卽皇帝位。年八歲。大將軍梁冀燒弑。崩。年九歲。孤身當否運。志不圖生。忽荷不世之恩。仍致非常之舉。自惟虛薄。〔後漢明帝

以虛薄何。兢懼已深。若建承華。〔初學記〕太子之門曰承華。本歸皇胄。心口相誓。惟擬晉安。〔南史王僧辯傳〕遣吏部尚書送啓。因求以敬帝爲皇太子。明報書許之。

如或虛言。神明所殛。〔左傳〕襄公十一年。載書曰。明神。覽今所示。深遂本懷。戢慰之情。無寄言象。但公憂勞之

重。既稟齊恩。忠義之懷。復及梁貳。華夷兆庶。豈不懷風。宗廟明靈。豈不相感。正爾回旆。仍向歷陽。所期質

累使望來彼衆軍不渡已著盟書斯則大齊聖主之恩規上黨英王之然諾漢張敖傳上賢實高能自立然諾得原失信終

不爲也左傳僖公二十五年冬晉侯圍原命三日之糧原不降命去之謀出曰原將降矣軍吏曰請待之公曰信國之寶也民之所庇也得原失信何以庇之所亡滋多退一舍而原降惟遲相見使在不賒鄉國

非遙觸目號咽

又爲貞陽侯答王太尉書

周尙書弘正張廷尉種姜常侍嵩等至南史王僧辯傳遺左戶尙書周弘正至歷陽迎明詳讓表枉此月二十六日告并遣賢弟子世珍賢

子顯等見前書具忠款之至公養孤之恩愛甚鄧攸晉書石勒過泗水鄧攸曰吾弟早亡理不可絕止應自棄我兒繫之於樹而去時人語曰天道無知使鄧伯道無兒攸死弟子綏服喪三年

少子之懷情深張禹漢書張禹數視其小子上即禹牀下拜爲黃門郎給事中豈非憂勞社稷用忍肌膚班彪王命論高祖高四倍之節割肌膚之愛天下含靈誰

無悲婉余遭家不造敬累吾賢言念忠誠益以號咽但皇齊大德過見優矜微借輕兵以垂將送意謂江

東凋弊累積寒暄供膳資解理營多闕輒白上黨王止請三千人二百匹而已南史王僧辯傳貞陽求度衛士三千凱衆人殊

尙有疑難將恐諸士未喻雅懷今復命周尙書及姜常侍還彼具陳一二夫以受爲寇非有晉邦左傳趙宣子曰

我若受秦秦則  
策也不受寇也。

不送為譏。終無楚國。

〔左傳〕晉公子及楚。  
楚子襄之乃送諸秦。

五千步卒。既謝李陵。

〔漢書〕陵對願以  
步兵五千涉單于庭。

三千羸兵。亦

等無忌。

〔平原君傳〕李同送與三千  
人赴秦軍。秦軍為之卻三十里。

公之明義。理不為嫌。行人失辭。

〔左傳〕襄子以為詔。使趙  
括從而更之曰。行人失辭。

尚停然諾。

見前

臨

江總鬱。企望音郵。惟遲來書。此不多具。

為貞陽侯與陳司空書

〔陳武帝紀〕諱霸先。字興國。小字法生。吳興  
長城下若里人。承聖三年三月進帝位司空。

軒轅既作。遇蚩尤之兵。

見勸  
進表。

顓頊為君。阻共工之亂。

〔列子〕共工氏與顓頊爭為帝。  
怒而觸不周之山。折天柱。絕地維。

雖復搖山蕩谷。驅電乘雷。

殲厥兇渠。曾靡遺孽。未有時當至治。世在欽明。元惡滔天。遂陷邦家者也。我大梁開金繩之寶牒。

〔初學記〕  
封禪注儀

曰。特凡三十人。上發壇。上石礪蓋。尚書令北向跪。藏玉牒畢。持禮覆  
石礪。尚書令封上。十石檢亦纏以金繩。泥以金泥。四方各依其色。

紐玉鏡之珍符。

見與王  
太尉書。

功烈與造化相伴。德施與風

雲俱遠。戴日之族。何向不賓。太平之基。無遠弗屆。

〔爾雅〕距齊州以南。戴日為丹穴。東至日所出為大平。  
西至日所入為太蒙。〔注〕距去也。齊中也。大蒙即蒙汜。

逆賊侯景。殲

亂本朝。覺重聰彌。

見移齊文及  
與王僧辯書。

凶逾羿浞。

〔帝王世紀〕寒浞殺羿  
於桃梧。而烹之。以食其子。

後主天經地緯。

〔左傳〕晉成鱗  
曰。經緯天地曰文。

義冠人靈。驅馭

熊熊。〔書〕如熊如羆。遂翦劔盜。少康祀夏。何可對揚。見與王太尉書。太戊與殷。彌無等級。〔殷本紀〕亳有祥桑谷。其生於朝。一暮大拱。太戊脩德三日。祥桑枯死。商道復興。

號稱中宗。不圖天未悔禍。喪亂薦臻。羗賊憑陵。侵蕩荆漢。乘輿幽辱。既陷兇徒。〔梁元帝紀〕帝被執。管使尙書傅準監行刑。進士囊而殞之。詳前書。黎

獻崩騰。莫不淪沒。〔書益稷〕萬邦黎獻。共惟帝臣。光寬曰。〔梁元帝紀〕于謹盡俘僕射王褒以下。故以哀窮兆庶。痛極蒼旻者也。夫諸侯釋位。寧非禍

亂之朝。〔左傳〕諸侯釋位。以問王室。服慶曰。言諸侯釋其私政。以佐王室。宗子維城。本濟殷憂之日。〔詩〕宗子維城。王室維寧。武皇遺胄。皆陷虜庭。乞命偷生。

何能支久。〔梁元帝紀〕于謹盡俘汝南王大封以下。孤宗室之長。爰自布衣。見與王僧辯書。辛癸之朝。容身靡託。〔史記〕夏帝履癸爲桀。殷帝辛謂紂。指東昏。追惟

先業。大庇生民。既雪伯升之怨。仍紹桓王之霸。見與王僧辯書。孤二三昆季。情禮獲申。等預藩枝。偏承皇德。近歲

彭都之役。得備戎昭。〔左傳〕戎昭果毅。以聽之。謂禮。詳與王僧辯書。鞍甲之勞。庶訓天寵。〔易〕在師中。吉。承天寵也。況復邦家不造。至此橫流。凶

狡猶存。何所逃責。固以提戈負劍。臥泣行號。言念荆巫。志雪讎恥。見與王僧辯書。大齊德竝天地。明符日月。隆禮

詔俗。張樂被民。義感華夷。仁侔造化。玉羊銀甕。嘉瑞必彰。〔瑞應圖〕師曠鼓琴。玉羊白鵠。翺翔投壘。孝經授神契。神靈滋液。有銀甕。不汲自滿。澤馬山車。禎

符總集。〔拾遺記〕軒轅泛河沉壁有澤馬羣鳴山車滿野。若夫中原猛士本自無窮。見樂府。沙塞精兵斯何有量。見與王僧辯書。是以家國之富文

景所未儔。〔漢景帝紀贊〕周云成康漢言文景美矣。兵馬之強秦漢所未敵。但親鄰之道既篤夙私明發之懷。〔詩〕明發不寐有懷二人。彌敦

先好以爲興亡繼絕。見論語。聖典通規爰命無庸嗣守社稷既方憑大國庶討仇讎恩喻難達諸懷慙哽公

體茲懋德毗奉中興歸自番禺。〔隋書〕揚州南海郡南海縣〔注〕舊分置番禺縣。志在討亂至於雲行電邁。〔班固西都賦〕雲奔電激。谷靜山空

〔後漢段熲傳〕張奐又言羞一氣所生不可誅盡山谷廣大不可空靜。扼鵠尾而定王畿登牛頭而埽天闕。漸臺僞帥將傳首於帝京。郿塢元兇皆

橫尸於軍市。見勸進表。高庸茂烈振古希儔承此欣然漢所嘉歎今者殷憂未已。〔陸機歎逝賦〕在殷憂而弗遠。禍難相尋宗社

無依與主宜立。〔左〕叔向曰國有與主。夙承所眷尚在沖年。〔書金縢〕惟予沖人弗及知。王室猶難何以康濟。〔書秦仲之命〕康濟小民。董侯幼弱終

覆漢朝。〔魏紀春秋佐助期曰〕漢以蒙孫亡說者以蒙孫漢二十四帝童蒙愚昏以弱亡或以雜文爲蒙其孫當失天下以爲漢帝非正嗣少時爲董侯名不正蒙亂之荒惑其子孫以弱亡獻帝諱協協母王美人爲何后所燒殺董太后自美協號曰董侯

馬業童蒙仍傾晉室。〔晉書〕太子德宗幼而不慧口不能言至於寒暑飢飽亦不能辨武帝遇弒卽位是爲安帝。所謂前事之不忘後事之龜兆也。孤過荷恩靈



預奉帷幄。見讓表。黃河白日。亟降誠言。分災卹患。事非虛旨。見與王僧辯書。但當小國之禮。無失敬恭。左傳。子國曰。敬其幣帛。以待來者。小

國之道也。閩境人民。俱勞瘡痍。方窮人爵之重。孟子。公卿大夫。此人爵也。以報非常之功。漢武帝紀。詔曰。蓋有非常之功。必待非常之人。惠覽今書。希能

留意也。上黨王文高劉德。漢書。德字路叔。武帝謂之千里駒。武冠曹彰。見為始興王表。爰降宗英。遠於將送。見與王僧辯書。裴侍中英起。贊奉

師德。俱事戎間。月壘連營。吳孫琳傳。朱異遣將軍任度等築偃月壘。樹屏曰。宋臧質傳。云。質舉兵反。孝武遣柳元景等屯梁山洲兩岸。築偃月壘。水陸待之。雲旗蔽野。司馬相如上林賦。雲旗

同集江淮。翼我歸旆。湛海珍等。南史。貞陽侯明傳。魏平江陵。齊文宣使送明至梁。并前所獲梁將湛海珍等。皆聽從明歸。令上黨王渙率衆送之。詳與王僧辯書。竝前朝舊將。夙著勳

庸。江左氛妖。投身齊國。今者皆蒙恩獎。竝在戎行。歸附明公。共翦讎難。去月將晦。便留壽春。已具舟艦。將

臨灤浦。後漢獻帝紀注。壽春縣屬九江郡。隋書。荊州九江郡淦城縣。注。有巢湖。若公為內主。方同國子之勳。左傳。叔向曰。齊桓有國。高以為內主。余以定家。得免

臧孫之歎。左傳。臧昭伯見平子。平子曰。苟使意知得故事君。所謂生死而肉骨也。昭子從公於齊。與公言。平子有異志。冬十月辛酉。昭子齊於其寢。使祝宗祈死。戊辰卒。豈不功名富貴。共保無疆。前望

鄉關。惟增號哭。

爲貞陽侯重與裴之橫書

〔南史〕魏克江陵，齊遣上黨王高渙，挾貞陽侯明，攻東關，晉安王承制。以之橫爲徐州刺史，都督衆軍，出守蕪城。〔本傳〕之橫，遠之兄子也。

張佛奴昨還，得去月二十六日書，覽以增慨。昔桓公始反，管仲親射其車。

〔齊世家〕魯使管仲別將軍，遮莒道，射中小白帶鉤。重耳初還，

呂卻終焚其室。

〔左傳〕秦伯納公子重耳於晉。呂卻畏僂，將焚公宮，而弑晉侯。

頃家國多患，頻遘閔凶。前事不忘，便爲龜兆。所以皇齊大德，禮

秩兼常，威武紛紜，洪恩汪濊。

〔司馬相如文〕威武紛紜，洪恩汪濊。

况復旌旗照日，鼓吹從風，文物俱華，羽衛相鬱。書契以來，斯

未有也。卿天監之始，門宦有成。

〔南史〕裴遠，河東聞喜人，祖壽孫，寓居壽陽。會刺史張叔業以壽陽降魏，遠送隨北徒。梁天監初，自拔南還，以功封夷陵縣子。歷官豫州刺史、督鎮合肥，大敗魏軍，卒贈侍中、左衛將軍，進

爵爲侯。子之禮嗣，爲西豫州刺史。之禮卒於少府卿之高，遠兄中散大夫髦之子也。除梁郡太守，封都成縣男。之高第五弟之平，以軍功封費縣侯。之高第十二弟也。

承聖之初，身名俱素。

見盛志。

正應勸王效

命，酬二后之恩，憂國如家，報三靈之寵。

見勳進表。

何有方規異志，苟樹童蒙。

見與陳司空書。

阻地險於長川。

〔易〕地險山川邱陵也。

忘

天討之應及。

〔書〕天討有罪，五刑五用哉。

孤昔忝藩維，非無游士，平原之館，乃乏如錐。

〔史記〕趙平原君謂毛遂曰：賢士之處世也，譬如錐處囊中，其末立見。

田文

之家，差有彈鋏。

〔史記〕馮驩在孟嘗君門下爲客，每給疏飯，驩乃倚柱彈鋏而歌。

雖李廣麾下，莫不封侯。

〔漢李廣傳〕廣與望氣王朔語曰：自漢擊匈奴，廣未嘗不在其中，而諸部校尉以下材能不及中。

以軍功取侯者數十人，廣不為後人。衛青故人，多懷彼此。〔漢書去病傳〕青日衰而去病日益貴，青故人門下多去事去病，輒得官爵，惟獨任安不肯去。豈可文辭簡略，然終無尺寸功，以得封邑者何也。

禮等平交，披封伸紙，益多歎異，相鼠無儀，表詩人之作。〔詩〕相鼠有皮，人而無儀，人而無儀，不死何為。茅鴟刺傲，彰魯史之文。〔左傳〕叔孫穆

子食慶封，慶封祀祭，穆子不悅，使工為之誦茅鴟，亦不知。宿昔相期，不應如此。衆軍即便頓江關，相見在近，不復多及。

為貞陽侯與北齊北齊二字疑羨文。荀昂兄弟書。〔南史〕荀朗字澆明，潁川潁陰人也。侯景之亂，據葉湖，無所屬。臺城陷沒後，梁簡文帝密詔授朗豫州刺史，令與外蕃討景。魏克荊州，陳武帝入輔，齊遣蕭

軌、東方老等來寇，據石頭，朗自宣城來赴，與侯安都等大破之。武帝受禪，賜爵興寧縣侯，以朗兄昂為左衛將軍，弟曇為太子右衛率。

張佛奴至，未枉還告，但以勞悒，夫與亡繼絕，往帝之通規，分災恤患，聖王之恆典。〔見與王僧辯書〕自敦龐既散，〔見與王僧辯書〕

魏文公曰：敦龐純固於是乎成。詐偽萌生，時託親鄰，信有澆隱，大齊道冠三皇，風高九代，仁信之本，關於至誠，言與之恩，由

於孝德，孤謬蒙殊獎，還嗣本朝，敕諭分明，言誓殊重，若使邦家克定，境內無虞，凡廣陵、歷陽，皆許見還，白

水黃河。〔見與王僧辯書〕屢奉然諾。〔見答王大尉書〕彝章禮數，莫不優華，斯乃不世之殊恩，寧是悠長之恆事，王太尉勳跡呂

望德冠伊衡。凡厥英謀。算靡遺策。豈容當滔天之巨寇。違大國之隆恩。計彼賢明。必當不爾。卿維兄及弟。

莫非雄才。江左風塵。不染兇寇。賈氏三虎。豈獨貴於前脩。〔後漢賈彪傳〕彪字偉節。時號賈氏三虎。偉節最怒。荀家八龍。信服在於今

日。〔後漢荀淑傳〕淑有子八人。儉纒培。兼汪爽肅瞻。並有名稱。時人謂之八龍。近者州司不道。或致流言。朝聽於明。已如前及。想謀元宰。善保良圖。南

道主人以相付也。〔後漢書〕耿弇聞光武在盧奴。乃馳北上謁。光武留署門下吏。弇因求歸上谷發兵。以定邯鄲。光武指弇曰。是我北道主人也。見所荅東海徐湛書。粗具來意。昔桓

憑莒衆。文用秦攻。是假鄰國之威。以備非常之變。〔左傳〕莊公九年。桓公自莒先入。僖公二十四年。秦伯送衛於晉。實紀綱之僕。若使江東宰匠。具領

齊恩。時命封疆。遠相迎接。故當攜諸舊隸。率我賓游。朝服簪纓。直拜園寢。梁人望國。自合水而浮舟。齊帥

言歸。指滄江而回旆。如其彼相。〔論語〕則將焉用彼相矣。未悟良機。將恐戎麾。遂踐京邑。若其求成取敗。豈謂和風。龍

馬雲旗。見爲貞陽侯書。差不相涉。一二復令張佛奴口具。相見在近。此不多及。

在北齊與楊僕射書。〔北史〕楊愔字遵彥。弘農華陰人。楊津子也。小名秦王。兒童時。口若不能言。而風度深敏。天保初。詔監太史。遷尚書右僕射。

陵叩頭叩頭夫一言所感凝暉照於魯陽

〔淮南子〕魯陽公與韓釐戰日暮援戈揮之日反三舍

一志冥通飛泉涌於疏勒

見與王太尉書

況復

元首康哉股肱良哉

見書

鄰國相聞風教相期者也天道窮剝鍾亂本朝情計馳惶公私哽懼而駭骨之請

〔漢疏廣傳〕即日乞骸骨

徒淹歲寒顛沛之祈

〔論語〕顛沛必於是

空盈卷軸是所不圖也非所仰望也執事不聞之乎昔分龍

命鷹之世

〔三皇本紀〕女媧氏鍊五色石以補天斷鼃足以立四極聚蘆灰以止涸水〔左傳〕九鳳為九農政〔注〕鳳有九種也春鳳如鷦夏鳳竊玄秋鳳竊藍冬鳳竊黃棘鳳竊丹行鳳嗜嗜脊鳳噴噴柔鳳竊脂老鳳竊類以九鳳為九農政之號樹

敏曰〔爾雅〕鳳字作鷹

觀河拜洛之年

〔帝王世紀〕後年二月堯率羣臣刻璧為書東沈洛水〔竹書紀年〕舜設壇於河依堯故事至於下尻榮光休至黃龍負圖出於壇畔

則有日烏流災風禽騁暴

〔淮南子〕堯時十日並出又有大風為民害堯使羿繳風射日萬民大悅

天傾西北地缺東南

〔列子〕地不滿東南百川歸焉

盛旱坼三川

〔說苑〕湯之時大旱坼坼以場

長波含五岳

〔書〕湯湯洪水方割蕩蕩懷山襄陵

我大梁應金圖而有亢

〔帝王世紀〕少昊即闡譏所謂白帝朱宣者也故稱少昊號金天氏

纂玉鏡而猶屯

見與王太尉書

何則聖人不能

為時斯固窮通之恆理也至如荊州刺史湘東王幾神之本無寄名言陶鑄之餘猶為堯舜

見〔莊子〕

雖復

六代之舞陳於總章

〔周禮〕天子祭祖用六代之樂〔周書〕明堂西方曰總章

九州之歌登於司樂

未詳按〔周禮大司樂〕大合樂以致鬼神示以和邦國以諧萬民以安賓客以說遠人以作動物

虞夔拊石。〔舜典〕夔曰於予擊石拊石百獸率舞。晉曠調鐘。〔淮南子〕師曠之欲調鐘以爲後有知音也。未足頌此英聲。〔封禪文〕無以宣其盛德者也。〔詩序〕

頌者美盛德之形容。若使郊禋楚翼。寧非祀夏之君。〔郊特牲注〕郊者祭天之名。〔國語〕精意以享曰禋。〔天官書注〕星經云。翼軫楚之分野也。詳與王太尉書。戡定艱難。便是匡周

之霸。豈徒函王徙雍。葦月爲都。〔吳越春秋〕古公去邠。處岐周。居三月成城。邦。一年成邑。二年成都。而民五倍其初。姚帝遷河。周年成邑。〔史記五帝本紀〕虞舜一年而所居成。來二

年成邑。三年成都。方今越裳藐藐。馴雉北飛。〔韓詩外傳〕周公居攝二年。制禮作樂。天下和平。越裳氏以三象重譯而獻白雉。肅慎茫茫。風牛南偃。〔家語〕武王滅紂。肅慎來獻石。甚惜矢。

〔左傳〕齊侯伐楚。楚子使與師言曰。君處北海。寡人處南海。唯是風馬牛不相及也。吾君之子。見注含識知歸。而蒼旨云。何所投身。斯其未喻一也。又晉熙

等郡。〔隋書地理志〕揚州同安郡。懷寧縣。〔注〕舊置晉熙郡。皆入貴朝。去我潯陽。經途何幾。〔任防笑范僕射詩〕與子別幾辰。經途不盈旬。至於鑿鑿。曉漏。

書云。孔盞爲漏。浮箭爲刻。下漏數刻。以考中星。昏明生焉。的的宵烽。〔漢書音義〕多積薪。寇至即燔之。望其煙曰燧。晝則燔燧。夜則舉烽。隔激浦而相聞。〔楚辭〕出激浦而還。臨高臺而可望。

〔渚宮故事〕宋臨川王義慶鎮江陵。於羅公洲立觀甚大。而唯一柱。泉流寶盞。遙憶溢城。〔藝林伐山〕寶盞泉在江州。吳秩臣曰。〔潯陽記〕盆水出清盆山。因以爲名。潯山雙流而右。灌潯陽東北。流入江。峰號香

爐。依然廬岳。〔釋慧遠廬山記〕東南有香爐山。其上氤氳若香煙。日者鄱陽王。〔南史梁鄱陽王世子範傳〕太清元年。大舉北伐。初謀元帥。貞陽侯明請行。而以範爲征北大將軍。總督漢北征討諸軍事。侯景敗於渦陽。退

保壽春乃改範爲合州刺史。鑿合肥。治兵匯派屯戍淪波。〔爾雅〕大波爲瀾小波爲淪。朝夕賤書春秋方物。〔周書旅葵〕無有遠邇畢獻方物。吾無從以臨屬。〔戰國策〕秦

秦去秦而歸。蘇籙履驢。樹本曰。〔史記〕虞卿傳。虞卿躡屣擔簞。說趙孝成王。賜黃金百鎰。白璧一雙。再見爲趙上卿。故號虞卿。彼何路而齊鑣。〔魏應鑣集遺句〕云。〔晉書〕不齊鑣。豈其然乎。斯不然矣。又

近者邵陵王通和此國。〔周楊忠傳〕梁元帝逼其兄邵陵王綸北度。與其前西陵郡守羊思達。要隨陸士。家。〔文

王始都鄂。雲聚魏都。鄴下名卿。見勸進表。風馳江浦。豈盧龍之徑。於彼新開。〔魏志〕曹公北征烏桓。軍次無終。濱海下。膠亦通。守溪要軍不得進。問田疇。疇曰。此道秋夏有水。淺不通。

車馬深不載舟船。可回軍從盧龍口。越白積之險。出空虛之地。路近。而使軍還論功行封。疇以爲豈可賣盧龍之塞。以易爵賞。遂不受。銅駝之街。於我長閉。見樂府。何彼途甚易。非勞於五丁。

〔史記〕天爲蜀王生五丁力士。能徙山。秦王獻美女與蜀王。遣五丁迎女。見一大蛇入山穴中。五丁共引蛇。山崩。獸殺五丁。秦女皆上山。化爲石。我路爲難。如登於九折。〔漢書〕王陽爲益州刺史。行部至邛郯九折阪。歎曰。奉先人

遺體。奈何數乘此險。及王尊爲刺史。至其阪。問吏曰。此非王陽所畏道邪。吏對曰。是尊叱其馭曰。速驅之。王陽爲孝子。王尊爲忠臣。地不私載。何其爽歟。而答旨云。還路無從。斯所未喻。二

也。晉熙廬江。義陽安陸。〔隋書地理志〕揚州廬江郡廬江縣。〔注〕舊置廬江郡。荊州。陽郡安陸縣。注。舊置義陽郡。安陸郡。安陸縣。〔注〕舊置安陸郡。皆云款附。非復危邦。計彼中

途。便當靜晏。自斯以北。桴鼓不鳴。〔漢酷吏傳〕長安劇劫。行者死傷橫道。桴鼓不絕。自此以南。封疆未壹。如其境外。脫殞輕軀。幸非邊

吏之差何在匹夫之命。又此段賓遊通無貨殖。

〔論語〕賜不受命而貨殖焉。

忝非韓起聘鄭私買玉環。

〔左傳〕宣子有環其

伯子產弗與曰非官府之守器也。寡君不知韓子買諸商人既成價矣商人曰必告君大夫韓子請諸子產對曰僑若獻玉不知所成敢私布之韓子辭玉。

吳札過徐躬要寶劍。

〔史記〕延陵季子將聘齊帶劍以過徐君徐君欲之季子為

有上國之事未獻也。然心許之矣。反則徐君已死。於是以劍挂其墓樹而去。

由來宴錫凡厥囊裝行役淹留皆已虛罄散有限之微財供無期之久客。

斯可知矣。且據圖刎首愚者不為。

〔後漢馬融傳〕融常飢困謂友人曰古人有言左手據天下之圖右手刎其喉愚夫不為所以然者生貴於天下也。

運斧全身庸流所鑿。

〔莊子〕

鄧人聖壤其鼻端若蠅翼使匠石斲之匠石運斤成風聽而斲之盡聖而鼻不傷鄧人立不失容。

何則生輕一髮自重千鈞不以賈盜明矣。骨肉不任充鼎俎。

〔漢項籍傳〕

今人方為刀俎吾為魚肉。

皮毛不足入貨財盜有道焉。

〔莊子〕盜亦有道。

吾無憂矣。又公家遣使脫有資須本朝非隆平之時遊客

豈皇華之勢。

〔詩序〕皇皇者華君遣使臣也。

輕裝獨宿非勞聚攬之儀。

〔周禮聚斂氏〕凡軍事縣壺以序聚攬〔注〕軍中遇夜則擊攬以備守有更漏則擊攬者可更迭矣。

微騎間行。

寧望輜軒之禮。

〔漢陳平傳〕平身間行杖劍亡降漢。〔文選注〕輜車朱軒使者之車也。

歸人將從私具驢騾緣道亭郵唯希蔬菜若曰留之無煩

於執事遣之有費於官司。

〔左傳〕臧僖伯曰官司之守非君所及也。

或以顛沛為言或云資裝可懼固非通論皆是外篇。

〔漢淮南王安傳〕



招致賓客方術之士數千人。作為內書二十一篇。外書甚衆。又有中篇八卷。言神仙黃白之術。亦二十餘萬言。斯所未喻三也。又若以吾徒應還侯景。侯景凶逆。殲我國家。天

下含靈。人懷憤厲。既不能投身社稷。衛難乘輿。三家磔蚩尤。千刀刺王莽。見勸進表。安所謂俛首頓膝。歸奉寇

讎。佩弭腰鞬。為其阜隸。〔左傳〕晉公子對楚子曰。其左執鞬。右屬囊鞬。以與君周旋。又叔向曰。樂卻胥原。狐續慶伯。降在阜隸。日者通和。方敦曩睦。凶人黽詐。〔漢書〕侯王表。乘

聘阻詐。遂駭狠心。〔左傳〕叔向妻生伯石。姑曰。狠子野心。非是莫喪羊舌氏矣。頗疑宋萬之誅。〔左傳〕宋人請猛獲於衛。亦請南宮萬於陳。以賂陳人。使婦人飲之酒。而以犀革裹之。比及宋。手足皆見。皆隨之。彌

懼荀瑩之請。〔左傳〕晉人歸楚公子穀臣。與連尹襄老之尸於楚。以求知養。於是荀首佐中軍矣。故楚人許之。詳為貞陽侯書。所以奔蹄勁角。〔漢書〕武帝詔曰。專恣憑陵。凡我馬或奔蹏。而致千里。專恣憑陵。凡我

行人。偏膺讎憾。政復菹筋醢骨。〔史記〕淳齒擢潛王筋懸之廟屋。宿昔而死。抽舌撻肝。〔張璠漢記〕董卓於衆坐。生斬人手足。又鑿口。沈忠柱曰。〔韓詩外傳〕狄人殺衛懿公。盡食其肉。獨舍

其肝。弘演使還。哭畢呼天。於彼凶情。猶當未雪。海內之所知也。君侯之所具焉。又聞本朝王公。陳書作公主。都人士女。

風行雨散。〔王粲詩〕風流雲散。一別如兩。東播西流。京邑邱墟。蓁蓬蕭瑟。偃師南望。〔漢官典職〕德陽殿周遊容萬人。自偃師去宮三十五里。望朱雀閣。其上觀與天連。咸

為草萊。霜陵回首。〔王粲七哀詩〕南登霸陵岸。回首望長安。俱霑霜露。〔漢書〕伍被曰。臣亦將見宮中生荆棘。露霑衣也。此又君之所知也。彼以何義。爭免寇

離。我以何親。爭歸委質。

〔左傳〕狐突對曰。策名委質。

昔鉅平貴將。懸重於陸公。

〔晉羊祜傳〕及五等建。祜封鉅平子。邑六百戶。帝有滅吳之志。以祜為都督荊州諸軍事。祜與陸抗相對。使

命交通。抗嘗病。祜饋之藥。抗服之無疑。心人多諫。抗抗曰。羊祜豈詆人者。

叔向名流。深知於譏蔑。

〔左傳〕晉叔向通鄭。譏蔑惡。欲殺叔向。從使之收器者而往。立於堂下。一言而善。叔向將飲酒。聞之曰。必讓明也。下執其手以上。吾

雖不敏。常慕前脩。不圖明庶有懷。翻期

陳書作其。

以此量物。昔魏氏將亡。羣凶挺爭。諸賢戮力。想得其明。為萬

榮之黨邪。為邢杲之徒邪。

〔北史〕魏葛榮引兵圍鄴。爾朱榮以侯景為前驅。擒葛榮斬之。五州皆平。〔北周宇文貴傳〕貴從爾朱榮擒葛榮於滏口。加別將。又從元天穆平邢杲。轉都督。

如曰不然。斯所

未喻四也。假使吾徒。還為凶黨。侯景生於趙代。家自幽恆。居則台司。行為連率。

〔後漢馬援傳注〕莽法。典郡者公為牧。侯稱卒正。伯稱連率。其無

封爵者為尹也。

山川形勝。軍國彛章。不勞請箸。為籌

〔漢書〕酈食其謀撓楚權。勸漢王立六國。後張良曰。陛下事去矣。臣請借前箸以籌之。

便當屈指能算。

〔漢陳湯傳〕知烏孫瓦合不

能久攻。故事不過數日。因對曰。已解矣。屈指計其日曰。不出五日。當有吉語聞。居四日。軍書到言已解。〔侯景傳〕景字萬景。魏之懷朔鎮人也。歡使擁兵十萬。專制河南。

重。以逋逃小醜。

〔書〕紂為天下逋逃主。

羊豕同

羣。身寓江臯。家留河朔。

〔侯景傳〕高澄遣其將慕容紹宗。追景。乃與腹心數騎自硤石濟淮。

春春井井。如鬼如神。其不然乎。抑又君之所知也。且

夫宮闈祕事。竝若雲霧。英俊訐謔。寧非帷幄。

見讓表。

或陽驚以定策。

〔漢張安世傳〕每定大政。已決。輒移病出。闈有詔令。乃驚。使吏之丞相府問焉。自朝廷大臣。莫知其與

或焚橐而奏書。〔漢書〕孔光與樞機十餘年時有所言。輒削草囊。〔晉書〕羊祜歷事二世。戰與樞要。凡謀議皆焚其草。世莫得聞。朝廷之士。猶難參預。羈旅之人。〔左傳〕陳敬仲曰。羈旅

之。何階耳目。至於禮樂沿革。刑政寬猛。〔左傳〕子產謂子太叔曰。惟有德者能以寬服民。其次莫如猛。則謳歌已遠。萬舞成風。不知手之舞之。

足之蹈之也。安在搖其牙齒。為間諜者哉。〔莊子〕搖唇鼓舌。〔樂毅傳〕田單縱反間於燕。〔左傳〕晉人獲秦謀。若謂復命西朝。終奔東虜。雖齊

梁有隔。尉候奚殊。〔揚雄解嘲〕大漢東南一尉。西北一候。豈以河曲之難浮。而曰江關之可濟。河橋馬渡。寧非宋典之姦。〔晉書〕琅邪王

睿。從帝在鄴。恐及禍。將逃歸。成都王穎先救關津。無得出貴人。睿出河陽。為津吏所止。從者宋典自後來。以鞭拂睿而笑曰。舍長官。禁貴人。汝亦被拘耶。吏乃聽過。關路雞鳴。皆曰田文之客。見表後啓何其通蔽。

乃爾相妨。斯所未喻五也。又兵交使在。雖著前經。〔左傳〕齊書伐鄭。鄭人使伯錫行成。晉人殺之。非禮也。兵交使在其間可也。儻同徇僕之尤。〔司馬遷〕

直曰。君之使。不可殺之。乃斬其僕之左駟馬之左驂。以徇三軍。追肆寒山之怒。〔北史〕齊慕容紹宗。字紹宗。侯景反。命紹宗為東南道行臺。加開府。改封燕郡公。與大都督高岳。食梁貞陽侯蕭明於寒山。回軍討侯景於渦陽。大捷。詳與王僧辯書。

則凡諸元帥。並繹繹囚。爰及褊裨。同無翦滅。乃至鍾儀見赦。朋笑遵途。〔左傳〕晉侯觀於軍府。見鍾儀。問曰。南冠而縶者誰也。曰。鄭人所獻楚囚也。使稅之。重

為之禮。使襄老蒙歸。虞歌引路。〔左傳〕公會吳子伐齊。將戰。公孫夏命其徒歌虞殯。吾等張廬拭玉。〔儀禮〕使者及境。張廬。靈乃闕關人。〔又〕賓朝服立。東西南面。賈人北面坐。拭圭。鄭玄曰。拭清也。

脩好尋盟涉泗之與浮河。

〔禹貢〕浮于淮泗達于河。

郊勞至於贈賄。

〔左傳〕齊國莊子來聘自郊勞至於贈賄禮成而加之以敬。樹本曰〔左傳〕蘧啓疆曰入有郊勞出有贈賄禮之至也。

公

恩既被賓敬無違今者何倦翻蒙貶責若以此爲言斯所未喻六也若曰妖氛永久喪亂愍然哀我奔波。

〔鮑昭詩〕客行惜日月奔波不可留。

存其形魄固已銘茲厚德戴此洪恩譬渤海而俱深。

〔博物志〕東海稱渤海又謂之滄海。

方嵩華而猶重但

山梁飲啄非有意於樊籠。

〔莊子〕澤雉十步一啄百步一飲不蕪畜乎樊中〔論語〕山梁雌雉。

江海飛浮本無情於鐘鼓。

〔莊子〕昔者海鳥止於魯郊魯侯御而觴之於廟美九韶以

爲樂具太宰以爲膳鳥乃眩視憂悲三日而死〔江淹詩〕成池享爰居鐘鼓或愁辛。

況吾等營魂已謝。

〔屈原九章〕魂詭路之營營。

餘息空留悲默爲生何能支久是則雖

蒙養護更天天年。

〔漢雨蓂傳〕父老哭曰蓂以香自燒膏以明自銷蓂生竟天天年。

若以此爲言斯所未喻七也若云逆豎殲夷當聽反命高軒

繼路飛蓋相隨。

〔曹植詩〕飛蓋相追隨。

未解其言何能善譴。

〔詩〕善戲謔兮。

夫屯亨治亂。

見爲貞陽侯書。

豈有意於前期謝常侍今年

五十有一。

〔齊書魏收傳〕魏帝敕衆主客郎接梁使謝延徐陵。

吾今年四十有四介已知命。

〔魯論〕子曰五十而知天命。

賓久

陳書作又。

杖鄉。

〔禮記〕六十杖於鄉。

侯生肩隨而已。

〔史記〕侯嬴年七十家貧爲大梁夷門監者。樹屏曰〔曲禮〕五年以長則肩隨之。

豈銀臺之要彼未從師。

〔郭璞遊仙詩〕神山排雲出但見金銀臺。

金籠之方吾

知其訣。〔漢武帝紀〕李少君曰。祀竈則致物。而丹砂可化為黃金。政恐南陽菊水。竟不延齡。〔荊州記〕縣北八里有菊水。其源旁悉芳菊。水極甘馨。又有三十家。不復穿井。即飲此水。上壽百二十。中壽百餘。七十者猶以爲天。

東海桑田。無由佇望。〔陳書〕神仙傳。麻姑謂王方平曰。接待以來。見東海三變爲桑田。向到蓬萊。水淺於往時略半也。豈將復還爲陸陵乎。方平笑曰。聖人皆言海中行復揚塵也。若以此爲言。

斯所未喻八也。足下清襟勝託。〔袁粲答王儉詩〕老夫亦何寄之子。照清襟。書園文林。〔范曄應詔詩〕文園降照臨。凡自洪荒。終乎幽厲。如吾今日。

寧有其人。爰至春秋。微宜商略。夫宗姬殄墮。霸道昏凶。或執政之多門。〔左傳〕晉政多門。或陪臣之涼德。〔論語〕陪臣執國命。〔左傳〕

故藏孫有禮。翻囚與國之寶。〔列女傳〕臧文仲爲魯使齊。齊拘之。而與兵欲襲魯。文仲陰使人遺公書。爲隱語。人不能解。其母解之曰。吾子拘有木治矣。於是軍於境上。齊還文仲而不伐魯。周伯無

倦。空怒天王之使。〔左傳〕隱公七年冬。王使凡伯來聘。還我伐之於楚邱。以歸。遷箕卿於兩館。〔左傳〕晉人爲邾人之獻。故執我行。人叔孫緒館諸箕。舍子服昭伯於他邑。執驥子於三年。

斯非貪亂之風邪。寧當今之高例也。至於雙嶠且帝。四海爭雄。〔魯仲連傳〕新垣衍曰。秦前與齊湣王

或構趙而侵燕。或連韓而謀魏。〔史記〕犀首者。魏之陰晉人也。名衍。姓公孫氏。與張儀不善。張儀爲秦之魏。魏王相張儀。犀首弗利。故令人

身求盟於楚殿。躬奪璧於秦庭。〔戰國策〕秦求九鼎。願平。謂韓公叔曰。子何不少委焉。以衍爲功。則秦魏之交可錯矣。然則魏必圖秦而塞儀。收韓而相衍。見表後啓。輸寶鼎以託齊王。

〔戰國策〕秦求九鼎。願平。謂韓公叔曰。子何不少委焉。以衍爲功。則秦魏之交可錯矣。然則魏必圖秦而塞儀。收韓而相衍。

齊王救周齊求九〔范曄傳〕馳安車而誘梁客〔魏更名姓曰張祿時秦昭王使謁者王稽於魏〕鼎率又東解之〔鄭安平夜與張祿見王稽稽載范曄入秦蕭之王封應侯〕其外膏脣拭〔陳書〕舌〔後漢〕

者傳〔羣邪項〕分路揚鑲無罪無辜如兄如弟〔見詩〕逮乎中陽受命〔漢高祖紀〕高祖〔沛豐邑中陽里人〕天下同規〔中唐〕今〔中唐〕巡省

諸華無聞幽辱及三方之霸也孫甘言以斌媚〔樹屏曰〕〔三國志〕鍾繇與魏〔文帝書〕吾見孫權了更斌媚曹屈詐以羈縻旃軫歲到於句

吳〔曲禮〕僕展輪效駕〔光宣曰〕吳〔吳〕冠蓋年馳於庸蜀〔魏世家〕魏使人求救於秦冠蓋相望〔書牧誓〕及庸蜀羌黎微盧彭濮人則客嘲殊險賓戲已

深〔漢書〕揚雄作〔漢書〕共盡游談誰云猜忤若使搜求故事〔陳書〕脫有前蹤恐是叔世之姦謀〔左傳〕叔向詰于產〔晉書〕王濬表曰

也而非為邦之勝略也抑又聞之雲師火帝澆淳乃異其風〔見勸進表〕龍躍麟驚王霸雖殊其道〔易〕或躍在淵〔晉書〕王濬表曰

猛獸當途〔陳書〕莫不崇君親以詔〔陳書〕物敦敬養以治民預有邦司曾無隆替吾奉遠溫清〔曲禮〕凡為人于〔禮〕冬溫而夏清仍屬

亂離寇虜猖狂公私播越蕭軒靡御〔漢蕭育傳〕南郡江中多盜賊拜育為太守上以育書舊名臣王舫誰持〔張雲章〕曰〔南

史〕王筠為臨海太守在郡侵刻還資有〔後漢南蠻傳〕夜郎者初有女子浣於澗水老屬兩舫他物稱是為有司矣不調累年瞻望鄉關何心天地自非生憑廩竹〔有三節大竹流入足間聞其中有號聲剖竹視〕

之得一男兒，歸而養之，及長有才武，自立為夜郎侯，以竹為姓。漢武帝封其三子為侯，死配食其父。今夜郎縣有竹王三郎神是也。  
源出空桑。〔呂氏春秋〕有侏氏采桑，得嬰孩於空桑之中，獻之其君，察其所以，然曰其母伊水之上，嘗夢神告之曰：白出水而東走，毋明日視日果出水，告其鄰，母乃走十里而故邑盡為水，身因化為空桑，故命之曰伊尹。  
 行路合情，猶其相感，常謂擇官而仕，非曰孝家，擇事而趨，非云忠

國。況乎欽承有道，驂駕前王，郎吏明經，鳴鳶知禮。  
〔封禪書〕鳴鳶數至，而欲封禪，毋乃不可。 巡方省化，咸問高年。  
〔漢萬石君傳〕上曰：巡方州，禮諸岳，通

八神以合宣房，濟江淮，歷山濱海，問百年民所疾苦。西序東膠，皆尊者蓋。  
〔王制〕夏后氏養庶老於西序，周人養國老於東膠。 吾以圭璋玉帛，通聘來朝，屬世道之屯期。

鍾生民之否運，兼年累載，無申元直之祈。  
〔諸葛亮傳〕徐庶字元直，庶母為操所獲，庶辭備指其心曰：本欲與將軍共圖王霸之業者，以此方寸地也。今已失老母，方寸亂矣，無益於事，請從此辭。庶遂詣

操，銜泣吞聲，長對公閭之怒。  
〔韓子〕夫龍之為蟲，可狎而騎也，然喉下有逆鱗，徑尺，若嬰之則殺人，人主亦有之，說能無嬰人主之逆鱗則幾矣。 忠孝之

言皆應辭舌。  
〔英雄記〕曹操自詐其舌流血，以失言戒後世。 是所不圖也，非所仰望也，且天倫之愛，何得忘懷。  
〔穀梁傳〕兄弟天倫也。 妻子之情，

誰能無累。夫以清河公主之貴，  
〔晉夏后傳〕臨海公主先封清河，洛陽之亂，為人所略，傳賣吳興張溫，溫以送女，女遇主甚酷，元帝鎮建康，主詣縣自言，帝誅溫及女，改封臨海。 餘姚書佐之家，

〔後漢酷吏傳〕蜀郡太守黃昌，會稽餘姚人，妻遇賊被獲，流入蜀，為人妻，其子犯事，詣昌自訟，昌疑母不類蜀人，因問所由，對曰：妾本會稽餘姚戴次公女，州書佐黃昌妻也，妾嘗歸家，為賊所略，遂至於此，因相持悲泣，還為夫婦。莫限高卑，皆被

驅略自東南醜虜抄販飢民臺署郎官俱餒牆壁〔後漢獻帝紀〕帝還洛陽州郡委輸不至 尚書郎以下自出采稻或飢死於牆壁間 況吾生離死別〔原九

歌〕悲莫悲 多歷寒暄孀室嬰兒〔淮南子〕寡婦不 何可言念如得身還鄉土躬自推求猶冀提攜〔曲禮〕長

令生別離〔詳為貞陽侯書〕 俱免凶虐夫四聰不達〔舜典〕明 華陽君所謂亂臣〔范曄傳〕 雖因問說秦昭王曰穰侯出使不報華陽溼陽

無冤孫叔敖稱為良相〔史記循吏傳〕孫叔 足下高才重譽參贊經綸非虎非貔見勸 而中朝

大議曾未於論清禁嘉謀安能相及謬謂非周舍〔韓詩外傳〕 趙簡子有臣曰周舍立於門下 容容類胡廣〔後

廣傳〕京師謠曰萬事不理問伯始天下中庸有胡公〔范曄贊曰〕 胡 何其無諍臣哉〔孝經〕 天子有諍臣 歲月如流平生

公庸庸飾情恭貌〔左雄傳〕 公卿相戒曰白璧不可為容容多厚福 何幾晨看旅雁心赴江淮〔山海經〕 雁門山雁出其間在高

而掩泣夜萬緒而回腸不自知其為生不自知其為死也足下素挺詞鋒兼長理窟〔北堂書鈔〕 郭子云張

軍吞嗟稱善曰〔漢書〕 匡丞相解頤之說〔鼎來〕 匡說詩解人頤建昭三年代章玄成為丞相封樂安侯 樂令君清耳之談〔晉書〕 樂

悉數稱為理窟〔鼎來〕 匡說詩解人頤建昭三年代章玄成為丞相封樂安侯 樂令君清耳之談〔晉書〕 樂

徐 孝 穆 集 卷 二

廣清夷沖曠

七七



善談名理，衛瑾奇之曰：自何平叔諸人沒，常謂清言盡矣。今復聞之，樂令傳給之。

向所諮疑，誰能曉諭。若鄙言為戮，來旨必通。分請灰釘。

〔魏略〕王凌自知罪重，試乘棺釘以親太傅意。太

遂自殺。甘從斧鑊，何但規規默默，齧舌低頭而已哉。

〔漢灌夫傳〕韓安國曰：魏其必媿，杜門齧舌自殺。

若一理存焉，猶希於眷，何必期令

吾等必死齊都，足趙魏之黃塵，加幽并之片骨，遂使東平拱樹，常懷向闕。

〔陳書〕

之悲。〔皇覽〕後漢東平思王宇歸思京師，後葬東平，其家上

松柏皆西靡。西洛孤墳，恆表思鄉之夢。

〔後漢書〕溫序遇賊死節，光武憐之，賜葬洛陽城傍。序長子壽，為鄒平侯相。夢序告之曰：客久思鄉里，壽上書乞骸骨歸葬，乃反奮莖。

干祈以屢，哽慟增

深。徐陵叩頭再拜。

在北齊與宗室書

陵白：臨淮負海，是謂徐州。

〔禹貢〕海岱及淮惟徐州。

顓頊高陽，世有明德。

〔帝王世紀〕帝顓頊高陽氏，世有才子八人，謂之八凱。按顓頊之裔，蘇姓伯益之後，封於徐，為楚所滅。子孫因氏。

自與王啓霸，無勞委劍之鋒。

〔括地志〕徐君廟在泗州徐城縣西南一里。即延陵季子挂劍之徐君也。詳與楊僕射書。

開國承家，實饗彤弓之賜。

〔博物志〕徐偃王得朱弓矢，

以已得天瑞，因名為弓，自稱徐偃王。其後金柯玉葉。

〔崔豹古今注〕黃帝與蚩尤戰於涿鹿之野，常有五色雲氣，金枝玉葉，止於帝上，有花萼之象，因作華蓋也。

霞振雲從，蒼蒼通人。茂才多士，

或以天下之貴負石自沈。〔漢鄒陽傳〕徐衍負石入海。〔注〕服虔曰衍周之末世人也。王命之尊拂衣高蹈。〔後漢徐穉傳〕穉字孺子豫章南昌人也。舉有道家拜太原太守皆不就。桓帝以安車

玄纁備禮徵之並不至。或熊衣雉製青組朱旗。未詳〔後漢〕徐璜傳璜字孟玉廣陵海西人獻帝遷許得袁術所盜國璽上之并送前所假汝南東海二郡印綬司徒趙溫謂璜曰君遭大難猶存此邪璜曰昔

蘇武不墜七尺之節況此方寸印乎。儒盛江東文高河北。〔後漢徐防傳〕防沛國鉅人祖父宣為講學大夫以易教授王莽父董亦傳宣業防少習祖父學永元十六年拜司徒遷太尉錄尚書事安帝即

位以定策封龍鄉侯。〔魏〕文帝與吳質書偉長可謂彬彬君子者矣著中論二十篇成一家之言辭義典雅足傳於後〔本傳〕徐幹字偉長北海人為司空軍謀祭酒歷五官將文學或復分齊處魯移魏居燕。〔漢書〕徐樂燕

無終人也。上瓜瓞雖遙。〔詩〕絲瓜瓞芳枝無遠昔有王敦王如。一本作莽〔晉書〕雍州流民多在南陽詔書遣還鄉里京兆王如衆至四五萬自號大將軍稱藩於漢劉聰詳後歐陽頎碑

無關控鶴之宗。〔孫綽天台山賦〕王喬控鶴以冲天劉曜劉淵。〔晉書〕劉淵匈奴左賢王豹之子也晉仕為左都督後因晉亂稱帝國號漢于聰嗣立聰死國亂劉曜自立為帝彌非偃龍之族。

〔夏本紀〕陶唐既衰其後有劉累學擾龍於豕龍以事孔甲孔甲賜之姓曰御龍氏又有朱家別錄郝子之苗。〔凌以棟曰〕周封曹挾於郝後為楚滅于孫避難去邑為朱何氏殊源韓侯之

膚。〔朱子考異〕何氏出周成王母弟唐叔虞後十一代孫食邑於韓韓為秦所滅子孫散居江淮間以韓為何遂為何氏三鳥五鹿時事無恆東郭西門遷訛非一。〔潛夫論〕東門西門南宮北郭所

謂居也。三鳥五鹿青牛白馬所謂志也。吾宗雖廣未有駢枝。〔莊子〕駢拇枝指出乎性哉而侈於德咸自駒王。〔檀弓〕邾婁考公之喪徐君使容居來弔含曰昔者先君駒王西討濟於河無所不用斯言也同

分才子。正以金衡委御。玉斗宵亡。

〔後漢王逸集九思云〕將喪兮玉斗。

胡賊憑陵。中原傾覆。我則供犧牲於東國。

〔書〕今殷民乃攘竊神祇之

犧牲。

載主祀於南都。

〔左傳〕鄭火作于產使祝史徙主祀於周廟。

三百年來。家於揚越。

〔晉徐邈傳〕邈。東莞姑幕人。祖澄之。為州治中。永嘉之亂。遂與鄉人臧琨。率子弟并閭里士庶千餘家。南渡江。家於

京口。後轉祠部郎。上南北郊宗廟送饗禮。皆有證據。

此則虛誕不去。

〔晉盧諶傳〕諶。范陽涿人。州舉秀才。辟太尉掾。隨父志。北依劉琨。與志俱為劉琨所虜。桀據晉陽。留諶為參軍。琨攻桀。桀敗走。諶得赴琨。段匹磾害琨時。段末波在遼西。諶往投

之。石季龍破遼西。復為季龍所得。屬冉閔誅石氏。遇害。

喪寧仍留。

未詳。

高官燕秦。遲回鄉壤。山河有隔。敍覲無緣。望驥馬而增勞。瞻賓鴻而

永歎。

見與楊僕射書。

昔竇公累世。光武稱其外家。

後漢〔竇融傳〕融封安豐侯。帝賜以外屬圖。及太史公五宗外戚世家。魏其侯列傳。詔曰。孝景皇帝出自竇氏。定王。景帝之子。朕之所祖。

許都遙遠。

靈王思其舊宅。

〔左傳〕楚靈王曰。昔我皇祖伯父昆吾。舊許是宅。

其言雖大。可以喻小。況在宗親。寧無停眷。比月應雩龍。

〔論衡〕二月之時。龍星始出。故傳

曰。龍見而雩。龍星見時。歲已啓蟄而雩。

星移殷鳥。

〔藝典〕日中星鳥。以殷仲春。

天明和煦。體中何如。願百年之老。

〔王制〕天子巡守。問百年者。就見之。

興居多福。萬石

之君。〔漢石奮傳〕景帝曰。石君及四子皆二千石。人臣尊寵。乃舉集其門。凡號者曰萬石君。

寒暑清豫。其外族忠孝。比居連蔓。信義勇於干戈。詩書甘於酒醴。

或有漁獵三史。

〔易略網序〕漁獵墳典。

紛綸五經。

〔後漢逸民傳〕并丹字大春。京師語曰。紛綸五經。并大春。

都講開鬢。

〔後漢丁鴻傳〕鴻從桓榮。受歐陽尚書。三年而明章。句善論難。為都講。

詩生

負帙未詳邦君佇德寧無挂楊之思〔後漢徐穉傳〕穉字孺子陳蕃為豫章太守在郡不接賓客惟穉來特設一榻去則懸之州將欽風應有題車之命〔後漢書張奐傳〕

小人不明得過州將〔又〕周景為豫章刺史辟陳蕃為別駕蕃不就景題別駕與曰陳仲舉座南陽坐嘯寄以共治〔後漢書〕汝南太守宗資以范滂為功曹南陽太守成瑨以岑晷為功曹皆委心聽任二郡為之謠曰汝南太守范孟

博南陽宗資主畫諾南陽太守岑公孝弘農成瑨但坐嘯東海行歌資其主弼〔古逸詩〕甯戚飯牛車下擊牛角而疾而歌桓公授之以政梁竦不好徒為大言〔後漢梁竦傳〕竦

歎息言曰大丈夫處世生當封侯死當廟食如其不然鄧禹生不惟望如此〔後漢鄧禹傳〕禹字仲華南陽新野人也光武謂曰聞居可以養志詩書足以自娛州郡之職徒勞人耳我得專封拜生遠來寧欲仕乎禹曰不願也光武曰即

如是欲何為禹曰但願明公威德加於四海禹得效其尺寸垂功名於竹帛耳若棲遲偃仰〔詩〕邛中有麻桃果三名〔西京雜記〕漢武初脩上林苑羣臣各獻果有湘核桃紫文桃金城桃栗

園千樹〔史記〕燕秦千樹栗此其人與千戶侯等持竿而釣徵聘不來〔屬元曰〕磻谿中有泉謂之茲泉積水為陣即太公釣處水次磬石釣處即太公垂釣之所負耒而耕公侯靡屈

〔孟子〕伊尹耕於有莘之野而樂堯舜之道焉何其高也蓋復休哉如脫推延或遲並問吾階緣人乏叨筮皇華〔見與楊僕射書〕王事無淹公

禮將畢既而揚都蕩覆方離獫狁之災〔詩〕獫狁孔熾詳與王太尉書越界風塵復蹈輶軒之禮〔見與楊僕射書〕屏居空館〔見與王僧辯書〕多

歷歲時釁犯靈祇〔揚雄河東賦〕靈祇既喪招延禍罰號慕無窮肝膽屠殞煩冤胸臆〔屈原九章〕鞿鞶之煩冤兮樹屏曰〔莊子〕引聲歌天地之道近在胸臆

不自堪居。無心奈何。無狀奈何。自裴回河朔。亟積寒暄。風患彌留。〔書順命〕病日臻既彌留半體枯廢。折臂為公。雖非

羊祜。〔晉羊祜傳〕祜。泰山南城人也。封南城侯。有善相墓者。言祜祖墓所有帝王氣。若跋足而使無慙。郤克。〔左傳〕晉侯使郤克徵會於齊。齊

頃公帷婦人使觀之。郤子登婦人笑於房。〔注〕跛而登階故笑之。固以形如槁木。心若死灰。〔莊子〕形固可使如槁木。心固可使如死灰。匍匐苦廬。纔有魂氣。〔詩〕凡民有喪。匍匐救之。

大記。父母之喪。居倚廬不塗。寢苦枕由。〔南史〕簡文被閉。痛不獲朝謁。因感氣疾而卒。年七十八。贈侍中太子詹事。諡貞子。夫迷山之客。遲遙響於巖崖。窮海之賓。望孤煙於島嶼。

魏管寧傳。〔注〕傳子曰。寧在遼東。積三十七年。乃歸。寧之歸也。海中遇大風。船皆沒。惟寧乘船自若。時夜風晦冥。船人盡惑。莫知所泊。望見火光。輒趨之。得島。島無居人。又無火燼。行人咸異焉。以為神光之佑也。況乃宗均魯衛。地匪

燕吳。車騎相望。舟艦朝夕。三條不遠。〔班固西都賦〕披三條之廣路。五達非難。〔爾雅〕五達謂之康。信乃闕然。遂不蒙問。昔桃花之

峽。長避羸秦。〔晉陶潛桃花源記〕晉太康中。武陵人捕魚。從溪而行。忽遇桃花林。夾兩岸數百步。無雜木。芳華芬麗。落英積粉。漁人吳之前行窮林。林盡見山。山有小口。髣髴有光。便舍船步入。初極狹。行四五十步。豁然開朗。邑室連接。雞犬相聞。男女被

髮。怡然並足。見漁人大驚。問所從來。要還為設酒食。云先世避秦難。率妻子來此。遂與外隔絕。不知有漢。無論晉魏也。既出。自太守。太守遣人隨而尋之。迷不復得路。芝草之山。遙然滄海。未詳。猶復漁船可入。

此下疑脫一句。何況平途。不兼旬月。勞懷既積。輒命行人。弦望之間。見檄周文。遲枉歸翰。儻二三兄弟。能敦昭穆之詩。求

我漳濱。幸問劉楨之疾。〔魏劉楨詩〕余嬰沈痼疾。蠶身清漳濱。陽春改節。並念將宜。扶力爲書。多不詮次。陵白。

補、〔晉桓沖傳〕自以德望不遠謝安故委之內相重與王太尉書

〔離騷〕蹇吾法乎前修劉向封事游談者助之說與楊僕射書



# 徐孝穆集卷之三

在北齊與梁太尉王僧辯書

太清六年六月五日。孤子徐陵頓首。昔者雲師火帝。非無戰陣之風。堯誓湯征。咸用干戈之道。至於搖山蕩海。驅電乘雷。殲厥兇渠。無虧皇極。若夏鍾夷羿。周厄犬戎。漢委珠囊。秦亡寶鏡。然則皆聞之矣。未有騰龍圖以建國。御鳳邸以承家。二后欽明。三靈交泰。而天崩地圻。妖寇橫行者也。自古銅頭鐵額。與暴皇年。

見勸進表及為貞陽侯書。擣杙窮奇。流災中國。  
〔左傳〕顯頊氏有不才子。天下之人謂之。王彌石勒。吞噬關河。  
〔晉書〕東萊王彌家世二千石。彌有勇略。善

騎射。青州人謂之飛豹。後為羣盜。降劉聰。為石勒所殺。〔又〕劉淵以石勒為護漢將軍。平晉。王業至十餘萬。集衣冠人物。別為君子營。後據襄國為後趙。綠林青犢之羣。黑山白馬之衆。較彼兵荒。

無聞前史。八王故事。曾未混淆。九州春秋。非云禍亂。見為貞陽侯書。我皇受命中興。光宅天下。泰寧瑣瑣。安敢執

鞭。〔史記〕晏子傳贊。余雖為之執。鞭所折。莫為。按秦寧。晉明帝年號。建武棲棲。何期扶轂。〔揚雄〕羽獵賦。桓文會不足。使扶轂。按建武。晉元帝年號。抑又聞之。陶唐既作。天歸鳥



喙之臣。

〔春秋元命苞曰〕堯為天子季秋下旬夢白帝子遺以鳥喙子其母曰扶始升高邱上有雲如虎感已而生皋陶〔淮南子云〕皋陶鳥喙

豐畢將興特廷鷹揚之佐。

〔詩〕維師尚父時維鷹揚涼彼武

王肆伐大商。

明公量苞金鉉。

〔易〕鼎黃耳金鉉。

神表玉璜。

見為貞。

儷亮。

當作。

欽才。

〔詩〕交職有闕。

平階佇德。

〔揚雄長楊賦〕

是以玉衡正而泰

也。

固已留連管樂。

見為貞。

惆悵風雲。

濡足維時。

〔新序〕今為濡足

之故不教人溺可乎。

投竿斯在。

見與宗

室書。

去歲兇徒不逞。

言次巴

邱鼓聲聞一柱之臺。

〔博物志南荊賦〕江陵有臺甚大而惟一柱衆木皆拱之。

烽火照三休之殿。

〔藝文類聚〕賈子曰覆王使使者之楚楚王欲誇之享客章華之臺三休乃至其上。

公則

懸麾羽扇。

〔語林〕亮與司馬懿克日交戰懿使偵之孔明葛巾羽扇指麾三軍從容自若懿歎曰諸葛君可謂名士矣。

猶對投壺。

〔後漢書〕祭遵為將軍取士皆用儒術對酒設樂必雅歌投壺。

戎羯咸奔。

鯢俱翦。

見勸進表。

樓船萬軸。

還繫昆明。

〔三輔黃圖〕武帝

胡馬千羣。

皆輸長樂。

〔漢百官志〕

長樂殿丞一人。

於是乎夏首西浮。

見為

貞陽

侯雲行電邁。

彭波東匯。

〔禹貢〕東匯澤為彭蠡。

谷靜山空。

見與陳

司空書。

扼鵠尾而據王畿。

〔綱目實實〕

池州府銅陵縣有

鵠頭山今廬江西岸有鵠尾渚。

登牛頭而

掃天闕。漸臺偽帥。仍傳首於帝京。郿塢元兇。咸剝腸於軍市。青羌赤狄。同畀豺狼。胡服夷言。咸為京觀。

見勸

進表。公園陵盡拜。忠貫長沙。

〔吳志〕孫堅為長沙太守舉兵討董卓乃前入至洛陽脩諸陵平塞卓所發掘。

神主咸安。勳踰高密。

〔後漢書〕

鄧禹南至長安率諸

將齊戒擇吉日脩禮闕高廟收

十一帝神主遣使奉詣洛陽因循行園陵爲置吏士季守焉。重以秦宮既獲。〔漢張良傳〕沛公入秦宮殿帷帳狗馬重寶婦女以千數欲留居之。魯殿猶存。〔晉王延壽魯靈光殿賦序〕靈光岿然獨存。關綠草

於應門。〔沈約詩〕應門照綠苔。開青槐於武庫。〔未詳〕長安五陵之族。鄠杜七遷之民。〔班固西都賦〕南望杜鵑北眺五陵。注宣帝杜陵文帝霸陵高惠景武昭帝五陵在北土人

多宅於此。〔又〕三遷七遷充奉陵邑。〔注〕七遷爲編徒居七陵充供奉也。〔又〕鄠杜濱其足。〔注〕扶風有鄠縣杜陽縣。極負而歸。〔論語〕則四方之民襁負其子而至矣。都廛斯滿。〔見與楊僕射書〕嚮脂藏脯。

遊騎擊鐘。〔貨殖傳〕翁伯以販脂而傾縣邑濁氏以冒脯而連騎張里以馬醫而擊鐘。故市新城。飛蔓華屋。〔漢地理志〕河南郡有故市縣。〔賈參傳〕東取成陽更名曰新城。顧非礪曰。〔戰國策〕蘇秦說趙王

於華屋之下。吳祥曰。〔何晏景福殿賦〕高臺崔嵬。〔注〕葵屋欄也。東莞舊宅。人識桑榆。南頓荒田。家分禾黍。〔見勸進表〕豈以鄉名穀熟。〔括地志〕宋州穀熟縣西南三十

五里南零故城。邑號禾與而已哉。〔吳志〕孫權立子和爲太子大赦改禾與爲嘉興。若夫卦起龍文。書因鳥跡。〔見勸進表〕劬勞王室。大拯生民。自

開關以來未之有也。雖十六才子。明允篤誠。〔左傳〕高陽氏有才子八人。齊聖廣淵。明允篤誠。天下之民謂之八世。高辛氏有才子八人。忠肅共懿。宣慈惠和。天下之民謂之八元。此十六族也。世濟其

美不限。八百諸侯。專心同德。〔書〕武王伐紂。不期而會孟津八百諸侯。〔又〕予有亂臣十人。同心同德。中宗佐命。俱畫丹青。光武功臣。皆懸星象。棧道

木閣。田單之奉霸齊。結靈將兵。周勃之扶強漢。〔見爲貞陽侯書〕壤蟲之比黃鵠。〔淮南子〕盧敖視若士曰。吾比夫子。猶黃鵠與壤蟲也。轍鮒之仰河

宗。〔莊子外物篇〕莊子負粟於監河侯。侯曰：以金貸汝。周曰：昔見轍中涸，鮒曰：無升斗之水以活我乎？周曰：待我決西江水以活汝。鮒曰：如君言，不如早索我於枯魚之肆也。未足云也。孤子階緣多幸，叨逢皇

華，鄉國屯危，公私憔悴，邛彤之切，長亂心胸。〔後漢書〕王郎所置信都王，捕繫彤父弟及妻子，使爲手書呼彤，曰：降者封爵，不降族滅。彤涕泣報曰：事君者不得顧家，會更始所遣將攻拔信都，耶兵敗

走彤家，屬得免。徐庶之祈，終無開允。〔見與楊僕射書〕既而屏居空館，〔潘岳寡婦賦〕多歷歲時，覆犯幽祇，躬嘗勦滅，何圖彗咎。

災極蒼旻，號慕煩冤，肝腸屠殞，酷痛柰何，無狀柰何，維桑與梓，翻若天涯。〔古詩〕各在天一涯。杖柏栽松，悠然長絕。

明明日月，號叫無聞。〔詩〕或不知叫號。茫茫宇宙，容身何所。〔漢都陽傳〕申徒狄，徐衍不容身於世。窮劇柰何，自忝膺嘉聘，仍屬亂離，上

下年尊，偏嬰此酷，昔人迎門請盜，恆懷廢寢之憂。〔後漢書〕趙杏少孤，有孝行，躬率子孫耕農爲養，盜嘗夜往劫之，杏恐母驚懼，乃先至門迎盜，因請爲設食，謝曰：老母八十，疾病須養，居貧

朝夕無儲，乞少置衣糧，妻子物一無所請，盜皆慙歎奔出。當輓輿櫬，猶有危途之懼。〔後漢廉范傳〕范，京兆杜陵人，父遭喪亂，客死於蜀漢，范遂流寓西州，西州平，歸鄉里，西迎父喪，載船觸石破沒，范抱持棺柩，遂俱沈溺，衆傷其

義，鈎求，況乎逆寇崩騰，京師播越，輿居動止，長隔山河，朝夕饘飩，誰經心眼。〔內則〕婦事舅姑，如事父母，饘飩酒醴，茗菹菽麥，蕡稌黍稷，唯所欲

糜不繼。〔師覺授孝子傳〕程晉年七歲，喪母，哀號哭泣，不異成人，祖母憐之，嚼肉食之，覺有味便吐去。原粟何資。〔論語〕原思爲之宰，與之粟九百。瞻望風雲，朝夕嗚咽，固乃游魂已

謝。〔後漢謝夷吾傳〕非復全生。餘息空留。非爲全死。同冰魚之不絕。〔汲冢周書時訓解〕立春之五日。魚上冰。似遊魂假息無所施。吳樹臣曰。〔易通卦驗〕大雪魚負冰。

蟄蟲之猶蘇。〔月令〕孟春東風解凍。蟄蟲始振。良可哀也。良可哀也。〔本傳〕侯景寇京師。陵父攜先在圍城之內。陵不奉家信。便蔬食布衣。居者憂恤。自東都紹漢。南毫與殷。

見勸。脩好徵兵。〔左傳〕凡君即位。卿出並聘。踐脩舊好。要結外援。好事進表。脩好徵兵。〔又〕王以戎難告齊。徵諸侯而戍周。彌留星瑄。韓宣范武。方駕連鑣。見左傳。蘇秦張儀。

朱輪華轂。〔蘇秦傳〕燕文侯資蘇秦車馬金帛以至趙。〔張儀傳〕蘇秦乃言趙王。發金幣車馬。使人徵隨張儀。所欲用爲取給。儀遂得以見秦惠王。而孤子三危是擯。四罪同科。〔孟子〕四

服。詳勸。聽別馬而長號。杖歸旆而永慟。王稽反命。既無託乘之恩。見與楊僕射書。椒舉相逢。誰爲班荆之位。〔左傳〕伍舉奔鄭

將遂奔晉。聲子將如晉。遇之於鄭郊。班荆相與食。而言復故。昔人達齊處魯。時降徵求。亡晉奔齊。猶蒙招請。〔左傳〕鮑叔帥師來言曰。子料親也。請

囚。鮑叔受之。及堂阜而稅之。曰。管夷吾治於高僂。使相可也。公從之。又隨會在秦。乃使魏壽餘僞以魏叛者。以誘士會。執其帑於晉。使夜逃。請自歸於秦。秦伯許之。履士會之足於朝。既濟。魏人謀而還。問管寧於遼左。〔魏管寧傳〕

朱虛人聞公孫度令行於海外。遂至遼東。文帝即位。徵寧。遂將家屬浮海還郡。追王朗於浙東。〔魏王朗傳〕朗爲會稽太守。孫策度江略地。朗自以身爲漢吏。宜保城邑。

拜諫議大夫。並物譽時賢。卿門公族。懸須應務。深挾情祈。斯豈庸賤之儔邪。非餘生之敢望也。但預在輅軒。參司空軍事。

見與楊僕射書。誠為過誤。珪璋特達。通聘河陽。貂珥雍容。尋盟漳水。〔晉山簡表〕差有黃門啓封。非無青紙詔書。〔臣父濟奉先〕

帝手澤。郡將州司。〔後漢皇甫規傳〕坐觀郡將已數十年矣。〔注〕郡將郡守也。郊迎負弩。〔漢書〕霍去病為票騎將軍。擊匈奴。道出河東。河東太守郊迎。負弩先驅。鄉亭里候。〔西京賦注〕秦法十里一

亭。周禮。夏官有候人。飾館陳兵。〔左傳〕鄭穆公使視客館。則束載厲兵秣馬矣。豈是復介而奔齊。〔左傳〕公孫歸父欲去三桓。以張公室。與公謀而聘於

家。還及筮。壇帷復命於介。既復命。祖括髮即位。哭三踊而出。遂奔齊。寧營竊妻而逃晉。〔左傳〕共王即位。將為陽橋之役。使屈巫聘於齊。且告師期。巫臣盡室以

行。申叔跪從。其父將適郢。遇之曰。異哉。夫子有三軍之懼。而又有桑中之喜。宜將竊妻以逃者也。及鄭。使介反幣。而以夏姬行。將奔齊。齊師新敗。曰。吾不處不勝之國。遂奔晉。已焉哉。羌難得而言也。漢之谷吉。捐軀者幾人。〔漢書〕谷吉。永之父也。元帝時為衛司馬。使

送郅支單于侍子。為郅支所殺。楚之申胥。埋魂者何地。〔左傳〕申包胥如秦乞師。立依於庭牆而哭。七日。秦哀公為之賦。無衣。九頓首而坐。秦師乃出。孤子何所歎焉。但頓伏苦廬。〔見〕

宗室。徒延光晷。〔謂光陰〕夫以啁噓燕雀。躑躅鳴號。〔禮記三年問〕今是大鳥獸。則失喪其羣匹。越月踰時焉。則必反巡。過其故鄉。翔回焉。鳴號焉。躑躅焉。踟躕焉。然後乃能去之。小者至於燕雀。猶

有啁噓之頃焉。然後乃能去之。合識懷靈。未有其痛。且夫曾耕雨雪。猶尙悲歌。〔琴操〕曾子耕秦山下。雨雪不得歸。思父母。作梁山操。蘇使幽囚。無馳嘔噎。

〔見讓右僕射〕初表。趙紹烹曰。〔本傳〕陵不奉家信。便布衣蔬食。曾耕句。言己之思親。蘇使句。言己之奉使。公履忠弘孝。冠冕搢紳。化感煙雲。量標海岳。行糜仲月。王政

無塞。〔月令〕仲秋之月。養衰。老授几杖。行糜粥飲食。分穀高年。仁風斯遠。〔漢文帝紀〕有司請八十已上月賜米肉酒。九十已上加帛絮。長吏閱視。丞若尉致。

固以衣纓仰訓。黎庶投

懷。今日樵惶。彌布洪澤。雖復孤骸不返。方為漠北之塵。營魄知歸。終結江南之草。

〔左傳〕魏武子有嬖妾。武子卒。願嫁之。及輔氏之役。願

見老人結草以亢杜回。回躡而顛。故獲之。夜夢之曰。余而所嫁婦人之父也。爾用先人之治命。余是以報。詳與楊僕射書。孤子徐陵頓首。

與王吳郡僧智書。〔南史王僧辯傳〕僧辯既亡。弟僧智得就任約。約敗走。僧智肥不能行。又遇害。

孤子徐陵頓首。昔林宗道主。時人多慕德之賓。〔後漢書〕郭泰。字林宗。遊於洛陽。始見河南尹李膺。膺大奇之。由是名震京師。後歸鄉里。衣冠諸儒送至河上。車數千兩。林宗惟與李膺同舟而濟。衆

實望之。以為神仙。無忌雄豪。天下盡希風之客。〔信陵君傳〕魏公子無忌。為人仁而下士。士無賢不肖。皆謙而禮交之。士以此方數千里。爭往歸之。致食客三千人。況復王家沈默。〔漢書〕

人謹厚。名其兄子曰默。曰沈。戒之曰。欲爾曹顧名思義。不敢違也。謝氏混玄。〔晉書〕謝混字叔源。少有才名。玄字幼度。少穎悟。與從兄朗俱為叔父安所器重。名貴公門。譽華卿子。〔漢項籍傳〕楚懷王召宋義為上

將軍。號卿子冠軍。而秦峯阻負。浙水悠長。諮訢無因。但用窮結。比青蘂已戒。〔淮南子注〕青女。青腰玉女。主霜雪也。白露方溥。〔詩〕零露漙漙。白露方溥。體

中何如。願聞康勝。鄧仲華服袞之年。〔後漢書〕鄧禹字仲華。光武拜為前將軍。持節中分麾下精兵二萬人。遣西入關。及即位於鄴。使使者持節拜禹為大司徒。封鄧侯。食邑萬戶。禹時年二十四。後定封高密

侯。

荀令則擁旄之日。〔晉荀羨傳〕羨字令則。除北中郎將徐州刺史。監徐。兗。二州。揚州。之晉陵諸軍事。假節。時年二十八。中興方伯。未有如羨之少者也。

徒云早達。未可同功。今日相方。

豈不高視。

〔魏曹植與楊德祖書〕足下高視於上京。

竊承富春頌歲。多難薦臻。邑閉皆空。黔黎將盡。御史舊楊。零落不存。〔郡國志〕

夫山祠。山北湖陰。又有消御史廟。孤石聳出。似婦人豔妝而坐。

太傅齋室。荒茫無處。〔後漢循吏傳〕桓帝好黃老道。悉毀諸房祠。惟特詔密縣存故太傅卓茂廟。

自神廳所屆。襁負斯歸。新屋

方華。故田斯墾。府吏閒坐。長使誦經。

〔謝承後漢書〕張霸為會稽太守。甚有名稱。其餘有素行者。皆見擢用。郡中爭勵志節。誦習者以千數。道路但聞誦書聲。

督郵無事。惟慮吹

笛。〔馬融長笛賦序〕融性好音律。能鼓琴吹笛。為齊郵無留事。獨臥郡縣平陽。陽中有洛客舍。逆旅吹笛。融去京師。踰年。暫聞甚悲。而樂之。作長笛賦。

東包海水。俱承幕府之威。〔班固集〕奏記東平王蒼曰。幕府新開。

廣延

羣俊。西泊江沱。同仰惟良之化。

〔漢書〕宣帝曰。與我共理者。其惟良二千石乎。

政差邊。疑作趙。

張。何其神也。

〔漢趙廣漢傳贊〕自孝武置左馮翊。右扶風。京兆尹。而吏民為之語。

曰。前有趙張。後有三王。

孤子無心視冒。苟邳光陰。風疾彌留。

見與宗室書。

示有餘息。恩將公聘。窮擯虜庭。博望侯極迹於黃

河。〔漢張騫傳〕漢使窮河源。其山多玉石。采來。天子按古圖書。名河所出。山為崑崙云。按騫封博望侯。

移中監流滯於滄海。

〔漢昭帝紀〕移廢中監蘇武。前使匈奴。留單于庭十九歲。乃還。奉使全節。以武為典屬國。蘇林曰。移音

移。殷名也。

自斯以後。惟有庸賤。本應埋魂趙魏。析骨幽并。

〔鮑照無城賦〕莫不埋魂幽石。委骨窮塵。

豈意餘年。復反鄉國。仰屬伊公在

毫。渭老師周旌賁邱園。見采拾衡巷。遂以哀駘不棄。莊子哀公問仲尼曰。衛有惡人焉。曰哀駘他。甕盜無遺。莊子甕盜大獲。還顧庸虛。未

應偕此。竊承君侯。過被以光輝。屢有吹噓之言。見檄。周文。頻蒙薦延之澤。故得周行紫閣。陸雲喜舞賦。曜六龍於紫閣。升降丹

墀。左思魏都賦。丹墀臨森。注。天子庭以丹塗地。故曰丹墀。點污清朝。豈不荒媿。雖復華陰砥柱。帶地窮深。禹貢。導河積石至于龍門。南至于華陰。東至于砥柱。嵩高

維岳。極天爲重。詩。嵩高維岳。峻極于天。未可以方斯盛典。譬此洪恩。年迫桑榆。淮南子。日西垂景在於樹端。謂之桑榆。豈期酬報。政以川

波非遠。對奉無因。夜夢子長之遊。漢書。司馬遷字子長。二十而南遊江淮。上會稽。探禹穴。闢九疑。浮於沅湘。北涉汶泗。講業齊魯之都。觀孔子之遺風。鄉射鄒嶧。后困鄒薛彭城。過梁楚以歸。朝覽希

道之疏。未詳。按南史。謝莊字希逸。製木方丈。圖山川土地。各有分理。離之則州郡殊別。合之則宇內爲一道。逸字畫相近。或致誤耳。浮雲西北。徒懷魏帝之文。魏文帝雜詩。西北行

雨東南。思假飛山之便。吳越春秋。范蠡作城訖。怪山自至。怪山者。環邪東武海中。也。一夕自來。百姓怪之。故曰怪山。窮誠已結。荒係逾深。方事祁寒。君牙。冬祁寒。小民亦

惟曰。願加珍納。謹扶力白書。迷乏不次。孤子徐陵頓首。

答李暉之書



近謬枉清音。無申窮眷。忽辱來告。文製兼美。君山西盛族。素挺風流。河北辭林。本所嗟賞。子桓虛座。寧不

敬期。〔吳志〕魏文帝諱丕。字子桓。嘗為虞翻設虛座。

伯喈倒屣。固以相屬。

〔後漢書〕蔡邕才學顯著。貴重朝廷。常車騎填巷。賓客盈坐。聞王粲在門。倒屣迎之。曰。此王公孫也。有異才。吾不如也。昔家書籍文章。盡當與之。

日復其草土。思整衣裾。

〔後漢趙岐傳注〕岐與友書曰。馬季長雖有名當世。而不持士節。三輔高士。未嘗以衣裾裝其門也。

披素清顏。但覺形穢。

〔世說〕衛玠俊爽。有風姿。王濟輒歎曰。珠玉在前。

覺我形穢。

公輔之量。不負高名。

〔晉石苞傳〕市長趙元儒。歎苞當至公輔。

王佐之才。信表天骨。

〔後漢王允傳〕郭林宗奇之。曰。王生一日千里。王佐才也。

孺子之榻。雖其

可懸。

〔後漢徐穉傳〕穉字孺子。陳蕃為豫章太守。在郡不接賓客。惟穉來。特設一榻。去則懸之。

仲舉之車。彌軫恆眷。

見與宗室書。

孤子昔緣素乏。叨造皇華。今日形容。

無關天壤。殘光炯炯。慮在昏明。餘息縣縣。待盡鐘漏。

見為王儀同表。

安可以樹揚名士。游處盛賓。

〔吳志〕裴欽與太子登游處。

來喻。

泰高如為善謔。文豔質寡。何似上林。

〔漢書序傳〕文豔用寡。子虛烏有。寓言深麗。比風終始。

華而不實。將同桂樹。

〔漢五行志〕成帝時。歌謠云。桂樹華不實。黃雀巢其顛。故為人所羨。今

人所羨。今為人所憐。

但忘年之款。昔有張斐。

未詳。〔後漢書〕稱衡始弱冠。孔融年四十。與為忘年交。

鄰國之交。非無嬰札。

〔左傳〕吳公子札聘於齊。悅晏平仲。

儻哀駘可悅。

甕盎非疑。見與王儻書。

方願投衿。庶比傾蓋。

〔家語〕孔子之鄰。遇程子於途。傾蓋而語。終日甚相親。

頃陳湯之疾。歲月增深。羊祜之疴。秋冬彌劇。

見與宗室書。且年光逾盡。觸目崩心。扶力合毫。諸不申具。孤子徐陵頓首。

爲陳武帝作相時與北齊廣陵城主書

〔齊書〕辛術字懷哲。武定八年。除東南道行臺尚書。遷東徐州刺史。爲淮南經略。及王僧辯破侯景。術招攏安撫。城鎮相繼款附。前後二十餘州。於是移鎮

廣陵。

籍甚英風。

〔漢陸賈傳〕賈遊漢廷。公卿間名聲籍甚。

常懷眷屬。封疆有限。寤寐增勞。辱此月九日告。深慰情佇。方秋尚熱。體中何

如。戎帳艱辛。無乃爲弊。吾以庸薄。謬膺台鉉。既荷先帝拔擢之恩。兼蒙今主責成之寄。政以皇齊大德。世

紹和風。方藉威靈。庶平讎恥。提攜小國。願預藩臣。

〔南史梁貞陽侯明傳〕陳霸先襲殺僧辯。復奉晉安王。仍請稱臣於齊。永爲藩國。

還詔哀矜。許垂容納。

奉敕須質。便遣入朝。部下諸將。哀吾誠節。一兒一弟。無所遺恡。

〔南史〕南康愍王曇朗。武帝母弟。忠壯。王休先之子也。紹泰二年。齊兵攻逼建業。因請和。求武帝子姪

爲質。乃遣曇朗質於齊。齊背約。遣蕭軌等隨徐嗣徽度江。武帝大破之。虜蕭軌。東方老等。誅之。齊人亦害曇朗於晉陽。

立志立義。無負上天。但故丞相諸子及湛海珍等。並依敕

旨。馳遣渡江。主上又遣吏部尚書王通。鴻臚卿謝岐等

〔南史本傳〕岐。會稽山陰人。陳武帝引參機密。爲兼尚書右丞。

至和州。與司馬行臺。共

為盟誓。〔南史貞陽侯明傳〕齊遣行臺司馬恭及梁人盟於歷陽。

而蕭軌等決信敗亡。

〔陳武帝紀〕齊兵至秣陵故城。帝率宗室王侯及朝臣於大司馬門外白虎闕下。刑牲告天。以齊人背約。發誓慷慨。涕泗交流。士卒觀

者益奮。〔齊文宣帝紀〕天寶六年十一月。梁秦州刺史徐嗣徽。南豫州刺史任約等。襲據石頭城。並以州內附。王辰。大都督蕭軌帥衆來至江。遣都督柳達摩等度江。石頭已亥。柳達摩為霧先所攻。遂以石頭降。七年三月丁酉。大都督蕭軌等帥衆來濟江。六月乙卯。蕭軌等

與梁師戰於鍾山西。遇霖雨失利。軌及都督李希光。王敬寶。東方老。軍司馬裴英起並沒。士卒還者十二三。

苟相陵易。鬱從東道。馳至北郊。

〔陳武帝紀〕齊軍至玄武湖西北莫府山南。將據北郊壇。

既通

宮闈。無容靜默。兩兩相對。俱有損傷。彼聞人馬。因此奔散。且置兵之地。溝澗且多。退兵之時。投赴相積。

〔陳武帝紀〕壬子夜。大雨。平地水丈餘。齊軍晝夜坐立泥中。而臺中及潮溝。北水退路燥。官軍每得番易。

近遣張都來此。具是行人所見。但廣陵建業。纔隔一江。戰場去

岸。不盈五里。軍人退散。理反家鄉。緣岸村人。復有舟楫。且蘆牌荻筏。竟浦浮江。

〔陳武帝紀〕齊軍士得窺至江者。縛筏以濟。中江而瀾。流尸至京

口者彌岸。

千百為羣。前後相繼。吾又勒兵按甲。

〔漢書德不疑傳〕右將軍勒兵闕下。以備非常。〔韓信傳〕廣武君對曰。方今為將軍計。莫如按甲休兵。

不聽討捕。若無恐懼。

並應安遠。假使在此。不可更生。至彼而殞。差非吾過。如其枉理。必是興軍。見伐於有道之人。加兵於無罪

之國。若彼王師如此。又是違盟。后土皇天。山川社稷。察其怨語。寧容相祐。辱告承上黨殿下。及匹婁領軍。

〔齊書〕婁叡字佛仁，代郡平城人也。齊受禪，得除領軍將軍。武成至河陽，遣總偏師赴懸瓠，叡在豫境，留停百餘日，專行非法，詔免官。應來江右，師出無名，此是何義。小之事大，差無遠理。

彼之陵我，自是乖言。玄天所伐，匹馬無遠。翻見怨尤，一何非理。若彼鬼神有知，寧可斯背。鬼神無知，何用

盟敵。〔漢外戚傳〕班婕妤對曰：使鬼神有知，不受不臣之惡，如其無知，惡之何益。去蔽柳達摩等，石頭天井，連月亢陽，三子纔降。〔陳武帝紀〕齊安州刺史

州刺史劉士榮，率衆赴任，約入石頭，又連冬大雪，黃袍盡沒。吳其炳曰：〔陳武帝紀〕柳達摩等被圍，謂其衆曰：頃在北，宣謠云：石頭擁兩襜褕，青復攜黃，侯景服青，已據於此，今吾徒衣黃，豈謠言

耶。白帳皆浮。未詳按〔後漢西域傳〕帳者，猶中國之戶數也。既因之以泥塗，兼加之以疾疫，蕭裴既退，雪霧使除，從爾以來，稍成災

旱，定知衣冠之國，禮樂相承。〔博物志〕君子國人，衣冠帶劍，好禮讓，故爲君子國。天道不言，不容都滅，長江渺渺，巨浪湯湯，如鬪艦舟

師，詎有深利。近梁山之戰，卽是前車。蕪湖之役，可爲明鏡。〔通鑑〕梁敬帝太平元年，齊遣蕭軌等與任約、徐嗣徽合兵十萬，侵梁，出柵口，向梁山，陳霸先帳內盡主黃，遂擊破

之。齊師退保蕪湖，霸先遣沈泰等就侯安都，共據梁山以禦之。昔晉侯不能乘鄭馬。〔左傳〕乘小駟，鄭入也。慶鄭曰：古者大事必乘其產生，趙將不能用楚

兵。〔史記〕廉頗一爲楚將，無功曰：我思用趙人。一非水土，難爲騁力。揚州卑濕。〔漢地理志〕江南卑濕，丈夫多天。厥土塗泥。〔禹貢〕揚州，如遇秋霖。〔楚

皇天淫溢而秋霖兮，  
杳同江漢，假令蚩尤重出。見勸進表。白起還生。史記：白起者，郿人也。善用兵，事秦昭王。控代馬而陵波。後漢班超傳：疏曰：代馬依風。

躡胡靴而滿水，終難逞効。詎有成功，六州勇士。漢書：金城、隴西、天水、安定、北地、上郡為六郡。雖有百萬，十姓豪傑，徒勞千億，不能

為患，斷可知矣。昔我平世，天下乂安，人不識於干戈，時無聞於桴鼓。見與楊僕射書。故得兇人侯景濟我橫江。梁武帝

紀：大清二年冬十月己酉，侯景自橫江濟采石。天步中危，實由忘戰。漢主父偃傳：引司馬法曰：國雖大好戰必亡，天下雖平忘戰必危。自亂離已久，人解用兵，女子無媿

於韓彭。韓、韓信、彭、彭越也。見漢書。兒童不殊於衛霍。見移齊文。吳鉤甚利。吳越春秋：闔閭命於國中作金鉤，吳作鉤者，殺其二子，以血畫之，遂成二鉤，獻於闔閭，鉤師向鉤而呼二子之名，吳鴻恩釋：我在於

此聲絕於口，兩鉤俱飛，著父之胸，吳王乃賞白金。蜀甲殊輕，槩動風霜。未詳。弩穿金石。韓詩外傳：楚熊渠子夜行，見寢石似伏獸，射之，飲羽，渠子見其誠心，金石為之開，而況於人乎。高樓大艦，槩

日凌雲。謂樓艦之高也。詳玉臺新詠序。叱咤而起風雷，吹嘘如倒山岳。見檄周文。侯車騎。陳武帝紀：二年，以車騎將軍開府儀同三司侯瑗為司空。國家重將，分陝

上流，近隔以邊塵，時虧表疏，王途既泰，貢賦相望，尋令子弟侍奉京邑，蕭太保龍驤於嶺海。梁敬帝紀：紹泰元年，以太

尉蕭勃為太保。王儀同虎視於洞庭。梁敬帝紀：紹泰元年，以鎮南將軍王琳為車騎將軍，儀同三司，本傳：琳為元帝若望

詳與魯書。

高峯便當投袂。〔左傳〕楚子投袂而起。何則。凡諸將帥。各護家鄉。非直吾人。獨憂宗社。日者頻辱司馬行臺及諸公有

告。裴行臺當今方邵。此諸賢莫非英傑。其餘軍士。悉是驍雄。庸蜀氏羌之兵。〔蜀志〕晉策命曰。乃考保據庸蜀。〔商頌〕自彼氏羌。烏桓

白虜之騎。烏桓。後漢外國名。詳移齊文。以此衆戰。誰能禦之。何爲比吾倍薄相懸。何惡諸君身名俱滅。來告以細柳之軍

踰於灞上。〔漢書〕周亞夫爲將軍。次細柳。劉禮爲將軍。次霸上。徐惲爲將軍。次棘門。文帝勞軍至其營。曰。嗟乎。此真將軍矣。向者霸上棘門。如兒戲耳。吾恐今之趙括不及廉頗也。〔史記〕廉頗者。趙之良

將也。頗將攻秦。秦之間言曰。秦之所惡。獨畏馬服君趙奢之子趙括爲將耳。趙王因以括爲將。代廉頗。秦軍射殺趙括。括軍敗。近張舍人至。始奉嚴敕。朝廷遣劉叔經。仍往啓聞。願達

丹誠。用停王赫。〔詩〕王赫斯怒。伏計天慈。理當懸照。此身日月所鑒。天地所明。豈敢虛言。欺妄宸極。足下既未知

始末。容有疑怪。大軍多士。希惠矜弘。量非此失。時騰表疏。幸停師旅。已存盟信。庶其小國永申藩禮。天心

無爽。邇遐一同。投筆慷慨。不復多白。  
爲陳武帝作相時與嶺南酋豪書

夫否終斯泰。屯極則亨。若日月之回環。猶陰陽之報復。近者數鍾九厄。〔漢書〕陽九。四千五百歲爲一元。一元之中。九陽。五陰。四陽。爲旱。陰爲水。

王室中微。聖主欽明。還承寶運。卽是高祖武皇帝之孫。世祖元皇帝之子。重光累聖。膺國承家。天下生民。

孰不歸德。賊勃〔南史〕蕭勃。梁武帝從弟景之子也。不涯疏戚。希纂帝圖。信是奸兇。階茲禍亂。自王宮再淪於醜逆。虜馬四

飲於江沱。具九。社稷阽危。變輿幽辱。勃身居列岳。自御強兵。高視趨超。坐觀成敗。既而天維重綴。國

步還康。翻畫凶圖。更謀神鼎。且其兵馬之任。資於長昆。〔南史〕吳平侯景傳。景子勳。勳勳爲廣州刺史。歲中數獻方物。軍國所須。相繼不絕。武帝歎曰。朝廷便是更有廣州。大寶初。

勃鎮嶺南。爲廣州刺史。方牧之權。由於承聖。〔南史〕大寶初。廣州刺史元景仲。謀應侯景。西江督護陳霸先攻景仲。迎勃爲刺史。時湘東王繹在荊州。承制授勃鎮嶺南。爲廣州刺史。操兄戈而斬姪。藉

國寵而弑君。不忠不義。莫斯爲甚。比春初。便遣大都督歐陽頎。撫城王傅泰等。兇徒數十。遂到臨川。〔南史〕

梁敬帝初卽位。加勃司徒。紹泰中。爲太尉。尋進爲太保。太平二年。太保廣州刺史蕭勃舉兵反。詔平西將軍周文育。平南將軍侯安都等南討。〔又〕勃度嶺出南康。以歐陽頎爲前軍都督。周文育破禽之。吾奉承朝算。指畫戎路。樊

滕耿賈。樊。樊賈。滕。滕公夏侯嬰。高祖功臣。耿。耿弇。賈。賈復。光武功臣。戮力爭驅。天地靈祇。見與宗室書。水陸開道。獲傳泰不勞於一箭。禽歐陽無待

於尺兵。僞黨皆俘。連城盡拔。所獲軍資。不可稱算。去月十六日。德州刺史陳法武等。願憤回戈。仍梟凶豎。

一夫挺劍傳首上京。萬里澄清。

〔後漢范滂傳〕登車攬轡慨然有澄清天下之志。

人神慶躍。

〔南史〕三月甲寅。德州刺史陳法武前衛州刺史譚遠於始興攻殺蕭勃。

彼豪門著姓。

典牧方州。拘隔天朝。亟離寒暑。公私憤歎。豈可為懷。今王道平夷。理增歡忭。朱明戒節。

〔爾雅〕夏曰朱明。

比復何如。

軍士平安。境內清謐。吾以庸薄。叨秉國鈞。

〔詩〕秉國之鈞。

恆務牽纏。諸有勞弊。自天數云否。朝禍游臻。東夏崩騰。

西京蕩覆。身惟許國。任在勤王。宣力皇家。靡有寧歲。一還京師。保持鴻業。四驅夷狄。奪得江左。

具九錫文。

始則

杜龕元惡。張彪不恭。據有秦稽。連蹤巨震。隨機討掩。觸刃平夷。

〔南史〕杜龕據吳興以叛。龕。僧辯婿也。龕先表自東討。仍還都。命周文郁進討。龕以城降。誅之。〔梁敬帝

紀〕太平元年春正月己亥。東揚州刺史張彪圍臨海太守王懷振于剡岩。二月庚戌。遣周文育。陳奮襲會稽討彪。敗走。丙辰。若邪村人斬張彪。傳首建業。

叛臣任約。徐嗣徽等。屢引齊虜。前年末。既踐

京師。江畔邊城。皆為戎戍。賴貔貅驍力。

見為貞陽侯書。

衛霍同心。

見移齊文。

殲厥胡夷。不日清殄。

〔南史〕陳武帝東討杜龕。留侯安都。杜穰。宿衛臺省。軍至。戎

興。秦州刺史徐嗣徽。乘虛奄至關下。侯安都出戰。嗣徽等退據石頭。帝以嗣徽寇逼。卷甲還都。命周文郁進討杜龕。齊又遣兵萬人。於胡墅度米粟三萬石。馬千匹。入石頭。帝乃遣侯安都領水軍。夜襲胡墅。燒齊船。周鐵武率舟師斷齊運糧。帝領鐵騎自西明門襲之。齊人大潰。

去年將夏。傾國大來。鐵騎八千許匹。甲士二十餘萬。胡塵飛於北闕。虜鼓震於南宮。躬率編裨。聊與挑



戰虜便士崩瓦解。投險赴坑。大小皆禽。鯨鯢盡戮。見勸進表。三江之上。禹貢揚州。三江既入。塞水無流。千里之間。伏尸相

枕。生獲大都督蕭軌、裴英起、東方老、李希光、王敬寶等。

〔南史〕二年三月。齊遣水軍儀同蕭軌、庫狄伏連、樊難宗、東方老、侍中裴英起、東廣州刺史獨孤辟惡、洛州刺史李希光、并

任約、徐嗣徽、王僧愔等。衆十萬。出柵口。向梁山。五月。齊兵至秣陵。故城。游騎至臺。都下震駭。帝潛以精卒三千配沈素。度江襲齊行臺趙彥深於瓜步。獲其舟粟。又遣錢明領水軍出江乘。遂擊齊人糧運。盡獲之。齊人大餒。帝因命乘軍奪食。攻之。齊軍大潰。軌嗣徽及其弟嗣宗。斬之以徇。虜蕭軌、東方老、王敬寶、李希光、裴英起、王僧智等。將帥四十六人。其軍士得竄至江者。縛筏以濟。中江而溺。流尸至京者彌岸。惟任約、王僧愔獲免。虜中驍將。唯此數人。屢破關西之兵。頻取

淮右之地。一朝俘斬。無復孑遺。〔詩〕周餘黎民。靡有孑遺。遠邇敬欣。華夷怖懼。如聞彼虜。稍是危亡。尋命熊羆。欲就征

討。方可以雷行趙魏。電掃幽并。〔後漢吳漢傳〕電掃羣孽。混一車書。勢在朝暮。而侯瑱跋扈江州。〔後漢梁冀傳〕帝曰。此跋扈將軍也。公私

阻絕。即平北賊。仍事南征。肉袒面縛。〔左傳〕楚子圍鄭。鄭伯肉袒牽羊以迎。〔又〕殖綽郭最皆衿甲面縛。坐於中軍之鼓下。歸首闕庭。即爲申聞。優其禮秩。

臺儀不貶。位遇兼常。〔南史〕侯瑒鎮豫章。甚強。又以不事王僧辯。未肯入朝。後余孝頃與瑒相拒。瑒留軍人妻子於豫章。令從弟大淵知後事。悉衆以攻孝頃。大淵部下侯方兒。叛攻大淵。虜瑒軍府伎妾金玉。歸於武帝。瑒既失根本。以武帝

有大量。必能容已。乃詣關請罪。武帝復其爵位。今所禽歐陽頎、傅泰等。莫不弘宥。政爾授其兵馬。處以榮祿。坦然遊狎。無介懷抱。年號

武平。建武永平後漢年號詳侯安都碑。國卽清晏。君之聞此。寧不欣躍。但昔緣王事。遊踐貴鄉。日想山川。依然舊識。〔陳武帝紀〕蕭暕

爲廣州。陳武帝爲中直兵參軍。隨之鎮。明年爲交州司馬。與刺史楊騰討平李賁。除江西都護。高要太守。督七郡諸軍事。吾旣忝荷朝私。位逾台衮。身持帝王之柄。手握天下之圖。

〔後漢朱穆傳〕劉陶等訟穆曰。中官近習。竊持國柄。手握王爵。口含天憲。詳與楊僕射書。故鄉如此。誠爲衣繡。故人不見。還同宵錦。〔漢書〕上謂朱買臣曰。富貴不歸故鄉。如衣繡夜行。〔又〕項羽

懷思東歸曰。富貴不歸故鄉。如衣繡夜行。天涯藐藐。見與王僧辯書。地角悠悠。言面無由。但以情企。今者王猷帝載。化被無垠。〔傳毅拜賦〕游心無垠。〔注〕垠

際也。浮海窮山。罔不咸格。投竿負鼎。見與宗室及王太尉書。馳步蒼龍。〔後漢百官志〕北宮門。蒼龍司馬主東門。〔注〕洛陽宮門名爲蒼龍關門。崖穴邱園。〔後漢和帝紀〕詔曰。昭

巖穴。披幽隱。遣詣公車。朕將悉聽焉。詳爲貞陽侯書。爭趨金馬。〔漢東方朔傳〕君之才具。見爲貞陽侯書。信美登朝。如戀本鄉。不能遊宦。門中子弟。

望遣來儀。當爲申聞。各處榮祿。深加持保。念嗣音郵。今遣某甲等使彼。指此不多。

### 爲陳武帝與周宰相書

昔有天地。便立帝王。革昊惟農。未詳。按〔史記三皇本紀〕太皞應饒氏。風姓。女媧氏亦風姓。代宓犧立。號曰女希氏。女媧氏沒。神農氏作。神農氏姜姓。遷虞斯夏。〔竹書紀年〕舜在位十有四年。於是八

風循通慶雲叢  
聚遲虞而事夏

莫不二靈所佑見勸進表

五運相推

漢律歷志土生金故為金德金生水故為水德水生木故為木德木生火故為火德火生土故為土德

梁德不造固天攸

棄雖復東漢之末區宇沸騰西晉之亡生民蕩覆

見為貞陽侯書

未足以方其禍亂譬彼虔劉者也吾謬以庸薄

屬當興運自昔登庸清諸百越徐聞浪泊靡不征行

宋州郡志越州合浦太守領徐聞令後漢馬援傳南擊交趾軍至浪泊上

銀洞珠官所在清

父益州記銀水在綿州晉書地理志合浦郡領珠官縣

自還麾南極伐逆東都宣力驅馳亟淹寒暑六廷梁社十翦彊寇

具九編文

黃帝與蚩

尤七十戰

帝王世紀黃帝討蚩尤凡五十二戰

魏祖在軍中三十年

魏氏春秋夏侯惇謂王曰陛下即戎三十餘年功德著於黎庶

方厥劬勞未為勤苦加以百神

所感明靈應期

見勸進表

萬里徂征虯龍表瑞

陳武帝紀帝進軍頓西昌有龍見水濱高五丈五采鮮耀

於是中軍勇銳上將橫行承此休符遂

興王業梁氏以天祿斯改期運永終欽若唐風推其鼎命吾驚惶三讓拜手陳辭盈廷公卿稽顙敦偃眷

言穎水徒抱素心

逸士傳堯之讓許由也由以告巢父巢父曰汝何不隱汝形藏汝光非吾友也乃擊其膺而下之許由俛然不自得乃遇清冷之水洗其耳拭其目曰嚮者聞言負吾友遂去終身不相見樹臣曰九域志穎昌府有

許由臺  
巢父臺

尙想汾陽無因高蹈

莊子堯見四子藪姑射之山汾水之陽皆然喪其天下

偃以庸薄遂膺天寵去月乙亥升禮大壇言念遷桐

但有慙媿。昔賓門之始。境外無交。〔郊特牲〕人臣無外交。不敢貳君也。雖遣行人。未申嘉好。今上天有命。光膺寶曆。永與周室。

方同斷金。我運維新。宜脩朝聘。今遣侍中都官尚書周弘正。銜使長安。故指有白。

爲陳主與周冢宰宇文護論邊境事書。〔周書〕護字薩保。太祖兄邵嘉公顯之少子。封晉國公。文帝曰。吾形容若此。必不濟。諸子幼。天下事以屬汝。護涕泣奉命。孝閔踐阼。拜大冢宰。

國有三慶。民有四安。所謂通和。是由鄰睦。況周陳款好。一紀於茲。懷抱相期。百世方遠。灌瓜之美。久敕邊

吏。〔賈誼新書〕梁大夫宋就爲邊縣令。與楚鄰界。兩亭皆種瓜。楚亭瓜惡。就令人竊爲楚亭灌瓜。楚王悅。梁之陰讓也。謝以重幣。拾橡之尤。想應無忽。〔東觀漢記〕李恂。餉遺無所受。居新安關下。拾橡實爲食。梁氏

以漸水東爲安湘小郡。宜立巴州。〔隋書〕荊州巴陵郡。注梁置巴州。多歷年所。此於荆部。本包分界。近得刺史符元舉。啓稱

蕭歸。〔北史周附庸傳〕蕭字仁遠。晉之第三子也。忽遣杜元茂。神僧訓等。將率人馬。踰濱涉澌。便置城隍。〔易〕城復于隍。謀爲侵軼。〔左傳〕彼徒我車。

懼其侵軼我也。適荷鄰德。合州見遠。不容今春。仍縱蕭氏。元舉累移論及。翻相河漢。〔劉峻辨命論〕聖人之言。河漢而不測。更往研問。便

聘鋒鏑。見檄周文。彼軍人恃勇。遂致俘禽。聞此紛紜。甚以驚歎。其商奄餘孽。〔周本紀〕成王既遷殷遺民。東伐淮夷。殘奄遷其君薄姑。才力甚微。

為暴邊城。良憑大國。但情均忌器。〔漢賈誼傳〕諺曰。欲投鼠而忌器。不可加兵。便敕軍司。以禮相放。且前歲所立疆城。本以

南平等五郡輸薦貴朝。〔北史附庸傳〕蕭管大定四年。管遣其大將軍王操。略取王琳之長沙。武陵。南平等郡。宋書。荊州南平內史吳南郡治江南。至如安湘。既屬巴郡。幸承鄰惠。

無候涉言。故下漸東。惟如禮北。政是標其大桶。屬荊州之界耳。〔漢高帝紀〕築甬道屬河。〔注〕恐敵抄糧重。故築垣牆如街巷。周附庸傳。江陵平。周文命管主梁嗣。居江

陵城東。資以江陵一州之地。其襄陽所統。盡入於周。又管子歸天保五年。長沙。巴陵並陷於陳。彼此方申分好。義絕規圖。所貴惟和。所重惟信。夫以南平等郡。地曠

民豐。雲夢之田。楚王為寶。見移文。吳當勁蜀。晉拒疆秦。資彼山川。並為州鎮。朕若棄其仁義。務廣封域。寧容

延歲。並貢周朝。今者和親。已固山岳。而方謀尺寸之土。用益兼葭之地哉。幸非竊疾。〔國策〕墨子見楚王曰。今有人於此。舍其文軒。鄰

有敝輿而欲竊之。舍其錦繡。鄰有短褐而欲竊之。舍其梁肉。鄰有糟糠而欲竊之。王曰。必為有竊疾矣。相見鑒容。江陵小寇。既爾虔劉。前至之言。或相誣罔。一二因使

人字文平。口具其懷耿耿。故此相白。

為陳主蒼周主論和親書

使人使持節車騎大將軍儀同三司大都督治司城使主杜子暉中軍山遂伯使副鮑宏等至。〔北史〕杜杲字子暉京

兆杜陵人也。明帝初為脩城郡守。初陳文帝弟安成王頊為質於梁。及江陵平。頊隨例遷長安。陳人請之。至是帝欲歸之。命杲使焉。〔又〕鮑宏字潤身。東海剡人也。仕梁元帝。遷通直散騎常侍。江陵平。歸於周。明帝甚禮之。累遷遂伯下大夫。與杜子暉聘陳。謀伐齊。

省告具懷。夫聖君明辟。司御兆民。則天象地。佇育黔首。故張廬以往。拭玉而來。見與楊僕射書。同在蒼生。恢宏文

武。雖毀戈鑄戟。未擬上皇。龍魚河圖云。蚩尤造五兵。仗刀戟大弩。散馬休牛。載懷偃伯。〔司馬法〕古者武軍三年不輿。則凱樂凱歌。偃伯。糞壘。答人之勞。告不輿也。非期與睦。

忽爽和風。奚用殲師。〔左傳〕宋師敗績。公傷股。門官殲焉。信由天討。追尋曩好。歎想兼懷。言覲今書。甫承家難。知以冢宰執

政。擅同淵藪。〔書武成〕商王受為天下逋逃主。萃淵藪。令尹當朝。妄專征伐。無君之譎。俾墜其師。〔左傳〕晉士燮會楚公子罷許偃。盟曰。有渝此盟。明神殛之。俾墜其師。無克胙國。

無將之誅。已從司寇。〔公羊傳〕君親毋將。將而誅焉。刑名既肅。國步還康。希篤親鄰。敬聞衷款。若二境交歡。俱饗多福。八

荒期又。良副所懷。今遣具位某甲等使。不復多述。

在吏部尚書荅諸求官人書

自古有吏部尚書者。品藻人倫。簡其才能。尋其門胄。逐其少多。量其官爵。但古來數千年。非無明時也。非無明主也。自有才用雖美。階級不通。門戶雖高。官資殊屈。若斯人者。其例甚多。請問諸君。此是何義。夫一千錢一斛米之多少。猶關相祿。況復皇朝官爵。理係玄天。內典謂之爲業。外書稱之爲命。五行有驛馬之言。六甲有官鬼之說。必令驛馬時發。官鬼克身。所望階榮。便當果遂。如其不爾。決是難諧。豈可改尚書作官鬼。驅老僕爲驛馬邪。若見問尚書。何不分判。用與不用。許與不許。僕荅云。君非屈滯。豈可相期。決言應果。若今驛馬差爽。便是乖信。此關君命。僕何以相荅邪。若朝散之流。行止之屬。門戶相似。人才不殊。選家斟酌。無能爲爾。若陟大位清官。悉由玄命。夫人君賓用。並是前緣。故宋文帝云。人豈無運命。每有好官缺。輒憶羊玄保。〔南史〕羊玄保。太山南城人。文帝以玄保廉素寡欲。類授名郡。嘗曰。人仕宦。非惟須才。亦須運命。每有好官缺。我未嘗不先憶羊玄保。梁武帝云。世間人言有目色。我特不目色。范滂自此而論。豈非前業。且世諺云。圖官在亂世。覓富在荒年。梁孝元帝承侯景之凶荒。王太尉接荊州之禍敗。爾時喪亂。無復典章。故使官方窮此紛雜。自紹泰。太平及永定中。聖朝草創。爾時州州自帝。郡郡稱王。〔魏志注〕令曰。設使國家無有。孤不知當幾人稱帝。幾人稱王。天下干戈。尙無條序。兼以府庫空虛。賞賜懸乏。白銀之寶難得。〔漢食貨志〕武帝時。有司奏言。古者金有三等。黃金爲上。白金爲中。赤金爲下。乃造銀錫白金。孟康曰。白金銀也。黃紙之版易營。〔南史張興世傳〕朝廷遣吏部尚書褚彥回。就緒折行。選是役也。皆先戰授位。繳版不供。由是有黃紙札。假以官榮。

代於錢絹。義在撫綏。無計多少。又有非舊非勳。非地非才。託節將而求官。因時人以買位。賣官既賤。皆爲清顯。故員外常侍。路上比肩。諮議參軍。市中無數。四軍五校。車載斗量。〔三國志〕吳趙咨曰。如臣之比。車載斗量。豈是朝章應其

如此。今衣冠禮樂。日富年華。主上體成王之風。太傅弘周公之德。〔陳宣帝紀〕帝諱瑱。始興昭烈王弟。二子也。光大二年。進位太傅。西羌北狄。畏

我王威。時旣清矣。時旣平矣。何可猶作亂世意。而覓非分之官邪。凡人所以稱屈滯者。身已不無寸能。官又不及父祖。旣是明時。可以於邑。所見諸君。多踰本分。猶言太屈。未喻高懷。若問梁朝朱領軍等。並爲卿

相。〔南史〕朱异字彥和。吳郡錢塘人。太清二年。爲中領軍。此不踰其本分邪。此天子所用。非關選序。舊章。秦有車府令趙高。直爲丞相。〔秦

本紀〕二世皇帝元年。以車府趙高爲郎中令。三年冬。爲丞相。漢有高廟令田千秋。亦爲丞相。〔漢書〕千秋本姓田氏。爲高寢郎。上急變。詔太子

寬。數日爲丞相。千秋年老。朝見得乘小車入宮殿中。故號車丞相。此復可爲例邪。僕七十之歲。朝思夕計。並願與諸賢爲眞善知識。〔涅槃經〕佛言。具足梵行。乃名善知識。曾無嫌隙。差可周旋。

非欲令君作此怨訴。但旣忝衡流。應須粉墨。庶其允當。無負朝寄耳。去年疾患。亦餘氣息。不能相答。通作

此書。所望諸賢深明鄙意。徐君白。



同前 此篇陳書本

自古吏部尚書者。品藻人倫。簡其才能。尋其門胄。逐其大小。量其官爵。梁元帝承侯景之凶荒。王太尉接荊州之禍敗。爾時喪亂。無復典章。故使官方窮。此紛雜。永定之時。聖朝草創。干戈未息。亦無條序。府庫空虛。賞賜懸乏。白銀難得。黃札易營。權以官階。代於錢絹。義存撫接。無計多少。致令員外常侍。路上比肩。諮議參軍。市中無數。豈是朝章。應其如此。今衣冠禮樂。日當年華。何可猶作舊意。非理望也。所見諸君。多踰本分。猶言大屈。未喻高懷。若問梁朝。朱領軍。亦為卿相。此不踰其本分邪。此是天子所拔。非關選序。梁武帝云。世間人言有目色。我特不目色。范滂。宋文帝亦云。人世豈無運命。每有好官。缺輒憶羊玄保。此則清階顯職。不由選也。秦有車府令趙高。直至丞相。漢有高廟令田千秋。亦為丞相。此復可為例邪。既忝衡流。應領粉墨。所望諸賢。深明鄙意。

荅周處士書 〔南史〕周弘讓始仕不得志。隱於句容之茅山。類徵不出。晚仕侯景為中書侍郎。獲譏於代。

辱去年三月二十七日告。仰披華翰。甚慰翹結。承歸來天目。〔吳興記〕天目山極高峻。嶺上有泉水甚美。東南有瀑布。下注數畝。元和地志。天目有兩峯。峯頂各一池。左右相

對。為天之左右目。故名。得肆閒居。〔禮記〕孔子閒居。差有弄玉之俱仙。〔列仙傳〕蕭史教弄玉吹簫。作鳳聲。鳳皇來止其屋。秦穆公為作鳳臺。一旦皆隨風飛去。非無孟光之

道書云第三十四洞天。

同隱。〔後漢逸民傳〕梁鴻妻孟光曰。妾有隱居之服。乃更爲椎髻。著布衣。操作而前。優游俯仰。極素女之經文。〔抱朴子〕黃帝論。導養而實。玄素二女。升降盈虛。盡軒皇之圖。

藝。〔漢藝文志〕道家者流。黃帝四經四篇。黃帝銘六篇。黃帝君臣十篇。雜黃帝五十八篇。雖復考槃在阿。不爲獨宿。見詩。詎勞金液。〔神仙傳〕藥之上者。有九轉還丹。太乙金液。唯飲玉泉。

比夫煮石紛紛。終年不爛。〔神仙傳〕白石生者。常煮白石爲糧。燒丹辛苦。至老方成。及其得道冥真。〔莊子〕至道之精。窈窕冥冥。又有真人而後有真知。何

勞逸之相懸也。又承有方生亦在天目。理當仰稟明師。總斯祕要。豈如張陵弟子。自墜高巖。〔列仙傳〕雲臺山絕崖。有桃

樹。大如臂。張陵曰。得桃實者。告以要道。弟子無敢視者。趙升從上。自擲正中。桃樹得桃。滿懷而至。〔南史沈約傳〕錢塘人杜真。通靈有道術。見死。門徒孫泰。泰弟子恩。傳其業。隆安三年。恩於會稽作亂。〔宋武帝紀〕

孫恩自敗後。懼見獲。乃投水死於臨海。何其樂乎。聖朝虛心版築。尙想邱園。見爲貞陽侯書。若彼能赴嘉招。〔潘岳詩〕弱冠奉嘉招。便當謹申高命。但

其人往歲亦望至京師。觀此風神。確乎難拔。見易。故以忘懷爵祿。詎持犧牲之談。〔左傳〕賓孟適郊。見雄雞自斷其尾。問之侍者曰。自憚其犧也。遷

歸告王。且曰。雞其禪爲人用乎。人異於是。犧者實用。人人犧實。難已。犧何害。高視公卿。獨騁蜻蛉之訓。未詳。按〔莊子〕人食芻豢。麋鹿食藿。蚶蛆甘帶。天下未知正味。〔注〕帶。小蛇。蚶蛆喜食其眼。所恐有道

三辟。公車十徵。〔後漢方術傳〕董扶字茂安。廣漢綿竹人也。前後幸府十辟。公車三徵。再舉賢。良方正有道。皆稱疾不就。若斯者終當不屈。此旣然矣。請復詳言。昔楚國

兩龔同時紆組。

〔漢書〕龔勝龔舍皆楚人也。二人相友，並著名節，故世謂之楚兩龔，俱為光祿大夫，謝病歸鄉里。郡二千石長吏初到官，皆至其家，如師弟子之禮。

漢陰一老，相攜抱甕。

〔莊子〕子貢過漢

陰，一丈夫方為圃畦，鑿隧而入井，抱甕而出。子貢曰：有機於此，日浸百畦，圃者笑曰：夫有機事必有機心，吾羞不為也。

兄之幽貞，若其鑿坏負石。

〔莊子〕湯伐桀，克之以讓務光。光曰：無道之世，不踐其土，況尊我乎？乃負石而自

投澶水。〔又〕顏闔不受魯聘，鑿坏而遜。

方同形影。

〔玉臺新詠〕楊方合歡詩：譬如形影，如形追軀。〔又〕亦如影隨身。

結綬彈冠。

〔漢書〕蕭育與朱博為友，著聞當世。往者有王陽，買禹故長安語曰：蕭朱結綬，王貢彈冠，言其相薦達也。

無容楚越，況乎糞土夔龍。

〔左傳〕臧紇唁衛侯，退而告人曰：衛侯其不得入矣，其言糞土也。

羶臊名器。

〔周禮注〕犬腥羊羶。〔左傳〕仲尼曰：惟名與器不可以假人。

己所不欲，非應

及人，忽承來音，良以多感。何則？穎陽巢父，不曾令薦許由。

〔見為陳武帝書〕

商洛園公，未聞求徵綺季。

〔漢書〕張良。〔傳注〕四人謂園公。

〔南史〕歐陽紇字奉聖，穎子，頗有幹略。龔父官爵在廣州十餘年，威惠著於百姓，宣帝頗疑之。太建元年，徵為左衛將軍，遂舉兵反，詔儀同

斯所未喻高懷，而躊躇於矛楯也。

〔莊子〕楚人有買矛及楯者，見人來買矛，即謂之曰：此矛無何不徹，見人來買楯，則又謂之曰：此楯無何能徹者。買人曰：還將爾矛刺

爾楯，若何？唯遲山阿近信，更惠芳音，如或誠言，謹便聞奏。第夙勞比劇，不復多呈。徐君白。

與章司空昭達書

君白：日聖朝受命，天下廓清，所餘殘兇，惟有歐紇。

〔南史〕歐陽紇字奉聖，穎子，頗有幹略。龔父官爵在廣州十餘年，威惠著於百姓，宣帝頗疑之。太建元年，徵為左衛將軍，遂舉兵反，詔儀同

章昭達〔南史〕顧合門顯貴威振南土南通交管北據衡疑兄弟叔姪盤阻川洞〔南史〕百越之費不供王府萬里之民不由國家

明公受脈嚴冬〔左傳〕劉子曰祀有執脈戎有受脈持兵杪歲〔王制〕冢宰制國用必於歲之杪開冰踐露蒞火宵行便屆全淮乃其神速未聘

三略非勞六奇〔李康運命論〕張良得黃石之符受三略之說〔注〕上中下三計〔漢書〕陳平六出奇計〔注〕薄交旗鼓仍平醜類自太清之末永定以來所關

疆界不過郡邑今茲赴捷二十餘州若較此功庸方茲英力漢之馬援不能為擬〔廣州記〕馬援討平交趾於嶺南立銅柱以表漢之極

界吳之步騭故是相懸〔吳志〕步騭為交州刺史〔陳廢帝紀〕慈訓太后令曰〔注〕威聲大震南土之實由此始〔注〕孫處宗之叛徒正槌盪主耳〔注〕主孫秦等潛相連結大有交通

公私慶快可得而言且僕一子屯窮妖徒所制五嶺遐負〔漢張耳傳〕南有五嶺之戍〔注〕大庾始安臨賀桂陽揭陽也〔注〕存亡不測懸懷飲淚

破膽復全蒙荷英恩保其身命餘年仰戴何力能勝今遣主帥某馳往稱慶徐君呈

重答朝臣書〔南史〕劉師知傳〔武帝崩〕六日成服朝臣共議大行皇帝靈坐使御人衣服吉凶之制〔博士〕沈文阿議宜服吉〔師〕知議服衰絰〔中書舍人〕蔡景歷〔江德藻〕謝皎等〔同師〕知議時以二議不同乃啓取左丞徐陵決斷〔陵〕同博士議

謝皎議必備衰絰〔陵答書云〕文阿猶執所見〔衆議〕不能決乃具錄二議奏聞上從師知議

老病屬纊不能多說。〔喪大記〕屬纊俟氣絕。古人爭議多成怨府。〔左傳〕叔孫昭子曰吾不為怨府。傅玄見尤於晉代。〔晉書〕傅玄為司隸校尉每有表劾或值日暮捧

白簡整簪帶踈踊不寐坐而待旦。王商取陷於漢朝。〔漢書〕上素重商知張匡言多險劄曰勿治。謹自三緘。〔家語〕孔子親周入后稷之廟有金人焉三緘其口而銘其背。敬同高命若萬

一不死猶得展言庶與羣賢更申揚權。

薦陸瓊書

〔南史〕陸瓊雲公子也字伯玉素有令名為陳文帝所賞以文學累遷尚書又遷新安王文學掌東宮管記及宣帝為司徒妙簡僚佐吏部尚書徐陵薦瓊於宣帝乃除司徒左西掾。

新安王文學陸瓊見識優敏文史足用。見讓左僕射表。進居郎署歲月過淹左西掾缺允膺茲選階次小踰其屈

滯已積。

報尹義尚書

別離二國。見輿揚僕射書。雲雨十年。〔顏延之詩〕朋好雨雲乖。心想河陽言銅爵而無遠。〔魏志〕太祖於鄴作銅雀臺。神遊漳水與金鳳而俱發。

〔幽明錄〕鄴城鳳陽門五層安金鳳皇二頭於其上二頭飛入漳河清浪見在水底一頭今猶存。北使還辱去冬十月十一日告忽同言敍循環巧製欣慰良深河

朔年芳。〔後漢郡國志〕朔方郡大城故屬西河。雖當晚晚。〔屈原九辨〕白日晡晚其將入兮。白溝洿洿。〔水經注〕晉元水又南謂之白溝水。春流已清紫陌依依。〔水經注〕鄠縣趙墓

武十一年造業。陌浮橋於水上。長楊稍合體中何如。豈無鄉思弟三秦世胄。〔漢高祖紀主〕應劭曰章邯為雍王司馬欣為塞王董翳為翟王分王秦地故曰三秦。六輔良家。

〔漢兒寬傳〕寬表奏開六輔渠。文武兼能志懷開遠。谷永之筆。〔漢游俠傳〕谷子雲之筆札。無慙古人蓋延之功。〔後漢蓋延傳〕延與吳漢同歸光武號建功臣。高視

前彥而淹留趙魏。亟歷寒暄企望鄉關。理多悲切聖朝欽明纂曆大拯生民。戮巨海之奔鯨殲中原之封

豕。〔見勸進表〕晉君之說長安遠於日邊。〔劉昭幼童傳〕晉明帝諱紹元帝太子也帝問長安何如日遠答曰不聞人從日邊來只聞人從長安來明日集羣臣宴會復以此問又以爲日近元帝動容問何故異昨日之言答曰奉

頭見日不見長安。揚雄有言交州在於天際。〔揚雄交州箴〕交州荒裔水與天際。則輸琛王府。〔詩〕來獻其琛。屈膝闔門。〔西京賦注〕闔門天門也。川洞會蒙

疆梁溟海。〔古逸詩〕金人銘。強梁者不得其死。神兵一指率土咸康。〔詩〕率土之濱莫非王臣。方當偃霸於靈臺。〔見論和親書〕韜戈於武庫。〔漢魏相傳〕霍光

曰武庫精兵所聚故以丞相子爲武庫令。變大風於五禮。〔舜典〕脩五禮。詳與楊僕射書。驅蒸民於昌辰。〔詩〕天生蒸民。物色英聲搜揚俊傑投竿負鼎。〔見與宗室

及王太尉書。馳步蒼龍巖穴邱園爭趨金馬。〔見爲貞陽侯及與魯豪書〕而弟留河北義等周劭懷此殊才實可傷嗟吾疇岷旣暮

〔風原離離〕望騰蛟而勿迫。容鬢皤然。〔易〕黃如皤如。風氣彌留。砭藥無補。追惟疇昔。〔樓弓〕夫子曰予疇昔之夜。共備行人。室家安

危。賓禮升降。懸壺代哭。〔喪大記〕君喪。狄人出壺。司馬乃官代哭。大夫官代哭。不懸壺。士代哭。不以官。俱歷春冬。移館於箕。見與楊僕射書。同茲辛苦。鳴蜩抱樹。

亟見藏冰。〔月令〕仲夏之月。蟬始鳴。〔爾雅方言〕蟬。楚謂之朝。左傳。右者日在北陸。而藏冰。西陸。朝觀而出之。歸雁銜蘆。多經寒食。〔淮南子〕雁銜蘆而翔。似備弋繳。月令孟春之月。鴻雁來。吳挺曰。〔荊楚歲時

記〕去冬節一百五日。即有疾風。甚雨。謂之寒食。靖言念此。如何可忘。握翫來書。彌其承臉。夫以擁腫之木。得免因於不才。〔莊子〕惠子曰。吾有大

樹。人謂之樗。其本擁腫。〔又人間世篇〕匠石見櫟社樹曰。是不材之木也。無所可用。故能若是之壽。穀鯨之牛。自保由其無用。見孟子子。以余鄙陋。未友龔生。見與楊僕射書。惟歎

吾賢。不同蘧瑗耳。〔論語〕蘧伯玉使人於孔子。若推溝拯溺。見孟子子。每切皇衷。逸翮飄鱗。見優機檻。所以降尺一之書。〔後漢陳蕃傳

〕漢以尺一版寫詔書。馳翰軒之使。見與楊僕射書。心期與國。必遂還途。寧謂親鄰。更成難請。言尋雅告。所及縲囚。〔左傳〕如養對楚子曰。兩釋

縲囚。以成其好。便訪鴻臚。〔後漢百官志〕大鴻臚掌諸侯及四方歸義蠻夷。幸無淹使。聞諸司寇。或有邊俘。前歲中流。是維同惡。〔左傳〕韓宣子曰。同惡相求。如市

買。燕禽望闕。〔戰國策〕於是乃摩燕烏集闕。見說趙王於華屋之下。冀馬臨江。〔左傳〕司馬侯曰。冀之北土。馬之所生。裁頓雲羅。自投天網。見移齊文。京觀之家。宜彰武

功。見勸進表。周醜首。疑作首。之門。方申明罰。左傳。齊襄公之六年。鄭驪伐齊。齊管成父獲其弟榮如。理其首於周首之門。而聖朝好生惡殺。收雷寢電。兵車所獲。

雖同長萬之來。左傳。宋公謂南宮長萬曰。今子魯囚也。恩澤從容。無異荀罃之禮。左傳。荀罃在楚。楚子厚其禮而歸之。方之於弟。況擬非倫。伊昔梁

朝。共奉嘉聘。張茲大帛。儀禮。使者載旛帥以受命。於朝。周官司常。通帛為旛。處彼高閔。左傳。高其閔。閔以無憂客使。庭奏歌鐘。左傳。鄭人賂晉侯歌鐘。二肆晉侯以樂之半賜魏絳。

魏絳於是乎始有金石之樂。座延僑胙。晉叔向名胙。鄉子產名僑。賓客之敝。方於阼階。曲禮。主人就東階。客就西階。客若降等。則就主人之階。主人固辭。然後客復就西階。田獵之禽。同於

君膳。王制。天子諸侯無事。則歲三田。一為乾豆。二為賓客。三為充君之庖。正以鄉關阻亂。致爾拘留。家國隆平。義應旋反。況復韓宣屢至。宰孔頻

還。翻爾遲回。豈云鄰睦。弟遂鍾儀之操。見與楊僕射書。對此皇華。高厚之詩。左傳。齊高厚之詩不類。一何非類。關徐廉樂之況。

未詳。三戰七禽之言。魯仲連遺燕將書。曹子以一劍之任。規桓公於壇位之上。三戰之所失。一朝而反之。徐文炳曰。晉漢春秋。諸葛亮征孟獲。七縱七禽。此日借子之矛。攻子之室。見答周處士書。彼

之使客。猶尚不還。此於齊都。豪門貴戚。周行匪例。事義相懸。豈與大弟同年而語。吾本自凡流。以復衰老

稍近。東岱不奢。魏劉楨詩。常恐遊岱宗。不復見故人。擊壤之年。惟欣堯俗。高士傳。壤父者。堯時人。年五十而擊壤於道中。若邪之復。長保安臥。時思之



〔原注〕若不棄忝亞宗卿。非復侵官天辰。〔左傳〕夏季使續鞠居殺陽處父。書曰。晉殺其大夫。侵官也。但當今芄芄在詠。濟濟盈朝。〔詩〕芄芄。〔又〕

濟濟才冠卿雲。司馬長卿揚子雲也。〔漢書〕智同荀郭。荀或郭淮也。〔魏志〕文辭富於江海。高論薄於雲霄。趨走丹墀之門。見與王儉習書。侍

奉清規之內。弟來款言至。欲附所聞。聯類非宜。更其多惑。若擬作使良有。猶希贈鯉之書。〔古詩〕呼兒烹鯉魚。中有尺素書。

驛方通。復行蜚鶴之信。〔魏文帝詩〕飛鶴長鳴聲可憐。執筆潛然。不知何向。

附尹義尚書。漳濱江涘。眇若天涯。去雁歸鴻。雲飛難寄。瞻言鄉國。泣珠淚而盈懷。寤寐德音。仰煙霞而疾首。既而譽往寒來。愁雲滿塞。河冰自結。非由漢后之軍。草露恆嚴。寧假公超之術。霜飄虎渠。詎知朔野之寒。雪覆龍岑。徒憶清江之暖。眷言曠昔。邈矣邇哉。係仰清顯。願常豐勝。雍容廊廟。時宣匡奉之風。偃息康莊。無廢怡神之道。義尚望國窮蹇。繁疊積歲。雖其未殞。豈曰生平。日者謹忝後車。陪遊上國。曾親禮樂。見季子之知音。經奉侍言。嗟鄭僑之博物。如軍書愈疾之製。碑文絕妙之詞。猶實紙於鄴中。尚傳聲於許下。逮乎百六之年。仍離再三之酷。吉凶禮數。綿歷歲時。嘗瞻茹辛。備同艱險。每冀寫蒼有感。大國矜憫。以禮言歸。馭驛俱反。何期義毛湮淪。擘灑漳濱之水。逸翮摩霄。輕託蓬萊之頂。信知有幸無幸。見生死之殊倫。才與不才。驗沉浮之異趣。昔秦歸趙壁。不得連城。晉失楚材。直亡其寶。自國祚中絕。行李不通。等避世於桃源。同流寓於仙嶺。每瞻牛候馬。想金陵之聖人。今親皇華。知有熊之建國。實堯仕舜。猶是八才。韓武經文。方儔四貴。幸甚幸甚。昔楊朱岐路。悲始末之長離。蘇武河梁。歎平生之永別。雖復音塵可嗣。終隔風雲。夢想時通。無因親止。依楚釋囚。共成親好。今乃拘彼求此。不亦難乎。夫以匹夫投分。猶須坦蕩。況兩國二君。那宜細計。彼若才如廉樂。猶恐不習禁兵。苟非其

人留之何益。然三戰三敗，卒成強伯之功。七縱七擒，終仗天威之力。由此言之，彼如此耳。徐元直西蜀之謀士，關雲長劉氏之驍將，須歸卽遣，知叛弗追。今之與古，何其異趣。且二國協和，長江共有。如首如尾，可以同規。或貳或猜，豈名唇齒。是以隔河分敵，君子知其不終。衷甲尋盟，春秋貶其行詐。伏承聖上欽明，英賢佐輔，方知解網之氣，用表無偏之化。若彼之俘虜，猶且蒙歸。此之南冠，何辭不遣。如其有相猜貳，信不由衷。雖篤親鄰，義尙何罪。不任辛酸之念，輕陳萬一之情。伏願仁人少存矜昔，承問之便，希復開言。昔張子餘年，誠稱吳王之賜，微躬遇影，實仰舍弘之澤。載筆漚罔，知所運。

### 與李那書

〔北史李昶傳〕昶小名那，幼解屬文，有聲洛下。周文令入太學，保定初，以近侍清要，盛選國華，乃以昶及安昌公元則、中都公陸逞、臨淄公唐瑾等並爲納言。父志，字鴻道，爾朱之亂，奔江左。昶以父在江南，身寓關右，自少及終，不

飲酒聽樂，時論以此稱焉。〔附那答書〕繁霜應管，能響豐山之鐘。玄雲觸目，又動流泉之奏。矧伊物候，且或冥符。況乃矜期，相忘道術。楚齊風馬，吳會浮雲。行李無因，音塵不嗣。殷御正銜命來歸，嘉言累札。江南橘柚，薊北桑柘。陰憐陽舒，行止多福。足下泰山竹箭，浙水明珠。海內風流，江南獨步。扶風計吏，議折辭禽。平陵李廉，辨誦文豹。況復麗藻星鋪，雕文錦繡。風景景物，義盡緣情。經綸憲章，辭殫表奏。久以京師紙貴，天下家藏。調移齊右之音韻，改河西之俗。豈直揚雲藻翰，獨留千金。嗣宗文雅，惟傳好事。僕世傳經術，才謝劉歆。家有賜書，學匪班嗣。弱年有意，頗愛雕蟲。歲月三餘，無忘肄業。戶牖之間，時安筆硯。羣眉難巧，學步非工。恆經牧孺之談，屢被陳思之誚。羞逢仲子，類君山之鼓琴。屢見子將，同本初之車服。不謂殷侯，虛談成價。遂同布鼓，輕響雷門。燕石空雕，終慙比德。楚臺雖拂，實槐棲桐。豈若邯鄲舉袖，唯聞變曲。協律飛塵，必應不顧。是以日南寶貝，遙望歸秦。合浦文犀，更希還漢。芳春行獻，鸞其鳴矣。懸豫章之牀，置長安之驛。厚築墻垣，思逢鄭僑之聘。工歌周頌，佇奏延陵之樂。書續

有復道意無  
伸李那頓首

籍甚清徽。見爲陳武帝書。常懷虛眷。山川緬邈。見讓表。河渭像於經星。見樂府。顧望風流。長安遠於朝日。見報尹義尙書。青囊戒節。

見與王僧智書。白露爲霜。見詩。君子惟宜。福履多豫。雍容廊廟。〔文士傳〕張衡拜侍中。恒居帷幄。從容風議。拾遺左右。獻納便繁。〔漢官儀〕侍中。周官也。使繁左右。與帝升降。卒思近對。

拾遺補闕。百僚之中莫密於茲。留使催書。〔晉孫惠傳〕惠每造書檄。東海王越或驛馬催之。應命立成。皆有文采。駐馬成檄。〔學林〕桓溫北征鮮卑。喚袁宏。宏倚馬前作露布文。手不輟筆。車騎將軍。賓客盈

座。未詳。丞相長史。瞻對有勞。〔蜀志〕張裔字君嗣。丞相亮出駐漢中。裔領留府長史。書與所親。曰。晝夜不得寧息。人自敬丞相長史。男子張君嗣附之。疲倦欲死。脫惠箋縉。慰其翹想。吾棲

遲茂陵之下。〔西京雜記〕司馬相如素有消渴疾。漢書司馬相如卒於茂陵。臥病漳水之濱。見與宗室書。迫以崦嵫。見報尹義尙書。難爲砭藥。平生壯意。竊愛

篇章。忽覲高文。見同汪詹事。載懷勞付。此後殷儀同至止。吳尙采曰。〔周武帝紀〕係定元年六月遣御正殷不害使於陳。王人授館。〔國語〕襄公至陳。膳宰不致饋。司馬不

授用阻班荆。見與王僧智書。常在公筵。敬析名作。獲殷公所借陪駕。終南入重陽閣詩。〔周明帝紀〕武成二年三月重陽閣成。及荊州大

乘寺。〔隋書〕荊州南郡。〔注〕舊置荊州。宜陽石像碑四首。鏗鏘並奏。能驚趙鞅之魂。〔樂記〕于夏曰。非聽其鏗鏘而已也。詳讓表。輝煥相華。時瞬安豐

之眼。〔漢寶融傳〕融封安豐侯。寶氏一公。兩侯。三公主。四二千石。皆相與並時。自祖及孫。官府邸第相望京邑。山澤旆靄。〔曹植王粲誄〕榮耀當世。芳風旆靄。松竹參差。若見三嶽之峯。〔郭璞注〕

〔三樓山〕依然四皓之廟。張禮遊咸南記。圭峯紫閣。在終南山四皓祠之西。

甘泉鹵簿。盡在清文。扶風輦路。悉陳華簡。

〔漢地理志〕右扶風領縣二十一。起宮者有

入縣。詳樂府。

昔魏武虛帳。

〔陸機弔魏武帝文〕遺令僮僕人皆著銅雀臺。於臺堂上施八尺牀。張繡帳。朝暈上脯。稽之屬。月朝十五。輒向帳作伎。汝等時時登銅雀臺。望吾西陵墓田。

韓王故臺。

〔晉孫楚韓王臺賦序〕醴泉

寺門外夾道左右。有兩故臺。訪諸故老。云韓王聽政觀也。

自古文人。皆爲詞賦。未有登茲舊閣。歎此幽宮。標句清新。發言哀斷。豈止悲聞帝

瑟。〔漢郊祀志〕秦帝使素女鼓五十絃。瑟悲。帝禁不止。故破其瑟爲二十五絃。

泣望羊碑。

〔晉羊祜傳〕祜好遊峴山。襄陽人。建碑立廟於其地。歲時祭祀。望其碑者無不流涕。因謂之墮淚碑。

一詠歌梁之言。〔劉向別錄〕

魯人虞公發聲。清哀。拂動梁塵。

便掩盈懷之淚。〔左傳〕聲伯夢涉洹。或與己。瑰瑰食之。泣而爲瑰瑰盈其懷。

至如披文相質。意致縱橫。才壯風雲。義深淵海。方今

二乘斯悟。

〔寶性論〕何等爲六種人。一大乘。二中乘。三小乘。四信佛。五信法。六信僧。

同免化城。

〔法華經〕法華導師。多諸方便。於險道中。化作一城。是時疲極之衆。前入大城。生已度想。生安穩想。

六道知歸。

〔法苑珠林〕問曰。云何名六趣。依毗曇論云。趣者名到。亦名爲道。謂彼善惡業。因道能運到其生趣處。故名爲道。亦可依所造之業。趣彼生處。故名爲趣。

皆踰火宅。

〔法華經〕長者以牛車羊車鹿車立門外。引諸子出離火宅。華嚴經。火宅衆苦所燒也。

宜陽之作。特會幽衿。所覩黃絹之辭。

〔會稽典錄〕上虞長度。尙使魏朝作曹娥碑。文成未出。又試使邯鄲淳爲之。操筆而成。無所點定。期嗟歎不暇。遂毀其草。其後秦嘉題八字曰。黃絹幼婦。外孫齋曰。

彌

懷白雲之頌。

〔穆天子傳〕帝宴西王母於瑤池之上。西王母爲天子歌曰。白雲在天。山陵自出。道里悠遠。山川間之。將子無死。尙復能來。

但恨香閣遠岳。

〔法華經〕香閣靈山中。山形如鷲。佛常居此中。故號鷲嶺。

檀

特高峯

佛說太子須大等經。葉波國溫陁王語太子。汝出國去。徒汝著檀特山。

開士羅浮

法苑珠林。西晉沙門釋道開。燉煌人。石虎時來。月氏石氏將末。與弟子來建業。入南浮羅。遂卒山舍。袁彥伯與寧中登山。禮其枯骸也。

公懸溜

未詳。按法苑珠林。齊始豐。赤城山有釋慧明。姓康。康居人。祖世避地東吳。止赤城山石室。竟陵文宣王敬以師禮。建武末卒於山中。

不獲銘茲雅頌。耀彼幽巖。循環省覽。用忘飢

渴。握之不置。恆如趙璧。

蘭相如傳。相如奉璧奏秦王。秦王大喜。傳以示美人及左右。

翫之不足。同於玉枕。

拾遺記。漢誅梁竊。得一玉虎頭枕。領下篆云。帝辛之枕。與妲己同枕之。

京

師長者

後漢馬援傳。謂姊子曹訓曰。王氏廢姓也。子石當屏居自守。而反遊京師長者。其敗必也。

好事才人

漢王褒傳。益州刺史王褒。使褒作中和樂。職宣布詩。選好事者。令依鹿鳴之聲。習而歌之。

爭造蓬門。請

觀高製。軒車滿路。如看太學之碑。

漢蔡邕傳。邕正定六經文字。自書册於碑。使工鐫刻。立於太學門外。親視及摹寫者。車乘日千餘兩。填塞街巷。

街巷相填。無異華陰之市

高士傳。張楷隱華山。學者從之成市。

但豐城兩劍。尙不俱來。

晉書。雷煥為豐城令。武帝時。斗牛間有紫氣。張華問煥。答曰。寶劍之精耳。當在豫章豐城。煥至掘獄。果得劍二。一以送華。一以自佩。華得劍曰。乃干將也。莫邪可復

至乎。然神物終當合耳。華誅劍失所在。煥于葉攬劍過延平津。忽躍入水。但見二龍騰深曲。

韓子雙環。必希皆見。

見與楊僕射書。

莫以好龍無別

銳曰。莊子。葉公子高好龍。宮室雕文。盡以龍。於是天龍聞而下

之。親頭於屬。拖尾於堂。葉公見之。塞而退走。失其魂魄。五色無主。

木鴈可嗟

韓子。墨子為木鸞。三年而成。蜚一日而敗。吳丹風曰。南史王或傳。詔答曰。張單。鸞。木鴈兩失。

戴望瓊瑤

詩。報之以瓊瑤。

因乏

行李。左傳。燭之武曰。行李之往來。共其之困。

金風已勁。玉質宜調。書不盡言。但聞交繁。徐陵頓首。

與顧記室書

未詳按八顧越傳。越字允南。吳郡鹽官人也。陳天嘉中。詔侍東宮讀。除東中郎。鄱陽王府諮議參軍。甚見優禮。又按陳宗室傳。鄱陽王伯山。字靜之。文帝第三子也。天嘉元年。封鄱陽郡王。六年。為緣江都督。平北將軍。南徐州

刺史。伯山性寬厚。美風儀。於諸王最長。

吾伏事天朝。本非舊隸。殿下殊恩遠垂。薦拔故常。戰戰慄慄。甘心痛謹。庶其愚老。無負明據。近者既居臺轄。唯務奉公。去年正月十五日。尚書官大朝。元凱既集。丞郎肅然。忽有陳慶之兒陳暄者。帽簪釘額。條布裹頭。虜袍通踝。胡靴至膝。直來郎座。徧相排抱。或坐或立。且歌且詠。吾即呼舍吏責列。不答而走。反為憾。恚妄相陷辱。至六月初。遂作盲書。便見誣謗。八南史。陳暄傳。陳太康中。徐陵為吏部尚書。精簡人物。搢紳之士皆驚。暄以玉輻簪插髻。紅絲布裹頭。袍拂踝。靴至膝。不陳露里。直上殿坐。陵不之識。命吏持下。暄徐步而出。舉止自若。竟無作容。作書謗陵。陵甚病之。聖朝明鑒。悉知虛罔。唯云吾取徐樞為臺郎。南司檢問。了不窮推。承訓勅為信

言。致成墮免。此事冤枉。天下所無。吾市徐樞宅。為錢四萬。任人市估。文券歷然。不蒙申理。見枉虛巧。二者。樞是故少府卿麟。南史。麟之子。麟殞身侯景之役。又為西臺所贈。兗州左衛。官位甚高。未知其子何忝郎署。

其炳曰。八南史。陸驗。徐麟。並吳郡吳人。兩人遷為少府丞。大市令朱昇。其邑子也。尤與之昵。世人謂之三蠢。麟素為鄱陵王綸所憾。太清三年。為綸所殺。魏晉之前。如為久遠。宋齊以降。其例甚多。如

徐愛南史阮佃夫之子。可不得郎官邪。紀文南史卿公向璉。皆為列棘。豈冗雜曹郎乎。南史阮佃夫。會稽諸暨人。宋明帝世。權亞人主。

元徽三年。遷黃門侍郎。領右衛將軍。明年改領驍騎將軍。遷南豫州刺史。歷陽太守。猶管內任。五年賜死。又紀僧真子交。荆甚有解用。徐愛。南琅邪開陽人。本名爰。後改。

墨曹。南史曲江公。晉昭明太子第四子。封岳陽郡王。承聖時為故敬帝晉安王諷席。文墨具存。陝西官爵乃多。隋書荆州巴陵郡湘陰縣。注梁置岳陽郡。

浮濫。更補臺郎。不為勝擢。未知何忽推宅貨官。四者。徐領軍節度。自啓樞為郎。敕付選序。吾既不啓據。又

不為選職。所可相關。止是得中候相聞。為呈啓而已。以此見罪。一何冤濫。吾昔在承華。見答王太尉書是弟所悉。

行年六十。無復儕儻。非意餘生。忽此誣謗。堯有驚於讒說。舜典帝曰。龍。朕聖謗說。孔將惑於拾塵。呂氏春秋頤回

對曰。向者埃煤入甌中。雖復聖主機明。不能悉照。殿下德高兩獻。漢孝景十三王傳河間獻王德。脩學好古。實事求是。吳曉曰。後漢光武十王傳。沛獻王輔。矜嚴有法度。

好經書。作五經論。時號之曰沛王通。風美二南。詩序周南召南。億兆歸心。衣冠有託。久願通啓。披訴聖明。伏見軍論。在國謹節。始終如一。稱為賢王。正始之道。王化之基。

戎多務。所以不敢祈冒。弟與吾遊眷。亟回星紀。故人如此。寧不矜歎邪。侍言有便。云何且為啓聞。一蒙神

鑒照其枉直。方歿幽泉。無恨灰壤。伏覲謁帝承明。〔魏曹植贈白馬王彪詩〕謁帝承明廬。緒言多次。服於遺老。曲賜瀟濯。則殿下

前時安澤。匪復偏私。遂吳良延薦之恩。〔後漢書吳良傳〕東平王蒼辟良。譽為西曹。上書薦良。拜為議郎。無王丹所舉之謬。〔王丹傳〕客有薦士於丹者。因辟舉之。後所舉者

陷罪。丹坐以免。吾得方辭武騎。〔漢書〕司馬相如事孝景帝。為武騎常侍。永附梁賓。〔漢書〕景帝拜枚乘為弘農都尉。乘不樂郡吏。以病去官。復遊梁。雖魏家承。庶呈秋實。〔魏志〕

原侯植家丞。願防閑以禮。由是不合。庶子劉楨諫曰。君侯采庶子之春華。忘家丞之秋實。緣弟深眷。故此敬憑。干謁非宜。益懷悚慨。徐陵白。

答族人梁東海太守長孺書。〔原注〕其人梁末入北齊。書中云。賢從君政。佐佑興基。此必南人而為齊謀主者。按徐之才。丹陽人也。隨豫章王綜入魏。武平四年。自散騎常侍轉秘書監。之才解天文。兼圖讖之學。

知午年必有革易。因高祖政啓之。文宣聞而大悅。帝登祚後。彌見親密。惜齊書北史本傳之才。俱無表字可考。姑存之。

恩報。〔南史本傳〕陵長子儉。一名報。按集中有謝兒報坐事付治中啓。近歲奉使來歸。辱彼河清年中告行。〔齊書〕河清。世祖武成皇帝諱湛年號也。并惠以明鏡。

亟離寒暑。雖復時陳梁鶴。日照孫鸞。未詳。按〔列女傳〕梁竇嘉高行者。梁王聘之。乃懸鏡對鼻。梁王高其行。號曰梁高行。〔神異傳〕昔有夫婦。將別。破鏡。人執半以為信。忽與人通。鏡化鸞飛。後人因鑿鏡為

鵲安背上也。北堂書鈔。孫承鏡賦序。余昔於吳市得鏡。晡日映水。清明明鑒。言慰相思。反增離眷。劉傳二常侍還。〔陳書傅縡傳〕縡字宜事。北地靈州人也。世祖召為驃騎安成王中記室。尋以本官兼通直散騎



侍郎。又承書札。銀鈎甚麗。〔晉索靖草書〕玉疏依然。開封伸紙。破愁爲笑。〔劉琨答盧諶書〕素秋方屆。〔梁元帝〕使齊。〔狀〕婉若銀鈎。

亦曰。溽暑稍闌。〔月令〕季夏之月。土潤溽暑。體中何如。善保元吉。藜臺之壁。〔盧諶覽古詩〕趙氏有和璧。漢少海之珠。〔山海經〕

望幼海。〔注〕何必鄉里。所在爲貴。卿託身大國。既已積年。彼朝英彥。理相欽挹。方當交辟三命。〔見答周處士書〕清宦

兩宮。〔漢寶嬰傳〕有如兩宮。爽將軍則妻子無類矣。何乃闕然。遲有問也。吾七十之歲。崦嵫已迫。〔見報尹義尚書〕朽老之疾。隨年而甚。徒懷北

邨之切。〔張協登北邨山賦〕墳隴嶢嶸。未遂東都之期。〔博物志〕公卿送夏侯嬰葬。至東都門外。馬不行。接地悲鳴。得石椁。銘云。佳城鬱鬱。三千年。見白石。吁嗟滕公居此室。乃葬之。牽役承閒。但

有衰頓。賢從君政。佐佑興基。中舍譙殿中。竝休宜自別。有書問來告。訪吾文章。吾身歸來鄉國。亟徙炎涼。

〔沈約詩〕牽課疲朽。不無辭製。而應物隨時。未曾編錄。既承今告。輒復搜檢。行人相繼。別簡知音。但既乏

新聲。全同古樂。正恐多慙於協律。致睡於文侯耳。〔漢外戚傳〕孝武李夫人。本以倡進。初夫人兄延年。性知音。善歌舞。武帝愛之。每爲新聲變曲。聞者莫不感動。平陽主因言延年有女弟。上

乃召見之。實妙麗善舞。由是得幸。以延年爲協律都尉。〔樂記〕魏文侯問於子夏曰。吾端冕而聽古樂。則唯恐臥。燕南趙北。〔後漢書〕公孫瓚時。謠言曰。燕南趙北。地角天涯。言接

末由。但以潛款。善敬德中郎。並北境之良選。皇華之上求。若可輜軒。見與楊僕射書。別當委白君問。

諫仁山深法師罷道書

竊聞出家閒曠。猶若虛空。在俗籠樊。比於牢獄。〔涅槃經〕。在家迫逐。猶如牢獄。煩惱因之而生。出家寬廓。猶如虛空。一切善法。因之增長。非但經有明文。亦自

世間共見。警聞法師覆彼舟航。〔文殊問經〕。住家者是煩惱大海。出家者是大舟航。趣返緇衣之務。此為自下之英奇。非久長之深計。

何以知然。從苦入樂。未知樂中之樂。從樂入苦。方知苦中之苦。見涅槃經。弟子素與法師。雖無舊舊。相知已來。

亦復不疎。夫良藥必自無甘。忠諫者決乎逆耳。〔漢淮南王傳〕。嚴正上書曰。毒藥苦口。利病。忠言逆耳。利行。倚見其僻。是以不忍不言。且三

十年中。造莫大之業。如何一旦。舍已成之功。深為可惜。敬度高懷。未解深意。將非帷帳之策。欲集留侯。

〔漢張良傳〕。良曰。始臣起下邳。與上會留。臣願封留。詳與楊僕射書。形類臥龍。擬求葛氏。〔蜀志〕。徐庶謂先主曰。諸葛孔明。臥龍也。將軍豈願見之乎。黃石兵法。寧可再逢。〔漢張良傳〕。良嘗問從容

步遊下邳。圯上有一父老。衣褐至良所。直隨其履。圯下。良因跪進。因授一編書。曰。讀是則為王者師。孺子見我濟北穀城山下黃石。即我已。三顧草廬。無由兩遇。〔諸葛亮表〕。三顧臣於草廬之中。封爵五等。惟見

不逢。〔書〕列中閣外門。難朱易白。〔世說〕竺法師在簡文坐。劉尹問道人何以遊朱門。答曰。君自見其朱門。貧道如遊蓬戶。〔漢吾邱壽王傳〕或由窮巷起白屋。鳴笳鳳管。非有或

聞。〔魏文帝與吳質書〕從者鳴笳以啓路。詳答周處士書。儻女歌姬。空勞反翫。〔左傳〕晏子曰。撞鐘舞女。覓之者等若牛毛。得之者譬猶麟角。〔抱朴子〕

如麟。以此之外。何所窺竅。見與王僧辯書。法師今若退轉。〔黃女經〕佛告黃女。吾往古世堅固勸助而不退轉。未必有一稱心。交失現前十種大

利。何者。佛法不簡細流。〔李斯上秦皇書〕河海不擇細流。入者則尊。歸依則貴。〔上生經〕若有歸依彌勒菩薩。當知是人得不退轉。上不朝天子。下不讓諸

侯。獨翫世間。無爲自在。其利一也。身無執作之勞。口餐香積之飯。〔維摩經〕上方有國。佛號香積。如來以一鉢盛香飯。恆飽衆生。心不妻妾之

務。身飾芻摩之衣。未詳。按〔法苑珠林〕衣中有四者。一裘。二纈衣。三衲衣。四三衣。朝無踐境之憂。夕不千里之苦。俯仰優游。寧不樂哉。其利

二也。躬無任重。居必方域。白壁朱門。〔韓詩外傳〕楚襄王遣使者持黃金千斤。白壁百雙。聘莊子爲相。理然致敬。夜琴晝瑟。自是娛懷。曉筆暮詩。

論情頓足。其利三也。假使棘生王路。〔晉藝術傳〕佛圖澄。天竺人也。本姓帛氏。少學道。妙通玄術。石季龍傾心事澄。季龍大享羣臣於太武前殿。澄吟曰。殿乎殿乎。棘子成林。將壞人衣。季龍令發殿石。下視之。有棘

生焉。冉閔。小字棘奴。明年季龍死。遂大亂。橋化長溝。未詳。巷吏門兒。何因仰喚。寸絹不輸官庫。升米不進公倉。庫部倉司。豈須求及。其

利四也。門前擾擾。〔鮑昭詩。〕我且安眠。巷裏云云。〔李陵答蘇武書。〕余無驚色。家休小大之調。門停強弱之

丁。入出隨心。往還自在。其利五也。出家無當之僧。猶勝在俗之士。假使心存殺戮。手無斷命之愆。密裏通

情。決勝灼然。矯俗如斯。煩惱萬倍。勝於白衣。〔四分律。〕沙門一入愛河。〔法苑珠林。〕登常樂之高山。出愛河之深際。永沈無出。其利

六也。聽鐘聲而致敬。〔增一阿含經。〕尋香馥以生心。朝覲尊儀。〔法苑珠林云。〕暮披寶軸。刹那之善。逐此而生。

〔仁王經。〕一念有九十刹那。水滴微功。漸盈大器。〔法苑珠林。〕寶積云。世尊告言。譬如有人折一毛爲一分。以一分於大海中取一滴水。喻彌陀佛刹莊嚴。彼大海水喻。普見佛刹莊嚴。復過於此。未

知因緣果報。善惡皓然。就此而言。其利難陳矣。假使達相白衣。猶有埃塵之務。縱令遙寄彈指。〔維摩經。〕

如彈指。遠近低頭。形去心留。身移意往。閒有者得如此。貧苦者永無因。近在目前。不言可見。其利七也。山間

樹下。故自難期。〔報恩奉盆經。〕一切聖衆。或山間禪定。枕石漱流。實爲希有。〔音書。〕孫楚曰。猶斯之類。不可思議。如

此者難逢。一心人稀。遇法師。未能不學。交習聽勝之因。一旦退心。於理遂矣。其利八也。開織成之帙。見過

去之因。攜琉璃之卷。驗當來之果。

〔賢愚經〕時佛姨母摩訶波闍波提佛已出家。手自紡績。預作一端金色之氈。奉上如來。佛令持此往奉衆僧。〔注〕氈織成大衣也。〔阿育王傳〕王作八萬四千金銀琉璃玻

璃。盛佛舍利。〔齊竟陵王子良付土淨住子淨行法門云〕藉如此之勝。因獲若斯之妙果。衆香偈轉不住心。退無因果。接佛經佛有過去當來之號。

識因識果。不以為愆。知福知報。何由作罪。上無

舟楫。交見沒溺之悲。下失浮囊。則有沈身之患。

〔大悲經〕佛告阿難。有大商主。在海中間。其船卒壞。或有得船版者。或有浮者。有命終者。我於爾時作彼商主。在大海中。用以浮囊安穩而度。

其利九也。曠濟羣品。為天人之師。

〔景德傳燈錄〕周昭王二十八年。釋迦佛生刹利王家。放大智光明。照十方世界。湧全蓮花。自然捧雙足。分手指天地。作師子吼聲。年十九。欲出家。號天人師。

水陸空

行。皆所尊貴。言必闍黎和尚。

〔釋氏要覽〕梵語云。阿闍黎。即唐云軌範也。

書輒致敬和尚。遠近嗟詠。貴賤顛仰。法師今必退轉。立成

可驗。纔脫袈裟。

〔超世經〕剃除髮髮。著袈裟衣。

逢人輒稱汝我。始解偏袒。

〔法苑珠林〕律中但有三衣。通肩被腹。如見長老。乃偏袒之。

姓名便亦可呼。平交者

故自不論。下劣者亦恐不讓。薄言稱己。揚席懸異。從來小得自在。

〔瑜伽論〕王遇有十二不得自在。

便以君為提封。

〔漢刑法志〕提封

萬井。若不屈膝斂手。自達無因。俯仰承迎。未閑合度。如此專專。何由可與。其利十也。略言十事。空失此機。其

間深道。寧容具述。仰度仁者。心居魔境。為魔所迷。意附邪途。受邪易性。假使眉如細柳。何足關忘。類似桃

花詎能長久。〔梁元帝詩〕柳葉生眉上。〔又〕三月桃花含面脂。同衾分枕。猶有長信之悲。〔漢書〕趙氏子弟驕妒。健仔恐久見危。求供養太后長信宮。坐臥忘時。不免秋

胡之怨。〔列女傳〕魯秋胡潔婦者。秋胡子之妻。納之五日。去官於陳。五年乃歸。未至其家。見路傍有美婦人。以金與之。歸至家。母呼婦至。乃向采桑者也。婦自投河而死。洛川神女。尙復不惑東阿。〔曹植洛神賦注〕

植入朝。帝以甄后遺枕付之。歸途感而入夢。因作感甄賦。後改曰洛神。按植封東阿王。世上班姬。〔班婕妤傳〕班婕妤。何關君事。夫心者面焉。〔左傳〕于產曰。人心之不同。如其面焉。若論繾綣。〔左傳〕

載書。繾綣從公。無通外內。則共氣共心。一遇纏綿。則連宵厭起。法師未通返照。安悟賣花。〔大藏一覽〕悉達多太子犯邪律輪陀羅。即是宿命賣花女也。未得

他心。那知彼意。嗚呼桂樹。〔戰國策〕蘇秦對楚王曰。楚國食貴於王。薪貴於桂。遂爲豆火所焚。〔法苑珠林〕乾薪萬束。豆火能焚。可惜明珠。乃受淤泥埋沒。

〔翻譯名義集〕摩尼或云瞻摩。正云末尼。卽珠之總名也。此云離垢。此寶光淨。不爲垢穢所染。弟子今日橫諮。必爲法師所哂。世上白衣。可譬何限。〔遺教經〕白衣受欲非行道。人無

法自制。嘆猶可恕。且一人退道。而不安危。推此而言。實成難解。譬如瓦礫盈路。人所不驚。片子黃金。萬夫息步。正言

法師入道之功已備。染俗之法未加。何異金搏赤銅。銀換鉛錫。可悲可惜。猶可優量。能忍難忍。方知其最。

願棄俗事。務息塵勞。正念相應。行志兩全。薄加詳慮。更可思惟。悔之在前。無勞後恨。如弟子算遠。卽十數

年中決知惻惻。近卽三五歲內。空唱如何。萬恨萬悲。寧知遠及。自誤自錯。永棄一生。乃知斷弦可續。〔博物志〕

武帝時。西海國有獻膠。五兩者。弓弦斷。以口瀟香膠續之。以射。終日不斷。因名曰續弦膠。情去難留。或若火裏生花。可稱希有。〔齊蕭子良集〕經所謂火中生蓮花。此實爲希有。迷人知返。

去道不遙。幸速推排。急登正路。法師非是無智。遂爲愚者所迷。類似阿難。更爲魔之所繞。〔康鄒女經〕阿羅隨水邊行。見一

女人在水邊擔水。而阿難從女乞水。女卽與水。女歸告母。我得阿難。乃可嫁。我母不得者。我不嫁也。猶須承三寶之力。〔齊蕭子良集〕照周等。謂之佛寶。禮無非法。謂之法寶。至德常和。謂之僧寶。此乃體三義。三同性三寶。制彼

窮兇。豎般若之幢。〔佛書〕有般若波羅蜜多心經。按梵語般若。此云智慧。吳天魔自款。〔因果經〕菩薩將成道時。魔王恐

以亂定意。菩薩不納。三女忽然咸變陋形。若此言者。當卽便冀棄芻蕘。若不會高懷。幸停深怪耳。

與智顓書

陵和南。〔法苑珠林〕和南者。〔出要律儀〕翻爲恭敬。〔善見論〕翻爲度我二義。俱通。昨預沈儀同法席。登奉甘露。無畏之吼。衆咸歸伏。然正法炬。明

諸未悟。自慶餘年。得逢妙說。尋事諮展。此不申心。謹和南。

又

陵和南仰注之心難可敷具。拔公至。蒙三月二十日旨。用慰積歲傾心。麥冷體中何如。願一日康勝。山中春夏無餘障惱耳。遲復存旨。弟子二三年來。溘然老至。眼耳聾闔。心氣昏塞。故非復在人。兼去歲第六兒天喪。痛苦成疾。由未除愈。適今月中又有哀故。頻歲如此。窮慮轉深。自念餘生無復能幾。無由禮接。係仰何言。敬重操公。今還白書不次。弟子徐陵和南。

又

陵和南放生。星聞公家極相隨喜事。是拔公口具。謹不多諮。惟遲拔公廷出數百里水。全其命根。如此功德。算數無盡。隨喜無量。此不委諮。弟子徐陵和南。

五願上智者禪師書

陵和南弟子思出樊籠。無由羽化。既善根微弱。冀願力莊嚴。一願臨終正念成就。二願不更地獄三途。〔婆娑論〕罪人為獄卒阿傍之所拘刺。不得自在。故名地獄。法句經。身死神去。輪轉三塗。自生自死。苦惱無量。三願即還人中。不高不下。處託生。〔勝天王經〕佛自說云。八十種好者。五十八章下。不高不下。隨業。四願童真出家。如法奉戒。〔道宣律師〕感應記。清淨梵行。童真真業。五願不墮流俗之備。憑此誓心。以策西暮。今書丹款。仰乞



證明陵和南。

補〔玉臺新詠〕童謠云洛中女子莫王妖前至三月抱胡腰〔論邊境事書〕

京房易傳有父母兄弟妻子官鬼等爻〔舊唐書呂才傳〕祿命書〔犯勾絞六害背驛馬三刑當此生者並無官爵〔啓諸求官人書〕

# 徐孝穆集卷之四

## 序

玉臺新詠序

〔晉陸機塘上行〕發藻玉臺下。〔注〕玉臺以喻婦人之貞。

凌雲概日。由余之所未窺。

〔海錄碎事〕凌雲臺。魏文帝黃初二年築。〔又〕燕昭王好神仙。仙人甘宙與王登握日之臺。〔史記秦本紀〕戎王使由余來聘。穆公示以宮室。引之登三休之臺。顧樞曰。〔周書〕宣帝既滅北齊。

詔曰。偽齊或穿池。運石爲山。學海。或層臺累構。概日凌雲。

萬戶千門。張衡之所曾賦。

〔張衡西京賦〕閉庭詭異。門千戶萬。

周王璧臺之上。

〔禮天子傳〕盛姬。盛柏之子也。天子賜之上姬之長。是曰盛

門。天子乃爲之臺。是曰重璧之臺。

漢帝金屋之中。

〔漢武故事〕帝爲膠東王。年數歲。長公主問曰。兒欲得婦否。曰欲得。指阿嬌好否。帝曰若得阿嬌。當作金屋貯之。

玉樹以珊瑚作枝。珠簾以玳瑁爲柙。

瑁爲柙。

〔漢武故事〕上起神屋。前庭植玉樹。以珊瑚爲枝。碧玉爲葉。花子青。赤。以珠玉爲之。空其中。如小鈴。鎗鎗有聲。又以白珠爲簾。玳瑁柙之。

其中有麗人焉。其人也。五陵豪族。見爲王儀同表。充

選掖庭。

〔後漢皇后紀論〕漢法。常因八月算民。遣中大夫與掖庭丞及相工。於洛陽。鄉中閱視良家童女。年十三以上。二十以下。姿色端麗。合法相者。載還後宮。

四姓良家。

〔北史〕魏文帝安雅。重門族。以范陽盧敏。清河崔宗伯。滎陽鄭義。

太原王瓊。四姓。衣冠所推。咸納其女。以充後宮。樵曰。〔後漢書〕明帝時。外戚樊氏。郭氏。殷氏。馬氏。是爲四姓。小侯。非列侯。故曰小侯。

馳名永巷。

〔史記范雎傳〕唯見昭王。伴爲不知永巷。而入其中。〔正義〕曰。永巷。宮中獄名也。宮中有長巷。故名。

焉後改。亦有潁川新市。〔晉書〕明穆庚皇后。潁川鄆陵人。后美姿儀。〔後漢書〕光烈名掖庭。陰皇后。南陽新野人。帝常歎曰。娶妻當得陰麗華。按新市未詳。河間觀津。〔三輔黃圖〕〔列仙傳〕曰。鈞弋夫人。姓趙氏。河間人。

右手鈎卷。姿色佳麗。武帝反其手。得玉鈎而手展。〔漢外戚傳〕本號嬌娥。未詳。按〔左思嬌女詩〕曾名巧笑。〔中華古今注〕段巧笑。魏文帝宮人。始作紫粉拂面。

楚王宮內。無不推其細腰。〔後漢馬廖傳〕楚王好細腰。宮中多餓死。魏國佳人。俱言訝其纖手。〔詩魏風〕摻摻女手。可以縫裳。閱詩敦禮。

非直東鄰之自媒。〔宋玉登徒子好色賦〕臣東家之子。嫣然一笑。惑陽城。迷下蔡。然此女登牆闕。臣三年。至今未許也。〔權曰〕〔司馬相如美人賦〕臣之東鄰。有一女子。雲髮豐鬢。蛾眉皓齒。欲留臣而共止。登垣而望。臣三年於茲矣。臣棄而不

許。婉約風流。無異西施之被教。〔越絕書〕美人宮周五百九十步。土城者。陸門二。水門一。今北壇。利里邱土城。句踐所習教美女西施。鄭且宮臺也。女出於莘蘿山。弟兄協律。自小學

歌。見答長儒書。少長河陽。由來能舞。〔漢五行志〕成帝為微行出遊。常與富平侯張放俱。稱富平侯家人。過河陽。主作樂。見舞者。趙飛燕而幸之。琵琶新曲。無待石崇。〔晉石崇王明君辭序〕昔公

主嫁烏孫。令琵琶馬上作樂。以慰其道路之恩。其送明君亦爾也。其造新曲。多哀怨之聲。故序之。〔漢書〕塞南越。禱祠太乙后土。使樂人侯調作坎侯。〔樂府〕有曹植篋篋引。傳鼓瑟於楊

冢。〔漢楊惲傳〕惲報孫會宗書曰。冢本秦也。能為秦聲。婦趙女也。推善鼓瑟。得吹簫於秦女。〔列仙傳〕簫史者。秦穆公時人。善吹簫。能致孔雀。白翟。穆公女弄玉好之。公乃妻焉。共隨鳳去。至若寵聞長樂。陳

后知而不平。〔漢武故事〕建章長樂宮。皆輦道相屬。懸棟飛閣。不由徑路。樹殺曰。〔漢書〕衛子夫為平陽主。謂者。帝祓廟上還。過平陽主。既飲。謳者進。帝獨稅子夫。帝起更衣。子夫侍。尚衣軒中。得幸。還坐。驪甚。主因奏子夫。送入宮。陳皇后聞子夫得

幸。幾死者數焉。畫出天仙。闕氏覽而遙妒。〔桓譚新論〕陳平爲高帝解平城之圍。言漢有好麗美女。爲道其容貌天下無有。今後遂立爲皇后。因急已馳使歸迎取。欲進與單于。單于見此人必大好愛之。愛之則闕氏日以遠疎。不

如及其未到。令漢得脫去。去亦不持女來矣。且如東鄰巧笑。來侍寢於更衣。〔注見〕西子微顰。將橫陳於甲帳。〔莊子〕師金曰。西

施病心而贖。其里之醜人見而美之。歸亦捧心而贖。其里之富人見之。堅閉門而不出。貧人見之。挈妻子而去之走。〔司馬相如好色賦〕花容自獻。玉體橫陳。〔漢武故事〕以琉璃珠玉明月夜光。雜錯天下珍寶爲甲帳。其次爲乙帳。甲以居神。乙以自御。陪遊

馭娑。聘織腰於結風。〔關中記〕建章宮中有馭娑殿。〔拾遺記〕每輕風至。飛燕殆欲隨風入。水帝以翠纒結飛燕之裾。樹殺曰。〔傅毅舞賦序〕激楚結風。陽阿之舞。長樂鴛鴦。奏新聲於度

曲。〔見雜〕妝鳴蟬之薄髮。〔中華古今注〕魏文帝宮人。絕所愛者有莫。照墮馬之垂髮。〔後漢梁冀傳〕冀妻孫壽。色美而善爲妖態。作愁眉啼妝。墮馬鬢。折腰步。翾

齒笑。以反插金鈿。〔龍輔女紅餘志〕魏文帝陳巧笑。挽髮。別無首飾。惟用圓頂金管一隻。橫抽寶樹。〔後漢與服志〕皇后步搖。插之。文帝曰。玄雲黯靄。今金星出。吳筠詩。蓮花銜青雀。寶粟銜金蟲。

枝相繆。一南都石黛。〔梁書〕天監中。詔宮中作白妝青黛眉。樵曰。〔留青日〕最發雙蛾。〔古今注〕魏宮人好畫長眉。令作蛾眉。舊雀髮。北地燕脂。

〔古今注〕紉以紅藍花汁。凝作燕脂。偏開兩靨。〔曹植洛神賦〕靨輔承。亦有嶺上仙童。分丸魏帝。〔顏倫內傳〕橋順二子。曰璋。曰瑤。師事仙人。

盧子基於隆廬山。棲霞谷。服飛龍藥一丸。千年不饑。故魏文帝詩曰。西山一何高。高高腰中寶。鳳授歷軒轅。〔漢律歷志〕黃帝使伶倫取竹。嶠谷。制十二

簡以聽鳳之鳴。其雄鳴為六，雌鳴亦六，以比黃鐘之宮。樵曰：漢書注：鳳鳴氏為歷正，軒轅黃帝受河圖作甲子，歲紀甲寅，日記甲子。金星與婺女爭華，麝月共嫦娥競爽。顧野王詩：妝罷金星出，晉杜

預曰：婺女為已嫁之女，織女為處女。梁簡文帝詩：約黃能效月，裁金巧作星。張正見豔歌行：裁金作小麝，散麝起微黃。西陽雜俎：近代妝尚髻如射月，曰黃星髻，髻之名蓋自孫吳鄧夫人也。王充論衡：羿請不死藥於西王母，羿妻嫦娥竊以奔月。樵曰：西陽

府也。主布帛裁製嫁娶。驚鸞冶袖時飄，韓掾之香。北堂書鈔：袁宏賦：云舞迴鸞以紆袖。世說：韓壽美姿容，買充辟香之氣，是外國所貢。一著人衣，歷月不歇，充疑壽與女通，取左右婢考問之，婢以狀言，充祕之以女妻壽。飛燕長裾，宜結陳王之佩。西京雜記：趙飛燕立為皇后，其弟合德，上遣織成裾。陳思王植洛神賦：顧誠素之先達兮。

解玉佩。雖非圖畫，入甘泉而不分。漢外戚傳：李夫人少而早卒，武帝憐閔焉，圖畫其形於甘泉宮。言異神仙，戲陽臺而無別。宋玉高唐賦：昔者先王嘗遊高唐，忽而晝寢，夢見一婦人，曰：妾巫山之女也，為高唐之客，聞君遊高唐，願薦枕席，王因幸之，去而辭曰：妾在巫山之陽，高邱之岨，旦為朝雲，暮為行雨，朝朝暮暮，陽臺之下。真可謂傾國傾城。見雜曲。無對無雙者也。古詩：為焦仲

癡妻。作精。加以天情開朗，逸思雕華，妙解文章，尤工詩賦，琉璃硯匣，終日隨身。陸機書：在平原，常案行賣公器，物書刀五枚，琉璃筆一枝，翡翠

翠筆牀，無時離手。藝文類聚：傅玄曰：漢末一筆之匣，綴以隋珠，文以翡翠。樹萱錄：南朝呼筆管為牀。清文滿篋，非惟芍藥之花。傳統：芍藥花頰。昨昨芍藥，植此前庭，晨潤甘露，晝噴陽

靈。梁武帝宛轉歌。新製連篇，寧止蒲萄之樹。未詳。九日登高，時有緣情之作，萬年公主，非無誅德之辭。魏文帝欲題芍藥詩不成。

與鍾繇九

日送菊書。九爲陽數。而日月並應。俗喜其名。以爲宜於長久。故以享宴高會。陸機文賦。詩綠情而綺縠。晉書。武帝左黃嬪。諱芬。思之妹也。少好學。善篆文。名亞於思。常作菊花頌曰。英英麗質。稟氣靈和。香茂翠葉。秋耀金華。及帝女萬年公主薨。帝痛悼不已。詔芬爲諱。其佳麗也。如彼。其才情也如此。既而椒房苑轉。漢官儀。皇后所居殿曰椒房。以椒和泥塗。壁故名。溫暖而香。辟除惡氣。又取蕃實之義。柘館陰岑。漢書班

痛陽祿與柘館兮。仍襪襦而離災。絳鶴晨嚴。江樓集爲陳六宮。銅蠡一作畫靜。未詳。按孟子。以追蠡漢。趙岐注。三炯曰。三輔黃圖。柘觀在上林苑。謝表。鶴齋晨啓。追鐘鈕也。鈕磨齧處深矣。難欲絕之貌也。

星未夕。不事懷衾。詩。嘒彼小星。三五在東。又抱衾與褥。五日猶賒。誰能理曲。初學記。漢律。吏五日得一下沐。言休息以洗沐也。樹屏曰。枚乘雜詩。當戶理清曲。權曰。詩。五日爲期。優

游少託。古逸詩。孔子去魯歌曰。蓋優哉游哉。聊以卒歲。寂莫多閒。漢揚雄傳。京師爲之語曰。惟寂莫。自投閣。厭長樂之疎鐘。見謝敷賜啓。顧權曰。三輔黃圖。鐘室在長樂中。勞中宮之

緩箭。見與楊僕射書。輕身無力。怯南陽之擣衣。庾仲雍荊州記。秭歸縣有風原宅。女須廟。擣衣石猶存。樹屏曰。古詩。閨中有一婦。擣衣寄遠人。生長深宮。笑扶風之織

錦。臧榮緒晉書。寶酒妻蘇氏。善屬文。符堅時。酒爲秦州刺史。被徙流沙。蘇氏思之。織錦爲迴文詩。寄酒循環宛轉。以讀之。辭甚悽惋。雖復投壺玉女。神異經。東王公與玉女投壺。果而脫。誤不接者。天爲之笑。開口流光。今電是也。

歡盡於百驍。西京雜記。郭舍人善投壺。以竹爲矢。激矢令還。一矢百餘反。謂之爲驍。爭博齊姬。未詳。按晉胡廣傳。貴顯諱芳。齊之女也。武帝嘗與博。齊姬爭矢。遂傷上指。帝怒曰。此固將種也。心賞窮於六

箸。鮑宏博塞經。各投六箸。行六棊。故用博陸。用十二棊。六棊白。六棊黑。所擲散謂之瓊。瓊有五彩。故謂之五棊。樹聲曰。國策。蘇秦說秦王曰。臨淄甚富而實。其民無不鬪雞走狗。六博圍鞠。說文。六博局戲也。六箸十二棊。烏曹所作。無怡神

於暇景，惟屬意於新詩，可得代彼萱蘇，微蠲愁疾。〔魏王朗與魏太子書〕萱草忘憂，蘇蘇釋勞，無以加也。但往世名篇，當今巧製，分諸麟

閣。〔三輔黃圖〕麒麟閣，在未央宮左，漢蕭何建以藏祕書。〔後漢蔡邕傳〕邕對曰：鴻都篇賦之文，可且消息。樵曰：〔後漢書〕元和元年置鴻都門學。不藉篇章，無由披覽，於是然脂

瞑寫。〔魏志劉馥傳〕夜然脂照城外。〔樹提伽經〕庶人然脂，諸侯然蠶，天子然漆。弄墨長書，撰錄豔歌，凡為十卷，曾無參於雅頌，亦靡濫於風人，涇

渭之間，若斯而已。〔三秦記〕涇水出開頭山，至高陵縣而入渭，與渭水合流三百里，清濁不相雜。〔北史〕齊衡陽王鈞嘗手自細書五經，置巾箱中。〔隋牛弘書表〕劉裕平姚，收其圖籍五經，子史幾四千卷，皆赤軸青紙，文字古拙。於是麗以金箱，裝之寶軸。〔隋牛弘集〕請開獻

皇象字休明，廣陵人，官至侍中，工八分篆。草世以書聖稱，以比龍螭蟄啓，伸榮腹行。〔漢官儀〕尚書為中臺，請者為外臺，御史為憲臺，謂之三臺。〔紫

五色花箋，河北膠東之紙。〔鄴中記〕石虎詔書，以五色紙著鳳皇口中，令銜之，飛下端門。〔桓玄偽事〕詔平淮作青赤縹綠桃花紙，使極精令

仍定魯魚之文。〔抱朴子〕書字之譌，有寫魯為魚，寫帝為虎。〔魚象典略〕芸香辟

靈飛六甲，高擅玉函。〔漢武內傳〕帝受西王母真形六甲靈飛十二事，帝盛以黃金几封，以白玉函。鴻烈仙方，

長推丹枕。〔博物志〕劉德洽，淮南王獄，得枕中鴻寶祕書及子向威而奇。〔錄異傳〕武都郡立大特祠，是

之信黃白之術，可成，謂神仙之道，可致。按鴻烈解，今淮南子是。大梓牛神也，今俗畫青牛障是。餘

速作。高樓紅粉。〔古詩〕盈盈樓上女，皎皎當窗牖。娥娥紅粉妝，纖纖出素手。

曲未終朱鳥窗前

〔博物志〕王母降於九華殿。王母素七桃，以五枚與帝，母食二枚。時東方朔竊從殿南，顧朱鳥牖中，親見王母，謂帝曰：「此窺小兒，常三來盜我桃。」

新妝已竟，方當開茲縹帙。〔後漢書〕

厚傳〕厚祖父春誠子統曰：吾綉囊中有先祖所傳祕記，為漢家用。爾其儲之。〔晉中經簿〕盛書用阜縹囊布裹，書函中皆有香囊。

散此浴繩

〔劉向別錄〕孫子書以殺青簡編以縹絲繩。

永對玩於書帷

〔漢書〕仲舒傳〕孝

景時為博士。下帷講誦。

長循環於織手，豈如鄧學春秋，儒者之功難習。

未詳。按〔後漢書〕明德馬皇后好讀春秋。

寶傳黃老，金丹之術不成。

〔漢書〕寶皇后，景帝母也。好黃帝老子之言。帝及諸寶不得讀老子，皆遵其術。〔晉灼曰〕道家言治丹砂令變化，可鑄為黃金。

固勝西蜀豪家，託情窮於魯殿。

尚璣曰：〔蜀志〕劉璋為車騎將軍，車服飲食，號為

修靡，侍婢數十，能為聲樂。悉教誦讀，魯靈光殿賦。

東儲甲觀，流詠止於洞簫。

〔漢成帝紀〕元帝在太子宮，生甲觀畫堂，為世嫡皇孫。樹本曰：〔漢王褒傳〕元帝為太子，嘉慶所為洞簫頌，令後宮貴人左右皆誦讀之。

變

彼諸姬〔詩〕變彼諸姬，聊與之謀。

聊同棄日

〔晉陶潛戒子書〕見賢思齊，不宜忽略，以棄日也。

猗與彤管

〔詩〕靜女其暱，貽我彤管。

麗以香奩

### 碑

#### 司空徐州刺史侯安都德政碑

巖巖天柱，大矣周山之峰。

見與陳司空書。

桓桓地軸，壯哉崑崙之阜。

〔博物志〕崑崙山北地，轄下三千六百里，有八玄幽都，方二十萬里，地下有四柱，四柱廣十萬里，地有二千六百軸，大



牙相 三光懸而不墜。見勸進表。九土鎮以無疆。張衡思玄賦。思九土之殊風。承乾合德之君。則天體元之后。所以並咨四鎮。牙相舉。

帝曰咨。咸建五臣。見論語。業配蒼祇。爾雅。春為蒼天。楊系。物理論。地者其神曰祇。功成寓縣。光宮曰。謝朓詩。寓縣。新功與寓縣。至於流名雅頌。著美風詩。

年代悠然。寂寥無紀。其能繼茲歌詠者。司空侯使君乎。自文昭武穆。見勸進表。胙土開家。左傳。衆仲曰。胙之土而命之氏。易。開國承家。

濮水盛其衣簪。滎波分其緒秩。衛康叔世家。周公旦以成王命。封康叔為衛君。居河淇間。故殷墟。夷王命衛為侯。嗣君五年。更貶號曰君。獨有濮陽。朝於魏。魏世家。安邑近秦。於是徙治大梁。無忌謂魏王曰。決滎澤水。

灌大梁。大梁必亡。仁義之道。夷門美於大梁。信陵君傳。魏有隱士曰侯嬴。為大梁夷門監者。公子欲厚遺之。不肯受。曰。臣脩身潔行數十年。決不以監門困故而受公子財。儒雅之風。司徒重於

強漢。後漢侯霸傳。霸明習故事。收錄遺文。每春下寬大之詔。奉四時之令。皆霸所建也。建武中為大司徒。自通人許劭。託命於江湖。後漢書。許劭有高名。好覈論。鄉黨人物。每月輒更其品題。故汝南俗有月旦評焉。

焉。或勸之仕。對曰。方今小人道長。王室將亂。我欲避地淮海。以全老幼。乃南到廣陵。徐州刺史陶謙。禮之甚厚。劭不自安。復投揚州刺史劉繇。及孫策平吳。劭與繇南奔豫章而卒。高士袁忠。寄身於交越。後漢書。袁忠。閩弟也。初平

中。為沛相。及天下大亂。棄官客會稽上虞。後孫策破會稽。忠復浮海。南投交趾。俱達建安之難。後漢書。獻帝興平二年三月。李傕脅帝幸其營。焚宮室。郭汜攻李傕。矢及御前。明年正月。改元建安。獨處衡山之陽。

之山。為其副焉。衡山者。五岳之南岳也。至於軒轅。乃以灑靈。本傳。安都字成師。始興曲江人也。為郡著姓。祖天資秀傑。世載雄豪。卓富擬於公侯。史記貨殖傳。秦破趙。遷卓氏之

蜀，即鐵山鼓鑄，運籌算買，演蜀民田池射獵之樂，擬於人君。班佃必於旌鼓。〔漢書〕班壹避地於樓煩，致馬牛羊數千羣，以財雄邊，出入弋獵，旌旗鼓吹，年百餘歲，以壽終。父光祿大夫。〔南史本傳〕父

謹稱安都貴，為光祿大夫，始興內史。邑里開通德之門。〔後漢鄭玄傳〕國相孔融深敬於玄，皆高密縣為玄廣開門，衡令容高車，號通德門。州鄉無抗禮之客。〔漢寶嬰傳〕每朝議大事，列侯莫敢與亢禮。

自茫茫禹迹。〔左傳〕虞人之箴曰：茫茫禹跡，畫為九州。赫赫宗周。見詩。家滅驪戎，國亡夷羿。見與王儼辯書。我高祖武皇帝，迎河圖於浪泊。見

陳武帝書。括地象於炎州。〔楚辭〕嘉南州之炎德，按〔括地志〕書名也。鐔曰：河圖，括地象緯書名也，見〔後漢曹褒傳〕。南與涿鹿之師，北問共工之罪。〔五帝本紀〕黃帝與蚩尤戰於涿鹿之野，遂禽殺蚩尤。〔又〕舜流共工於幽陵，以變北狄。天生宰輔，堯年致白虎之祥。〔帝王世紀〕扶始以季秋下旬，夢白帝遣馬祖而升邱，見白虎其上有感，已而生皋陶於曲阜。神賜英賢，殷帝威

蒼龍之傑。〔天官書〕東宮蒼龍有尾箕星。〔莊子〕傳說得之以相武丁，奄有天下，乘東維騎箕尾，而比於列星。公亦觀時佇聖，嘯咤風雲，跪開黃石之書。見陳龍道書。高詠

玄池之野。〔穆天子傳〕天子西征，至於玄池，天子三日休於玄池之上，乃奏廣樂而歸，是曰樂池。沈吟梁甫，自比管仲之才。見與王儼辯書。惆悵幸郊，久負伊生之歎。

見〔與宗室書〕。〔南史〕安都工隸書，能鼓琴，涉獵書傳，為五言詩，頗清靡。自羯虜侵華，羣蠻縱軼，後臯桂部之地。〔陳書武帝紀〕高州刺史李遷，仕讓大舉。〔又〕大寶元年，帝發始興，次大庾嶺，大破

路養軍。四戰五達之郊。〔燕世家〕樂問曰：趙四戰之國，其民習兵，不可伐，詳與宗室書。郡境賢豪，將謀禦難，長者僉論，推公主盟，義士雄民，星

徐孝穆集 卷四

霧集。〔張協賦〕葦布星羅。公既膺五聘。〔殷本紀〕伊尹處士。湯使人聘迎之。五反然後肯往。方啓六韜。〔小學紺珠〕文武龍虎豹犬爲六韜。率是驍徒。仍開嶺

嶠。〔南史本傳〕從武帝攻蔡路養。破李暹。任克平侯景。並力戰有功。封富川縣子。自大討瀟湘。〔晉漢春秋〕氏池縣大柳谷口。有蒼石立水中。其文曰大討曹。〔楚地記〕巴陵瀟湘之淵。在九江之間。今岳州巴陵縣。即楚之巴陵。漢之下雋

也。〔南史〕陳武帝受禪。王琳立梁永嘉王蕭莊於郢州。同茲樊鄴。樊噲。鄴商也。見〔漢書〕下軍遂命。〔左傳〕晉侯伐秦。荀偃令曰。雞鳴而駕。塞井夷廬。唯余馬首是瞻。樂賢曰。晉國之命。未有是也。余馬首欲東。乃歸下軍從之。乃命

大還。晉人謂之遷延之役。上策不宣。〔漢英布傳〕薛公對曰。布反不足怪也。使布出於上計。山東非漢之有也。出於中計。勝負之數未可知也。出於下計。陛下安枕而臥矣。敗我王師。受拘勁盜。大陳格於

文祖。咸秩具神。見書率土依風。羣靈稟朔。公亦忠爲令德。〔左傳〕君子曰。忠爲令德。天纂之謀。吳帳斯開。〔漢袁盎傳〕吳王漢反。盎使吳。見守從

史。飲醉西南陬。卒乃以刀決帳道。從醉卒直出。衛門無擁。〔左傳〕吳人藩衛侯之舍。雖復季孫還魯。〔左傳〕昭公十三年。晉人執季孫。韓宣子使叔魚歸季孫。平子先歸。惠伯待禮。隨武濟河。見與王僧

辯。國慶民安。相儔匪若。即授使持節開府儀同三司丹陽尹。〔通考〕凡前代帝王所都。皆曰尹。〔注〕南朝曰丹陽尹。昔光武不尤於馮異。

穆公深禮於孟明。終報王官之師。遂舉咸陽之地。〔後漢書〕馮異收散卒。設伏與赤眉戰。大敗之於崤底。降璽書勞異。曰。始雖垂翅回谿。終能奮翼澗池。可謂失之東隅。收之桑榆。赤眉降。異

威行關中。〔左傳〕秦伯伐晉。濟河焚舟。取王官及郊。遂自茅津濟。封殺尸而還。遂霸西戎。用孟明也。斯乃聖主之宏略。而名臣之遠圖者焉。〔本傳〕安都與周文育。西討王琳。文育亦自豫章至。時兩將

俱行不相統攝。因部下交爭稍不平。王琳至弇口。安都乃悉衆往沌口以禦之。合戰。安都等敗。與周文育。徐敬成。並爲琳囚。總以一長繩繫之。置於榻下。令宦者王子晉掌視之。安都等許賂子晉。乃還都。自劾。詔並赦之。復其官爵。尋爲丹陽尹。後王琳入齊。安都討琳餘黨。所向皆下。皇帝以陶唐啓國。致玉版於河宗。〔帝王世紀〕堯帥諸侯羣臣。沈璧於洛河。受圖書。〔禮〕天子授河宗璧。河宗伯天受璧。西向沈璧於河。再拜稽首。顓頊承家。佐金天。

於江水。〔帝王世紀〕少昊金天氏。降居江水。顓頊生十年而佐少昊。二十而登帝位。經綸草昧。定鼎之業居多。〔左傳〕王孫滿曰。成王定鼎於郊。鄒緡構權輿。斷鼇之功相

半。見與楊僕射書。樹鞏曰。〔陳文帝紀〕武帝之討王僧辯也。先召帝與謀。時僧辯壻杜龔。據吳興。武帝密令帝還長城。立備備之。龔遣將杜泰掩至。帝部分益明。及武帝遣周文育討龔。帝遣將軍劉澄。蔣元舉攻下龔。周文育。侯安都敗於沌口。武帝詔帝入總軍政。尋

命率兵。固以英聲馳於海外。信義感於寰中。主器攸歸。〔繫辭〕主器者莫若長子。當璧斯在。見勸進表。公於是抗表長信。〔漢書〕

衛太子孫號皇曾孫。在民間。咸稱述焉。光與丞相敞等上奏。皇太后詔曰。可是爲孝宣皇帝。詳謝。資賜啓。清宮未央。〔漢文帝紀〕使太僕嬰。東牟侯興居。先清宮。奉天子法。駕迎代邸。皇帝即日夕入未央宮。從億兆以歸心。引

公卿而定策。馳輕軒於輪轆。見與王太尉書。奉侍駕於中都。七廟之基。於焉永固。〔書〕七世之廟。可以觀德。萬邦之本。由此克寧。

〔書〕民惟邦本。本固邦寧。〔本傳〕太后以衡陽王故。未肯下令。安都按劍上殿。曰。太后出。又手解文帝髮。推就喪次。仍別奉中旨。迎衡陽獻王。冒中流而殺之。乃復進公司空南徐州刺史。於是鎮之

以清靜。〔漢曹參傳〕載其清靜。民以寧壹。安之以惠和。〔後漢左雄傳〕疏曰。守相長吏。惠和有顯效。者。可就增秩。勿使移徙。非父母喪不得去官。望杏敦耕。〔月令〕杏花生。種百穀。瞻蒲勸穡。

〔呂氏春秋〕冬至五旬七日，晝始生，晝者草之先者也。於是始耕。室歌千耦。〔詩〕十千維耦。家喜萬鍾。見孟陌上成陰。〔樂府題〕桑中可詠。〔詩〕期我乎桑中。春鷓

始嘯。〔說文〕黃鸝倉庚也。鳴即鸞生。必具籠筐。〔晉儀禮志〕皇后親蠶，公主及諸命婦皆步搖衣青，各載筐鉤從蠶。秋蟀載吟。〔月令注引〕但諺曰：蜻蛉鳴，衣姿成，蟋蟀鳴，蠶婦驚。競鳴機杼，或肅

拜靈祀。〔晏子〕齊大旱，公召羣臣問以祠靈山。躬瞻舞雩。〔周官司巫〕若國大旱，則率巫而舞雩。去駕擁於風塵，還旌阻於飄沐，京坻歲積，非勞楚壤

之泉。〔詩〕如坻如京。一統志考，陂在鳳陽府，即安豐塘也。乃楚相孫叔敖所築。倉廩年豐，無用秦渠之水。〔漢溝洫志〕韓欲疲秦，使鄭國說秦，令鑿涇水，秦覺之，國曰：臣為韓延數歲之命，為秦建萬世之功，遂成之。

名鄭。雖復東過小縣，夏雨逐其輕輪。〔後漢書〕百里嵩為徐州刺史，境內旱，嵩行部車所經，甘雨輒降。南渡滄江，秋濤弭其張蓋。〔枚乘七發〕將以八月之望，親濬平廣

陵之曲江，江湧而濤起，其始起也，洪淋淋漓，若白蠶之下翔，其少進也，浩浩澄澄，如素車白馬，帷蓋之張。固不得同年而語矣。若夫聽采民訟，昏曉必通，召引軒楯，躬親

辯決，立受符於前案。未詳。按〔漢酷吏傳〕左馮翊缺，上欲徵嚴延年，符已發，為其名酷復止。無留諾於後曹。〔北堂書鈔〕魏孟康為弘農太守，事無留諾。樹

戰事對育曰：蕭育杜陵男子，何詣曹也。接務高城之中，非異甘棠之下。〔燕世家〕召公巡行鄉邑，有棠樹，決獄政事其下。欣欣美俗，濟濟都塵，以賈琮郭賀之

風。〔後漢書〕冀州刺史賈琮，舊制傳車駮，垂赤帷裳。琮曰：刺史當廣視遠聽，糾察美惡，豈可垂帷裳以自蔽乎？命御者奉之，郡縣聞風震悚。〔又〕荊州刺史郭賀，多異政，明帝賜以三公冕旒，敕行部去帷裳，露冕使百姓見其容服。行建武永

平之化。〔范蔚宗明帝紀論〕後之言於是州民散騎常侍王瑒等。〔南史〕王瑒字子瑛。梁元帝時。位太子中庶子。陳武帝入輔。以為司徒左長史。拜表官闕。

請揚茲美化。樹彼高碑。民欲天從。〔語見〕允膺絲誥。銘曰。

鬱鬱三象。茫茫九州。〔見〕綿天滲漉。〔司馬相如封禪文〕滋液滲漉。〕浹地虔劉。赫矣高祖。爰清國讎。元勳佐命。力牧封侯。〔帝〕

紀〕黃帝得風后於海隅。登以為相。得力牧於大澤。進以為將。〔本傳〕武帝謀襲王僧辯。惟與安都定計。徐嗣徽任約等引齊寇至安都。屢破之。以功進爵為侯。亦既旋歸。拜家有暉。宮亭蠡浦。舊翹高飛。

〔本傳〕復其官爵。出為南豫州刺史。攻王琳將曹慶。當愛衆。安都白宮亭湖出松門。臨愛衆後破之餘衆悉平。炯曰。〔荊州記〕宮亭湖即彭蠡澤也。謂之彭澤湖。一名匯澤。〕電卷勁寇。風行國威。〔吳張紘傳注引吳書曰〕紘逆策平定

三郡風。〕文身被髮。〔穀梁傳〕作貢來綏。我皇纂武。攀號東序。〔顧命〕謁渭同周。〔齊世家〕西伯將出疆。卜之曰。所獲非龍非虵。非虎非羆。所獲霸王之

輔。果遇太公於渭之陽。〕迎門惟呂。〔顧命〕成王崩。俾爰齊侯呂伋。以二千戈虎賁百人。逆于釗於南門之外。〕流矢為暴。〔天官書〕項羽拔鉅鹿。在矢西流。

樓槍斯舉。〔爾雅〕彗。慄慄蒼黎。〔老子〕聖人在上。天下慄慄。為天下渾其心。〔注〕慄慄。當恐懼也。危危刀俎。〔見與楊僕射書〕自我徂征。妖氛克平。爰驅犬

豨。寶翦長鯨。〔見勸進表〕北震巢浦。南俘灌城。〔侯瑄傳〕以瑄為都督。侯安都等並隸焉。王琳引合應漢湖之衆。軸艦相次而下。合戰。琳軍少卻。本傳。留吳擁據東陽。安都躬自接戰。為流矢所中。血流至踝。乘輿慶軍。

屬夏潦水漲。安都引船入堰。樓艦與吳城等。吳奔晉安。青羌卷介。赤狄回兵。見勸進表。蹈舞難喻。歌謠靡宣。班固東都賦。下舞上歌。蹈德冰仁。

曰我黎庶俱祈上玄。揚雄甘泉賦。惟漢十世將郊上玄。山移兩越。見與王僧智書。海變三田。見與楊僕射書。公為上相。復倍斯年。

廣州刺史歐陽頴德政碑

弱水導其洪源。軒臺表其增殖。山海經。昆侖之邱。有弱水之川。環之。又。西王母之山。有軒轅臺。懿哉少府。師儲皇於二京。漢儒林傳。歐陽生字和伯。千乘人也。至晉

孫高子陽為博士。高孫地餘。長策以太子中庶子授太子。後為博士。論石渠。元帝即位。地餘侍中。貴幸。至少府。地理志。千乘郡屬青州。盛矣司徒。傳儒宗於九世。後漢歐陽歆傳。歆字正思。樂安千乘人也。自歐陽生傳伏

生尚書。至歆八世。皆為博士。學為儒宗。世祖即位。廣陵邕。邕族擅江右。未詳。渤海赫赫。名重洛陽。晉書。歐陽建。字堅石。世為冀方右族。擅名北州。時人

為之語曰。渤海赫赫。歐陽堅石。歷山陽令。尚書郎。馮翊太守。若夫岳鎮龍蟠。周官。荆山之鎮。山曰衡山。詳勸進表。星懸鶉火。左傳。昧為鶉火。注。鶉火。南方柳星也。衡山誕其高德。湘水

降其清輝。千仞孤標。晉書。裴頴曰。和嶠森森如千丈松。萬頃無度。後漢郭泰傳。泰曰。叔度汪汪。若千萬頃波澄之不清。混之不漏。年當小學。曲禮。人生十年曰幼學。志冠成

童。內則。成童舞象。因孝為心。欲仁成體。本傳。頴字靖世。長沙臨湘人也。為郡豪族。少質直有思理。以言行著於嶺表。屯騎府君。早棄榮祿。易簣之日。禮記。曾子屨疾。病元

起易 幾將毀終。〔禮記〕毀不滅。性不以死傷生也。不杖之言。〔喪服小記〕庶子不以杖即位。深非通制。遺貨巨萬。富擬倚頓。〔漢貨殖傳〕倚頓用鹽鹽起。與王者埒富。裁

變槐榆。並賑宗戚。南次大麓。〔舜典〕納于大麓。〔注〕麓。山足也。北眺清湘。得性於橘洲之間。〔寰宇記〕橘洲在長沙縣西南四里。江中時有大水洲。渚皆沒。此洲獨存。

〔湘中記〕諺曰。昭潭無底。橘洲浮。披書於杏壇之上。〔莊子漁父篇〕孔子遊乎緇帷之林。休坐乎杏林之上。弟子讀書。孔子絃歌鼓琴。三冬文史。見漢左僕射表。五經縱橫。見與宗室書。頻致

嘉招。確乎難拔。〔本傳〕父喪。哀毀甚至。家產累積。悉讓諸兄。廬於麓山寺。傍專精習業。博通經史。既而帝啓黃樞。神亡赤伏。見漢表。天地崩貫。川冢沸騰。〔詩〕百川沸騰。

騰山冢。〔晉書〕高祖曰。吾以羽檄召天下。夜照耀烽。〔晉天文志〕軒轅西四星曰耀。耀者烽火之神也。浴鐵蔽於山原。〔晉建武故事〕

王敦死。祕不發喪。〔司馬相如子虛賦〕擬金鼓吹鳴籟。攢金駭於樓堞。〔曹瞞傳〕操與馬超戰。超等掩至。操志猶坐胡牀未起。勃賊重圍。尙

凭書几。〔九州春秋〕孔融爲北海太守。爲袁譚所攻。流矢雨集。融凭几安坐。揚灰既散。〔論衡〕楊葉爲零。陵太守。時桂陽賊起。葉乃置馬車數十乘。以囊盛石灰於車上。乃會戰。從風揚灰。向賊。遂大破之。駕棒將揮。

〔抱朴子〕吳遣將軍討山賊。賊中有善禁者。每交戰。官軍刀刃皆不得拔。將軍乃多作動木白楮。擊之。禁不得行。因而克賊。咸克凶渠。以保衡服。〔本傳〕梁左衛將軍蘭欽。少與顧善。故顧常隨欽征討。南征夷獫狁。陳文育所獲不可勝計。大獻銅鼓。累代所無。顧預其功。時湘衡界五十餘洞。不賓。救衡州刺史章榮討之。榮委顧爲都督。悉皆平殄。

常以二主蒙塵。見答王太尉書。三光掩曜。〔班固典引〕經緯乾坤。出入三光。〔注〕三光。日月星也。出



入逾於營膽。〔吳越春秋〕越王念復吳仇。〔漢酷吏傳〕大將軍光因舉殷憂獨其撫心。〔漢酷吏傳〕大將軍光因舉不治第宅深符去病。〔漢書

上為治策令視之對曰。〔晉書〕劉琨字越石與親故志梟羣醜彌同越石。〔晉書〕劉琨字越石與親故自禹圭既錫。〔帝王世紀〕

〔漢書〕去病傳〕玉物變詭謠風移笙管商周之際孤竹尙其哀歌。〔伯夷傳〕武王已平殷亂天下宗周伯夷叔齊義

猶其狂哭。〔魏蘇則傳〕則字文師扶風武功人也則及隨苗侯植聞魏氏代漢皆發服悲哭〔本傳〕侯景構逆梁自解還都

番禺連帥實謂宗枝述我天機日窺梁鼎以公威名本重逼統前軍乾數難違剝象終悔高祖永言惟舊

彌念奇功即訓皇家深弘朝紀檻車才至。〔左傳〕許男面縛銜璧大夫衰經士輿觀楚子問諸蓬伯對

其禮而命祝史妖於夷吾。〔左傳〕晉侯改葬共太子秋狐突適下國遇太子太子使登僕而告之曰夷吾無禮余得請於帝矣

其圖之君曰諾吾將復請七日新城西偏將有巫者而見我。〔左傳〕晉執虞公及井伯以媵秦穆姬〔本傳〕蕭勃在廣

武帝釋而禮之。綢繆安樂造次訂謀爰珥豐貂允光金螭。〔漢官云〕秦置散騎又置中常侍漢因之皆銀

璫附蟬為文貂尾為飾謂之貂璫漢帝改施金璫

但八桂之上

〔山海經〕桂林。蠻夷不賓。九疑之陽。〔山海經〕南方蒼梧之邱。蒼梧之川。其中有九疑山。在長沙零陵界。兵凶歲積。以公昔在衡臬。深留夙愛。仁恩

可以懷猛獸。〔後漢董恢傳〕恢。琅琊姑幕人。少仕州郡。為吏。民常為虎害。乃捕二虎。恢咒虎曰。若殺人者當垂頭伏罪。自知非者當號呼釋冤。一虎低頭閉目。即時殺之。一虎視恢嗚吼。即時放釋。吏人為之歌頌。威名可以懼啼

兒。〔南史劉胡傳〕胡為越騎校尉。變畏之。小兒啼。語云。胡來即止。乃授持節散騎常侍。〔本傳〕蕭勃死後。嶺南亂。頗有聲南土。且與武帝有舊。乃授安南將軍。衡州刺史。封始興縣侯。我

皇帝從唐侯以胤國。〔見勸進表〕屈啓筮而承家。〔漢文帝紀〕高后崩。大臣遂使人迎代王。代主下之。占曰。大橫庚庚。余為天王。夏啓以光。一恭寶祚。開定江河。三改

璇衡。苞羅湘峽。昔中宗屈申於處仲。〔晉書〕王敦字處仲。元帝永昌元年三月。敦據石頭。擁兵不朝。帝遣使謂敦曰。公若不忘本朝。於此息兵。則天下尚可共安。如其不然。朕當歸琅邪。以避賢路。按元帝廟號中宗。

高祖遺恨於平城。〔見玉臺新詠序〕漢武承基。方通沙塞。〔漢衛青傳〕大將軍青凡七出擊匈奴。晉明紹運。裁平姑孰。〔晉書〕明帝太寧元年四月。敦謀篡位。自武昌移鎮姑

孰。〔本傳〕文二年六月。加司徒王導大都督揚州刺史。督諸軍討敦。敦復反。秋七月。至江寧。帝親征。破之。敦死。衆潰。方其盛業。綽有光前。踐祚之初。進公位征南將軍。〔本傳〕文廣州

刺史。又都督東衡州。〔本傳〕作交廣等。〔隋書〕揚州南海郡始興縣。〔注〕齊曰正階。梁改名焉。又置安遠郡。置東衡州。二十。〔本傳〕作十九。州諸軍事宜。公乃務是民天。

〔漢書〕。屬食其。敦其分地。火耕水耨。〔貨殖傳〕楚越之地。地廣人稀。飯稻羹魚。或火耕而水耨。彌亘原野。盜賊皆偃。工賈競臻。糶米商鹽。盈

衢滿肆。新垣既築。外戶無扃。〔禮運〕故外戶而不閉。脂脯豪家。鐘鼎爲樂。見與王僧辯書。揚袂灑汗。振雨流風。〔蘇業傳〕臨當之塗。舉袂成幕。揮汗成雨。

市有千金之租。〔漢高五王傳〕主父僂言。齊臨菑十萬戶市租千金。田多萬箱之詠。〔詩〕乃求萬斯箱。僧釋慧羨等。來朝絳闕。備啓丹誠。乞於大

路康莊。式刊豐琰。庶樊卿寶鼎。復述台司之功。〔後漢竇憲傳〕南單于於漢北遺憲古册具。傍銘曰。仲山甫鼎。〔潛夫論〕仲山甫姓樊。盜種仲封於南陽。羊叟高碑。更紀

征南之德。〔晉書〕加羊祜征南大將軍。詳與李那書。於是跪開黃素。〔楊雄答劉歆書〕天下上計孝廉。及內郡街卒會者。常把三寸弱翰。筆費黃素三尺。以問其異語。爰登紫泥。〔西京雜記〕漢以武都紫泥

爲璽。鑒此誠祈。皆如所奏。乃詔庸臣。爲其銘曰。

赫赫宗陳。桓桓鼎臣。千乘建學。五典攸因。〔書〕慎徽五典。五典克從。盛德斯遠。公門日新。崇高維岳。貺甫生申。〔詩〕維

甫及。去衡移廣。遷征自鎮。攸攸銅略。疑作界。見與章司空書。藐藐金鄰。〔左思吳郡賦〕金鄰。象郡之渠。〔注〕夫南之外有金鄰國。去夫南可二千餘里。土地出銀。莫遠非督。無

思不賓。三江靡浪。見移文。五嶺奚塵。見與章司空書。式歌式舞。〔詩〕雖無德與汝。式歌且舞。仁哉至仁。公其饗福。於萬斯春。

晉陵太守王勵。本傳。作勸。德政碑。樹屏曰。〔本傳〕勸字公齊。侯景之亂。奔江陵。歷位晉陵太守。時兵燹之後。郡中凋弊。勸爲政清簡。吏人便安之。大建元年。累遷尚書右僕射。時東塘大水。以勸爲晉陵太守。在郡甚有威惠。

郡人表請立碑頌勳政德詔許之

若夫睢陵世傳已詳載德之華徐州先賢亦著清風之美偉哉文獻光啓中興〔晉書王祥傳〕詳字休徵瑗邪臨沂人漢諫議大夫吉之後也歷

官司空轉太尉加侍中五等建封睢陵侯邑一千六百戶詳弟覽子裁裁子導字茂弘元帝過江導歷位至丞相輔相三世及薨詔喪葬參用天子之禮諡曰文獻樹聲曰〔國語〕祭公謀父曰我先王不窋奕世載德吳世標曰〔後漢王良傳〕良字仲子東海蘭陵

人也王莽時不仕建武三年徵拜諫議大夫六年代宣乘為大司徒司直在位恭儉妻子不入官舍布被瓦器〔范曄論〕當世咨其清人君高其節〔隋地理志〕東海郡屬徐州瑗邪屬徐州郭莖表其深源見為貞陽侯書何籌慙

其遠慶〔後漢何敞傳〕敞六世祖比干為汝陰縣獄吏決曹掾平活數千人有老嫗謂曰公有陰德今天錫君策以廣公之子孫因出懷中符策凡九百九十枚子孫佩印綬者當此算豈惟桓氏之鳴玉〔范曄論〕桓氏自變至

與父子兄弟代為帝師〔國語〕趙簡子鳴玉以相張家之珥貂〔漢書〕張安世子孫相繼為侍中中常侍諸曹散騎列校尉者凡十餘人詳歐陽頌碑袁姓之朱衣〔後漢袁安傳〕安道遂三書生指一處云葬此地當世

為上公故〔漢楊惲傳〕惲家方又有飲飛遮列〔漢百官公卿表〕依班弓夾門〔後漢班超傳〕悉灑龍〔後漢班超傳〕悉灑龍

俯望〔後漢馬皇后紀〕太后詔曰前過濯龍門上見外家問起居者車如流水馬如游龍〔百官志〕有濯龍監一人緹騎盈道〔漢官曰〕執金吾緹騎二百人〔環濟要略〕司隸出從緹騎弈世如此何其盛

哉〔南史〕勳祖份累遷尚書左僕射父琳位司徒左長史兄銓衛尉卿錫累遷吏部郎中食太子中庶子通尚書右僕射弟質歷位侍中固遷潯陽太守君以藍田美玉〔三秦記〕藍田出美玉〔吳志〕諸葛恪少有才名孫權奇之曰藍田

美玉真不虛也。大海明珠。〔曹植贈丁冀詩。〕大灼灼美其聲芳。英英照其符彩。丰神雅澹。識量寬和。既有崔琰之鬚。

眉。〔魏書。〕崔琰聲資高陽。眉目疏朗。鬚長四尺。甚有威重。朝士瞻望。太祖亦敬重焉。非無鄭玄之腰帶。〔後漢書。〕鄭玄身長八尺。飲酒一斛。秀眉明目。容儀溫偉。爛爛若高巖下電。騷騷若

長松裏風。〔世說。〕裴令公目王安豐。眼爛爛如巖下電。世目李元禮。謾謾如勁松下風。勢利無擾於胸襟。行藏不槩於懷抱。家門雍睦。孝友為風。上交

不諂。下交不瀆。〔見繁。〕脫貂救厄。情靡矜吝。〔未。〕釋馬窮塗。惟濟危殆。〔後漢廉范傳。〕范遷蜀郡太守。坐法免歸鄉里。肅宗崩。范奔赴敬陵。時廬江郡掾嚴熒。率章市園。俱會

於路。鱗乘小車。塗深馬死。不能自進。范見而怒。命從騎下馬。與之不告而去。至於網羅圖籍。脂粉藝文。學侶挹其精微。辭宗稱其妙絕。〔本傳。〕勸美風儀。博涉書史。恬然清簡。

未嘗以利欲干懷。出為仁武將軍、晉陵太守。〔宋書。〕南徐州刺史領晉陵太守。吳時分吳郡無錫以西為昆陵。晉東海王越世子名昆。永嘉五年。帝改為晉陵。五雞二歲。勤郵有方。〔漢。〕襄送

傳。〔遂為渤海太守。使民家養二母。處五母雞。〕問羊知馬。鈞鉅兼設。〔漢書。〕趙廣漢為京兆尹。善為鈞鉅。以得事情。鈞鉅者。設欲知馬價。則先問狗。已問羊。又問牛。然後及馬。參伍其價。以類相準。則知馬之貴賤。濟北移

樹累政之所未治。〔未。〕汝南爭水。連年之所無斷。〔汝南先賢傳。〕趙規為安陽令。與期陵黃萌爭水。割指。一朝明決。曾不留滯。四民商販。咸

用殷阜。銘曰。

康哉寶運。美矣良臣。渭自灋水。源以洛濱。公侯世及。宰輔相因。曰我民秀。山川降神。風情穆穆。孝友恂恂。

學則經筵。〔後漢邊韶傳〕韶曰腹便便五經筵。文為世珍。高風遠矣。曠代難倫。鼎鉉虛職。〔易〕鼎玉鉉。台階未臻。〔晉書〕羊祜表曰。恩韶拔臣使同台司。注台司三

也。安知霜霰。遠天松楸。〔莊子〕上古有大椿者。以八千歲為春。八千歲為秋。碣石斯表。民情既陳。徒然下拜。何報陽春。〔蔡邕獨斷〕春為少陽。其氣始出生長。

丹陽上庸路碑

在天成象。咸池屬於五潢。在地成形。滄海環於四瀆。〔史記天官書〕西宮咸池曰天五潢。〔注〕元命包曰。咸池主五穀。其星五者。各有所職。樹本曰。〔封禪書〕四瀆者。江淮河濟也。

國險者固其金湯。〔漢蒯通傳〕金城湯池。不可攻也。儲畜者因於轉漕。〔漢宣帝紀〕大司農中丞耿壽昌奏。穀常平倉。以給北邊。省轉漕。貨財為禮。〔曲禮〕貧者不以貨財為禮。專俟

會通。厥田為上。〔書禹貢〕四海會同。〔又〕徐州厥田惟上中。皆資滲漉。見侯安都碑。大矣哉坎德之為用也。〔木華海賦〕曠哉坎德。〔易〕坎為水。是以握圖之

主。財以利民。御斗之君。因之顯教。〔揚雄長楊賦〕高祖奉命。順斗極運天關。上哉少昊。初命水官。未詳。〔左傳〕剡子曰。共工氏以水紀。故為水師而水名。述矣高

陽。爰重冥職。〔帝王世紀〕顓頊高陽氏。以水事紀官。〔祭法〕冥勤其官而水死。舜為大尉。於是九澤載疏。禹作司空。然後百川咸導。〔河圖曰〕舜以太尉即

位。與三公臨河觀。黃龍五采負圖出。置舜前。以黃玉為枰。白玉為檢。黃金為繩。紫芝為泥。章曰天皇帝符圖。〔舜典〕伯禹作司空。〔禹貢〕奠高山大川。〔又〕九澤既陂。開華山於高掌。〔述征記〕華山本一山。巨靈所開。今睹手跡於華岳。而

跡在首。鑿靈沼於周原。〔詩〕王在靈沼。莫匪神功。皆由聖德。我大梁之受天明命。勞已濟民。有道稱皇。無

為曰帝。〔帝王世紀〕功合神者稱皇。若夫雲雷草創。〔易〕雲雷屯。剪商黜夏之勳。疑脫二句。〔詩〕后稷之孫。實維大王。德合地者稱帝。德合人者稱王。居岐之陽。實始翦商。〔湯誥〕罪人殲

服。鑄寶鼎於昆吾。安能紀勳。〔後漢崔駰傳〕蔡邕銘論。呂尚作周太師。其功銘於昆吾之鼎。陳鴻鐘於鄴岳。豈易揄揚。〔漢司馬相如賦〕撞鴻鐘。〔山海經〕豐山有九鐘。〔注〕霜降

則自鳴。樹屏曰。〔班固西都賦〕雍容揄揚。斯固名言所絕也。及乎騰斯寶運。大拯橫流。〔晉王尼傳〕尼嘗歎曰。屈至道於汾陽。勞疑

神於姑射。〔莊子〕至道之極。昏昏默默。〔又〕用志不分。乃凝於神。詳卷三。聖人作樂。簫韶備以九成。〔見書益稷〕喆王盡禮。春官總於三代。〔見周禮〕豈止金

門桴竹。〔玉泉記〕立春之日。取宜陽金門。玉尺調鐘。〔世說〕荀勗解音聲。遂正雅樂。阮咸妙賞。時謂神解。每公會作樂。而心期之不調。勗慮忌之。遂出阮為始平太守。後有一田父耕於野。得周時王尺。便

是天下正尺。荀始以校已所治鐘鼓金。公帶獻明堂之圖。〔封禪書〕濟南人公玉帶。上黃帝時明堂圖。明堂圖中有一殿。四面無石。柱皆覺短一黍。於是伏阮神識。壁以茅蓋。通水園宮。垣為覆道。上有樓。從西南入。命曰昆侖。天子從之入。

以拜祠。匡衡建后土之議。〔郊祀志〕匡衡以甘泉泰畤河東后土之祠。宜可徙置長安。願與羣臣議定。若斯而已矣。天降丹鳥。既序孝經。〔干寶搜神記〕孔子制孝經。既成。齊戒

向北辰而拜。乃起白霧摩地。赤虹自天而下。化爲黃玉。上有刻字。孔子曉受讀之。

河出應龍。乃私周易。見勸進表

若夫固天將聖。垂意藝文。五色相宣。八音繁會。

〔樂記〕五色成文而不亂。〔注〕五聲配五行之色。〔屈原九歌〕云。五音紛兮繁會。

不移漏刻。見與楊僕射書。纒命口占。〔漢游俠傳〕陳遵爲河南太守。召善書吏十人於前。治

私書。謝京師故人。遠憑几口占書吏。且省官事。書數百封。

親疎各有意。〔種天〕

御紙風飛。天章海溢。皆紫庭黃竹之辭。〔蔡邕琴操〕周成王琴歌。〔鳳皇翔兮紫庭〕余何德兮感靈。〔種天〕

于傳。〔王遊黃臺之邱〕時國中大雪。大凍。王作黃竹歌三章以哀之。〔種天〕

露卿雲之藻。〔呂氏春秋〕晨露。漢之兩帝。徒有詠歌。〔漢書〕高祖有大風歌。〔沈約〕謝靈運傳。湯歌也。詳勸進表。

魏之三祖。空云詩賦。〔沈約〕謝靈運傳。漢武故事。帝作秋風辭。

論。曹氏基命三

龍。陳王盛高麗藻。

以爲彭老之教。終沒愛河。〔昇玄經〕漂漚。愛河流吹欲海。

儒會之宗。方離火宅。見與李那書

豈知五詩八會之殊文。未詳。〔復〕

卷和尙華嚴論贊。〔龍樹菩薩〕入龍宮看藏。得華嚴下本。回歸西土。傳到此方者。乃八十卷。經三十九品。品分七處九會。

天上人中之妙典。〔優闍王作佛形像經〕若生天上。天中最勝。乃至得作六欲天王。於六天中。尊貴第一。雪山

羅漢爭造論門。〔傳燈錄〕雲山五百仙人。飛空而至。阿難爲說法。

鷲嶺名僧。俱傳經藏。見與李那書

香象之力。特所未勝。〔雜寶藏經〕過去久遠。比提薩闍王。有大香象。以

香象力摧伏迦尸王軍。〔華嚴經〕現有菩薩名曰香象。與其眷屬諸菩薩中。三千人。俱常在其中。而演說法。

秋兔之毫。書而莫盡。〔西京雜記〕天子筆管。以錯寶爲附。毛皆以秋兔之毫。

忠信爲寶。〔家語〕孔子息駕

於河梁。有懸水三十仞。圍流九十里。有一丈夫。方將厲之。曰。始吾之入也。先以忠信。及吾之出也。又從以忠信。所以能入而復出也。

禱祈免於白駒。〔漢溝洫志〕武帝用事萬里沙磧。還自臨決河。漉日馬玉璧。令羣臣從。官自將軍以下。皆負薪。經



決明德惟馨。〔左傳〕宮之奇引周書曰黍稷非馨明德惟馨。山川舍於駢積。見論語。至如月離金虎。〔陸機詩〕望舒離金虎。〔漢書〕西方金也。〔孔傳〕昂白虎中星然西方七宿畢昂之屬。

俱白泥染石牛。〔廣州記〕州有石牛每旱殺牛以血和泥泥石牛背既畢即雨泥盡方止。蒼蔚朝興滂沱晚注。〔詩〕蒼蔚朝興。南山朝陽又月離于畢俾滂沱矣。而清蹕纒動。見勸進表。

纖羅不搖。〔木華海賦〕輕塵不飛纖羅不動。高閉將臨。〔左傳〕高其閉閤。油雲自開。西京雜記雨雲曰油雲。陽鳥銜日寧懼虎賁之弓。〔廣雅云〕日名陽鳥淮南子曰中

有駿鳥。樹本曰。〔漢明帝起居注〕上東巡泰山到樂陽有鳥飛鳴乘輿上虎賁王吉射之中而祝曰鳥鳴啞啞引弓射之洞左腋陛下壽萬萬臣為二千石賜錢二百萬。飛雨彌天無待期門之蓋。〔漢外戚傳〕上官桀少時為

羽林期門郎從武帝上甘泉桀率蓋雖風常隨車雨下蓋輒御。震維舉德。〔易〕震為長子。文炳曰。〔左傳〕王子朝告諸侯曰王后無適則擇立長年鈞以德德鈞以下。非曰尙年。見表後啓。若發居鄩。〔檀弓〕文王舍伯

邑考而立武王注伯邑考文王長子發武王名。猶莊在漢。〔後漢書〕東海恭王彊建武二年立為皇太子十七年而母郭后廢遂讓位於顯宗顯宗明皇帝諱莊光武第四子也母陰皇后按昭明太子早卒簡文帝乃高祖第三子也故云。溝如

白馬既礙廣陵之江。見侯安都碑。山曰金牛孰辨梅湖之路。〔初學記〕武原淪陷為當湖又有梅湖。〔趙曄吳越春秋〕海鹽縣淪為招湖徙居武原鄉故越地也。世標曰。〔劉道真錢塘

記。〕明聖湖在縣南父老相傳湖中有金牛。專州典郡青鳧赤馬之舟。〔魏王粲海賦〕乘困桂之舟晨鳧之舸。吳志太傅諸葛恪制為鴨頭船詳與王太尉書。皇子天孫鳴鳳飛龍之乘。

〔陶季直京邦記〕宋武帝度六合龍舟翔鳳以下三千四十五艘。〔晉宮闕記〕天泉池有飛龍舟。莫不欣斯利涉。〔易〕利涉大川。玩此修渠乍擁楫而長歌。〔列女傳〕趙簡子南擊楚津吏醉

不能渡，將殺之。津吏女媧持楫而前，乃權金而鳴籟。見歐陽斯曠世之奇功，無疆之鴻烈者也。銘曰：

后王降德，於衆兆民。高文象緯，晉張華傳妙義幾神。業冠遷夏，見爲陳武帝書功踰入秦。漢高祖紀楚懷王與諸將約，先入定關中者王之。沛公攻武關

入秦，時惟大畜象及同人。見易慧雨方霑，禪枝獨春。西域傳羅婆路出北巖泉，是佛受山神飯已，漱口嚼楊枝，因生。今爲茂林寺，號楊枝。帝德惟厚。書大禹謨益

皇恩甚深，觀乎禹迹。見侯安都碑見我堯心。

### 孝義寺碑

臣聞道階八地，猶見后妃。淨上論二淨穢上，謂淨多穢少，卽八地已上。百緣經佛告比丘，此賢劫中，波羅奈國梵摩達王，正法治化，惟無子息，禱祀諸神，求索有子，困不能得。時王國中有一池水，生一蓮華，其華臺中有一童子，

結跏趺坐。王及后妃見甚歡喜，卽抱還宮養育，漸大，隨其行處，蓮華承足，因香立字，名旃檀香。後悟非常，成辟支佛，身升虛空，作十八變。願生千佛，無非賢聖。雜寶藏經波羅奈國中有山，名曰仙山，有梵志在彼山住，大小便利於石上，有

雌鹿來，舐卽便有身，生一女子。梵豫國王立爲第二夫人，後時有身，便生于葉蓮華。時大夫人取千葉蓮華，盛著籃裏，擲於河中。時鳥耆延王接取，見千葉蓮華，葉葉有一小兒，長大各有大力。千子卽時將諸軍衆，降服諸國。次到梵豫，第二夫人卻之，以五百子與親父母，以

五百子與養父母。時二國王分閭浮提，各畜五百子。佛言：欲知彼時千子者，賢劫千佛是也。以誓願力，常生賢聖。汲引之義雖同，隨機之感非一。至如媯汭有禮，皇源所以前

興。〔舊典〕釐降二女于媯納。嬪于虞。周女斯歸。陳宗所以流慶。〔左傳〕庸以元女大姬配。大矣。神基帝系。淑聖重光者也。慈訓太

后。〔陳后妃傳〕武宣章皇后。諱要兒。吳興烏程人。本姓鈕。父景明。為章氏所養。因改姓焉。武帝先娶同郡錢仲方女。早卒。後乃聘后。永定元年。立為皇后。武帝崩。后與中書舍人蔡景歷。定計召文帝。及即位。尊后為皇太后。宮曰慈訓。德佐初九。道

暉上六。〔周易〕初九曰潛龍勿用。何謂也。子曰龍德而隱者也。〔又〕上六龍戰于野。其血玄黃。象曰龍戰于野。其道窮也。居天上天中之極。〔詩〕思齊大任。文王之母。

〔又〕太姒嗣徽音。則百斯男。蘋藻之化。斯深。葛覃之風。彌遠。〔詩〕于以采蘋。南澗之濱。于以采藻。于彼行潦。〔又〕葛之覃兮。施于中谷。皇帝膺茲上聖。契彼援神。〔後漢書〕

〔又〕者不私。甘露團團。灑如錫之味。〔晉書〕甘露者。仁澤也。其凝如脂。其美如飴。嘉禾自秀。〔孝經〕援神契。德浪井恆清。〔瑞應圖〕溪井不壅。自成。王者清淨。則仙人主之。

天降徵祥。日聞書府。〔左傳〕女叔侯曰。史不絕書。府無虛月。自大明紹運。〔周易〕順而麗乎大明。神武應期。〔繫辭〕古之聰明睿知。神武而不殺者夫。至道旁通。無思

不格。戊巳校尉。西關玉門。〔漢書〕元帝初元時。置戊巳校尉。屯田車師故地。〔後漢班超傳〕不致望到酒泉郡。但願生入玉門關。〔注〕玉門關在燉煌郡。今沙州。伏波將軍。南表銅柱。〔見歐陽文忠公集〕

方便三千世界。百億須彌。〔長阿含起世經〕等云。四洲地心。即是須彌山。山外別有八山。圍如須彌。山下大海深八萬四千由旬。其邊八山。大海初廣八千由旬。中有八功德水。如是漸小。至第七山下。廣一千二百五十由旬。

碑。

其海鹹海。廣於無際。海外有山。即是大鐵圍山。四周圍輪井。一日月晝夜回轉。照四天下。名爲一國土。即以此爲量。漸至滿千鐵圍繞訖。名一小千。復至一千鐵圍繞訖。名爲中千世界。即數中千復滿一千鐵圍繞訖。名爲大千世界。此中四洲山王日月乃至頂。各有萬億。成則同成。壞則同壞。是皆一化佛所統之處。名爲三千大千世界。號爲娑婆世界。同望飛輪。〔轉法輪經〕佛在鹿野樹下時空。中有自然法輪飛來。當佛前而轉。共稟玄德。〔舜典〕玄德升聞。乃命以位。天嘉三年正

月二十一日詔旨。〔陳文帝紀〕世祖文帝諱禧。字子華。始興昭烈王之長子也。武帝甚愛之。永定三年六月丙午。武帝崩。皇后稱遺詔。徵文帝入。纂皇統。改元天嘉。仰惟聖德。方被兆民。乃救

有司。改東成里爲孝義里。昔岱山徙號。重華著其受終。〔舜典〕正月上日。受終於文祖。二月。東巡狩。至于岱宗。德水移名。秦人表其嘉

運。〔史記〕秦始皇本紀。始皇并天下。更名河曰德水。以爲水德之始。豈若盡在輿地。書茲里門。仰述天經。〔孝經〕子曰。夫孝。天之經也。地之義也。光臨父母。〔繫辭〕无有師保。如臨父母。

臣陵稽首。〔周禮〕太祝辨九拜。一曰稽首。乃作銘曰。

願此良因。〔大寶積經〕樂施於人。獲五種名利。五能爲菩提作上妙因。宜資貴親。〔公羊傳〕子以母貴。母以子貴。三乘竝策。見與李那書。四梵爲賓。〔大毘舍陀利經〕佛言。我於林中三十六年。

遊四梵處。爲益衆生。故食衆果。〔法苑珠林〕大洛那力者是第四梵王。那羅延力是。紺殿安坐。〔梁元帝集〕善覺寺碑云。寶繩交映。無愆紫紺之宮。〔白帖〕佛寺爲紺園。蓮華養神。〔佛升初利天爲母說法經〕摩耶夫人兩乳血出。

猶白蓮華。而燈前禮佛。〔涅槃經〕若於佛法。供養一入如來口中。香燈乃至獻一華。則生不動國。地後邊身。〔寶積經〕昔舍衛城有二十人。皆是最後邊身。更有級家二十人。審其命根。如來爲調伏是四十人。故告目蓮言。令此地中出伏。

遠羅刺欲刺我足。此刺即長一肘。佛言我過去世入大海中。持利刺人。得如是報。彼時二十怨賊欲害二十人者。作是思惟。如來法王。尚不免報。況我等輩。即從坐起。向佛悔過。

眞。〔法苑珠林〕故經中來至佛所云南無。無所著至眞等正覺。是名口業稱歎如來德也。國家隆盛。同享遐慶。謹勒豐碑。〔檀弓〕公室視豐碑。陳其舞詠。〔潘尼釋奠頌〕不知手舞口詠。

齊國宋司徒寺碑

無色之外。方爲化城。非想之中。猶稱火宅。〔楞嚴經〕有色無色。有想無想。若非有色。若非無色。若非有想。若非無想。詳與李那書。若夫衆生無盡。世界無窮。

〔華嚴經〕一切法界虛空界等世界。芬若披蓮。〔關令尹喜傳〕真人遊時。各各坐蓮華之上。一花輒徑十丈。遠如散墨。〔法華經〕假使有人磨以爲墨。過於東方十國上。乃

種墨。是諸佛土若算師知其數否。善財童子。南行未窺。〔華嚴經〕善財童子問法於五十三參善知識。而德雲比丘乃第一也。〔又〕善財童子歡喜頂禮。繞無數匝。殷勤瞻仰。辭退南行。目蓮沙門。北遊

不見。〔孟蘭盆經〕目蓮見其亡母。在餓鬼中。即鉢盛飯。往餉其母。一一刹土。皆由業緣。〔觀佛三昧經〕六日出時。此地皆悉煙出。從須彌山乃至三千大千

緣經。以是業緣。五百萬中。受毒龍身。萬萬僧祇。終非常樂。〔藥王藥上經〕衆生得聞是五十三佛名者。是人於百千萬億阿僧祇劫。不墮惡道。

減度。亦天宮蹇產。〔起世經〕其天宮城內。雕飾受欲。其歡樂不可具說。〔楚辭〕思蹇產而不釋。〔注〕蹇產。詰曲貌。猶傾四大之風。樹本曰。〔圓覺經〕此身四大和合。毛髮爪齒。皮肉筋骨。腦髓垢色。皆歸於地。唾涕膿血。

涎沫津液。痰淚精氣。大小便利。皆歸於水。暖氣歸火。動轉歸風。四大各離。今日妄身。當在何處。魔殿崔嵬。樓殿經。在欲色二界中間。別有魔宮。華嚴經。如來即於口中放光明。名無礙無畏。映蔽一切諸魔宮殿。終懼三災之

火。長阿含經。三災上際云。何若火災起時。至光音天為際。若水災起時。至徧淨天為際。若風災起時。至果實天為際。朱樓寶瑱。輝煥爭華。宣律師住持感應傳。樹神即將七寶。來至尊所以神力。故於一念頃。即成四堵。高五

十由旬。又造真珠樓觀及白銀臺。於此四堵內。各造樓觀。具八萬四千。炯曰。西域志。波斯匿王都城。東百里大海邊。有大堵。堵中有小堵。高一丈二尺。裝衆寶飾之。夜中每有光耀如大火聚。云佛涅槃百五歲後。龍樹菩薩入大海化龍王。龍王以此寶堵奉獻龍樹。龍樹受已。將施此國地。造莊飾殿。好過佛在時。經百五十年。魔天燒滅。則當此土。既義暢中土。道流遐域。顯默同歸。華夷俱慕。自枕石漱流。見諫羅道書。始終一槩。

悟智交養。三十餘年。春秋八十三。古人云。道存人亡。法師之謂。凡我門徒。感風徽之緬逸。傷諸悟之永滅。

敢以殘見。揚德金石。銘曰。

九流依真。後漢書。班固九流百家之言。靡不窮究。三乘歸佛。見與李那書。道往絕迹。慈還接物。白帖。如來慈心。如彼大雲。陸注世界。孰是發蒙。易。初六發蒙。昭

我慧日。齊王山頭陀寺碑注。慧日喻明也。攝亂以定。本相經。年十九。踰城出家。學道勤行。精進禪定。闢邪以律。齊尚統師傳。魏皇初三年。曇摩迦羅譯出戒律。秦皇雄威。蔽理通

情。王孫偏解。遠死滯生。太平御覽蜀本紀曰。始皇陵有銀盒金書。以多奇物。故俗云秦皇地市。漢書。揚王孫學黃老之術。厚自奉養。生無所不致。及終。令其子曰。吾欲贏葬。以反吾真。必無易吾意。班固贊曰。魏揚王孫之

志賢於秦。夫子之悟，萬劫獨明。寒暑遞易，悲欣皇壤。〔家語〕孔子出聞哭聲，至，舉魚也，曰：吾有三哭，少而遊學，以後吾親，始皇遠矣。

子之故人曰原壤，其母死，夫子助之沐槨。原壤登木曰：久矣，予之不託於音也。歌曰：狸首之斑然，執女手之卷然。夫子為弗聞也者而過之。爛曰：〔莊子〕山林與，臯壤與，使我欣欣然而樂與，樂未畢也，哀又繼之。

孤松獨秀，德音長往。節有推遷，情無遺想。

長千寺衆食碑

昔炎皇肇訓。〔繫辭〕神農氏作，斲木為耜，揉木為耒，耜耨之利，以教天下。稷正脩官。〔舜典〕棄黎民阻，飢汝后稷，播時百穀。信矣民天之言。〔見歐陽穎碑〕誠哉國寶之義。〔范子〕

計然曰：五穀者國之重寶。自非道登正覺。〔本願經〕佛告阿難，我以十事故最正覺。安住於大般涅槃。〔華嚴經〕乃至最後涅槃，分布其身，起廟壇，心經〔注〕梵語涅槃，此云無為。行在真空。

〔觀佛三昧經〕過去久遠，有佛出世，號曰空王。爛曰：海錄碎事〕如來藏中，性火真空，性空真火。深入於無為般若。〔見罷諫道書〕則菩薩應化，咸同色身。〔婆沙論〕佛在世時，色身受用，契

法師傳，婆毗吠伽論，師於親自在菩薩，立志祈請，待見於親。自在乃為現色身立世，阿毗曇論，闡淨提眾生色身種種不同。諸佛淨土，皆為搏食。〔法華論〕無煩惱眾生住處，名為淨土。〔毗婆沙論〕若以一搏之食，起殷淨心，奉於僧

衆，於當來世，決定不逢饑饉災起。證常住者，爰乞乳糜。〔涅槃經〕有人聞當住二字，是人生生不墮惡道。〔支僧載外國事〕佛在貝多樹下，坐滿六年，長者女以金鉢盛牛乳糜，上佛佛於水邊敷糜，補尊位者，猶

假香飯。見諫罷道書。亦有二心未滅。〔菩薩善哉經〕七反餘生。〔觀佛三昧經〕金翅鳥王名曰正音。日食一龍王及五百小龍。經八千歲。死相既現。諸龍吐毒。不能得食。從金剛山直下。從大水。

際至風輪際。為風所吹。還上金剛如是七返。然後命終。應會天宮。〔法苑珠林〕傳云。釋迦受食。四王奉鉢。滅後。流行上升。就齋龍海。〔智度論〕阿羅漢。當入龍宮。食已。以鉢。

授與沙彌。令洗鉢。中有殘飯數粒。沙彌嗅之。大香。食之甚美。況復繕居地轉。未詳。按〔英法師西國傳〕。數量之稱。謂羅縉那。除縉那者。自古聖王。一日運行也。舊傳一除縉那四十里矣。威德殊。疑作〔沆瀣〕。庭。上望祖蓮。

菜之屬。幾至殊庭。〔師古〕曰。殊庭。蓬萊中仙人庭。固以皆種仙禾。並資靈粟者矣。〔曹植社頌〕。蓬萊阿那。一禾千莖。〔拾遺記〕。貝嶠之山。名環丘。上有方湖千里。多大鵠高一丈。羣飛於湖際。銜采不周之粟。於環丘。

之上。粟生。穰高五丈。其粒皎然如玉也。法師常願以智慧火。燒煩惱薪。〔華嚴經〕。智慧火。令衆生離障礙苦。皆得具足。〔文殊問經〕。住家者。為煩惱所燒。出家者。滅煩惱火。普施衆生。同。

餐甘露。〔四分律〕。天帝釋便作是念。我今令王躡燈。以此瘡死者甚非。所以當以天甘露灌其身上。瘡即平復。況恢安居自恣。〔經律異相〕。精舍皆成。自王。遣使請佛安居。願學高年。或次第於王。

城。〔法苑珠林〕。食中有六者。一乞食。二次第乞食。三不作餘食。法食。四一坐食。五一團食。亦名節量食。六中後不飲漿。〔雜阿含經〕。爾時世尊晨期。著衣持鉢。共詣比丘。入王舍城乞食。猶棲遑於貧里。〔後漢徐穉傳〕。謂茅容曰。為我謝。

郭林宗。何為栖栖不遠寧處。〔維摩詰經〕。憶念我昔於貧里而行乞時。迦留乞麪。若用神通。〔十誦律〕。佛在舍衛國。時有長老迦留陀夷。得阿羅漢道。持鉢入城乞食。到一婆羅門舍。主人不在。燒閉門。作煎餅。迦留陀夷比丘。即入禪定。起。

運從外地。沒涌出中庭。乃以指彈婦。即語夷言。縱使眼脫。我亦不與。而以神力。即兩眼脫出。復念縱出眼如鏡。我亦不與。即變眠如鏡。復念縱若倒立我前。我亦不與。即於前倒立。復念縱汝若死。我亦不與。即入滅。受想定。心想皆滅。無所覺知。即語比丘言。汝若活者。我施與。



一餅。迴留陀夷。便出於定。婦更刮盆邊得一小麪煎之。迴留  
語言。我不須是餅。為說妙法。即於座上得法。眼淨口口。婆夷。  
須提請飯。致遺豪貴。未詳。於是思營衆業。〔勝口口經〕乃願造

坊廚。〔涅槃經〕須達長者。七日之內。成立大房。足三百日。禪口淨處六十  
三所。冬室夏堂。各各別異。廚坊浴室。洗脚之處。大小圍廁。無不備足。  
庶使應供之僧。皆同自然之食。〔百緣經〕佛在

有一長者。其婦生女。名曰善愛。後求出家。世尊告善愛尼言。汝今可設飲食。供養佛僧。尋取佛  
鉢。擲虛空中。百味飲食。自然盈滿。如是次第。取千二百五十比邱鉢。所飯亦皆滿。郡令豐足。  
升堂濟濟。無勞四輩之煩。〔大集

有比邱。晝夜精勤。樂脩善法。讀誦經典。坐禪習  
懸不捨須臾。以是因緣。感諸四輩。種種供養。  
高廩峨峨。恆有千食之糒。〔詩〕亦有高廩。萬億及秬。〔水經注〕澆河西南

其外鐵市銅街。〔晉石苞傳〕苞為吏。到鄴。乃販青樓紫陌。〔魏曹植詩〕青樓臨大道。  
鐵於鄴市中。詳與楊僕射書。〔王粲獵賦〕倚紫陌而並征。辛家黑白之里。未詳。甲第王侯之

門。〔漢書張放傳〕帝賜甲第。  
莫不供施相高。資儲轉衆。〔沐曉經〕給法師善巧方便。〔佛本行經〕有釋名為善覺。其子名羅提提

十九種善巧妙術。〔又〕淨飯王復白仙言。我意漚合合羅。未詳。〔四分律〕世尊般涅槃後百歲。毗舍離跋闍子比丘行十事。乃至

毗尼。故名七百集法毗尼。又〔感應記〕祇垣寺殿內簷下。有四  
銀臺。兩臺內有毗尼藏。黃金為牒。白銀為字。毗尼律藏。是龍王書。  
教授滋生。隨年增長。假使桑林不雨。〔呂氏春秋〕湯五年

瓠水揚波。〔漢書〕上使汲仁郭昌猶厭稻梁。永無飢乏。加以五鹽具足。〔海錄碎事〕五色鹽出安息國。〔阿舍經〕一

發卒數萬人。悉瓠于決河。

醉八不  
了味。七菜芳軟。〔荆楚歲時記〕正月七日爲人日，以七種菜爲羹。麩類天廚。未詳。〔沈約齊尼淨秀行狀〕於彼天上，彼波利釐將還，意欲與今法師有人問何意將麩去，答云：欲與今法師，是人不能將去。燭曰：〔星經〕

天廚六星，在紫微宮東北。果同香樹。〔梅檀樹經〕維耶梨國有五百人，經歷深山，一人臥熟失伴，有大梅檀香樹，神謂窮人言：可止留此，自相給衣食，到春可去。窮人還至國，中國王病頭痛，惟得梅檀香以護病得愈，王便令匠將窮人往伐取香樹，至

到樹所，使者見樹華，果煌煌，心不忍伐。羹鼎之大，殷王未逢。未詳。按劉向〔說苑〕湯時大旱，使人持九足鼎，祝山川而天大雨。糜饌之深，齊都非擬。見移文。昆吾在次，皆鳴

鷲嶺之鐘。〔感應記〕如來成道，已至第三十八年，於祇洹精舍，重閣講堂上，佛告文殊師利菩薩：汝往戒壇所，鳴鐘，召十方天龍及比丘諸大菩薩衆等，著集祇洹。銳曰：〔大哀經〕佛在王舍城，靈鷲山者，古昔諸佛之所遊居，如來威神之所建立。詳丹

陽。陽谷初升，同洗龍池之鉢。〔堯典〕分命羲仲，宅嵎夷，曰暘谷。寅賓出日，〔道宣律師住持感應〕曰：佛告文殊師利，我入王舍城，受彼國王請，我既食訖，即命羅睺先將我鉢，還於彼龍池洗之。



# 徐孝穆集卷之五

## 東陽雙林寺傅大士碑

夫至人無己。屈體申教。聖人無名。顯用藏迹。故維摩詰降。同長者之儀。〔維摩經〕毗耶離城中有長老名維摩詰。文殊師利。現儒

生之像。〔宣律師住持感應傳〕佛告文殊師利及四天王等。教初流行。彼汝文殊師利分身。變為國王。金剛齊菩薩。分身為大臣。金剛幢菩薩。分身為比丘。汝等三大士。其流通我教。提河獻供之旅。王城列衆之

端。見長干寺碑。抑號居士。〔師子月佛本生經〕比丘名蓮華。藏多。與國王長者居士而為親友。時為善宿。〔成實論〕八戒。優婆塞者。此言善宿男。大經所說。〔智度論〕有梵志名長。爪言十八種大經。盡欲讀

之。〔釋道安西域志〕波羅奈斯國。佛轉法輪處。大品之言。皆紹尊位。〔法苑珠林〕晉周閔家有。大品一部。以半幅八丈素。反覆書之。斯則神通應化。不可思議

者乎。〔法苑珠林諸德釋〕云。世界初成。昔古遺迹。相似而現。並是佛之神力變化所為。故五不可思議中。一是佛神力也。東揚郡烏傷縣雙林寺傅大士者。即其縣人也。〔翻釋名義集〕

〔娑羅樹。東西南北四方各變。故曰雙樹。方面悉皆一榮一枯。〕昔巖谿蘊德。清浦呈祥。天賜殷宗。誕興元相。〔書說命〕夢帝賚予良弼。俾以形旁求于天下。說築傅巖之野。惟肯爰立作相。景

侯佐命。樊滕是埒。〔漢書〕傅寬。證景侯。與樊噲。夏侯嬰。同為高祖功臣。介子揚名。甘陳為伍。〔漢書〕傅介子與甘延壽。陳湯。俱立功西域。東京世載。西晉重光。惟

是良家降神攸託。若如本生本行。或示緣起。

〔千佛因緣經〕梵王言。我見辟支佛。受持五戒。以戒齊法。當行十善。觀諸緣起。按佛有本生。本行二經。

子長子雲。自斂元

系。〔漢書〕司馬遷。字子長。揚雄。字子雲。俱有自序。

則云補處菩薩。仰嗣釋迦。法王真子。是處彌勒。

〔大悲經〕佛告阿難。我為第四次復彌勒。當補我處。釋迦譜。善慧菩薩。功行滿足。位登

十地。生兜率天。一生補處。名聖善白。為諸天師。〔瑜伽論〕若諸國王。任持正法。名為法王。〔佛在金棺敬福經〕若受約教。是佛真子。〔賢愚經〕婆羅門家生一男兒。字曰彌勒。〔法苑珠林〕西云釋迦。此云能仁。西云彌勒。此云慈氏。

雖三會濟濟。

華林之道未孚。

〔賢愚經〕彌勒出家學道。成最正覺。三會說法。得蒙度者。悉我遺法。種種福業。皆得在彼三會之中。頌曰。挺此四人。委映蔚華林園。

千尺巖巖。穰佉之化猶遠。

〔彌勒下生經〕身長千

尺。圓光二十丈。〔真諦師傳〕彌勒佛出世時。須達為憐佉國大臣。名須達多。此園地還廣一由旬。純以七寶徧滿布地。奉施如來。起為住處。〔注〕梵語憐佉。此云貝。

但分身世界。濟度羣生。

〔雜寶經〕佛法寬廣。濟度無涯。機

有殊源。應無恆質。自序因緣。大宗如此。按停水經云。觀世音菩薩有五百身。在此閻浮提地。

〔長阿含經〕南方天王名毗

瑠璃。此云增長主。領鳩槃荼及薩嘉神。將護閻浮提人。

示同凡品。教化衆生。彌勒菩薩亦有五百身。在閻浮提。種種示現。利益衆生。故其

本迹難得而詳言者也。爾其蒸蒸大孝。肅肅惟恭。厥行以禮。教為宗。其言以忠信為本。加以風神爽朗。氣

調清高。流化親朋。善和紛諍。

〔維摩經〕善和諍訟。言必饒益。

豈惟更益毀壁。未

〔莊子〕徐無鬼。篇。市南宜僚弄丸。而兩家之難釋。至如

王戎吏部。晉書、王戎襲父爵、辟相國掾、 鄧禹司徒。後漢鄧禹傳、光武即位於鄧、使使者持節拜禹為大司徒、禹時年二十四、 同此時年、有懷棲遯、仍隱居松

山雙林寺、棄捨恩愛、非梁鴻之並遊。見答周處士書、 拜辭親老、如蘇耽之永別。神仙傳、蘇耽、郴縣人、少孤、養母至孝、忽辭母云、受性應仙、當違供養、母曰、汝去、使我

如何存活、曰、明年天下疫疾、庭中井水、簷邊樞樹、可以代養、至時、病者食樞葉、飲井水、愈。自脩禪遠壑。婆娑論、人趣中有脩禪發智、 絕粒長齋。英法師傳、馱那羯磔迦國、屬南印度、都城東西據山間、各有大寺、其寺有婆毗

狀伽論、師於親自苦薩、絕粒而服。非服流霞。抱朴子、項曼卿脩道山中、自言至天上、三年立志祈請、待見彌勒菩薩、遊紫府、遇仙人與流霞一杯、飲之、輒不飢渴、 若餐朝沆。司馬相如大人賦、吸沆瀣、餐朝霞、列仙傳、

陵陽子春餐朝霞、夏食沆瀣。太守王休、言其詭詐、乃使邦佐、幽諸後曹、迄至兼旬、曾無假食。增一阿含經、有十四種食、諸入口之物、可食噉者、是為假食、

於是州鄉媿伏。漢法本內傳、明帝置佛舍利及經、放火燒經、並成煨燼、道士等大生媿伏、佛之舍利放五色光、上空如蓋、覆日映衆、 遠邇歸依。師子月佛本生經、比邱即為彌猴、說三歸依、 逃迹山林。

集一切福、獲三昧經、昔過去久遠阿僧祇劫、有一仙人住山林中、名曰最勝、具五神通、常行慈心、 肆行蘭若。華嚴經、願一切衆生、常安居止阿蘭若處、寂靜不動、又釋氏要覽、梵言阿蘭若、此言空靜、 又自序云、七佛

如來、十方並現。觀佛三昧經、毗婆尸佛、尸棄佛、毗舍婆佛、拘留孫佛、拘那含牟尼佛、迦葉佛、釋迦牟尼佛、七佛身並紫金色、 釋尊摩頂。法苑珠林、第三身心恭敬、禮者聞唱佛名、便念佛身如在目前、手摩其頂、除我罪業、

願受深法。華嚴經、有諸法師、得勝妙法、大乘深法、 每至禪槌應叩。增一阿含經、佛告阿難、汝今連擊禪槌、釋氏要覽、梵云禪槌、此云鐘磬、 法鼓裁鳴。華嚴經、普為衆生擊法鼓、 空界神

仙共來行道。〔菩薩處胎經〕上方七十二億空界菩薩亦來雲集入胎中。其外人所見者拳握之內或吐異香。〔婆娑論〕帝釋欲遊戲時伊鉢羅龍王背上自然有其香手現。胸

臆之間乍表金色。〔宗門統要〕世尊於涅槃會上以手摩胸告衆云汝等善觀吾紫磨金色之身。時有信安縣〔隋書〕東陽郡領信安縣。比邱僧朔與其同類遠來觀

化未及祇肅忽見大士身長丈餘朔等驚慙相趨禮拜虔恭既畢更覩常形又有比邱智總優婆夷錢滿

願等伏膺累載頻覩異儀或見腳長二尺指長五寸餘兩眼光明雙瞳照耀皆爲金色並若金錢。〔阿育王經〕

阿育王夫人產生一女一手常卷掌中有一金錢隨取隨生。警李老而相伴。〔老子志略〕老子一名李耳兩目光方瞳綠筋。同周文而等狀。〔孟子〕姜文王十尺。姜姬所履。〔詩疏〕姜姬履大人迹。

天步可以爲儔。〔詩〕天步艱難。河流大履。〔祖沖之述異記〕苻健皇始中津監寇登於河中流得大履一隻長七尺三寸足迹稱履指長尺餘文深七寸。神足宜其相比。〔東起行經〕

反回旋飛還時城內人見此神足舉國歡喜。支郎之彥既恥黃睛。〔海錄碎事〕魏高僧支謙博覽經籍兩眼多白而睛黃時人謂曰支郎眼中黃形雖細是智囊。瞿曇之師。〔涅槃經〕迦毗羅城有釋種子字悉達。

多姓瞿曇氏。有愆青目。〔寶女經〕如來瞳子如紺青色。既而四空妙定。〔大寶積經〕菩薩至於空處脩習四禪。熏脩已成。〔江總集香贊〕八解明心。〔菩薩本行經〕今

最後身值釋迦佛捨棄出家得阿羅漢三明六通具八解脫。莊嚴斯滿。〔法苑珠林〕三十二相微妙莊嚴。時還鄉黨化度鄉親俱識還源並知回向。〔法苑珠林〕回向者回諸福德向

無上道。或立捨鬚髮。如聞善來。

〔百緣經〕佛告善來。鬚髮自落。法服著身。便成沙門。

大傾財寶。同脩淨福。

〔維摩經〕憍所脩福。念於淨命。

大士熏禪所憩。

〔婆娑論〕生彼天者。要是進向那舍。身得四禪。發於無漏。起熏禪業。方是得生。凡夫無此熏禪業。故不得生也。

獨在高巖。爰挺嘉木。是名構樹。擢本相對。似雙槐於夾門。

〔晉潘岳詩〕綠槐夾門植。

合榦成陰。類雙桐於空井。

〔魏文帝詩〕雙桐生空井。

厥體貞勁。無爽大年。

〔莊子〕小年不及大年。

置霜停雪。寒暑葱翠。

〔晉左思吳都賦〕綠葉翠莖。冒霜停雪。

信可以方諸堅固。

〔梁元帝阿育千像碑云〕始遊羅衛。便居堅固之林。

譬彼娑羅。

〔涅槃經〕我於此娑羅雙樹。大師子吼者。名大涅槃。先寬曰。支僧載外國事。阿育王起浮屠於

佛泥洹處。雙樹及塚。今無復有也。此樹名娑羅樹。其樹華名娑羅法也。此華色白如霜雪。香無比也。

既見守於神龍。

〔括地圖〕龍池之地。多五花樹。羣龍食之。

將為疑於變鶴。

〔神境記〕榮陽郡南有石室。室後有孤

松千丈。常有雙鶴。晨必接翅。夕輒偶影。傳曰。昔有夫婦二人。俱墮此室。年既數百。化成雙鶴。

乃於山根嶺下。創造伽藍。

〔過去因果經〕諸僧伽藍中。竹園伽藍最為其始。〔釋氏要覽〕梵語題云。僧伽藍。摩訶此云。衆園。

此高柯。故名雙林寺矣。

按〔傳大士傳云〕大士捨宅於松下。建寺。因以樹名雙林。

大士亦還其里舍。貨買妻兒。營締支提。

〔地持論〕菩薩供養如來。略說十種二支提。

供養。若菩薩為如來故。供養優婆塞。若處若舍。若故若新。是名支提供養。銳曰。〔僧祇律云〕有舍利者名塔。無舍利者名支提。

繕寫尊法。

〔隨願往生經〕讚三寶。讀誦尊經。

常以聚沙畫地。皆因圖果。

〔大威德陀羅尼經〕佛告阿難。譬如有大沙聚。將一滴水。潤此沙聚。可令徹過。如一婦人以千數丈夫。受欲果報。不可令其知足也。〔百緣經〕佛將比邱入城乞食。逢一婆羅門。以指畫地。與我五百金錢。爾乃聽過。須達長者。即與金錢五百。乃聽佛過。佛言。過去善生



太子路逢一人共輔相子搏搏戲時輔相子負彼戲人金錢五百太子語之我當代償彼太子者我是輔相子者須達是戲人者婆羅門是凡負債者不可不償乃至成佛不脫此難芥子菴羅無疑福陋〔大忍經〕世尊告阿難我滅度後

若有人乃至供養我之舍利如芥子等恭敬尊重謙下供養有孝曰小未曾有經佛般涅槃後以如芥子舍利起塔大如菴摩勒果其判如鏡上施樂蓋如酸棗葉若佛形像如糞麥大功德滿足百倍法顯記菴婆羅女家為佛起塔樹敏曰闍義云菴羅是果樹之名其

果似桃此樹華開生一女國人歎異以園封之園既屬女故言菴羅樹園宿善冥熏見佛歡喜以園奉佛佛即受之而為所住乃起九層磚塔〔華子經〕若是塔廟毀壞當加脩治若塊若泥乃至一磚形相巍然六時

虔拜〔龍樹十住論〕菩薩晝夜各有三時於此巡繞斯託又以大乘〔洛陽伽藍記〕神龜四年太后遣崇靈寺比丘耶婆六時禮拜十方諸佛懺悔勸請隨喜回向生向西域取經凡得一百七十部皆是大乘妙典方

等靈藥寶珠〔大志經〕大志至年十七為衆生故發意入海取明月寶珠以濟衆生眷言山谷希得傳寫龍鄉思其燒照〔後漢郡國志〕泰山郡有龍鄉城象駕乏其流

通〔傳燈錄〕水中龍力大陸中象力大故負荷大法者比之龍象復造五時經典千有餘卷與夫鬻子而葬同其至誠〔家語〕孔子聞婦人哭聲謂

之苦問之果然嫁妻而隱無殊高節〔晉書〕許邁遺孀孫氏還家後改名玄徧遊名山莫知所終若寄博麩〔阿育王經〕佛在世時入王舍城乞食見一

父死賣子以葬見佛相好德勝歡喜擲倉中土名為麩者奉上世尊緣是善根佛般涅槃二百年後作轉輪王王闍浮提〔過見因果經〕普光佛出興於世爾時善慧仙人欲訪花所忽遇羅

答言當送內宮欲以上佛善慧告言五百銀錢雁五莖花欲以獻佛羅夷即曰我今當以此花相與願我生生常為君妻善慧答言我脩梵行生無為道不得相許生死之緣詳諫羅道書共指菩提〔阿育王經〕如來大方

成親眷。〔大藏一覽〕佛告諸比丘言。然燈如來出興世時。善慧仙人。豈異人乎。即我是今此人之中。迦葉兄弟及其眷屬。千比丘是。賣花女者。今耶輪是。至如有相無相之懷。〔法苑珠林〕柴法師云。依如西域釋迦一代

說法。總有三時。第三時中。為大行菩薩。雙說有相無相法。為破有相無相法。令悟中道。究竟圓教。虛已虛心之德。化難在臂。方推理於自然。〔莊子〕子與曰。漫假而化。手之左臂。以為雞。子因以推時夜。

樹穀曰。按〔佛本行經〕。爾時太子具報使人。令王深信因果。不信自然。毒蛇傷體。終無擾於深定。〔佛本行經〕畢鉢羅耶童子。與跋佉羅女為夫婦。同偕梵行。周歷年載。終不同寢。此女既睡。一手垂地。忽有一蛇。而夫畏彼

蛇。螫其手。即衣裹手。擊於婦臂。安放牀上。後同投佛出家。〔道宣律師住持感應記〕佛告文殊。汝取我法角黃金為鈎。至彼比丘所。吹我出世曲。及起深定曲。門徒肅肅。學侶說說。通彼慈悲。〔觀佛三昧經〕如來功

德。慈悲無量。義無偏黨。〔書洪範〕無偏無黨。大通元年。縣中長宿〔雜寶藏經〕恭敬父母者。長宿老。傳普通等一百人。詣縣令范胥。連名薦述。

又以中大通四年。縣中豪傑。傅德宣等。道俗三百人。詣縣令蕭詡。具陳德業。夫以連城之寶。照庶之珍。野

老怪而相捐。工人迷而不識。〔魏文帝送玉珎書〕價越萬金。貴重連城。〔尹文子〕魏田父有耕於野者。得玉。以告鄰人。鄰人詐之曰。此怪石也。田父置於廡下。光照一室。怖而棄之。鄰人以獻魏王。召玉工相之。工曰。五城之都。

僅可一親。胥等體有流俗。才無鑒真。亟欲騰問。終成虧怠。梁高祖武皇帝。紹隆三寶。〔大寶積經〕菩薩脩定後。有十法。十脩定。能興正法。紹隆三寶。

弘濟四生。〔法苑珠林〕廣興六度。接引四生。〔觀佛三昧經〕時優闍王遙慕世尊。鑄金為像。是衆像之始也。神高仙豫。〔毗曇說〕仙豫國王殺五百婆羅門。生地獄中。發信心。生甘露國。夫以

陳蕃靜室，猶懷天下之心。

〔後漢陳蕃傳〕蕃常處一室，而庭宇無穢，曰大丈夫當掃除天下。

伊尹躬耕，思弘聖王之道。

〔見與宗室書〕

況我有慧日明炬。

〔文選王少頭陀寺碑〕注：慧日喻明也。〔法華經〕世尊以智慧為燈炬。

如風寶車。

〔華嚴經〕如風無所礙。濟是沈舟，能升彼岸。

〔智度論〕若能不退，成辦佛道，名到彼岸。〔涅槃經〕彼岸者喻如來也。

固

宜光宣正法。

〔菩薩本行經〕釋迦佛如來滅後，正法住世五百歲，像法住世亦五百歲。

影響人王者乎。

〔新翻大般若經〕擁護天王及人王等，令護正法，久住世間。

於是以大通六年

正月二十八日，遣弟子傅暉，出都致書高祖，其辭曰：雙林樹下，當來解脫。

〔法苑珠林〕三乘名義，解脫體同。

善慧大士，白國

主救世菩薩，今條上中下善，希能受持，其上善以虛懷為本，不著為宗。

〔法苑珠林〕由上昇樂行寂滅，不著不能發起，塵貪恚瞋，故名無苦無樂。

安

想為因，涅槃為果，其中善以治身為本，治國為宗，天上人間，果報安樂。

〔雜寶藏經〕況其果報，豈可量也。

其下善以護養衆

生，勝殘去殺，普令百姓，俱稟六齋。

〔涅槃經〕年常三長，月恆六齋，菜蔬節味。

夫以四海之君，萬邦之主，預居王土，莫不祗肅，爾時

國師智者法師，與名德諸衆僧等，言辭謹敬，多乖釋迦之書。

〔佛本行經〕太子復諮衆多阿闍黎言：此書凡有六十四種，未審尊者欲教我何書。

文牒卑恭。

翻豫山公之啓。

〔晉書〕山濤在典選，甄拔人物，各有題目，奏之時，稱山公啓事。

大士年非長老。

〔禪門規式〕西域人凡稱人道老臘長，呼為須菩提，如中國凡具道眼有可尊之德者，號曰長老也。

位匪

沙門。〔後漢書〕佛慈心為主，不殺生類，專務清靜，其精進者，號為沙門。漢言息心，蓋息意去欲，以歸無為也。通疏乘輿，過無虔恪。京都道俗，莫不嗟疑。陛至都，投太樂

令何昌，并有弘誓，誓在御路，燒其左手。以此因緣，希當聞達。昌以此書呈同泰寺僧皓法師，衆所知識。

名稱普聞，見書隨喜，勸以呈奏，皇心歡悅，遽遣招迎，來謁宸闈，亟論經典，同泰寺前臨北闕。〔漢書〕蕭何治未央宮，立東

闕北闕前殿。密邇南宮。有孝曰：〔杜田正譯〕云：漢建尙書百官府，名曰南宮。仍請安居，備諸資給。見長干寺碑。後徙居鍾山之下，定林寺遊巖倚樹。見

麗道書。宴坐經行。〔百緣經〕鸚鵡王見佛比邱，寂然宴坐，甚懷善悅。樹敏曰：〔付法藏經〕迦葉語婦：我若眠息，汝當經行，汝若眠息，我當經行。京洛名僧，樂府有煌。煌京洛行。學徒雲集，莫不提

函負帙，問慧諮禪，居蔭高松，臥依磐石，於是四徹之中，恆滋甘露。〔穆天子傳〕天子北征，至於臺玉之山，河平無險，四徹中繩，先王所謂策府。〔普曜經〕太子滿

十月已臨產之時，先現瑞應，三十有二，三諸天玉女持萬金餅，盛甘露，住虛空中。六旬之內，常雨天酒。〔正法念經〕彼夜摩天男共天女中入池遊戲，同飲天酒。豈非神僊影響，示現禎祥

者乎。帝於華林園重雲殿，自開講三慧般若經，窮須真之所問。〔佛性論〕要須真實，利益衆生，先自調伏。御法勝之高堂。〔起世經〕三

十三天集會坐時，於中惟論微細，善語深義，稱量觀察，皆是世間諸勝要法，真實正理。百千龍像。〔阿育王經〕昔阿恕伽王，以金鑄作龍像，及以王像，以稱稱之。尙瓊曰：是以諸天稱爲善法堂。先宮曰：〔長阿含經〕一時剎利諸天，集善法堂，有所講論。

道宣〔律師感應記〕又告婆竭龍王。汝可化身爲八萬四千黃金龍像。頭用七寶成。身以黃金作之。圍繞餐聽。〔增〕阿含經。于二百弟子前後圍繞。如來在中。黑貂朱紱。〔史記蘇秦傳〕黑貂之裘。散鳥朱紱方來。王侯滿

筵。國華民秀。〔國語〕季文子曰。吾聞以德榮爲國。華王制命。擢論秀士。升之司徒。曰選士。公卿連席。乃令大士獨榻。對揚天辰。〔書說命〕敢對揚天子之休命。并遣傳紹

及宣傳左右四人。接受言論。爾時納揆之於臺內。〔舜典〕納于百揆。百揆時敘。司隸之在殿中。杜預還朝。〔晉書〕平吳之後。杜預爲司隸校尉。

加位。馬防親貴。〔後漢馬防傳〕防貴寵最盛。與九卿絕席。舊儀縣席。皆等庶僚。以大士絕世通人。故加其殊禮矣。及玉輦升殿。〔范蔚宗

後漢輿服志。天子五路。以玉爲飾。雲蹕在階。〔崔豹古今注〕秦制。出警入蹕。謂出軍者皆警戒。入國者皆蹕止也。晏然箕坐。〔漢書〕郭解出人皆避。一人獨笑

視。曾不山立。〔樂記〕總于而山立。憲司譏問。愈見疑時。但答云。法地若動。則一切法不安。應對言語。皆爲爽異。昔漢

皇愛道。樂大不臣。〔漢郊祀志〕封樂大。天道將軍。令衣羽衣。立白茅。上受印以示不臣。魏祖優賢。楊叟如客。〔魏志〕文帝引楊彪待以客禮。河上之老。輕舉臨於孝

文。〔神仙傳〕河上公不知其姓氏。結草爲菴於河湄。讀老子漢文帝駕往詣之。嚴子之高。閒臥加於光武。〔後漢逸民傳〕太史奏客星犯帝座。帝笑曰。朕故人嚴子陵共臥耳。方其古烈。信可

爲儔。帝又於壽光殿。獨延大士。講論玄蹟。言無重頌。〔彌陀疏鈔〕梵語。祇夜多。此云重頌。句備伽陀。〔祖挺事苑〕梵言伽陀。此言諷誦。音會宮商。

義兼華藻，豈惟實積獻蓋，文成七言。〔維摩經云〕實積與五百長者子俱持七寶蓋來詣佛所，佛之威力令諸寶蓋合成一蓋，徧覆三千大千世界。釋子彈琴，歌爲千偈，而

已。〔長阿含經〕父王聞四子端正，曰：此真釋子也。〔雜阿含經〕過去世時，拘薩羅國有彈琴人，名曰鹿牛，有六廣大天宮，天女來至，拘薩羅國鹿牛彈琴，人所語言爲我彈琴，我當歌舞。天女於歌頌頌中自說所以生此因緣，彼人即便彈琴，彼六天女即便歌舞。

固非論經於白虎之殿。〔後漢丁鴻傳〕鴻字孝公，肅宗詔鴻論定五經，同異於白虎觀，時人語曰：殿中無雙丁孝公。應詔於金馬之門。〔漢書〕東方朔待詔金馬門，說義雲臺。〔後漢〕

民傳。厨簾伏而不謁，博士范升奏曰：受釐宣室。〔賈誼傳〕上方受釐坐宣室，可同年而語哉。自火運將終，民無先覺，雖復五胡內

蠱，蒼鵝之兆未萌。〔晉五行志〕懷帝永嘉元年二月，洛陽東北步廣里地，陷有蒼白二色鵝出，蒼者飛翔冲天，白者止焉。董養曰：步廣，周之狄泉盟會地也。白者金色，國之行也。蒼爲胡象，是後劉淵石勒相繼亂華。四海橫流，

夷羊之牧匪現。〔汲冢周書度邑解〕惟天不享於殷，發之未生，至於今六十年，夷羊有牧，飛鴻過野。樹敏曰：〔淮南子本經訓〕夷羊土神，商之將亡，見於商郊牧野之地。大士天眼所照，預覩

未來。〔雜寶藏經〕羅漢道。人尋卽入定，以天眼觀。摩掌之明，夙寤時禍。〔法苑珠林〕竺佛圖澄，西域人，時石勒與劉曜相拒，謀隙以問澄，澄曰：可禽耳。麻油塗掌，令視見之，曜被執，朱繩縛肘，後果獲之，如掌所見。哀羣

生之板蕩，泣世道之崩淪，救苦爲懷，大悲爲病，誓欲虛中閉氣。〔法苑珠林〕晉長安有沙公者，西域人，虛靖服氣，不食五穀，日能行五百里。識食爲齋，

非服名香。〔正法念經〕餓鬼大數有三十六種，十四食香鬼。〔法苑珠林〕宋釋慧益，廣陵人，頭竹林寺，積勤苦行，惟食香丸。但資禪悅。〔起世經〕閻浮提人等，飯羹豆肉等，名爲齋，段食按摩澡浴拭膏等，名爲微細食，自外三州

及六欲諸天等。並以麤段微細爲食。自此以上。色界無色天。並以禪悅法喜爲食。

方乃燒其苦器。〔涅槃經〕身爲苦器。憂長無量。

製造華燈。〔摩耶經〕龍樹菩薩法要。滅邪見。離然正法位。

願以此一

光明。徧照十方佛土。

〔因果經〕無量諸天。作諸伎樂。燒衆名香。散天妙華。隨菩薩滿虛空中。放大光明。普照十方。

勸請調御。

〔寶性論〕爲六種人故說三寶。一調御師。二調御師法。三調御師弟子。

常住世

間。救現在之兵災。

〔初中世界經〕二十小劫中。中間有小三災。二曰兵刀災。

除當來之苦集。

〔長阿含經〕諸比丘欲求光明者。當求苦集滅道光明。

於是學衆悲號。山門踊

叫。弟子居士徐普拔。潘普成等九人。求輸已命。願代宗師。其中或敲耳而刊鼻。或焚臂而燒手。善財童子。

重睹知識。

〔華嚴經〕彌勒領無量諸大菩薩。從他方來。彈指一聲。閻門遂開。善財即入。入已即閉。善財見一樓閣中。皆有彌勒。一一彌勒前。皆有善財。一一善財。皆悉合掌回願。詳答求官人書。

忍辱仙人。是馮相輩。

〔新婆娑論〕過去此賢劫中。有王名羯利時。有仙人號爲忍辱。住一林中。勤脩苦行。仙人便伸一臂。王以利劍斬之。王復命伸一臂。即復斬之。次斬兩足。復截兩耳。又割其鼻。〔史記傳斬傳〕陽陵侯傳寬。注引地理志云。馮相陽陵縣。

大士乃延其

教化。更住閻浮。

見長干寺碑。

弘訓門人。備行衆善。於是弟子居士范難陀。弟子比丘法曠。弟子優婆夷嚴比丘。

各在山林。燒身現滅。次有比丘寶月等二人。窮身繫索。挂錠爲燈。

〔說文〕錠謂之燈。〔呂靜韻集〕無足曰燈。有足曰錠。

次有比丘慧海

菩提等八人。燒指供養。

〔法華經〕能然手指。乃至足一指。供養佛塔。勝以國城妻子及三千大千國土珍寶而供養者。

次有比丘尼曇展。慧光。法織等四十九人。

行不食齋法。次有比丘僧拔慧品等六十二人。割耳出血。用和名香。奉依師教。並載在碑陰。書其名品。夫

二儀大德。所貴曰生。〔繫辭〕易有太極。是生兩儀。〔又〕天地之大德曰生。六趣含靈。所重惟命。〔婆娑論〕六趣之中。能止息意。故名為人。雖復夢幻影響。同歸

摩滅。〔諫王經〕世間榮位。如幻如夢。不可久保。〔付法藏經〕縱使富貴知天。終歸塵滅。愛使迷情。惟貪長久。〔法苑珠林〕龍樹菩薩。捨離欲愛。出定為道。〔老子〕天長地久。自非善巧方便。漏

和含羅。見長干寺碑。照以慈燈。〔梁陸倕誦法師墓志銘〕慈雲畫歇。慈燈夜昏。露其妙藥。〔付法藏經〕法豈或捨不貨之軀。而能行希有之

事。〔大品經〕若我聲聞弟子之中。欲行第一希有之事者。當為世間廣宣。如是大乘經典。若令割身奉鬼。聞半偈於涅槃。〔涅槃經〕佛言。我念過去作婆羅門。在雪山

羅刹像。住菩薩前。口說半偈云。諸行無常。是生滅法。菩薩即語羅刹。但能具足。說是偈竟。我當以身奉施供養。賣髓祠天。能供養於般若。〔雜譬喻經〕曠人王曰。吾本捕人。嘗持祠天。已得四百九十九人。今得癩一人。其數已滿。殺

以祠天。汝何不懼。國王對曰。且出宮時。路逢道人。為我說偈。即許施物。今未得與。以是為恨。今王弘慈。寬恕假日。施訖還來。不敢違要也。理當劓心靡吝。〔千佛因緣經〕雪山中有婆羅門。名牢度跋提。白夜叉言。我今不惜心之與血。即持利劍。破

胸出心。攢骨無疑者乎。〔彌勒所問本願經〕往過世有王太子。號曰蓮華。王見一人。身體病羸。曰。得王身體。以塗我身。其病乃愈。太子即破身骨。以得其髓。持與病者。大士小學之年。不遊鬻舍。

〔曲禮〕人生十年曰幼學。〔漢儒林傳序〕武帝時。太學生徒。動至數萬。郡國饗舍。悉皆充滿。大成之德。自通墳典。〔學記〕九年知類通達。強立而不反。謂之大成。左傳。左史倚相。趨過。王曰。是能讀三墳五典。八索九邱。安禱



合掌。〔惟無三昧經〕人求道安禪先當斷念。〔善現論〕禮佛時應繞三匝三拜四方作禮合十指掌又手於項卻行而出。說偈論經。〔三千威儀云〕出家人所作業務一者坐禪二者誦經法三者勸化衆事。滴海未盡其

書。〔大悲經〕如來爾時知彼水滴在大海中見知住處不與餘水共相和雜不增不減平等如故。〔又〕滴水者喻一發心微少善根大海者喻使如來應正徧知。懸河不窮其義。〔晉書〕王衍曰郭舉清言如懸河久而不竭。前後

講維摩思益經等。比邱智瓊傳習受持所應度者化緣既畢。〔新翻大阿羅漢難提蜜多羅所說法住記〕化緣既畢將歸涅槃。以大建元年朱明

始獻。見爲陳武帝書。奄然右臥。〔法苑珠林〕經云仰臥者是脩羅臥伏地臥者是餓鬼臥左脅臥者是貪欲人臥若右脅臥者是出家人臥。鶴齡曰〔中阿含經〕如來爾時將詣雙樹四壁鬱多羅樹以爲施坐僧伽梨爲枕右脅而臥足相

累而般。〔觀佛三昧經〕有王名曰雜寶華光于名快。將歸大空。見和尚爲說甚深般若波羅蜜經大空之義。二旬初滿三心是滅。見長干寺碑。爾時隆暑。〔晉潘岳射雉賦〕時暑忽隆燥。

便已赫曦。〔李頤悲四時賦〕悲炎節之赫曦。屈伸如常溫暖無異洗浴究竟扶坐著衣色貌敷渝光彩鮮潔爰經信次。〔詩疏〕一宿曰

宿再宿。〔道宣律師住持感應記〕十方諸佛各手捻香付彼爐中。宛若平生烏傷縣令陳鍾耆即往臨赴猶復反手傳香。皆如疇昔若此神

變無聞前古雖復青牛道士。〔漢武內傳〕封君達號青牛道士有病死者以竹管中藥與服皆愈。白馬先生。未詳。便遁形骸本慙希企若其滅定無

想彈指而石壁已開。〔樊法師傳〕婆毗吠伽論師執金剛神所誦金剛咒咒芥子雙於石壁豁然洞開時有百千萬衆親親驚歎論師跨門再三願命衆人唯有六人從入論師入已當即石門還合如壁。炯曰〔華嚴經〕入法界品爾時

善財童子。敬繞彌勒菩薩。合掌白言。惟願大聖開樓觀門。令我等入。彌勒菩薩即彈右指門。自然開。善財即入。入已還閉。法王在殯。申足而金棺猶啓。〔傳燈錄〕佛滅後。有第一祖迦葉。至雙林樹間號泣。佛於金棺內現雙足。

非斯矣。莫與爲儔。遺誠於雙林山頂。如法燒身。一分舍利。〔法苑珠林〕舍利者。西域梵語。此云骨身。舍利有三種。一骨舍利。色白。二髮舍利。色黑。三肉舍利。色赤。若佛舍利。推打

不被。若弟子舍利。推擊便破。起塋於冢。一寸舍利。起塋在山。又造彌勒像一軀。置此雙塋。莫移我眠牀。當取法猛上人。織

成彌勒像。永安牀上。寄此尊儀。見諫羅道書。以標形相也。〔賢愚經〕此袈裟。乃是三世聖人標相。於是門徒巨痛。遂爽遺言。用震旦之

常儀。〔華嚴經〕震旦國有一住處。名那羅延窟。從昔已來。諸菩薩衆於中止住。法苑珠林。東夏九州。名西域爲天竺者。是總名也。或云身毒。如梵稱此方爲脂那。或云眞丹。或作震旦。此蓋承聲有楚夏耳。乘閻維之舊法。〔大悲經〕迦

葉以己身火圍維其身。圍維身已。灰炭不現。擬曰。〔法苑珠林〕髮爪兩塋。衣影二臺。皆是如來在世已見成軌。自收迹河邊。圍維林外。八王請分還國起塋。及餅炭二所。於是十刹興焉。四部皆集。〔法苑珠林〕實頭盧往西

闍浮提四部弟子。思悲同白車。〔傳燈錄〕法達念法華經三千部。禮祖不投地。六祖曰。無念念即正。有念念成邪。有無俱不計。長御白牛車。七衆攀號。〔圓覺經〕比丘。比丘尼。式叉

衆。優婆塞。優婆夷。此哀踰青樹。〔梁元帝集內典碑銘集林序〕曰。白林將謝。青樹已列。弟子比邱法璿。菩提智瓊等。以爲伯陽之德。真桓紀於

賴鄉。〔史記〕老子姓李名耳。字伯陽。楚國苦縣賴鄉人。〔續漢書〕桓帝夢老子。令中常侍左悺於賴鄉祀之。詔陳相邊韶立祠。兼刻石金石錄。苦縣老子銘。舊唐書文并書。仲尼之道。高碑畫於魯縣。〔祀禮記〕孔

子廟列七碑無像。亦有揚雄弟子〔漢揚雄傳〕雄卒侯〔後漢鄭玄傳〕玄卒門生相與撰玄〔漢〕俱述清猷。載刊玄

石。〔水經注〕杜預曰。梁國蒙縣北有薄伐城。城中有成湯冢。今城內有故冢方墳。疑卽杜元凱所謂湯冢者也。而世謂之王子喬冢。其後有人著大冠絳單衣。杖竹立冢前。呼采薪孺子伊永昌曰。我王子喬也。勿得取我墳土樹也。忽然不見。國相東萊王瑋。以爲神聖所

與必有銘表。乃與長史乾邊遂樹之。玄石紀頌遺烈。於是祈聞兩觀。〔何休曰〕天〔書禹貢〕冒涉三江。〔禮紀〕王言〔禮紀〕王言。爰降絲綸。如絲其出如綸。克成豐琖。陵

雖不敏。夙仰高風。輕課庸音。乃爲銘曰。

大矣權迹。勞哉赴時。或現商主。〔佛本行經〕難尸馬王。卽我身是。五百人中商主者。卽舍利弗是。五百商人。卽刪闍邪波羅婆閣迦諸弟子等五百人是。聊爲國師。卑同巧匠。〔增

含經〕優填王敕國出巧匠。會以〔智度論〕菩薩不應遠離。猗與開士。〔法苑珠林〕開〔法苑珠林〕開。類此難思。當來解脫。牛頭栴檀。作佛供養。晨夕禮拜。諸佛譬如病苦。不離良醫。士應真。導揚末教。

克紹迦維。〔普曜經〕佛兜率天降神於西域。迦維衛國淨梵王宮。摩耶夫人剖右脅而生。兆養曰。〔因異經〕妙道猶祕。太子身黃金色。三十二相。放大光明。普照三千大千世界。迦維羅衛國。三千日月。萬二千天地之中央也。

〔法苑珠林〕邪惑問方外。對〔智度論〕佛成道已。不卽說法。於〔法苑珠林〕昔天竺雞頭摩寺五蓮。日捨摺紳之容。亦何傷於妙道。機緣未適。五十七日。今檢括機緣。然後說法。弗降雞頭。〔法苑珠林〕菩薩往安樂界。請阿彌陀佛。娶妻衆生。

願生淨土。無佛影像。願力莫由。請〔摩耶經〕摩訶迦葉。寧開狼迹。〔摩耶經〕摩訶迦葉。於狼迹山中入滅盡定。北地爰徙。東山攸宅。族貴泥陽。宗分蘭石。〔魏志傳〕蝦

蝦

字蘭石。北地泥陽人。傳介子之後也。莫測其本。徒觀其迹。邈有蒲塞。心冥世雄。明宣苦苦。〔法句喻經〕佛言。天下之苦。莫過有身。身者衆苦之本。離世苦本。當求寂滅。妙鑿空。

空。〔孔稚圭北山移文〕汲引三界。〔自誓三昧經〕三界。一欲界。二色界。三無色界。行藏六通。〔華嚴經〕六通。一天眼。二天眼。三地心。四宿命。五神足。六漏盡。爰初隱逸。冥處林

叢。〔祖挺事苑〕梵語貧婆。此云叢林。譬如大樹。叢叢故僧聚處得名叢林。食等餐露。齋疑服風。〔求離牢獄經〕此等梵志服風食氣。敬禮珍瑜。見宋司徒寺碑。歸依靈像。〔法苑珠林〕故釋伽云。

今此身。卽是法身。由是法身。所依持故。如泥木靈像。遠有所表。敬誠設禮。獲福無量。未若天尊。躬臨方丈。〔太玄真一本際經〕運道一切爲極尊。而常處三清。出諸天上。故稱天尊。忠柱曰。〔法苑珠林〕唐顯慶中。王玄策使西域。有

維摩詰石室。以手板縱橫量之。得十笏。故名方丈室。讀此碑。則唐之前。已有此名矣。慧炬常照。慈燈斯朗。〔長阿含經〕燈燭之明。不如炬火。釋梵天仙。〔大悲芬陀利經〕佛言。我於此闍浮提。爲轉輪王。名曰燈明。卽捨

諸林。求梵仙行。晨昏來往。濟濟行法。洗洗談講。德秀臧丈。〔莊子〕文王親於臧。見一丈人釣。而其釣莫釣。遂迎臧丈人而授之政。以爲太師。風高廣成。〔莊子〕黃帝聞廣成子在於空同

之上。故來儀上國。〔益稷〕鳳皇來儀。史記。徐君好季札。爲使上國。未獻。抗禮承明。〔漢汲黯傳〕大將軍青既益尊。黯與元禮。〔嚴助傳〕帝賜助書曰。君厭承明之廬。勞侍從之事。妙辯無相。深言

不生。〔楞嚴經〕除住三昧。是名無生。撞鐘比說。〔樂記〕善待問者如撞鐘。擊鼓慙英。樂論天口。〔漢劉歆七略〕齊田駢好談論。齊人語曰。天口駢。天口者言不可窮。誰其與京。

〔左傳〕懿氏卜妻敬仲。占之曰。八世之後。莫之與京。乍現仙掌。爰標神足。色豔沈檀。〔楞嚴經〕白栴檀塗身。自能除一切熱惱。香踰簪菊。〔經云〕如入薝蔔林中。聞薝蔔花香。不聞他香。樹屏

日。〔華嚴經〕有我有邊際。〔付法藏經〕流轉生死無有邊際。隨機延促。誓毀身城。〔法句經心意品〕當開心獄。〔唯識論〕善惡熏心。令心異見。實無地獄是

故心外。雖無地獄。惡業成時。強自妄見。忽示泡影。〔金剛經〕俄如風燭。〔法苑珠林〕命如風燭。難可駐留。噉噉門人。承師若親。寧焚軟疊。〔涅槃經〕菩薩為法因緣。刑

身為燈。髣髴皮肉。酥油灌之。燒以為炷。尙瓊曰。〔菩薩處胎經〕八大國王各持五百張白髣。栴檀木蜜。盡內金棺。裹以五百張髣。纏裹金棺。復五百乘車。載香酥油。以灌白髣。爾時世尊欲入金剛三昧。碎身舍利於娑婆世界。弗燎香薪。〔新婆

是上座親肉。是菩薩肉。共取香薪。焚燒其肉。合窟為空。〔觀佛三昧經〕佛初留影石室。在那乾阿羅國。毒龍池側。爾時世尊從石窟收其餘骨。起窣堵波。禮拜供養。如事佛壇。出時。龍聞佛還國。啼哭雨淚。佛安慰龍。我受汝請。當坐汝窟中。經千五百歲。佛

坐窟中。作十八變。躡身入石。猶如明鏡在於石內。映現於外。諸天百千供養佛影。影亦說法。迄今猶現。方墳以堙。〔法苑珠林云〕所云墳者。或云墳。此云方墳。須彌據海。〔起世經〕於須彌山。佉提羅

萬四千由旬。變灰揚塵。〔曹毗志怪〕漢武帝鑿昆明池。極深。悉見灰墨。無復土。以問東方朔。朔曰。試問西域胡。至明帝時。外國道人入洛時。有憶朔言。問之。胡人云。經云。天地大劫將盡。則劫燒。此劫燒之餘。詳與楊僕射書。淨土無

壤。〔法苑珠林云〕西方常清淨。靈儀自真。〔法苑珠林〕梁武帝捨道文曰。鑿靈儀於象外。何時涌壘。復睹全身。〔法苑珠林〕阿育王遣使浮海。壞撒諸壘。分取舍利。還值風潮。願

有遺落。故今海族之中。時或遇者。〔智度論〕佛問阿難。吾在龍宮說法。龍子得道。留全身舍利。高一百三十丈。汝知不。

天台山徐則法師碑

〔北史〕徐則。東海剡人也。杖策入籍雲山。不娶妻。常服巾褐。陳太建中。應召來。憩於至真觀。朞月。又辭入天台山。太傅徐陵為之刊山立頌。晉王廣鎮揚州。聞其名。手書召之曰。夫道得衆妙。法體自然。包

頑二儀混成萬物。人能弘道。道不虛行。先生履德養空。玄宗齊物。深曉義理。頗味法門。悅性沖玄。恬神虛白。髮松餌朮。栖息樾  
霞。望赤城而待風雲。遊玉堂而駕龍鳳。雖復藏名台岳。猶且躋寶江淮。藉甚嘉猷。有勞籍隸。欽承素道。久積虛靈。爾夕幽人。夢  
想巖穴。霜風已冷。海氣將寒。偃息茂林。道體休愈。昔商山四皓。輕舉漢庭。淮南八公。來儀藩邸。古今雖異。山谷不殊。市朝之隱。  
前賢已說。導凡述聖。舍先生而誰。故遣使人。往彼延請。想無勞束帛。貴然來思。不待蒲輪。去彼空谷。希能風已。佇望披雲。遂詣  
揚州而死。  
年八十二。

夫海水揚塵。幾千年而可見。

見與楊僕射書。

天衣拂石。幾萬歲而應平。

觀佛三昧經。諸佛化作八萬佛樹。師子之座。今譯迦樹最短。若干天衣而布其上。樹敏曰。樓炭經。

有一大石。方四十里。百歲諸天來下。取羅毅衣拂石。盡劫猶未窮。

至人者。譬彼晨昏。方乎晷刻。固非俗士之所能言。寰中之所能量者也。至如不

死之草。猶稱南裔。

博物志。禹戮防風。防風二臣。恐以刃自貫其心而死。禹哀之。拔其刀。療以不死之草。

長生之樹。尚挺西崑。

淮南子。昆侖山有層城九重。高萬一千里。上有不死樹在其西。百紀

遊龜。皆登蓮葉。

史記龜策傳。神龜巢蓮上。抱朴子。千歲龜五色具焉。解人言。或浮於蓮葉之上。或在叢著之下。

千齡壽鶴。或舞松枝。

見傳大士碑。

假矣生民。何其天脆。譬

彼風電。

隨願往生經。四大假合。形如芭蕉。中無有實。又如電光。不得久停。

同諸泡沫。

中阿含經。譬如大雨滴泡。一生一滅。

琢火之歎。聞諸往賢。

劉勰新論。人之短死。猶如石火。燦然以過。逝

水之悲。嗟乎前聖。

論語。逝者如斯夫。不舍晝夜。

樵人看博。信未始乎淹留。

異苑。昔有人乘馬山行。遙岫裏有二老翁相對。樵者遂下馬以策拄地而觀之。自謂俄頃。視其馬鞭。漉然已爛。而

其馬鞍骸枯朽。既還至家。無復親屬。仙客彈琴。固不移於俄頃。〔琴書〕琴高以琴養性。初學於羅浮山。後遊四海。然而子孫皆其數世。〔幽明錄〕漢永平中。劉晨阮肇采藥。失故道。行至溪畔。

二女迎歸。食以胡麻飯。求去。指示之。至家已七世矣。鄉黨咸為草萊。是以志士名賢。飄然長驚。躁躡榮利。見答周處士書。懸穢風塵。服冕乘軒。其猶

桎梏。朱庭紫閣。事甚樊籠。〔南史〕楊休之不樂煩職。曰此官真是樊籠。隱淪巖洞。〔桓譚新論〕天下神人。五日神仙。二日隱淪。餐餌芝髓。忽矣身輕。見玉臺新詠序。俄

然羽化。〔訓解故事〕道士亡曰羽化。金繩玉版。受謁帝之符。見丹陽碑。龍駕霓裳。處仙官之錄。〔晉郭璞華山贊〕誰其遊之。龍駕霓裳。法師蕭然道氣。

卓矣仙才。〔漢武內傳〕西王母云。劉徹好道。然形慢神穢。雖語之以至道。殆恐非仙才也。千仞孤標。萬頃無度。見歐陽頎碑。所以伊川控鶴。〔列仙傳〕王喬。周靈王太子。若也。好吹笙。作

鳳鳴。遊伊洛之間。浮邱公接以上嵩高山。後於山上見桓良。曰。告我家。七月七日待我於緱氏山頭。至日果乘白鶴駐山巔。葉縣乘鳧。〔風俗通〕孝明帝時。尚書郎河東王喬。遷為葉縣令。喬月朔常詣葉朝。明帝怪其來數而無車騎。密令太史候望。言其

臨至時。常有雙鳧從東南飛來。因候伺。見鳧舉羅。得一雙鳧。使尙方識。乃四年所賜尙書官履也。靈化無方。道還斯在。銘曰。

來去三島。〔神仙傳〕海上有三神山。曰蓬萊。曰方丈。曰瀛洲。謂之三島。賓遊二童。見玉臺新詠序。然香雨上。擊磬雲中。玉粒雖軟。見長干寺碑。金膏未銘。〔穆天子傳〕

河伯示汝黃金之膏。方流道業。濟彼昏蒙。

頌

皇太子臨辟雍頌有序

臣聞天大王大詳於道德之言。見勸進表天文人文顯於爻象之說。見易是以大君革命黔首所以庇焉聖人創

物文籍所以生焉。或由此道制為民極莫不對越上靈。裁成庶類濟世育德。昭彼昆蟲。皇帝世膺下武。體

茲上德。見勸進表握天鏡而授河圖。見丹陽碑執玉衡而運乾象。見舜典皇太子耀彼重離。光茲七鬯。儀天以文。化成天

下。俱見易侍中國子祭酒新安王。南史新安王伯固文帝第五子天嘉六年立為新安郡王十年為國子祭酒頗知玄理而墮業無所通至於積旬問難往往有奇意宗室羽儀。易其羽可用為儀

衣冠準的。後漢馬援傳為天下表的惟善為樂。後漢書明帝問東平王虛家何等最樂王曰為善最樂造次必儒。漢景十三王傳河間獻王德被服儒術造次必於儒者粵以十一年

三月二十一日受詔弘宣發論語題攝齊升堂。見論語攝衣即席。曲禮將即席容母作詳讓表對揚天人開闢大訓清言既

吐精義入神。見繁辭利德爰動音辭鋒起問難泉涌。後漢馬援傳謀若涌泉辨紛綸之異。見與宗室書定倫理之疑。玉振鏘鏘。

孟子孔子之謂集大成集大成也者金聲而玉振之也秩臣曰後漢樊準傳詳覽羣言響如振玉雲浮雨布介王奉繫聖蹤馳辨秀出信令張禹慙其師法。漢張禹



傳。禹字子文。河南緡人也。蕭望之奏禹經學精習有師法。可試事。久之。試為博士。詔令禹授太子論語。

何晏忸其訓詁。

通考引隋經籍志。善論語。吏部尚書何晏為集解。梁陳之時。唯鄭玄何晏立於國學。

穆穆焉洋洋

焉。此實虞朝之盛德。生民之壯觀者也。臣抑又聞之。魯頌聿興。史克宣其懿。

小序。頌。魯公也。季孫行父請命於周。而史克作是頌。

晉雍

大啓。王虞逞其辭。

晉王虞傳。虞字世將。為漢陽太守。元帝作鎮江左。虞塞郡過江。及帝即位。虞奏中興賦。

所以述休平之風。揚君上之德。輕以下才。敢為頌

曰。

皇運勃起。膺圖受命。紫蓋東臨。黃旗南映。

吳志。陳紀曰。舊說黃旗紫蓋。運在東南。

積仁累德。重明疊聖。四海無浪。

見與王僧辯書。

三階

已平。

黃帝泰階六符經。泰階者。天之三階也。三階平則陰陽和風雨時。

儲駕戾止。和鸞有聲。弘風講肄。

北堂書鈔。孔臧與子琳書。講肄書傳。

崇儒肅成。丹書貴道。

竹書紀年。西伯發受丹書於呂尙。

黃金賤籊。

漢章賢傳。遺子黃金滿籊。不如教子一經。

洙泗興業。闕里增榮。

孔子世家注。伍緝之從征記。闕里背洙面泗。

銘

太極殿銘有序

夫紫蓋黃旗。揚都之王氣長久。

見辟雍頌。

虎踞龍蟠。金陵之地體貞固。

見勸進表。

天居爽塏。

左傳。景公欲更晏子之宅。曰。請更諸爽塏者。

大寢

尊嚴。〔張衡西京賦〕正殿路寢。〔注〕周曰路寢。漢曰正殿。高膺。疑作端門。〔天官書〕太微三光之廷。匡衡十二星。藩臣中端門左右掖門內六星。諸侯其內五星。五帝座。仰模營室。〔天官書〕紫

抵營室。曰闕道。注正義。歸於有德。譬彼河圖。見丹陽碑。傳我休明。義同商鼎。〔左傳〕王孫滿對楚子曰。昔夏之方有德也。鑄鼎象物。桀有昏德。鼎遷於商。封暴虐。鼎遷於周。德之

休明。雖小重也。太極殿者。法氏象九王者之位以尊。〔天官書〕三元為瓊廟。注。元命包曰。元四星為廟廷。〔又〕氏為天根。〔注〕星經云。氏四星為路寢。聽朝所居。左平右城。天子之

堂為貴。〔初學記〕歷代殿名。或潛或革。惟魏之太極。自晉以降。正殿皆因之。擊虞決疑要注云。其制有陛。右壙左平。平以文磚。相亞次。壙者為階級也。九錫之禮。納陛以登。謂受此陛以上殿。往朝煨燼。多歷年所。世道

隆平。宜其休復。監軍鄒子度啓稱。即日忽有一大梓柱。從流來泊在後渚岸。〔陳武帝紀〕初侯景之平也。太極殿被焚。承聖中。議欲營之。獨闕一柱。

永定二年秋七月。有樟木大十八圍。長四丈五尺。流泊陶家後渚。監軍鄒子度以聞。詔中書令沈衆兼起部尚書。構太極殿。嵯峨容與。若漢水之仙槎。〔荊楚歲時記〕漢武帝令張騫使大夏。尋河源。乘槎經月而至。搖

漾波濤。似新亭之龍刹。未詳。孤拔靈山。允昭天貺。昔梁氏承聖。將圖繕脩。東虜窺江。西胡犯蹕。定之方中。亟

興師旅。揆之以日。輒有災故。〔詩〕定之方中。作于楚宮。揆之以日。作于楚室。是知秦人所止。實漢祖而為宮。見與王僧書。吳都佳氣。乃元皇

而斯宅。〔晉陽秋〕秦時望氣者曰。東南有天子氣。五百年有王者興。始皇遂東遊以厭之。改金陵為秣陵。孫權又改爲建業。至晉元帝適逢其時。千楹赫奕。萬拱峻層。〔晉何晏景福殿賦〕橫植各落以相承。樂拱天矯而交

結〔注〕橫曲短梁也。藥以承拱拱以承科。植綠菱而動微風。舒丹蓮而制流火。〔風俗通〕殿堂象東井形。刻作荷菱荷菱水物也。所以厭火。甘泉遠望。觀正殿之嵒燦。

〔揚雄甘泉賦〕 函谷遙看。美皇居之壯麗。〔漢書〕高祖七年。至長安。蕭何似紫宮之嵒燦。信乎齊三光而示宇宙。〔尸子〕上下四方曰宇。往古來今

曰宙。詳勸進表。會萬國而朝諸侯。〔史記夏本紀〕禹會諸侯於塗山。執玉帛者萬國。爰命微臣。乃為銘曰。

雍時相望。〔封禪書〕雍勞故有吳陽武時。雍東有好時。皆廢無祠。故秦文公立時。郊上帝諸神。祠皆聚云。參差未央。偃師回顧。崔嵬德陽。僕射書。高捫太乙。〔揚雄甘泉賦〕配

帝居之懸圃兮。象太乙之威神。〔注〕太乙天神也。正睹瑤光。〔張衡西京賦〕上飛闕而仰眺。正睹瑤光與玉繩。峨峨靈柱。赫赫流樟。美哉宮室。〔孟子〕為宮室之美。嘉哉令疑作

本作。日〔玉燭寶典〕正月一日為元日。亦云上日。御辰垂旒。〔禮記〕天子玉藻。十有二旒。詳為真陽侯書。當朝靖蹕。見傳大士碑。樂備韶夏。〔左傳〕韶衛舜樂。大夏禹樂。禮兼文質。

〔論語〕 帝旅無喧。王旗斯謐。〔擊虞決疑要注〕晉制大會於太極殿。其會則五時朝服。庭設金石。虎賁旒頭。文衣繡尾。肅肅卿士。〔詩召南〕邕邕承弼。〔書周命〕文質彬彬。

弱厥漢座雕屏。〔謝承後漢書〕鄭弘為太尉時。舉第五倫為司空。班次在下。每正朔朝。見弘曲躬自卑。上問知其故。遂聽置畫母屏風。分隔其間。由此為故事。周人楹櫺。城隅有勒。〔詩〕靜女其

殿省皆銘。況復皇寢。宜昭國經。方流典訓。永樹天庭。〔揚雄甘泉賦〕開天庭兮延羣神。

報德寺刹下銘

昔者明王大孝。感動神祇。助月致景星之祥。

見孝義寺碑。

非煙流慶雲之色。

〔史記〕若煙非煙。若雲非雲。郁郁紛紛。蕭索輪囷。是謂慶雲。

然而嚴敬

之道。惟事盡於配天。明發之懷。誠不過於饗帝。

〔禮記祭法注〕祀天以始祖配。〔祭義〕莊敬則嚴威。〔又〕惟聖人為能饗帝。孝子為能饗親。又祭之日。明發不寐。饗而致之。又從而思之。

豈如以梵宮之樂。資乎廟堂。淨土之因。

見長干寺碑。

歸於園寢。雖復青雲譙郡之境。

〔魏志〕文帝生於沛國譙郡。時有雲氣青色而圓如車蓋。當於其上移

日。望氣者以為至貴之證。

碧泉。

疑作白水。

春陵之鄉。〔東觀漢記〕光武出自長沙定王。定王生春陵節侯。至孫孝侯。改封白水鄉。因故國名曰春陵。

上幼懷疑重。未曾遊陟。年將志學。即

事登庸。宣力淮潯。屬有嘉夢。其夢也。畢陌弘敞。

〔後漢郡國志〕右扶風高帝改安陵。〔注〕皇覽曰。縣西北畢陌。秦武王家。

橋山屈盤。

〔帝王世紀〕黃帝葬於上郡陽周之橋

山。氣象靈長。風煙騰薄。使疑作便。隊雙表。

〔續搜神記〕有鶴集遼東城門華表柱。先宮曰。〔漢書音義〕便房。藏中便坐也。

其高百尋。左則青龍蟠蜿。右則

白虎蹲踞。

〔曲禮〕左青龍而右白虎。

軒轅之駕。譬婉婉而多慙。

漢郊祀歌。上曰。吾聞黃帝不死。有冢何也。或對曰。黃帝以仙上天。羣臣葬其衣冠。

吳王之墳。狀耽耽而非

擬。

〔吳錄〕孫堅墓上數有光如雲氣五色。上屬天下。蔓延數里。

有人指其地云。此是國陵。自爾迄永定初。其間二十有餘年。至歲紀頻移。崇

望乃作觀其山川形勢王相徵圖〔後漢趙岐孟子天時注〕瞻拜高巒宛如前夢大矣哉孝悌之至通於神明者與銘曰

壯矣金表見傳大土碑傍依墻垣〔漢靈鑄傳〕內史府居太上廟垣中高連彩霓〔班固西都賦〕極眺翔鷗擬作鷗莊子北溟有魚其名為

鷗化而為鳥其名為鷗怒而飛其翼若垂天之雲〔吳苑〕陳思王植常登魚山忽聞強岫裏有誦經聲清道深亮之徒於南溟也水擊三千里搏扶搖而上者九萬里梵偈宵唱遠谷流響不覺殷禱祇敬便效而則之今梵唱皆植依擬所造雲

花晝翻未詳按〔崔豹古今注〕黃帝與蚩尤戰常有五色雲氣金枝玉葉止於帝上有花葩之象因而作華蓋三心斷縛六道除怨見與李那書趙夢天樂見讓表秦遊帝關〔張衡西

京賦〕昔者大帝悅秦穆公而觀之饗以鈞天廣樂王靈在上巨勝奚論未詳福彼羣品俱排大昏皇家七百於萬維孫〔左傳〕王孫滿對楚子

三十卜年七百天所命也〔詩〕於萬斯年

塵尾銘秦原曰漢書地理志儋耳珠崖郡山多塵尾注師古曰塵似鹿而大塵似鹿而小塵音主塵音京

爰有妙物〔繫辭〕神也者妙萬物而為言者也窮茲巧制員上天形繫辭乾為天為圓平下地勢〔易〕地勢坤靡靡絲垂縣縣縷細八頁宜吳

出先陪楚。未詳。壁懸石拜。〔晉陽秋〕石勒僞事王浚，浚遺物塵尾，勒爲不執置之於壁，朝拜之曰：見王公所賜，如見公也。帳中王舉。〔晉書〕王衍美貌，每提玉柄塵尾與手同色。既落天花。〔雜摩詰

經〕天女以天花散諸菩薩，卽皆墮落。至大弟子，便著不遺。天女曰：結習未盡，故花著身。結習盡者，花不著身。亦通神話。未詳。用動舍默。出處隨時。〔繫辭〕君子之道，或出或處，或默或語。揚斯雅論。釋

此繁疑。拂靜塵暑。〔晉王導塵尾銘〕勿謂質卑，御於君子，拂穢清暑，虛心以俟。原曰：秦嘉婦與嘉書曰：今奉毛牛尾拂一枚，可拂塵垢。引飾妙辭。〔漢李尤塵尾銘〕揮成德柄，言爲訓辭。誰云質賤。左

右宜之。詩：左之右之。無不宜之。

### 哀策文

#### 陳文帝哀策文

〔後漢書禮儀志〕大常上啓奠。太祝令跪讀策。太尉再拜稽首。治禮告事畢。太尉奉策，還詣殿門。太常上祖奠。東園武士載大行。司徒御行道立車前。治禮引太尉入就位。大行車西少南。東面奉策。太史令奉哀策立後。太常跪曰：進。皇帝進。太尉讀策。藏金匱。皇帝次科藏於廟。太史奉哀策，奉策詣陵。司徒跪曰：大駕請舍。太史令自車南北面讀哀策。策放在後。司徒跪曰：請就下位。東園武士奉下車。司徒跪曰：請就下房。都導東園武士奉車入房。司徒太史令奉盤哀策。東園武士執事下明器。詳孝義寺碑。

維太康元年太歲丙戌四月丁未朔二十七日癸酉大行皇帝崩於有覺殿。〔漢靈光傳〕行蓋大行前。〔注〕章昭曰：大行不反之辭也。殯

於太極之西階。粵六月丙寅將遷於永寧陵。禮也。宮車晚出。〔江淹恨賦〕宮車晚出。〔注〕宮車晚出猶云晏駕也。幄殿晨張。〔後漢禮儀志〕司徒跪

曰請就。旌帷具列。〔檀弓〕銘明旌也。以死者為不可別已。故以其旗。識之。〔又〕曾子曰。尸未設飾。故帷堂。小斂而徹帷。綽綽成行。〔雜記〕升正柩。諸侯執紼五百人。匠人執羽葆御柩。〔檀弓〕顏柳曰。天子龍輅而椁。〔檀弓〕天子之殯。

哀子嗣皇帝諱。〔雜記〕祭稱哀子。孝孫。喪稱哀子。哀孫。擗屐輅於丹陛。〔謝朓齊敬皇后哀策文〕擗屐而延首。注。屐車也。四輪迫地而行。有似屐。因名。攀龍帷於紫庭。〔檀弓〕天子之殯。

也。敢塗龍楯以棹。〔注〕敢。木以周龍楯。如棹而塗之。天子殯以楯車。畫轅為龍。趨過窮於屏闈。〔論語〕鯉趨而過庭。拜慟感於明靈。東京飛其瑞露。〔後漢明帝紀〕永平十七年。甘露。

降於甘陵。按〔安帝紀注〕甘陵。孝德皇后之陵。因以為縣。北陸實其祥星。乃詔雲臺之史。〔樂汁圖經〕稽采咸池之曲。〔樂汁圖經〕叶大雅於鳴金。

見歐陽。同藏書於羣玉。〔穆天子傳〕穆天子西登昆侖。見王母。曰。登已至於羣玉之上。先王所謂策府也。其辭曰。

若水傳帝。〔帝王世紀〕少昊帝名摯。字青陽。姬姓。降居若水。有聖德。邑於窮桑。以登帝位。熏風御民。〔帝王世紀〕舜作五弦之琴。以歌南風。之詩曰。南風之薰兮。可以解吾民之愠兮。重光所集。〔崔豹古今注〕漢

明帝為太子。樂人作歌。世載於陳。〔班彪王命論〕弈世載德。赫矣高祖。悠哉上旻。蟬聯寶胄。〔梁沈約曰〕暉煥郊禋。〔見與楊僕射書〕我皇

誕聖。膺此家慶。〔易〕積善之家。必有余慶。道主衢鑄。〔淮南子〕聖人之道。猶中衢而設尊。神凝懸鏡。〔莊子〕聖人之心也。若鏡。不將不迎。應而不藏。故勝物以無傷。洛書天表。河

紀靈命〔尚書中候〕堯沈璧於洛玄龜負書出背甲赤文成字止瓊〔又〕沈璧於河黑龜出文題納揆馳芳賓門流詠〔彞典〕納于百揆百揆時序賓於四門四門禮禮積陰克伐〔易〕高宗伐鬼方

三年克之積陰〔禹貢〕震澤底定〔南史〕章昭達傳〔文帝為吳興太守武帝謀討王僧辯令文帝還長城招聚兵衆以備杜蘓僧辯誅後昭達因從文帝進軍以討蘓龜平又從討張彪於會稽克之〔杜蘓傳〕龜為襄州刺史會稽山陰也震野勤王〔杜蘓傳〕龜為襄州刺史

毫道增構〔殷本紀〕湯始居亳從先王居〔注〕孔安國曰契父帝嚳都亳湯自商邱遷焉故曰從先王居斷風會昌詩有斷風樹屏曰〔左思蜀都賦〕天帝運期而會昌言瞻少昊實仗高陽

〔帝王世紀〕顛項高陽氏生十年而佐少昊二十年而登帝位駕彼輪葛見與王太尉書清宮未央見侯安都碑歡覃兆庶德泊遐荒穆齋高寢〔漢宣帝紀〕神爵集高寢

上膳長樂〔漢高祖紀〕五年後九月治長樂宮肅肅承顏哀哀薦酌悼園恭儉〔漢戾太子傳〕納史良娣產子男進號曰史皇孫史皇孫子是為孝宣帝有司奏親臨宜曰悼皇母曰悼后比諸侯王

園置奉邑〔後漢地理志〕章陵故春陵世祖更名大寶崇名〔繫辭〕聖人之大寶曰位無間改作纂武升歷〔禮記〕孔惺鼎銘獻公乃命成叔纂乃祖服遺愛實

繁〔左傳〕子產卒仲尼出涕曰古之遺愛也〔仲應之語〕實繁有徒三湘九派〔水經〕江至潯陽分為九道詳與王僧辯書沴氣雲昏〔後漢五行志〕氣之相傷謂之沴力折天柱才傾地門

見侯安〔漢文帝紀〕甘泉夜照烽火及甘泉宮細柳朝屯見為陳武帝書谷魅山鬼〔左傳〕王孫滿曰魑魅罔兩莫能逢之〔秦本紀〕始皇曰山鬼固不過知一歲事也橫流塞源

〔黃帝兵法云〕涓涓不塞將為江河詳丹陽碑赫赫英華赳赳雄斷徧行天討無遺神算鬱掃江淮長驅巴漢九夷百越〔書〕庶幾惟克商遂通



道于九夷八蠻。啓源曰。漢高帝紀。詔曰。雷隨風渙。北俘昆邪。漢匈奴傳。昆邪王殺休屠王。并將其衆降漢。西戡伊軻。後漢西域傳。明帝取伊吾盧。通西域。

秩臣曰。漢西域傳。武帝遣人使安。負荷皇極。書洪範。皇建其有極。劬勞庶幾。後漢章帝紀。孝明皇帝。聖德溫茂。勤勞日昃。注。日昃。日暝也。詩。庶幾夙夜。勤民聽政。肝

食宵衣。書無逸。文王自朝至于日中。昃不遑暇食。用咸和萬民。左傳。伍奢曰。楚君大夫。其肝食乎。漢鄒陽傳。孝文皇帝。據關入立。寒心銷志。不明求衣。服貴絺皁。漢書。孝文皇帝身衣弋絺。風移闔闢。漢書。

孝文皇帝所幸慎。唐山罷奏。漢禮樂志。房中祠樂。高祖唐山夫人所作也。濮水韜徽。樂記注。濮上紉。臣師延靡靡之樂。訪采狂狷。孟子。孔子曰。不得中行而與之。必也狂狷乎。搜

駁側微。堯典。明。明揚側陋。世感中孚。民維大畜。見。外戶無閉。見歐陽頌碑。高垣奚築。降情儒雅。漢章帝紀。詔曰。朕諸訪儒雅。凝懷庠塾。

王制。有虞氏養國老於上庠。養庶老於下庠。學記。古之教者家有塾。御廡爲歡。臨雍禰肅。後漢明帝紀。永平三年。帝幸辟雍。初行養老禮。十五年。幸孔子宅。祠仲尼及七十二弟子。親御講堂。命皇太子諸王說經。禮兼三

代樂備九成。書益稷。蕭韶九成。天資武德。地照文明。墨履斯在。初學記。賈子曰。天子黑方履。幪巾自清。連珠合璧。漢律歷志。日月如連珠。五星如

合璧。曜爽流精。左傳。子產曰。是以有精爽。獸舞時豫。書益稷。夔曰。於予擊石拊石。百獸率舞。易。豫之時義大矣哉。禽歌頌平。漢王莽傳。策羣司曰。赤緯頌平。考聲以律。帝載維遠。王

靈維大。占雨占風。論衡。太平瑞應。風不鳴條。雨不破塊。五日一風。十日一雨。荒中海外。憬彼鞮譯。王制。東方曰寄。南方曰象。西方曰狄鞮。北方曰譯。咸承冠帶。魏世家。唐唯曰。魏

所以稱東藩受冠帶。春秋者以秦之疆足以爲與也。是日君臨。斯爲交泰。見白環已費。之德乃獻白環及袂。玄圭克禎。見勳進表。東河竹楫。帝紀。

元封四年幸河東。祠后土。詔賜三縣及楊氏皆無。出今年租賦。注。師古曰。楊氏。河東聚邑名。北狄思征。仲應之語。南征北狄。怨。鉞斧將戒。王制。諸侯賜弓矢。然後征。賜鉞鉞然後殺。瓊珩未鳴。詩。

命服。朱芾斯皇。有槍蔥珩。星淫去楚。日診悲荆。左傳。魯梓慎曰。今茲宋鄭其饑乎。幾在星紀而淫於玄枵。又。楚有雲如衆赤鳥夾日以飛三日。億兆何覲。穹旻遽傾。爾雅。穹蒼蒼天也。又。

秋爲旻天。大禹胼胝。帝王世紀。禹治水。勞身涉勦。手足胼胝。故世傳禹病偏枯。足不相過。今巫稱禹步是也。重華胥膳。說文。北方謂鳥膳曰胥。按舜名重華。銳曰。韻書引傳曰。堯如膳。舜如胥。仰惟勞務。同。

斯遠擇。書顧命。王不擇。發夢無徵。文王世子。文王謂武王曰。汝何夢矣。武王對曰。夢帝與我九齡。文王曰。古者謂年齡齒亦齡也。我百爾九十。我與爾三焉。昭祈奚益。見爲貞陽侯書。聽茂陵之鐘。

鼓。漢武帝紀。葬茂陵。古今注云。光武原陵。垣四出。司馬門。寢殿。鐘虞。皆在周垣內。抱橋陽之劍鳥。列仙傳。軒轅自擇亡日。與羣臣辭。還葬橋山。山崩棺空。惟有劍鳥在焉。詎髮髯於宸儀。潘岳悼。

亡詩。髮髯親爾容。終纏緜於號擗。嗚呼哀哉。三占以吉。書洪範。三人占則從二人之言。四海同奔。列贈天宇。穀梁傳。乘馬曰贈。崩號帝闈。

前司殿受之降自西北榮。注。復招魂也。屈原離騷。吾令帝閭關兮。千門啓於闔闔。後漢張衡西京賦。注。闔闔。天門也。詳玉臺新詠序。萬。

乘警於靈輜。秦本紀。始皇崩於平臺。棺載輜涼車中。槐風悲於輦道。松雨思於郊原。爾雅。守宮槐葉。畫葦宵航。光寬曰。謝莊宋宣貴紀誅。繪楚挽於槐風。嗚邊簫於松霧。驚。

旗動而虛蹕。〔漢霍光傳〕駕法駕皮軒鸞旗詳傳大士碑。宿衛靜而空尊。〔漢書霍光傳〕大將軍光宿衛忠正。〔叔孫通傳〕高帝門吾乃今知皇

嚴宿嗚呼哀哉。卑陌平夷。流山蟠固。〔後漢光武紀〕帝初作壽陵令所制地不過二三頃無為山陵陂池裁令流水而已。紀無遷市。〔帝王世紀〕舜葬於蒼梧九

唐有通樹。〔帝王世紀〕堯葬於濟陰之成陽西北號為穀林。經白社之修塗。回青門之廣路。〔史記〕劭平故秦東陵侯。秦滅種瓜長安城東。故世謂之東陵瓜。又云青門瓜。青門東陵也。疑用夏侯嬰事。

見章昭達碑。思沛邑以東臨。〔漢高祖紀〕謂沛父兄曰。遊子悲故鄉。吾雖都關中萬歲之後。吾魂魄猶思樂沛。懷周京以西顧。〔詩〕迺眷西顧。此維與宅。嗚呼哀哉。機神不測。

性道難稱。見論語。充窮靡寄。〔檀弓〕始死。充充如有窮。孺慕奚憑。〔檀弓〕有子與子游立。見孺子墓者。惟封云與禪肅。遺玉牒之與金繩。〔漢郊祀志〕

管仲曰。黃帝封泰山。禪云亭。武帝封泰山下東方。其下則有玉牒書。禮畢。禪泰山下。趾東北肅然。〔白虎通〕封禪金泥銀繩。詳與陳司空書。揚英聲而永久。〔司馬相如封禪文〕共日月而俱升。〔詩〕如月之

恆。如日之升。嗚呼哀哉。

墓誌

司空章昭達墓誌

周原騰騰。見詩。佳氣蔥蔥。後漢書。王伯阿望春。王業攸興。帝圖斯盛。昔光武佐命。鄰縣者鄧侯。

南陽新野人。高祖元臣。同郡者蕭相。漢書。蕭何。沛人。詳與楊僕射書。台輔之量。便著綺紈。見為始。與王表。珊瑚之資。見論語。無待雕琢。起家為

東宮直。前所奉之君。則梁簡文皇帝。既而黑山巨盜。憑陵上國。見與王僧辯書。白水強胡。虔劉中夏。見移齊文。公側其產

業。募是驍雄。思報皇儲。累殲鯨寇。本傳。昭達字伯通。吳興武康人也。性儻。輕財尚氣。梁大同中。昭達為東宮直。侯景之亂。昭達率鄉人援臺。屬鹵風有象。見詩。代邸方隆。

見勳進表。搜荆楚之英才。漢李陵傳。陵曰。臣所將也。邊者皆荆楚勇士。奇才劍客也。資班輸之妙略。墨子。公輸般為雲梯以攻宋。墨子解帶為城。以膠為械。輪般九攻。墨子九拒。百樓忽起。登

雲霄而俯臨。後漢公孫瓚傳。兵法百樓不攻。萬弩齊張。隨雷霆而並震。孫臏傳。馬陵道狹。而旁多阻隘。可伏兵。乃斫大樹。白而書之。曰。龐涓死於此樹之下。龐涓果夜至。斫木下。齊軍萬弩俱發。追乃

自揚兵於九天之上。玄女九宮戰法。行兵之道。天地之賈。九天九地。各有表裏。九天之上。六甲子也。九地之下。六癸酉也。子能慎之。萬全可保。決勝於千里之中。見與楊僕射書。殲彼羣兇。

皆無旋踵。漢霍光傳。田延年曰。今日之議。不得旋踵。本傳。臺城陷。昭達還鄉里。與陳文帝遊。因結君臣分。侯景平。文帝為吳興太守。昭達杖策來謁。文帝委以將帥。陳武帝謀討王僧辯。令文帝還長城。招聚兵衆。以備杜龔。類使昭達往京口。東承計

畫。僧辯誅後。杜龔遣其將杜泰來攻長城。昭達因從文帝進軍吳興。以討龔。龔平。又從討張彪於會稽。克之。大嘉九年。追論長城功。封欣樂縣侯。二年。改封邵武縣侯。廢帝即位。改封邵陵郡公。陳寶應志懷反叛。客引周迪。

資其食力更事窺窬見為貞陽侯書公奉詔崇朝詩會飲冰將夕莊子朝受命而夕飲冰前茅後勁左傳楚人遂疾進師車馳

卒奔乘晉軍又隨武仍同甄閩漢書漢五年立無諸為閩粵王王閩中故地孝惠三年立搖為東海王都東甌殄其巢窟若夫鳴蛇之洞深谷隱於蒼天

水經注漢水又東合洛谷其地有神蛇成左右山溪多五色蛇性剛良不為毒桓臣曰山海經鱗山多鳴蛇四翼音如磬見則大旱飛援之嶺喬木參於雲日一統志福建延平府府城南有聞猿洞吳僧曰

建安記飛猿嶺喬木造天宜越艇而登嶠淮南子越勝蜀艇不能無水而浮蒙燕犀而涉江晉庾翼與慕容鎰書百川昔送此犀皮兩當鏡一領復是異物故復致之

威武紛紜見為貞陽侯書震山風海於是咸俘僞帥悉據高墉易公用射隼于高墉之上爰泊滄溟莫不懲艾本傳陳賈應納州迪共寇臨川又以昭達

為都督討迪迪走昭達乃騰嶺討陳賈應與戰不利因據上流為筏施拍其上壞其水櫓又出兵攻其步軍方大合戰會文帝遣余孝頃出自海道適至因并力乘之遂定閩中盡禽留異賈應以功授鎮軍將軍開府儀同三司既而齊人無信將

謀郢藩鬪艦戈船漢書有戈船將軍窺江淹漢公纔聞羽檄見歐陽頌碑遽稟師期馳襲荊郢應時燒蕩本傳王琳乘平安都拒王琳乘平

虜大艦中流而進先鋒發拍中賊艦王琳平昭達策勳第一方欲宣威隴汧大討梁華屬上將之韜光遲中台之掩耀天官書斗魁帶匡六星一曰上將魁下六星兩兩相

比者名曰三能注大建三年薨於軍幕本傳大建二年征江陵時梁明帝與周軍大蕃舟艦於青泥中昭達分遣偏將錢道戢程文季乘輕舟焚之周又於峽口南岸築壘名安蜀城於江上橫引大索編葦為橋以蘇林曰音三台

渡軍糧。昭達乃命軍士爲長戟。施樓船上。仰割其末。索斷糧絕。因縱兵攻其城。降之。三年。於軍中病。薨。贈大將軍。配享文帝廟。廷子大褒。藝劭陵郡公。  
〔藝文類聚〕相 爾乃青烏相墓。  
〔家書有青烏子〕 白鶴標墳。  
〔隋書〕孫

鍾以種瓜爲業。有三少年詣鍾乞瓜。曰。此山下善。可作家。  
鍾隨下山。三人悉化成白鶴。飛入空中。卽孫堅所葬地。  
林有逃車。〔左傳〕趙旃棄車而走林。  
樹同華蓋。〔蜀志〕先主舍東南角籬上。有桑樹。生高五丈餘。遙望輿輦。如小

車蓋。先主少時與宗中諸兒於樹下戲。言吾必當乘此羽葆蓋車。  
前旂熊軾。〔後漢輿服志〕公列侯安車朱班輪。倚鹿較伏熊軾。皇綸蓋黑驪右驂。  
後乘龍轎。〔潘岳寡婦賦〕龍轎其星。解令。〔注〕畫轎爲龍轎。戎車也。  
介

士發三河之民。〔漢霍光傳〕光薨。發三河卒穿復土起冢祠堂。  
哀鏡同駟馬之曲。〔博物志〕公卿送夏侯嬰葬。至東都門外。馬不行。接地悲鳴。得石椁。銘曰。佳城鬱鬱。三千年見白日。吁嗟滕公居此室。乃葬之。

長安傳。〔疑作〕坐恩禮盛於西京。  
〔初學記〕漢初並用士人爲尙書令。秩二千石。〔又〕東漢與司隸校尉御史中丞皆專席坐。京師號曰三獨坐也。  
襄陽墮淚。悲慟喧於南北。

見侯安都碑。

河東康簡王墓志。〔南史〕河東康簡王叔獻。字子恭。宣帝第九子。性恭謹。聰敏好學。太建五年立。位南徐州刺史。薨。贈司空。諡康簡。〔隋書〕冀州河東郡河東縣。〔注〕舊曰蒲坂縣。置河東郡。

夫聖人至德。天道福謙。〔易〕大哉堯舜。貽慶長遠。明兩之盛。〔易〕中陽纂於參龍。  
〔見與楊僕射〕 百世之祀。皇家

兆於鳴鳳。〔左傳〕楚公子蒍疾。帥師滅陳。晉侯問於史趙曰。陳其遂亡乎。對曰。未也。臣聞盛德必百世祀。  
〔又〕陳公子完奔齊。懿氏卜妻完。其妻占之曰。吉。是謂鳳皇。于飛。和鳴。鸞。有婦之後。將育于姜。遠青邱於海北。  
〔漢武內〕

傳。長州一名青邱。仙草。應紫蓋於江南。見太極殿銘。帝系王基。重光累葉。東都賦。高祖之建天柱。列聖之補地維。

蕩蕩乎民無得而名焉者也。見論語。王資神昂緯。帝王世紀。脩已見。託曜房靈。春秋元命包。姬昌。體斯

孝德。不由師保。月生之對。何用於擬議。後漢黃琬傳。漢建和初。正月日食。京師不見。黃瓊為魏郡太守。以狀聞。詔問所

累官光祿大夫。日近之言。無階於等級。楚語。申叔時曰。明等級以道之禮。詳與李那書。封河東王。加侍中。淑貌與金燧相宜。莊子。陽燧見日則

摩拭令熱。便置日中。以成就之。火生。清顏與玉壺同照。鮑昭樂府。授使持節南徐州刺史。武羌旅拒。見移文。亭障遷移。漢西域傳。漢

漠草非長廣之東。隋書。青州東萊郡膠水縣。注。舊曰長廣。湖萊近荆門之北。後漢郡國志。王常譏庾翼。使白面之非才。南史。

傳。慶之曰。陛下今欲伐國。而與白面書生謀之事。何由濟。深慕曹彰。歎黃鬚之為可。見為始。火精不退。奚應善言。呂氏春秋。宋景公時。災惑守

三賞君。是夜。水蛭難消。徒持陰德。賈誼書。楚惠王食寒道而得蛭。因遽吞之。腹有疾而不能食。令尹入問疾。王曰。吾食道而得

王有仁德。疾不為傷。王果疾愈。薨於沙鎮。時年一十有七。追贈司空。加鼓吹班劍。謚曰康簡。至洛北占墳。河南除道。設悲壇

殿之聲。

〔後漢律歷志〕候氣之法。室中以木爲案。每律各一。內卑外高。從其方位。加律其上。以覆。季灰抑其內端。按律而候之。氣至者。灰去。其爲氣所動者。其灰散。人及風所動者。其灰聚。殿中候用玉律十二。惟二至乃候。

劍動豐城之

氣。見與李那書。

豈惟晉皇寵悼。重琅邪之贈官。

〔晉書〕琅邪悼王煥。字耀祖。初繼帝弟長樂亭侯渾。後封顯義亭侯。及煥疾篤。帝爲之徹膳。及下詔封爲琅邪王。嗣恭王後。俄而薨。年二歲。帝悼念無已。將葬。以煥所

封列國。加以成人之禮。詔立凶門柏歷。備吉凶儀服。營起陵園。

魏后高文。制蒼舒之哀誄。

〔魏志〕鄧哀王冲。字蒼舒。年十三。疾病。太祖親爲請命。及亡。甚惜。騎都尉印綬。黃初二年。追贈諡冲曰鄧哀侯。又追加號爲公。注〔魏書〕

載策曰。朕承天序。享有四海。並建親親。以藩王室。惟爾不逮斯榮。且葬禮未備。追悼之懷。儻然攸傷。太和五年。加冲號曰鄧哀王。

裴使君墓志。

〔南史〕裴之橫。字如岳。少好賓游。重氣俠。不事產業。歎曰。大丈夫富貴。必作百幅被。梁簡文在東宮。遷直閣將軍。臺城陷。之橫與兄之高歸。元帝位廷尉卿。河東內史。隨王僧辯拒侯景。景退。遷東徐州刺史。封豫寧侯。又隨僧

辯破景。景東奔。僧辯命之橫與杜顥入守臺城。魏克江陵。齊遣上黨王高澄挾貞陽侯明攻東關。晉安王承制。以之橫爲徐州刺史。都督衆軍出守新城。之橫營壘未周。而齊軍大至。兵盡矢窮。遂於陣歿。贈司空。諡曰壯。

君五音之候。兼其方牧。

疑作技。〔抱朴子〕黃帝善攻戰。則納五音之策。

八陣之圖。窮其巧變。

〔晉桓溫傳〕諸葛亮造八陣圖於魚復平沙。上溫見之。曰。此當山蛇勢也。

用能戰

必勝。攻必取。督稱無難。兵號解煩。

〔吳志〕宗室傳孫皎弟儀。爲無難督。樹屏曰。〔胡綜傳〕權使綜料諸縣。得六千人。立解煩兩部。

朝飛火箭。夜聳雲梯。

〔史記〕公輸班作陵雲

之梯。以攻宋城。燧象從奔。

〔左傳〕鍼尹固與王同舟。舟王使執燧象。以奔吳師。

聯狼已合。

未詳。按〔戰國策〕秦惠王謂寒泉子曰。諸侯之不可一猶連雞之不能俱上於棲也。

於是嚴顏不撓。極貽諸



戎。〔蜀志〕張飛生獲巴郡太守嚴顏。顏曰我州但有斬頭將軍無降將軍也。龐德高聲肆言羣逆。〔魏志〕龐德爲關羽所得立而不跪。罵曰我等爲國家鬼不爲賊將也遂爲羽所殺。胡夷繼至猶持

子路之纓。〔左傳〕蒯瞶攻出公劫孔裡以登臺。子路曰太子無勇若燔臺中必舍孔叔。太子聞之懼下石乞孟壓敵子路以戈擊之斷纓。子路曰君子死冠不免結纓而死。鋒刃相交終荷溫生之節。〔後漢書〕

溫序遷護羌校尉行部至襄武爲隗囂別將荀宇所拘劫序素有氣力大怒叱宇等曰虜何敢迫脅漢將因以節搃殺數人宇曰此義士死節可賜以劍序受劍銜鬚於口顧左右曰既爲賊所迫殺無令鬚汗血遂伏劍而死。每以財輕篋簞養

重嵩衡割宅字貧乏之孤。〔孔叢子〕郈成子自魯聘晉過於衛右宰穀臣止而觴之。行三十里而聞衛亂穀臣死之成子迎其妻子隔宅而居之。開門延故人之殯。見論語。篤好朋遊。

居常滿席每至鮮雲靄靄披玉女之衣。未詳。明月團團佩班姬之扇。〔班婕妤怨歌行〕新製齊紈素鮮潔如霜雪裁爲合歡扇團團似明月。日帶花以

如笑。樹敏曰〔劉勰新論〕春葩含日似笑。風鳴條而若歌。傍列絲桐對揚文酒一石之後逾能斷獄。〔漢書〕于定國飲酒至數石不亂治獄益精明。五斗

之量猶未解醒。〔世說〕劉伶跪而祝曰天生劉伶以酒爲名一飲一石五斗解醒。嗟乎潘岳之詩致哀周密。〔文選注〕晉惠帝元康六年氏賊齊萬年與楊茂陷關中既定帝命諸臣作關中詩潘岳詩

曰周狗師令身齊氏斧人之云亡貞節克舉按周處別傳氏賊齊萬年爲亂處仰天歎曰我爲大臣以身殉國不亦可乎遂戰死。〔檀弓〕魯莊公及宋人戰于乘邱縣黃父未之卜也縣黃父曰他日不敗績而今敗績是無勇也遂死之。墨人浴馬有流矢在白肉公曰非其罪也遂誅之。莊公之誅用愍相遺。〔檀弓〕魯莊公及宋人戰于乘邱縣黃父未之卜也縣黃父曰他日不敗績而今敗績是無勇也遂死之。墨人浴馬有流矢在白肉公曰非其罪也遂誅之。

未之卜也縣黃父曰他日不敗績而今敗績是無勇也遂死之。墨人浴馬有流矢在白肉公曰非其罪也遂誅之。

續。〔南史〕靈延之傳。〔釋慧琳〕上  
每引見。卷九。靈延之傳。大士碑。

高僧傳。慧受。夢青龍從南方來。化爲剎柱。受至  
新亭江。見一長木隨流來。因立爲剎。六極殿錄。



# 徐孝穆集卷之六

詔

陳武帝卽位詔

五德更運。帝王所以御天。三正相因。夏殷所以宰世。雖色分辭翰。時異文質。揖讓征伐。迄用參差。而育德振民。義同一揆。朕以寡昧。時屬艱危。國步屢屯。天維三絕。肆勤先后。拯厥橫流。藉將帥之功。兼猛士之力。一匡天下。再造黔黎。梁氏以天祿永終。歷數攸在。遵與能之典。集大命於朕躬。顧惟菲薄。辭不獲亮。式從天睦。俯協民心。受終文祖。升禋上帝。繼述百王。君臨萬宇。若涉川水。罔知攸濟。實業初建。皇祚維新。思俾惠澤。覃被億兆。可大赦天下。改梁太平二年爲永定元年。賜民爵二級。文武二等。鰥寡孤獨。不能自存者。人穀五斛。逋租宿債。皆勿復收。其有犯鄉里清議。贓污淫盜者。皆洗除先注。與之更始。長徒赦繫。特皆原之。亡官失爵。禁錮奪勞。一依舊典。

梁禪陳詔

五運更始。三正迭代。司牧黎庶。是屬聖賢。用能經緯乾坤。彌綸區宇。大庇黔首。闡揚鴻烈。革晦以明。積代同軌。哲王踵武。咸由此則。梁德湮微。禍亂薦發。太清云始。見困長蛇。承聖之季。爰立天成。重竊神器。三光亟沈。七廟乏祀。含生已泯。鼎命斯墜。我武元之祚。有如綴旒。靜惟屯剝。夕惕載懷。相國陳王。有

命自天。降神維嶽。天地合德。晷曜齊明。拯社稷之橫流。提億兆之塗炭。東誅逆叛。北殲獯醜。威加四海。仁漸萬國。復張崩樂。重興絕禮。儒館聿脩。戎亭虛候。大功在舜。盛績惟禹。巍巍蕩蕩。無得而稱。來獻白環。豈直皇虞之世。入貢素雉。非止隆周之日。固以效珍川陸。表瑞煙雲。甘露醴泉。旦夕凝涌。嘉禾芝草。葦植郊甸。道昭於悠代。勳格於皇穹。明明上天。光華日月。革故著於玄象。代德彰於圖讖。獄訟有歸。謳歌爰適。天之歷數。實有攸在。朕惟庸貌。閔於古昔。永稽崇替。爲日已久。敢忘列代之遺典。人祇之至願乎。今便遜位別宮。敬禪於陳。一依唐虞宋齊故事。

陳公九錫詔

肇昔元胎。剖判太素。氤氳崇建。人皇必憑。洪宰故賢。哲之后。牧伯征於四方。神武之君。大監治乎萬國。又有一匡九合。渠門之賜以隆。戮帶圍溫。行宮之寵斯茂。時危所以貞固。運泰所以光熙。斯乃千載同風。百王不刊之道也。太傅義興公。允文允武。乃聖乃神。固天生德。康濟黔首。昔在休期。早隆朝寄。遠踰滄海。大拯交越。皇運不造。書契未聞。中國其亡。兵凶總至。哀哀隹類。譬彼窮牢。悠悠上天。莫云斯極。否終則泰。元輔應期。救此將崩。援茲已溺。乘舟履輦。架險浮深。經略中塗。畢殲羣醜。泊乎石頭。姑熟。流髓履腸。一朝指攜。六合清晏。是用光昭下武。翼亮中都。雪三后之劾讎。夷三靈之巨慝。堯治禹佐。未始能階。殷相周師。固非云擬。重之以屯剝餘象。荆楚大崩。天地無心。乘輿委御。五湖薦食。競謀諸夏。八方基峙。莫有匡救。強臣致命。黜我冲人。顧影於荼毒之魂。甘心於甯卿之辱。卻案下髻。求哀之路。莫從竊鈇。逃責容身之地。無所

公神兵奄至。不日清澄。惟是屏蒙。再膺天祿。斯又巍巍蕩蕩。無得而稱焉。加以仗茲忠義。屠彼妖逆。震部夷氛。稽山罷履。番禺蠡澤。北鄙西郊。殲厥凶徒。罄無遺種。斯則兆民之命。修短所繫。率土之基。興亡是賴。於是刑禮兼訓。沿革有章。中外咸平。遐邇寧一。用能使陽光合魄。曜象呈暉。棲閣遊庭。抱仁含信。宏勳該於厚地。大道格於玄天。義農炎昊以來。卷領垂衣之世。聖人濟物。未有如斯者也。夫備物典策。桓文是膺。助理陰陽。蕭曹不讓。未有功高於寓縣。而賞薄於伊周。凡厥人祇。固懷延佇。實由公謙撝自牧。降損爲懷。嘉數遲回。永言增歎。豈可申茲雅尚。久廢朝猷。宜戒司勳。敬申鴻典。且重華大聖。媿納惟賢。盛德之祀。無忘公侯之門。必復。是以殷嘉賈父。繼后稷之官。堯命義和。纂重黎之位。況其本支攸建。宜誓山河者乎。其進公位相國。總百揆。封十郡爲陳公。備九錫之禮。加璽紱。遠遊冠。綠綬綬。位在諸侯王上。其鎮衛大將軍。揚州牧。如故。

進武帝爲長城公詔

德懋懋官。功懋懋賞。皇王盛則。所謂元龜。司空公。南徐州刺史。長城縣開國侯。諱志華。寅亮風度。弘遠體文。經武明允。篤誠曩者。率五嶺之強兵。誅四海之讎敵。固以勒功彝鼎。書勳太常。克定京師。勤勞自重。自鎮撫粉榆。永寧豐沛。東涼旣息。北蔡無歸。代馬燕犀。氣雄天下。裹糧坐甲。固敵是求。方欲大討於秦嶓。敦脩於輿陸。協謀上相。爰納朕躬。思所以敬答忠勳。用申朝典。可進爵爲長城縣公。

陳文帝登祚尊皇太后詔

朕以虛薄才非弘濟。竊守藩維。常懷盈滿。豈圖蒼昊不弔。國步艱難。皇嗣元良。藐在嶠涓。二臣奉迎。川塗靡從。六傳還朝。淹留永日。今國圖無主。家業事隆。上奉父母之嚴規。下逼羣公之廷諍。遂以庸質。升纂帝基。對揚大化。彌增號懼。今宜式遵舊則。奉上皇后尊號。爲皇太后。御慈訓宮。一依前典。若中流靜晏。皇嗣歸來。輒當解紱於箕山之陽。歸老於琅邪之國。復子明辟。還承寶圖。若問與夷。無媿園寢。

封始興王詔

漢祖天倫。伯叔迨封。晉元世系。琅邪傳國。仰惟二后重光。率由前典。朕昔因藩次。蒙繼本宗。分在要荒。久離寒燠。天嘉紹祚。別命皇枝。歸自嶠函。禮隔登獻。每至霜庭。可履。矚垣寢而懷悲。風樹鳴條。望章陵而增感。今嗣王乖德。獲罪慈訓。永言主奠。宜自朕躬。但國步時艱。皇基務切。復奉家業。升纂帝圖。重違情禮。言深哽懣。可以第二皇子升陵爲始興王。

文

爲陳武帝卽位告天文

皇帝臣諱。敢用玄牡。昭告於皇皇后帝。梁氏以圯剝薦臻。歷運有極。欽若天應。以命於諱。夫肇有烝民。乃樹司牧。選賢與能。未常厥姓。放勳重華之世。咸無意於受終。嘗塗典午之君。雖有心於揖讓。皆以英才處萬乘。高勳御四海。故能大庇黔首。光宅區縣。有梁末運。仍葉遘屯。獯醜憑陵。久移神器。承聖在外。非能祀夏。天未悔禍。復罹寇逆。嫡嗣廢黜。宗支僭詐。天地蕩覆。紀綱泯絕。諱爰初投袂。大拯橫流。重舉義兵。實戡

多難。廢王立帝。實有厥功。安國定社。用盡其力。是謂小康。方期大道。既而煙雲表色。日月呈瑞。緯聚東井。龍見譙邦。除舊布新。既彰玄象。遷虞事夏。且協謳訟。九域八荒。同布衷款。百神羣祀。皆有誠願。梁帝高謝。萬邦授以大寶。諱自惟菲薄。讓德不嗣。至於再三。辭勿獲許。僉以百姓須主。萬幾難曠。皇靈眷命。非可謙拒。畏天之威。用膺嘉祚。永言夙志。能無慙德。敬簡元辰。升壇告禪。告類上帝。用荅民心。永保於我。有陳。惟明靈是饗。

### 梁禪陳策文

咨爾陳王。惟昔上古。厥初生民。驪連栗陸之前。容成大庭之代。並結繩寫鳥。杳冥愴忽。故靡得而詳焉。自羲皇軒昊之君。陶唐有虞之主。或垂衣而御四海。或無爲而子萬姓。居之如馭朽索。去之如脫敝屣。裁遇許由。便能捨帝。暫逢善卷。卽以讓王。故知玄扈璇璣。非關尊貴。金根玉輅。示表君臨。及南觀河渚。東沉刻璧。精華旣竭。耄勤已倦。則抗首而笑。惟賢是與。謗然作歌。簡能斯授。遺風餘烈。昭晰圖書。漢魏因循。是爲故實。宋齊授受。又弘斯義。我高祖應期撫運。握樞御宇。三后重光。祖宗齊聖。及時屬陽九。封豕薦食。西都失馭。夷狄交侵。乃息天成。輕弄龜鼎。懔懔紿首。若崩厥角。微微皇極。將甚綴旒。惟王乃聖。乃神。欽明文思。二儀並運。四時合序。天錫智勇。人挺雄傑。珠庭日角。龍行虎步。爰初投袂。日乃勤王。電掃番禺。雲撤彭蠡。揃其元惡。定我京畿。及王賀帝弘。賈茲冠履。旣行伊霍。用保沖人。震澤稽陰。並懷叛逆。獯厥醜虜。三亂皇都。裁命偏師。二邦自殄。薄伐獯狁。六戎盡殪。嶺南叛換。湘郢結連。賊帥旣擒。兇渠傳首。用能百揆時序。四



門允穆。無思不服。無遠不屈。上達穹昊。下漏深泉。蛟魚並見。謳歌攸屬。況乎長彗橫天。已徵布新之兆。壁日斯既。實表更姓之符。是以始創義師。紫雲曜彩。肇惟尊主。黃龍負舟。楛矢素鞬。梯山以至。白環玉玦。慕德而臻。若夫安國字氓。本因萬物之志。時乘御宇。良會樂推之心。七百無常期。皇王非一族。昔木德既季。而傳祚於我有梁。天之歷數。允集明哲。式遵前典。廣詢羣議。王公卿尹。莫不攸屬。敬從人祗之願。授帝位於爾躬。四海困窮。天祿永終。王其允執厥中。軌儀前式。以副溥天之望。禮祀上帝。時膺大禮。永固洪業。豈不盛歟。

陳公九錫文

大哉乾元。資日月以貞觀。至哉坤元。憑山川以載物。故惟天爲大。陟配者欽明。惟王建國。翼輔者齊聖。是以文武之佐。礚谿蘊其玉璜。堯舜之臣。潑河鑊其金版。況乎體得一之鴻姿。寧陽九之危厄。拯橫流於碣石。撲燎火於崑岑。驅馭於韋彭。跨躐於秦晉。神功行而靡用。聖道運而無名者乎。今將授公典策。其敬聽朕命。日者昊天不弔。鍾亂於我國家。網漏吞舟。強胡內最。茫茫宇宙。慄慄黎元。方足圓顛。萬不遺一。太清否亢。橋山之痛已深。太寶屯如。平陽之禍相繼。上宰膺運。康救兆民。鞠旅於滇池之南。揚旌於桂嶺之北。懸三光於已墜。謚四海於羣飛。屠獍獠於中原。斬鯨鯢於濛汜。蕩寧上國。光啓中興。此則公之大造於皇家者也。既而天未悔禍。夷醜薦臻。南夏崩騰。西京蕩覆。羣胡孔熾。藉亂乘間。推納藩枝。盜假神器。冢司昏撓。旁引寇讎。既見貶於桐宮。方謀危於漢閣。皇運已殆。何殊贅旒。中國搖然。非徒如線。公赫然投袂。匡救

本朝復莒齊都。平戎王室。朕所以還膺寶歷。重履宸居。挹建武之風猷。歌宣王之雅頌。此又公之再造於皇家者也。公應務之初。登庸惟始。三川五嶺。莫不窺臨。銀洞珠官。所在寧謐。孫盧肇釁。越貊爲災。番部隍危。勢將淪殄。公赤旗所指。妖壘洞開。白羽纒攜。兇徒紛潰。非其神武。久喪南藩。此又公之功也。大同之末。邊政不脩。李賁狂迷。竊我交愛。敢稱大號。驕恣甚於尉佗。據有連州。雄豪熾於梁碩。公英謨雄算。電掃風行。馳御樓船。直跨滄海。新昌典澈。備歷艱難。蘇歷嘉寧。盡爲京觀。三山獠洞。八角蠻陬。逝矣水禽之鄉。悠哉火山之國。馬援之所不屆。陶璜之所未開。莫不懼我王靈。爭朝邊候。歸琛天府。獻狀鴻臚。此又公之功也。自寇虜陵江。宮闈幽辱。公枕戈嘗膽。提劍撫心。氣涌青霄。神飛紫闥。而番禺連率。本自諸夷。言得其朋。是懷同惡。公仗此忠誠。乘機勦定。執沛令而震鼓。平新野而據鞍。此又公之功也。世道初艱。方隅多難。勳門桀黠。作亂衝疑。兵切池隍。衆兼夷獠。公以國盜邊警。知無不爲。恤是同盟。誅其醜類。莫不魚驚鳥散。面縛頭懸。南土黔黎。重保蘇息。此又公之功也。長驅嶺嶠。夢想京畿。綠道會豪。遞爲榛梗。路養渠率。全據大都。蓄聚逋逃。方謀阻亂。百樓不戰。雲梯之所未窺。萬弩齊張。高轡之所非敵。公龍驤虎步。嘯吒風雲。山墜墜城。野無強陣。清妖氛於瀟石。滅沴氣於零都。此又公之功也。遷任凶慝。屯據大阜。乞活類馬。騰之軍流。民多杜弼之衆。推鋒轉鬪。自北徂南。頻歲稽誅。實惟勦虜。公坐揮三略。遙制六奇。義勇同心。貔貅聘力。雷奔電掣。谷靜山空。列郡無犬吠之驚。叢祠罷狐鳴之盜。此又公之功也。王師討虜。次屆淪波。兵乏兼儲。士有飢色。公回塵蠶澤。積穀巴邱。億庾之詠斯豐。壺漿之迎是衆。軍民轉漕。曾無砥柱之難。舳艫相望。如運

敖倉之府。犀渠貝冑。顧蔑雷霆。高艦層樓。仰捫霄漢。故使三軍勇銳。百戰無前。承此兵糧。遂殄兇逆。此又公之功也。若夫英圖邁俗。義旅如雲。溢壘猜攜。用掩戎略。公志唯同獎。師克在和。鵠塞非虞。鴻門是會。若晉侯之誓白水。如蕭王之推赤心。屈體交盟。人祇感咽。故使舟師並路。遠邇同心。此又公之功也。姑熟襟要。嶠函阻憑。寇虜據其關梁。大盜負其肩鏑。公一校裁搗。二雄並奮。左賢右角。沙潰土崩。木甲殫於中原。氈裘赴於江水。他他藉藉。萬計千羣。鄂坂之隘。斯開。夷庚之道。無塞。此又公之功也。義軍大衆。俱集帝京。逆豎兇徒。猶屯皇邑。若夫表裏山河。金湯險固。疏龍首以抗殿。揃華岳以爲城。雜虜憑焉。強兵自若。公回茲地軸。抗此天羅。曾不崇朝。俾無遺噍。軍容甚穆。國政方脩。物重覩於衣冠。民還瞻於禮樂。楚人滿道。爭覩於葉公。漢老銜悲。俱覩於司隸。此又公之功也。內難初靖。諸侯出關。外郡傳烽。鮮卑犯塞。莫非且渠。當戶中貴名王。冀馬列於淮南。胡笳動於徐北。公舟師步甲。巨野橫江。殲厥羣羗。遂殫封豨。莫不絀木而止。戎車靡遺。遇濤而還。歸驂盡瘞。此又公之功也。公克黜禍難。劬勞皇室。而孫甯之黨。翻啓狄心。伊洛之間。咸爲虜戍。雖金陵佳氣。石壘天嚴。朝暗戎塵。夜誼胡鼓。公三籌既畫。八陣斯張。裁舉靈鈺。亦抽金僕。威俘醜類。悉反高墉。異李廣之皆誅。同龐元之盡赦。此又公之功也。任約叛換。梟聲不悛。戎羯貪婪。狼心無改。穹廬氈幕。抵北闕而爲營。烏孫天馬。指東都而成陣。公左甄右落。箕張翼舒。埽是機槍。驅其獫狁。長狄之種。埋於國門。椎髻之囚。烹於軍市。投秦坑而盡沸。噎澗水而不流。此又公之功也。一相居中。自折彛鼎。五湖小守。妄懷同惡。公夙駕兼道。秉羽杖戈。玉斧將揮。金鉞且戒。妖會震懾。遽請灰釘。燕櫬以表其舍。弘焚

書以安其反側。此又公之功也。賊龔兇橫。陵虐具區。阻兵安忍。憑災怙亂。自古蟲言鳥迹。混沌洪荒。凡或  
度劉。未此殘酷。公雖宗居汝穎。世寓東南。育聖誕賢之鄉。含章挺生之地。眷言桑梓。公私憤切。卓爾英狀。  
承規奉算。戮此大慙。如烹小鮮。此又公之功也。亂離永久。羣盜孔多。浙左兇渠。連兵構逆。豈止十兵五校。  
白雀黃龍而已哉。公以中軍無率。選是親賢。奸寇途窮。漼然冰泮。刑塘之所。文命動其大威。雷門之間。句  
踐行其嚴戮。英規聖迹。異代同風。此又公之功也。同姓有扈。頑凶不賓。憑藉宗盟。圖危社稷。觀兵匯澤。勢  
震京師。驅率南蠻。已爲東帝。公論兵於廟堂之上。決勝於尊俎之間。寇賈樊滕。浮江下瀨。一朝捕撲。無待  
旬師。萬里澄清。非勞新息。此又公之功也。豫章妖寇。依憑山澤。繕甲完聚。各歷歲時。結從連橫。爰泊交廣。  
呂嘉旣獲。吳濠已鑑。命我還師。征其不恪。連營盡拔。僞黨斯擒。曜聖武於匡山。回神旌於蠡滬。此又公之  
功也。自八紘九野。瓜剖豆分。竊帝偷王。連州比縣。公武靈已暢。文德又宣。折簡馳書。風猷斯遠。至於蒼蒼  
浴日。杳杳無雷。北洎丈夫之鄉。南踰女子之國。莫不屈膝膜拜。求吏款關。此又公之功也。京師禍亂。亟積  
寒暄。雙闕低昂。九門塵豁。寧秦宮之可顧。豈魯殿之猶存。五都簪弁。百僚卿士。胡服縵纓。咸爲戎俗。高冠  
厚履。希復華風。宋徵子麥穗之歌。周大夫黍離之歎。方之於斯。未足爲悲矣。公求衣昧旦。晨食高春。與構  
宮闈。具瞻遐邇。膠庠宗稷之典。六符十等之章。遠聞泰始之風流。重覩永平之遺事。此又公之功也。公有  
濟天下之勳。重之以明德。凝神體道。合德符天。用百姓以爲心。隨萬幾而成務。恥一物非唐虞之民。歸舍  
鑿於仁壽之域。上德不德。無爲以爲。夏長春生。顯仁藏用。忠信爲寶。風雨弗愆。仁惠爲基。牛羊勿踐。功成

治定樂奏咸雲安上治民禮兼文質物色邱園衣裾里巷朝多君子野無遺賢菽粟同水火之饒工商富  
猗頓之旅是以天無蘊寶地有呈祥瀟露卿雲朝團曉映山車澤馬服御登閑既景煥於圖書方葳蕤於  
史牒高勳踰於象緯積德冠於嵩華固無得而稱者矣朕又聞之前王宰世茂賞尊賢式樹蕃長總征羣  
伯二南崇絕四履遐曠泱泱表海胙土惟齊巖巖泰山俾侯於魯抑又勤王反鄭夾輔遷周召伯之命斯  
隆河陽之禮咸備況復經營宇宙豈惟斷鼉足之功弘濟蒼生非直鑿龍門之險而酬庸報德寂爾無聞  
朕所以垂拱嘗寧載懷慙悸者也今授公相國以南豫州之陳留南丹陽宣城揚州之吳興東陽新安新  
寧南徐州之義興江州之鄱陽臨川十郡封公爲陳公錫茲青土苴以白茅爰定爾邦用建冢社昔旦爽  
分陝爲俱保師晉鄭諸侯咸作卿士兼其內外禮實攸宜今命使持節兼太尉王通授相國印綬陳公璽  
紱使持節兼司空王瑒授陳公茅土金獸符第一至第五左竹使符第一至第十相國秩踰三鉉任總百  
司位絕朝班禮由事革其以相國總百揆除錄尚書之號上所假節侍中貂蟬中書監印章中外都督太  
傅印綬義興公印策其鎮衛大將軍揚州牧如故又加公九錫其敬聽後命以公禮爲楨榦律等銜策四  
維皆舉八柄有章是用錫公大輅戎輅各一玄牡二駟以公賤寶崇穀疏爵待農室富京坻民知榮辱是  
用錫公袞冕之服赤舄副焉以公調理陰陽變諧風雅三靈允降萬國同和是用錫公軒縣之樂六佾之  
舞以公宣導王猷弘闡風教光景所照鞅象必通是用錫公朱戶以居以公抑揚清濁褒德進賢髦士盈  
朝幽人虛谷是用錫公納陛以登以公巍然廊廟爲世鎔範折衝四表臨御八荒是用錫公武賁之士三

百人。以公執茲明罰。期在刑措。象恭無赦。干紀必誅。是用錫公斧鉞各一。以公英猷遠量。跨厲嵩溟。混一車書。括囊寰宇。是用錫公彤弓一。彤矢百。旅弓十。旅矢千。以公天經地義。貫徹幽明。春露秋霜。允恭桑盛。是用錫公秬鬯一卣。圭瓚副焉。陳國置丞相以下。一遵舊式。往欽哉。其恭循朕命。克相皇天。弘建邦家。尤興洪業。以光我高祖之休命。

### 璽書

#### 陳武帝下州郡璽書

夫三正革代。商周所以應天。五勝相推。軒義所以當運。梁德不造。喪亂積年。東夏奔騰。西都蕩覆。蕭勃干紀。非惟趙倫。侯景滔天。踰於劉載。貞陽反篡。賊約連兵。江左累屈於鮮卑。金陵久非於梁國。自有氤氳混沌之世。龍圖鳳紀之前。東漢興平之初。西朝永嘉之亂。天下分崩。未有若於梁朝者也。朕以虛薄。屬當興運。自昔登科。首清諸越。徐開浪泊。靡不征行。浮海乘山。所在戡定。冒遡風塵。騁馳師旅。六延梁祀。十翦強寇。豈曰人謀。皆由天啓。梁氏以天祿斯改。期運永終。欽若唐虞。推其鼎玉。朕東西退讓。拜手陳辭。避舜子於箕山之陽。求支伯於滄洲之野。而公卿教逼。率土翹惶。天命難稽。遂享嘉祚。今月乙亥。升禮大壇。言念遷桐。但有漸德。自梁氏將末。頻月亢陽。火運斯終。秋霖奄降。翌日成禮。圓邱宿設。埃雲晚霽。星象夜張。朝景重輪。茲三危之膏露。晨光合璧。帶五色之卿雲。顧惟寡薄。彌慙休祉。昧且不顯。方思致治。卿等擁旄方岳。相任股肱。剖符名宇。方寄恤隱。王歷維新。念有欣慶。想深求民瘼。務在廉平。愛惠以撫孤貧。威刑以禦

強猶若有萑蒲之盜。或犯戎商。山谷之酋。擅強幽險。皆從肆赦。咸使聞知。如或迷途。俾在無貸。今遣使人具宣往旨。念思善政。副此虛懷。

梁禪陳璽書

君子者自昭明德。達人者先天弗違。故能進退咸亨。動靜元吉。朕雖蒙寡。庶乎景行。何則。三才剖判。九有區分。情性相乖。亂離云起。是以建彼司牧。推乎聖賢。授受者任其時來。皇王者本非一族。人謀是與。屈已從萬物之心。天意斯歸。鞠躬奉百靈之命。謳歌所往。則攘袂以膺之。菁華已竭。乃褰裳而去之。昔在唐虞。鑒於天道。舉其黎獻。授彼明哲。雖復質文殊軌。沿革不同。歷代因循。斯世靡替。我大梁所以考庸太室。接禮貳宮。月正元日。受終文祖。但運不常。夷道無恆。泰山岳傾偃。河海沸騰。電目雷聲之禽。鈎爪鋸牙之獸。咀齧含生。不知紀極。二后英聖。相仍在天。六夷貪狡。爭侵中國。縣王都帝。人懷干紀。一民尺土。皆非梁地。朕以不造。幼罹閔凶。仰憑衡佐。亟移年序。周成漢惠。邈矣無階。惟是童蒙。必貽顛厥。若使時無聖哲。以靡艱難。猶當高蹈於滄洲。自求於支伯者矣。惟王應期誕秀。開籙握圖。性道故其難聞。嘉庸已其被物。乾行同其燾覆。日御比其貞明。登承聖於復禹之功。樹鞠子於興周之業。滅陸渾於伊洛。殲驪戎於鎬京。大小二震之曉徒。東南兩越之勦寇。遽行天討。無遺神策。於是祖述堯舜。憲章文武。大樂與天地同和。大禮與天地同節。鼓之以雷霆。潤之以風雨。仁霑葭葦。信及豚魚。殷牖斯空。夏臺虛設。民惟大畜。野有同人。升平頌平。無偏無黨。固以雲飛紫蓋。水躍黃龍。東伐西征。晡映川陸。榮光曖曖。已冒郊廛。甘露瀼瀼。亟流庭苑。

車轍馬迹。誰不率從。蟠木流沙。誰不懷德。祥圖遠至。非惟赤伏之符。靈命昭然。何止黃星之氣。海口河目。聖賢之表。旣彰。握旄執鉞。君人之狀。斯偉。且自攝提無紀。孟陬殄滅。枉矢宵飛。天弧曉映。久矣夷羊之在。牧。時哉蛟龍之出泉。革運之兆。咸徵。惟新之符。並集。朕以欽若助華。屢廻星琯。昔者木運斯盡。于高祖受焉。今歷去炎精。神歸樞紐。敬以火德。傳於爾陳。遠鑒前王。近謀羣辟。明靈有悅。率土同心。今遣使持節兼太保侍中尙書左僕射平樂亭侯王通。兼太尉司徒左長史王瑒。奉皇帝靈綬。受終之禮。一依唐虞故事。王其時陟元后。寧育兆民。光闡洪猷。以承昊天之休命。





# 徐孝穆備考

附卷六後

吳江徐文炳大文補輯

## 陳武帝即位詔

〔漢律歷志〕土生金。故爲金德。金生水。故爲水德。水生木。故爲木德。木生火。故爲火德。火生土。故爲土德。〔漢劉向傳〕三統〔注〕張晏曰。一曰天統。謂周建子爲正。二曰地統。謂殷建丑爲正。三曰人統。謂夏建寅爲正。〔晉王尼傳〕尼嘗歎曰。滄海橫流。處處不安也。〔任昉表〕千載一逢。再造難蒼。〔禮記〕大道之行也。天下爲公。選賢與能。〔書大誥〕若涉淵水。予惟往求厥攸濟。

## 梁禪陳詔

〔班固典引〕經緯乾坤。出入三光。〔注〕三光。日月星也。〔史岑出師頌〕渾一區宇。〔秦始皇本紀〕更名民曰黔首。應劭曰。黔亦黎黑也。〔左傳〕申包胥曰。吳爲封豕長蛇。吞食上國。〔陳武帝紀〕貞陽侯明卽位。改元天成。〔老子〕天下神器不可以有爲。爲者敗之。〔書〕七世之廟。可以親德。〔左傳〕師曠對曰。厲神乏祀。〔易〕鼎。君子以正位凝命。〔公羊傳〕君若贊旒然。〔詩〕維嶽降神。生甫及申。〔書〕民墜塗炭。〔後漢曹褒傳〕詔曰。漢遭秦餘。禮壞樂崩。〔世本〕西王母墓舜之德。乃獻白環及珎。〔韓詩外傳〕周公居攝二年。制禮作樂。天下和平。越裳氏以三象重譯而獻白雉。〔史記〕若煙非煙。若雲非雲。郁郁紛紛。蕭索輪囷。是謂慶雲。魏文帝紀〔注〕甘露醴泉。衆瑞並出。〔陳書武帝紀〕梁紹泰二年三月。自去冬至是。甘露頻降於鍾山。梅岡。南澗。及京口。江寧縣境。或至三數升。大如奕棊子。〔漢公孫弘策〕嘉禾不興。朱草生。此和之至也。〔呂氏春秋〕虞舜荆雲歌曰。卿雲爛兮。糺糺縷兮。日月光華。旦復且兮。〔左傳〕晉文公請隧。弗許曰。王章也。未有代德。而有二王。亦叔父之所惡也。

〔後漢賈融傳〕臣融有子年十五不得令親天文見識記

陳公九錫詔

〔漢王莽傳〕張純等曰謹以六藝通義經文所見周官禮記宜於今者為九命之錫臣請錫命奏可

〔後漢張衡靈憲賦〕元氣剖判剛柔始分清濁異位天成於外地定於內〔又〕太素之前寂寞冥默不可為象班固典引大極之原兩儀始分煙煙氤氳〔管子〕桓公九合諸侯一匡天下天子貴以道門赤旂〔左傳〕云天王出居于鄭僖公二十五年晉侯辭

秦師而下三月甲辰次於陽樊右師圍溫左師逆王夏四月丁巳王入于王城取大叔于溫殺之於臨城戊午晉侯朝王王饗禮命之宥與之陽樊溫原攢茅之田晉於是始啓南陽〔陳武帝紀〕太平元年九月帝進封義興郡公二年八月帝進位太傅〔隋書〕揚州

毗陵郡義興縣注舊曰陽羨置義興郡〔書〕乃聖乃神乃武乃文〔論語〕固天縱之將聖〔又〕天生德於予〔漢書〕項羽嘗攻襄城襄城無噍類窮牢未詳按〔董卓傳〕縱放兵士剽虜實物謂之搜牢〔注〕言牢固者皆搜索取之〔魏略〕侍中

陳羣尙書桓階奏曰諸明圖緯者皆言漢行氣盡黃家當興殿下應期十分天下而有其九以服事虞〔木華海賦〕戲廣浮深〔劉向新序〕扶傷舉死履腸涉血陳武帝紀江寧令陳嗣等據姑孰不從帝命侯安都等討平之聚其首為京觀〔漢陳平傳〕天

下指揮即定〔家語冠頌〕六合是式〔詩〕下武維周〔文選注〕三靈天地人也〔左傳〕衛太叔文子曰今甯子視君不如奕棊〔張協賦〕棊布星羅〔梁敬帝紀〕僧辯納貞陽侯明即僞位以帝為皇太子〔書金縢〕惟予沖人弗及知〔左傳〕

齊陳乞弒其君荼鮑子曰女忘君之為孺子牛而折其齒乎而背之也〔左傳〕衛于鮮以公命與甯喜言公曰苟反政由甯氏祭則寡人〔班固諸侯王表〕有逃責之臺被竊鈇之言然天下謂之共主強大弗之敢傾〔陸機辯亡論〕神兵東驅奮其犯衆

〔梁敬帝紀〕司空陳霸先襲殺王僧辯黜蕭明而奉帝〔南史杜龔傳〕貞陽侯明以龔為襄州刺史吳興太守龔僧辯婿也僧辯敗龔乃據吳興以拒之部將杜泰降陳文帝龔尙醉不覺文帝斬之〔南史〕張彪少亡命為盜頗有部曲王僧辯遇之甚厚引為爪

牙與杜蠡相似。世謂張杜爲東揚州刺史。會稽籍見害。時陳文帝已據震澤。將及會稽。彪將沈泰、吳寶真等叛迎文帝。彪遂敗走。文帝遣劫殺之。〔隋書〕揚州南海郡南海縣。〔注〕舊分置番禺縣。荊州九江郡浚城縣。〔注〕有彭蠡湖。〔左傳〕邾子曰。命在姜氏。死之長短。時也。〔尚書中候〕黃帝時。鳳皇巢阿閣。麒麟在囿。〔蔡邕琴操〕周成王琴歌曰。鳳皇翔兮紫庭。〔抱朴子〕鳳頭上青戴仁。足下黃踏信。〔呂氏春秋〕北方曰玄天。〔淮南子〕古有鬚頭而卷領以王天下。〔繫辭〕黃帝堯舜垂衣裳而天下治。〔齊世家〕會諸侯於葵丘。周襄王使宰孔賜桓公文武胙。彤弓矢。大輅。命無拜。〔左傳〕天王狩于河陽。晉侯獻楚俘于王。王策命晉侯爲侯。伯。賜之大輅之服。戎輅之服。彤弓一。彤矢百。絃弓矢千。秬鬯一。卣。虎賁三百人。〔漢王陵傳〕平謝曰。宰相者。上佐天子。理陰陽。順四時。〔蕭曹傳贊〕二人同心。遂安海內。〔謝朓詩〕勳功與寓縣。〔周禮司勳〕掌六卿賞地之法。以等其功。〔舜典〕若稽古帝舜。曰重華。〔堯典〕釐降二女于嬀汭。殯于虞。〔左傳〕史趙曰。盛德必百世祀。〔又〕卜偃曰。公侯之子孫必復其始。〔周本紀〕古公亶父。復脩后稷公劉之業。積德行義。國人皆戴之。〔堯典〕乃命羲和。欽若昊天。〔大史公自序〕重黎氏世序天地。〔魏志〕天子使魏公位在諸侯王上。改授金璽赤紱。遠遊冠。〔後漢輿服志〕遠遊冠。制如通天。有展筒橫之於前。無山。述諸王所服也。〔漢書〕諸侯王。高帝初置金璽。紱。如淳曰。紱。音灼。曰。紱。草名也。似艾。可染絲。因以爲紱名。紱音反。〔宋書州郡志〕順帝昇明元年。改揚州刺史曰牧。

### 進武帝爲長城公詔

〔陳武帝紀〕元帝承制。授帝征北大將軍。開府儀同三司。南徐州刺史。進封長城縣公。承聖三年三月。進帝位司空。〔隋書〕揚州吳郡。領長城縣。詳九錫文。〔左傳〕高陽氏有才子八人。明允篤誠。〔漢張耳傳〕南有五嶺之戍。〔注〕大庾。始安。陸賀。桂陽。揚陽也。〔陳武帝紀〕太清二年冬。侯景寇逼。帝將赴援。遣杜僧明。胡款。將二千人。頓於嶺上。并厚結始興。兼傑。同謀義舉。〔祭統〕衛孔悝之鼎銘。程拜稽首曰。對揚以辟之勤。大命施於燕彝鼎。〔周禮司勳〕凡有功者。銘書於王之大常。〔漢書〕高祖初起。蕭

粉榆社。〔樊噲傳〕噲曰。始陛下與臣等起豐沛。定天下。何其壯也。〔後漢班超傳〕疏曰。代馬依風。〔左傳〕趙穿怒曰。褻褻坐甲。固敵是求。敵至不擊。將何俟焉。〔晉漢春秋〕氏池縣大柳谷口有蒼石。立水中。其文曰。大討曹。

陳文帝登祚尊皇太后詔

〔陳后妃傳〕武宣章皇后。諱要兒。吳興烏程人。本姓鈕。父景明。為章氏所養。因改姓。武帝先娶周郡錢仲方女。早卒。後乃聘后。永定元年。立為皇后。武帝崩。后與中書舍人蔡景歷定計。召文帝及即位。尊

后為皇太后。宮曰慈訓。大建二年崩。諡曰宣。

〔後漢明帝紀〕制曰。朕以虛薄。何以享斯。〔南史〕衡陽獻王昌。字敬業。武帝第六子也。景平。拜長城國世子。吳興太守。魏克荊州。與宣帝俱遷長安。武帝即位。類遣使請宣帝及昌。周人許而未遣。及武帝崩。乃遣之時。王琳作梗。中流。昌不得還。居於安陸。天嘉元年。封衡陽郡王。入境。濟江。於中流。殞之。使以溺告。諡曰獻。〔漢書〕代王令張武等六人乘六乘傳詣長安。〔魏隸高士傳〕許由。字仲武。堯舜致天下而讓焉。乃退而避耕於中岳潁水之陽箕山之下。〔晉書〕百僚稱上尊號。中宗慨然流涕曰。吾本環邪王。諸賢見逼不已。乃呼私奴命駕。將返國。〔書洛誥〕周公拜手稽首曰。朕復子明辟。左傳。〔宋〕穆公疾。召大司馬而屬虜公焉。曰。先君舍與夷而立寡人。寡人弗敢忘。若以大夫之靈。得保首領。以沒。先君若問與夷。其將何辭以對。

封始興王詔

〔南史〕始興王伯茂。字鬱之。文帝第二子也。文帝即位。封伯茂為始興王。

〔穀梁傳〕兄弟天倫也。〔漢高帝紀〕六年。以碭郡。薛郡。郟郡三十六縣。立弟文信君交為楚王。交。高祖同父少弟也。以雲中。雁門。代郡五十三縣。立兄宜信侯喜為代王。喜。即仲也。〔周禮疏〕天子謂之帝系。諸侯謂之世本。詳登祚詔。〔國語〕蠻夷要服。戎狄荒服。祭義。霜露既降。君子履之。必有悽愴之心。〔商頌〕寢成孔安。〔說苑〕吾邱子擁籜戴索而哭。對孔子曰。樹欲靜而風不定。子欲養而親不在。往而不來者。年也不可得再見者。親也。〔後漢地理志〕章陵。故春陵。世祖更名。〔明帝紀〕車駕從皇太后幸車

陵。觀。蓋。廬。〔陳宣帝紀〕光大二年十一月。慈訓太后薨。廢帝爲臨海王。以帝入纘皇統。〔隋書〕南海郡曲江縣。〔注〕舊置始興郡。

### 爲陳武帝卽位告天文

〔湯詒〕敢用玄牲。敢昭告于上天神后。〔詩〕皇皇后帝。〔左傳〕云天生民而立之君。使司牧之。〔蜀志〕譙周問杜瓊曰。昔周徵君羣。以爲當塗高者魏也。其義何也。瓊曰。魏闕。名也。當塗言高。聖人取類言爾。〔又〕周書。書版示文王曰。典午忽兮。月酉沒兮。與午者。謂司馬也。月酉者。謂八月也。至八月而司馬文王崩。詳策文。〔左傳〕伍員諫吳子曰。少康使女艾謀澆。使季杼誘豷。遂滅過戈。復禹之績。祖夏配天。不失舊物。〔左傳〕楚子投袂而起。〔易坤靈圖〕至德之萌。日月若連璧也。〔漢天文志〕漢元年十月。五星聚於東井。此高皇帝受命之符也。〔纂要云〕五星謂之五緯。〔魏文帝紀〕初漢熹平五年。黃龍見譙。太史令單鳳曰。其國後當有王者興。不及五十年。亦當復見。〔陳武帝紀〕太平元年九月丁未。中散大夫王彭。殘稱。今月五日。平旦於御路見龍迹。自大社至象闕。互三四里。〔張衡靈憲賦〕地有九域山川。〔賈誼過秦論〕有并吞八荒之心。〔左傳〕襄公十一年。同門於魯。救魯曰。葦神臺祀。〔繫辭〕聖人之大寶曰位。〔臯陶謨〕一日二日萬幾。〔陳武帝紀〕梁帝遜於別宮。帝謙讓再三。羣臣固請。乃許之。〔書〕成湯放桀于南巢。惟有慙德。

### 梁禪陳策文

〔三皇本紀〕自人皇已後。有五龍氏。燧人氏。大庭氏。柏皇氏。中央氏。卷須氏。栗陸氏。麗連氏。赫胥氏。尊盧氏。混沌氏。吳英氏。有巢氏。朱襄氏。葛天氏。陰康氏。無懷氏。蓋三皇已來。有天下者之號。〔莊子〕容成氏。大庭氏。結繩而用之。〔晉衛恆書勢〕黃帝之史。沮誦。蒼

頤。既彼鳥迹。始作書契。〔古逸詩〕。伯牙水僊操序山林宵冥。〔書五子之歌〕。凍乎若朽索之馭六馬。〔孟子〕。舜視棄天下。猶棄敝屣也。〔逸士傳〕。堯之讓許由也。由以告巢父。巢父曰。汝何不灑汝形。藏汝光。非吾友也。乃擊其膺而下之。許由提然不自得。乃遇清冷之水。洗其耳。拭其目。曰。向者聞言。負吾友。遂去。終身不相見。〔高士傳〕。善卷者。舜以天下讓之。卷遂入深山。〔黃錄〕。黃帝坐玄扈洛上。與大司馬容光。左右輔周昌等百二十人臨觀。鳳皇銜圖。圖以黃金爲柙。書在璇璣玉衡。以齊七政。〔徐廣與服志〕。天子輅金根車。〔竹書紀年〕。舜設壇於河。依堯故事。至於下戾。榮光休至。黃龍負圖出於壇畔。〔帝王世紀〕。後年二月。堯率羣臣。刻璧爲書。東沈洛水。〔竹書紀年〕。帝載歌曰。鑿乎鼓之。軒乎舞之。菁華已竭。襄裳去之。〔書大禹謨〕。帝曰。格汝禹。朕宅帝位三十有三載。耄期倦于勤。汝惟不忘。總朕師。〔尚書大傳〕。十有四祀。鍾石笙磬變聲。樂未罷。疾風發屋。天大雷雨。帝沈首而笑曰。明哉一人天下也。乃見於鍾石。〔尚書大傳〕。謗然作大唐之歌。按南史本作謗非。〔司馬相如封禪文〕。醜味昭晰。〔後漢獻帝紀〕。建安二十五年三月。改元延康。冬十月。皇帝遜位。魏王丕稱天子。奉帝爲山陽公。〔魏志〕。陳留王成熙二年二月。使使者奉皇帝璽綬册。禪位於晉嗣王。如漢魏故事。〔宋武帝紀〕。晉琅邪王元熙二年六月。禪位於宋。改元永初。封晉帝爲零陵王。〔齊高帝紀〕。宋順帝昇明三年四月。帝禪位於齊。改元建元。封宋帝爲汝陰王。〔梁武帝紀〕。齊和帝中興二年四月。下詔禪位。改元天監。封齊帝爲巴陵王。〔吳志賀齊傳〕。齊曰。殿下以神武應期。廓開王業。〔漢匈奴傳〕。王室遂衰。戎狄交侵。胤古暨字。〔後漢宦者傳論〕。魏武因之。遂遷龜鼎。〔老子〕。聖人在天下。惛惛爲天下。渾其心。〔注〕。惛惛。常恐怖也。〔後漢寒朗傳贊〕。惛惛楚黎。詳梁陳詔。〔書〕。百姓懷惛。若崩厥角。〔書〕。次五曰。建用皇極。〔東觀漢記〕。日角。偃月相之極貴。〔晉書載記〕。慕容德額有日角。偃月重文。〔洛書〕。黑帝子湯。長八尺一寸。珠庭。〔宋武帝紀〕。桓玄妻劉氏。謂玄曰。劉裕龍行虎步。恐必不爲人下。〔漢書宣帝紀〕。昭帝崩。毋嗣。大將軍霍光請皇后。徵昌邑王賀。王受皇帝璽綬。光奏王賀淫亂。請廢。〔高后紀〕。立恆山王弘爲皇帝。大臣相與陰謀。以爲少帝及三弟爲王者。皆非孝惠子。復共誅之。尊立文帝。〔賈誼疏〕。冠雖敝。不以苴履。〔漢書〕。項氏畔換。師古曰。畔換。猶言跋扈也。〔書〕。無遠弗届。〔尚書大傳〕。舜時。蛟魚躍踊于其淵。遷虞而事夏也。〔左傳〕。申須曰。善所以除舊布新也。〔漢

五行志。董仲舒以爲比食又既。象陽將絕。夷狄主上國之象也。〔陳武帝紀〕侯景登石頭城。密謂左右曰。此軍上有紫氣。不易可當。〔又〕帝進軍頓西昌。有黃龍見水濱。〔家語〕武王克商。肅慎氏貢楛矢石磐。詳梁禪陳詔。〔老子〕聖人處上而民不重。處前而民不害。是以天下樂推而不厭。〔左傳〕王孫滿曰。周卜世三十。卜年七百。〔漢劉向疏〕王者必通三統。明天命所授者博。非獨一姓也。〔南史阮孝緒傳〕齊爲木行。

### 陳公九錫文

〔尚書中候〕王至礪溪之水。呂尙釣於崖。王下拜。尙答曰。得玉璜。刻曰。姬受命。呂佐檢德。來昌來提。撰爾誰鈴。報在齊。及佐周克殷。封於齊。〔吳越春秋〕禹案黃帝中經曰。在九疑山。東南天柱。號曰委宛。其書金簡。青玉爲字。禹乃求之。夢赤繡文衣男子。自稱玄夷。蒼水使者。候禹。令齊三日。禹乃得書。言治水之要。〔老子〕侯王得一而天下正。〔漢書〕陽九厄曰。初入百六陽九。〔禹貢〕至于碣石入于海。〔孟子〕洪水橫流。〔書〕火炎昆岡。玉石俱焚。〔漢書注〕師古曰。豕章國。彭姓。〔左傳〕秦伯西戎。晉主東夏。〔齊王融曲水詩序〕跨躡昌姬。〔漢酷吏傳序〕網漏於吞舟之魚。〔詩〕內吳于中國。覃及鬼方。〔晉陸機功臣頌〕茫茫宇宙。上埒下躡。〔莊子〕圓鑿方枘。〔南史〕梁武帝太清三年崩。〔列仙傳〕軒轅自擇亡日。與羣臣辭。還葬橋山。山崩棺空。惟有劍舄在棺焉。〔南史〕簡文帝大寶二年崩。〔晉書〕漢主劉聰陷洛陽。遷懷帝於洛陽。太子業卽位於長安。是爲愍帝。劉曜陷長安。送帝於平陽。皆遇害。〔華陽國志〕滇池縣有澤水。周回二百里。似如倒流。故俗曰滇池。〔山海經〕桂林有八樹。在番禺東。〔隋書〕熙平郡桂嶺縣。〔注〕舊曰興安。開皇十八年改名。恐非。〔揚雄劇秦美新〕海水羣飛。〔注〕喻大亂也。〔淮南子〕堯使羿殺竇窳。斷修蛇。擒封豨。萬民大悅。〔左傳〕楚子曰。古者明王伐不敬。取其鯨鯢而封之。於是乎有京觀。〔淮南子〕日暘於蒙谷之浦。〔注〕蒙谷。蒙汜之木也。〔南史〕湘東王繹承制。授霸先交州刺史。尋改南江州刺史。與王僧辯擊斬侯景。〔殷本紀〕伊尹放太甲于桐宮。〔漢金日磾傳〕非何羅。裹白刃。從東廂上見日。磾色變。行觸寶瑟。置日磾。梓胡投何羅殿下。得驚縛之。〔公



羊傳。中國不絕若繩也。〔戰國策。〕王孫賈入市呼曰。淖齒亂齊國。殺湣王。欲與我誅之者。桓右乃攻淖齒殺之。求湣王子法章。共立以爲齊王。保宮城以拒燕軍。〔左傳。〕齊侯使管夷吾平戎於王。王以上卿之禮。餼管仲。〔南史。〕西魏遣于謹入江陵。執元帝。霸先與王僧辯迎元帝子方智。至建業。承制。齊遣高渙送淵明來主梁嗣。僧辯納之。以方智爲太子。霸先殺僧辯。廢淵明。復立方智。是爲敬帝。〔南史。〕孫罔。盧子雄討李賁。衆潰而歸武林。侯諮誣奏罔等逗留。賜死。子雄弟子略。及杜僧佑。周文育等率衆攻廣州。參軍陳霸先帥精甲三千擊破之。釋僧佑。文育爲主帥。〔國語。〕吳晉會於黃池。吳王赤旗赤羽之纛。望之如火。〔陸機漢高祖功臣頌。〕胡馬洞開。〔家語。〕子路曰。願得白羽若月。赤羽若日。〔左傳。〕民逃其上曰潰。〔魏王粲從軍詩。〕所從神且武。焉得久勞師。〔南史。〕武帝大同十年。李賁自稱越帝。置百官。以霸先爲交州司馬。與交州刺史楊驥討賁。賁敗奔嘉寧城。復率衆出屯與激門。霸先乘流先進。賁衆大潰。竄入屈獠洞。屈獠斬賁。賁兄天寶。收餘兵圍愛州。霸先討平之。〔陳書武帝紀。〕十一年六月。軍至交州。賁衆數萬。於蘇歷江口立城柵。以拒官軍。驥推高祖爲前鋒。所向摧陷。賁走典激湖。於屈獠界立砦。〔隋書。〕揚州交趾郡。〔注。〕蓋曰交州。九真郡。〔注。〕梁置愛州。〔漢書。〕南海尉任葛。病且死。召龍州令趙佗。行南海尉事。高祖定天下。遣陸賈立佗爲南粵王。其後佗乃自尊號南武帝。〔陳琳檄吳文。〕跨州連郡。有威有名。十有餘輩。未詳。按〔通鑑。〕黃門郎史淑。自長安奔涼州。稱愍帝出降前一日。使淑齎詔賜張寔。拜涼州牧。承制行事。先是長安謠曰。秦川中。血沒腕。唯有涼州倚柱觀。及漢兵覆關中。氐羌掠隴右。雍秦之民死者什八九。獨涼州安全。權曰。〔晉王諒傳。〕初。新昌太守梁碩自領交趾。〔晉地理志。〕新昌郡。吳置。〔宋州郡志。〕越嶲太守領蘇利長。〔隋書。〕交趾郡領嘉寧縣。〔左思魏都賦。〕蠻夷夷落。〔注。〕厥聚也。〔後漢南匈奴傳。〕其大臣貴者左賢王。次左谷蠡王。次右賢王。次右谷蠡王。謂之四角。次左右日逐王。次左右溫禺靬王。次左右斬將王。是爲六角。皆單于子弟。次第當爲單于者也。〔陸機詩。〕余固水鄉土。〔東方朔神異經。〕南荒之外有火山。晝夜火然。〔廣州記。〕馬援討平交趾。於嶠南立銅柱。以表漢之極界。〔晉書。〕交州牧陶璜上言。交廣東西數千里。不賓屬者六萬餘戶。服官役。歲五千餘家。二州層齒。惟兵是鎮。〔後漢竇融傳贊。〕王靈以宣。〔王中頭陀寺碑。〕炎區九譯。沙場一候。〔注。〕一候者言少邊患。〔周禮。〕天府掌祖廟之守藏。與其禁令。〔後漢

百官志。大鴻臚掌諸侯及四方歸義蠻夷。〔晉劉琨傳〕。毳枕戈待旦。〔吳越春秋〕。句踐反國。飲食必嘗膽。〔漢高帝紀〕。吾以布衣提三尺劍。取天下。〔酷吏傳〕。大將軍光因舉手自撫心曰。使我至今病悖。〔淮南子〕。鴻鵠背負青天。鷹隼亦害。〔陸機辨亡論〕。反帝座於紫闥。〔陳武帝紀〕。侯景寇逼。帝將赴援。廣州刺史元景仲。陰將圖帝。帝與成州刺史王懷明等。馳檄以討景仲。景仲縊於閣下。帝迎蕭勃鎮廣州。〔易〕。西南得朋。〔左傳〕。韓宣子曰。同惡相求。知市買焉。〔漢書〕。父老帥子弟殺沛令。立高祖爲沛公。祠黃帝。祭蚩尤於沛庭而擊鼓。〔後漢光武紀〕。光武初騎牛。殺新野尉。乃得馬。〔漢書貨殖傳〕。桀黠奴人之所患。〔隋書〕。永安郡。〔注〕。後齊置衡州。遼陽郡崇義縣。〔注〕。後周置衡州。零陵郡營道縣。〔注〕。有九疑山。〔南史〕。臨賀內史歐陽頔。監衡州。蘭裕。蘭京。禮。扇。誘始興等十郡共攻頔。霸先救之。悉擒裕等。仍監始興郡事。并厚結豪傑。共謀義舉。〔邱遲書〕。魚遊於沸鼎之中。〔漢李陵傳〕。陵曰。各鳥獸散。猶有得脫歸報天子者。〔左傳〕。晉州綽射殖綽。中肩弛弓而自後縛之。其右具丙亦舍兵而縛郭最。皆衿甲而縛。坐於中軍之鼓下。〔後漢鄧弘傳〕。政有仁惠。民稱蘇息。〔陳武帝紀〕。蔡路養起兵據南康。時蕭勃鎮廣州。遣腹心譚世遠爲曲江令。與路養相結。同退義軍。大寶元年。帝發始興。次大庾嶺。大破路養軍。進頓南康。帝發南康。灘石傍有二十四灘。灘多巨石。行旅以爲難。帝之發。水暴起。致丈三百里間。巨石皆沒。〔隋書〕。揚州南康郡零都縣。〔注〕。舊廢。平陳。置南康縣。〔注〕。公輸日贛。〔書武成〕。爲天下逋逃主。萃淵藪。〔後漢公孫瓚傳〕。兵法百樓不攻。吾樓櫓千重。食此谷。足知天下事矣。〔墨子〕。公輸般爲雲梯以攻宋。墨子解帶爲城。以膝爲械。輪般九攻。墨子九拒。〔孫臏傳〕。馬陵道狹而旁多阻隘。可伏兵。乃斫大樹白。而書之曰。龐涓死於此樹之下。龐涓果夜至。斫木下。齊軍萬弩俱發。涓乃自剄。曰。遂成孺子之名。〔漢書〕。淮南王安使陳喜校誘。〔後漢何進傳〕。主簿陳琳曰。今將軍龍驤虎步。高下在心。此猶鼓洪爐燎毛髮耳。〔陳書武帝紀〕。高州刺史李遷仕。據大阜。遣主帥杜平虜帥千人入濠石魚梁。又〔南史〕。李遷仕遣主帥杜平虜將兵逼南康。陳霸先遣周文育擊走之。據其城。遷仕復擊南康。霸先遣杜僧明等掩斬之。〔蜀志〕。馬騰子超。率諸戎以擊隴上郡縣。據冀城。吏民梁寬等閉城門。乃奔漢中。依張魯。聞先主圍成都。密書請降。〔晉書〕。流民四五萬家。一時俱反。以醴陵令杜弢爲湘州刺史。〔李康運命論〕。張良受黃石之符。誦三略之說。〔注〕。上中下。

三計。〔漢書〕陳平六出奇計。〔後漢段熲傳〕張奐又言。羌一氣所生。不可誅盡。山谷廣大。不可空靜。〔漢王溫舒傳〕溫舒爲河內太守。捕郡中豪猾。相連坐千餘家。盡十二月。郡中無犬吠之盜。〔漢書〕陳勝。吳廣聚義祠中。夜篝火。狐鳴呼曰。大楚興。陳勝王。〔爾雅〕大波爲瀾。小波爲淪。〔左思吳郡賦〕器械兼儲。〔注〕兼儲蓄積也。〔南史〕王僧辯乘勝下潯城。霸先引兵三萬人發南康。進頓西昌。會僧辯於潯城。霸先有糧五十萬石。分三十萬以資僧辯。于慶等皆棄城走。〔詩〕我庚維億。〔孟子〕軍食盡。漿以迎王師。〔漢書宣帝紀〕大司農中丞耿壽昌。奏設常平倉。以給北邊。省轉漕。〔溝洫志〕漕從山東西。歲百餘萬石。更砥柱之艱。敗亡甚多。〔漢武帝紀〕軸驢十里。〔注〕其船多前後相銜不絕。〔又〕屬食其曰。夫敖倉。天下轉輸久矣。臣聞其下藏粟甚多。〔吳都賦〕戶有犀渠。〔注〕盾名。〔詩〕貝冑朱紱。〔左傳〕王子虎盟。諸侯於王庭。要言曰。昔獎王室。〔又〕師克在和不在衆。〔梁元帝玄覽賦〕浚鵠塞於潯陽。〔漢書〕沛公從百餘騎至鴻門。謝羽。〔左傳〕公子曰。所不與舅氏同心者。有知白水。〔後漢書〕銅馬降。蕭王輕騎入其營。渠帥曰。王推赤心置人腹中。安得不投死乎。〔南史〕湘東王命僧辯等東擊侯景。軸驢數百里。霸先率甲士三萬舟艦二千。自南江出潯口。會僧辯築壇歃血。共讀盟文。流涕慷慨。〔漢外戚傳注〕師古曰。屬。短關也。〔漢書〕匈奴有左賢王。右賢王。〔左傳〕晉中行穆子敗無終及羣狄於太原。爲五陳以相離。兩於前。伍於後。專爲右角。參爲左角。偏爲前拒以誘之。〔漢電錯傳〕匈奴之革。箭木薦弗能支。孟康曰。木薦以木版作如盾。〔漢匈奴傳〕自君王以下。咸被所委。〔司馬相如上林賦〕他他藉藉。填阮滿谷。〔晉惠帝紀〕永寧元年。趙王倫篡位。齊王冏起兵討倫。成都王穎。河間王顒。常山王乂。新野公歆。皆舉兵應之。倫遣其將孫輔。出鄂坂以拒冏。〔左傳〕西鉏吾曰。今將崇諸侯之姦。而披其地以塞夷庚。〔注〕夷庚。吳晉往來之道也。〔南史〕侯子鑿據姑孰南洲。以拒西師。僧辯等至。于鑿帥步騎挑戰。又以檣釘千艘。載戰士。僧辯磨細船皆退。留大艦夾泊兩岸。子鑿之衆。謂水軍欲退。徑出趨之。大艦斷其歸路。鼓譟大呼。合戰江中。子鑿大敗。僅以身免。〔左傳〕子犯曰。表裏山河。必無害也。〔漢蒯通傳〕金城湯池。不可攻也。〔西京賦〕疏龍首以抗殿。〔注〕龍首。山名。〔過秦論〕斬華爲城。〔博物志〕地有三千六百軸。〔禮記〕軍容不入國。〔後漢光武紀〕司隸官屬。衣冠制度。皆知舊儀。父老耆吏見之。莫不垂涕悲喜。〔左

傳。白公勝作亂。葉公至北門。或遇之。曰。君胡不背。盜賊之矢若傷君。是絕民望也。乃背而進。又遇一人。曰。君胡背。國人若見君面。是得艾也。乃免背而進。〔南史〕景兵敗入櫛。其將盧暉略以石頭降。僧辯入據之。景與霸先殊死戰。衝陣不動。景衆大潰。〔南史〕齊將潘樂。侵梁。圍秦郡。霸先與戰。破之。斬首萬餘級。〔晉書〕鮮卑。東胡種名。〔齊神武帝紀〕神武既累世北邊。故習其俗。遂同鮮卑。〔漢書注〕且渠。當戶。匈奴官名。〔漢李廣傳〕上使中貴人從廣。服虔曰。內臣之貴幸者。〔魏志梁習傳〕名王稽類。〔左傳〕司馬侯曰。冀之北土。馬之所生。〔晉劉琨傳〕中夜奏胡笳。賊皆流涕。〔左傳〕逢丑父與公易位。將及華泉。驢絙於木而止。〔左傳〕戰於韓原。晉戎馬還薄而止。〔左傳〕襄十四年。衛孫林父。甯殖出其君衍。二十六年。甯喜弑其君剽。〔左傳〕疆場無主。則啓戎心。〔南史〕廣陵。齊人朱盛等。潛聚黨。謀襲殺齊刺史溫仲。遣使求援。霸先因進軍圍廣陵。齊主來告曰。請釋廣陵之圍。必歸廣陵。歷陽兩城。霸先引兵還京口。江北之民從之。濟江者萬餘口。〔孫盛晉陽秋〕秦始皇時。望氣者言。五百年後。金陵之地。有天子氣。於是改金陵曰秣陵。〔晉書〕諸葛亮造八陣圖。〔左傳〕齊襄公之難。公使王黑以壘姑鈔率。請斷三尺焉而用之。〔左傳〕乘邱之役。公以金僕姑射南宮長萬。〔漢書〕李廣曰。吾爲隴西守。羌常反。吾誘降者八百餘人。詐而同日殺之。〔南史〕譙秦刺史徐嗣徽。南豫州刺史任約。襲建康不克。入於石頭。以叛。十一月。齊遣兵援之。霸先及齊人戰敗之。嗣徽約奔齊。〔說苑談叢篇〕梟逢鳩。梟曰。我將東徙。鳩曰。何故。梟曰。鄉人皆惡我。鳴以故。東徙。鳩曰。子能更鳴可矣。不能更鳴。東徙猶惡于聲。〔左傳〕富辰曰。狄固貪。〔左傳〕楚子文曰。諺曰。狼子野心。〔漢西域傳〕公主歌曰。穹廬爲室。兮。靡爲牆。〔漢高帝紀〕蕭何治未央宮。立東闕。北闕。前殿。〔漢書〕帝得烏孫馬。好。名曰天馬。〔晉書〕周訪討杜曾。使李桓督左甄。許朝督右甄。〔東京賦〕鷓鴣魚。麗。箕張翼舒。〔爾雅〕彗星爲櫛槍。〔詩〕薄伐獫狁。〔左傳〕獲長狄僑如。埋其首於子駒之門。〔漢書〕李陵。衛律皆胡服。推結。〔白起傳〕趙括軍敗。卒四十萬人。降。起乃挾詐。盡坑殺之。〔漢高帝紀〕羽敗漢兵。灑水上。水爲之不流。〔易〕鼎折足。〔左傳〕公尹路請曰。君王命劉圭。以爲鑄。秘。敢請命。〔詩〕鉦人伐鼓。〔說文云〕鉦。鏡也。似鈴。柄中上下通。所以止鼓。〔魏略〕王凌自知罪重。試索棺釘。以觀太傅意。太傅結之。遂自殺。〔左傳〕許男面縛。銜璧。大夫衰絰。士與襯。楚子焚其襯。禮而命。

之。〔後漢光武紀〕誅王郎。收文書。得吏人與郎交關。誘殺者數千章。光武燒之曰。令反側子自安。〔南史〕前青州刺史程靈洗。率兵救僧辯。力戰軍敗。久之乃降。霸先義之。〔左傳隱公四年〕衆仲曰。州吁阻兵而安忍。〔左傳〕子桑曰。史佚有言曰。無始禍。無怙亂。無重怒。〔揚子〕洪荒之世。詳梁禪陳文。〔左傳〕呂相絕秦曰。虔劉我邊陲。〔南史〕霸先吳興長城下若里人。自云漢太邱長寔之後。〔左思蜀都賦〕揚雄含章而挺生。〔詩〕維桑與梓。必恭必敬。〔尚書〕元惡大憝。〔老子〕治大國如烹小鮮。〔南史〕杜龔據吳興以叛。霸先表自東討。仍還都。命周文育進討。龔以城降。誅之。〔後漢光武紀〕五校賊帥高鳳。〔袁紹傳〕紹擊賊劉石。青牛角。黃龍。左校郭大賢。李大目。于氏等。〔魏陳琳檄吳文〕七國之兵。瓦解冰泮。〔水經注〕會稽山東有礪。去禹廟七里。深不見底。謂之禹井。〔劉獻定軍禮〕吳王夫差。啓蛇門以厭越人。越爲雷門以厭之。擊大鼓於雷門之下。而蛇門聞焉。〔南史〕東揚州刺史張彪。圍臨海太守王懷振於剡。彪先遣兄子蒨。周文育襲會稽。討彪。若邪村人斬彪。傳首建業。〔漢吳王濞傳〕以袁盎爲泰常。使吳王聞袁盎來。笑而應曰。我已爲東帝。尙誰拜。〔晏子春秋〕不出尊俎之間。折衝千里之外。寇恂。賈復。光武功臣。樊噲。滕公。夏侯嬰。高帝功臣。〔漢書〕武帝有下瀨將軍。〔說文〕搆。搆也。〔書盤庚〕其猶可撲滅。〔周禮甸師〕王之同姓有罪。則死刑焉。〔後漢馬援傳〕交趾女子徵貳反。拜援爲伏波將軍。大破之。封新息侯。〔南史〕蕭勃起兵於廣州。遣歐陽頴及其將傅泰。蕭孜爲前軍。南江州刺史余孝頃以兵會之。霸先命周文育。由間道兼行。據頴及孜。泰孝頃之間。築城饜士。頴等大駭。文育遣周鐵虎等襲頴。擒之。文育盛陳兵甲。與頴乘舟而宴。巡邏口城下。使其徒丁法洪攻泰。擒之。孜孝頃退走。勃軍聞之。恟懼。遂殺勃。〔隋書〕揚州豫章郡豫章縣。〔注〕舊置豫章郡。〔左傳〕太叔完聚。繕甲兵。〔隋書〕揚州南海郡。〔注〕舊置廣州。梁陳並置督府。〔漢書〕武帝時。南粵相呂嘉反。秋。命衛尉路博德爲伏波將軍討之。得嘉。爲臨蔡侯。〔又〕吳王濞兵敗。亡走東越。東越縱殺吳王。盛其頭馳傳以聞。〔魏文帝紀〕帝聞備兵東下。與樞交戰。樹柵連營七百餘里。謂羣臣曰。豈有七百里營。可以拒敵者乎。孫權上事。今至矣。後七日。破備書到。〔南史〕周文育送頴等於建康。霸先釋而厚待之。孜孝頃猶據石里。多設船艦。夾水而陣。霸先遣侯安都助文育擊之。安都潛師燒其船艦。水陸攻之。孜投降。孝頃逃歸。霸先以頴擊著南土。復以爲衡州刺史。使討嶺

南。未至。其子紇已克始興。續至。諸郡皆降。遂克廣州。〔淮南子〕九州之外有八極。八極之外有八紘。八紘之外有八極。〔魏略〕王凌面縛城賦。出入三代五百餘載。竟瓜剖而豆分。〔魏志注〕令曰。設使國家無有孤。不知當幾人稱帝。幾人稱王。〔魏略〕水次曰。卿特折簡召我。我何敢不至。而乃引兵來乎。司馬宣王曰。以卿非折簡可呼故也。〔晉陽秋〕劉弘爲荊州刺史。成曰。得劉公一紙書。賢於十部從事也。〔淮南子〕日出於陽谷。浴於咸池。〔西域傳〕無雷國王治盧城。去長安九千九百五十里。淮南子凡海外三十六國。自西北至西南。方有女子。民丈夫。民。〔山海經〕丈夫國。在維鳥北。其爲人衣冠帶劍。〔北史〕齊永元元年。扶桑國有沙門慧深來云。扶桑東千餘里有女國。二三月。蕪入水。則任娠。六七月。產于女人胸前。無乳。頂後生毛。根白。毛中有汗。以乳子。百日能行。三四年則成人。〔漢司馬相如傳〕匈奴單于恹。屈膝受之。交臂請和。〔穆天子傳〕乃膜拜而受。〔注〕今之胡人禮佛。舉手加額。稱南膜者。卽此也。〔漢書〕宣帝甘露二年。匈奴呼韓邪款五原塞。願奉國珍朝。〔南史〕敬帝太平二年。領軍將軍徐度。燒齊船。三千艘。夏四月。齊遣使通和。〔漢張良傳〕沛公入秦宮殿。帷帳狗馬重寶。婦女以千數。欲留居之。〔晉王延壽善靈光殿賦序〕靈光巋然獨存。〔趙世家〕武靈王召樓緩謀曰。吾欲胡服。〔莊子〕趙太子惺謂莊周曰。吾主所見劍士。皆縷胡之纒。〔漢王莽傳〕莽好厚履高冠。以薺裝衣。〔尚書大傳〕微子朝周。過殷故墟。見麥秀之蘩蘩兮。禾黍之蠶蠶也。曰。此故父母之國。乃爲麥秀之歌。〔詩〕彼黍離離。〔南史〕侯景東奔。王克開臺城門。引麥之橫入宮。是夜遺燧燒太極殿。及東西堂。延閣。祕署。皆盡。羽儀。輅。莫有子遺。〔書太甲〕先王昧爽。丕顯。坐以待旦。〔淮南子〕日經於泉隅。是謂高春。〔書無逸〕文王自朝至于日中。不遑暇食。用成和萬民。〔漢鄒陽傳〕孝文皇帝據關入立。寒心銷志。不明求衣。秦始。晉武帝年號。永平。後漢明帝年號。〔南史〕敬帝太平元年。起靈龍神武門。二年。繕廟堂。供備祀典。〔漢王吉傳〕駁一世之民。濟之仁壽之域。〔老子〕上德不德。是以有德。〔詩〕敦彼行葦。牛羊勿踐履。〔蔡邕獨斷〕黃帝樂曰雲門。堯樂曰咸池。〔漢書〕猗頓用鹽。鹽起。與王者埒富。〔揚雄太玄〕紫霓。〔晉張華傳〕妙達緯象。〔左傳〕楚子使與師言。管仲對曰。賜我先君履。東至於海。西至於河。南至於穆陵。北至於無棣。〔又〕吳公子札來聘。爲之歌。齊曰。美哉泱泱乎。大風也哉。表東海者。其太公乎。〔又〕衆仲曰。昨之士而命之氏。〔又〕子犯曰。衆甫。

侯莫如勤王。〔又〕展喜對曰。昔周公太公。股肱周室。夾輔成王。〔詩〕王命召虎。式辟四方。〔三皇本紀〕女媧鍊五色石以補天。斷鼇足以立四極。聚蘆灰以止滔水。〔淮南子〕禹鑿龍門。平水土。民乃得而陸處。〔後漢謝弼傳〕爵賞之設。必隨庸勩。

〔後漢章帝八王傳〕仰恃明主。垂拱受成。〔隋書〕揚州淮南郡。〔注〕舊曰豫州。梁曰南豫州。廬江郡。〔注〕梁置南豫州。宣城郡。〔注〕舊置南豫州。淮南郡安豐縣。〔注〕梁置陳留安豐二郡。丹陽郡江寧縣。〔注〕梁置丹陽郡及南丹陽郡。陳省南丹陽郡。

宣城郡宣城縣。〔注〕舊曰宛陵。置宣城郡。丹陽郡。〔注〕自東晉已後置。宋曰揚州。吳郡烏程縣。〔注〕舊置吳興郡。會稽郡。〔注〕梁置東揚州。陳初省。送安郡雒山縣。〔注〕舊置新安郡。信都郡新興縣。〔注〕梁置新州。新寧郡。〔宋書州郡志〕晉安帝始分

淮北為北徐。淮南猶為徐州。後又以幽冀合徐。青并合兗。武帝永初二年。加徐州曰南徐。而淮北但曰徐。文帝元嘉八年。更以江北為南兗州。江南為南徐州。治京口。割揚州之晉陵。兗州之九郡。僑在江南者屬焉。故南徐州備有徐兗幽冀青并揚七州郡邑。〔隋書〕荊州

九江郡。〔注〕舊置江州。揚州。郡陽郡。臨川郡。臨川縣。〔注〕舊置臨川郡。〔漢齊懷王傳〕小子閔。受茲青社。張晏曰。王者以五色土為大社。封四方諸侯。各以其方色土與之。苴以白茅。歸以立社。〔燕世家〕成王時。召公為三公。自陝

以西。召公奭主之。自陝以東。周公旦主之。〔左傳〕鄭武公。莊公為平王。刺士桓公曰。我周之東遷。晉鄭焉依。〔南史〕王瑒字子瑛。梁元帝時。位太子中庶子。陳武帝入輔。以為司徒左長史。〔漢文帝紀〕與郡守為銅虎符。竹使符。應邵曰。銅虎符第一至第五。圖

家當發兵。遣使者至郡。合符。符合乃聽受之。竹使符者。以竹箭五枚。長五寸。鐫刻篆書。第一至第十。〔管子〕禮義廉恥。國之四維。〔周禮〕天官冢宰。以八柄詔王。馭羣臣。〔漢王莽傳〕鸞路乘馬。戎路乘馬。〔注〕師古曰。鸞路。路車之施鸞者也。四馬曰乘。戎路

戎車也。〔漢王莽傳〕衰冕衣裳。句履。〔注〕孟康曰。今齋祀履。為頭飾也。出履二寸。〔漢丙吉傳〕吉曰。三公調和陰陽。〔文選〕潘勗魏公九錫文。〔注〕軒縣。諸侯樂也。〔左傳〕縣公始用六佾。〔周禮〕鞀。鞀氏掌四夷之樂。〔又〕象胥氏掌蠻夷國

貉。戎狄之國。〔漢王莽傳〕朱戶納陛。〔注〕師古曰。尊者不欲露而升陛。故納之於簷下也。〔文選注〕朱戶。天子禮也。〔史記〕蔡澤傳〕不出廊廟。〔書〕光被四表。〔文選注〕虎賁。言其猛也。皆百夫長。〔堯典〕象恭滔天。〔左傳〕無或如臧孫紇。干

國之紀。〔漢王莽傳〕左建朱鉞，右建金戚。〔注〕師古曰：鉞，戚皆斧屬。〔漢王莽傳〕彤弓矢，盧弓矢。〔注〕師古曰：彤，赤色；盧，黑色。焮音盧。〔孝經〕夫孝，天之經也，地之義也。〔祭義〕春雨露既濡，君子履之，必有怵惕之心，如將見之。詳封始興王詔。

〔漢王莽傳〕秬鬯二亩，圭瓚二。〔注〕師古曰：秬，鬯，香酒也。亩，中尊也。以圭爲勺末。〔書說命〕格于皇天。

### 陳武帝下州郡璽書

〔詩〕天降喪亂。〔晉佛圖澄傳〕劉載已死，載從弟曜篡襲偽位。〔後漢書〕獻帝興平二年三月，李傕脅帝幸其營，焚宮室，郭汜攻李傕，矢及御前，明年正月，改元建安。〔晉書〕懷帝永嘉五年，劉聰使呼延晏等陷洛陽，遷帝於平陽，遇害。〔周本紀〕命南宮括、史佚展九鼎寶玉。〔周禮〕冬至，祀天於圓丘。〔晉王濟傳〕設宿部，分行有次第。〔陳武帝紀〕永定元年冬十月乙亥，皇帝卽位於南郊，柴燎告天，先是氛霧雨雪，晝夜晦冥，至是日景氣清晏。〔管子〕盛魄重輪，六合俱照，非日月能乎。〔呂氏春秋〕水之美者，有三危之露。〔漢書〕太初歷晦朔昴望，皆最密，日月如合璧。詳梁禪陳璽書。〔左傳〕鄭國多盜，取人以萑蒲之澤。〔書〕戎商必克。

### 梁禪陳璽書

〔書〕萬邦黎獻，共惟帝臣。未詳。按〔帝王世紀〕黃帝於東海流波山得奇獸，狀如牛，蒼身無角，能走，出入水，則風雨，目光如日月，其音如雷，黃帝殺之，以其皮爲鼓，聞五百里。〔神異經〕窮奇、餗牙、鉤爪、過忠信之人，則噬而食之。〔魏略〕侍中陳羣，尙書桓階奏曰：凡士一民，皆非漢有。〔佐助期〕漢以蒙孫亡，說者以蒙孫，漢二十四帝童蒙昏愚以弱亡。〔高士傳〕舜以天下讓支伯，支伯遂不知所之。〔張衡東京賦〕高祖膺籙受圖。〔左傳〕僖公二十五年秋，秦晉遷陸渾之戎於伊川。〔左傳〕晉伐驪戎。



〔注〕杜預曰。驪戎在京兆新豐縣。〔漢書〕中山王勝對曰。文王拘於羑里。〔張衡東京賦〕。治致升平之德。〔漢王莽傳〕。策羣司曰。赤烽頌平考聲以律。〔詩〕。零露漙漙。〔論衡〕。甘露味如蜜。王者太平之應。〔左傳〕。楚子革曰。昔穆王欲肆其心。周行天下。皆將必有車轍馬迹焉。〔史記。項紀〕。北至幽陵。南至交阯。西至流沙。東至蟠木。動靜之物。小大之神。莫不砥屬。〔後漢光武紀〕。同舍生彊華。奉赤伏符至曰。劉秀發兵捕不道。〔魏志〕。太祖武皇帝。沛國譙人。諱操。字孟德。初桓帝時。有黃星見於楚宋之分。遂東殷墟。善天文。言後五十年。當有真人起於梁沛之間。至是而公始起。〔孝經。授神契〕。孔子海口含海。劉峻辨命論。河日龜文。公侯之相。〔屈原離騷〕。攝提貞於孟陬。〔注〕。攝提星名。隨斗柄以指十二辰者也。正月爲陬。〔天官書〕。項羽拔鉅鹿。在矢西流。天狼下有四星曰弧。合誠圖曰。弧主司兵。兵弩象也。〔淮南子本經訓〕。夷羊在牧。〔注〕。許慎曰。夷羊。土神。商之將亡。見於商郊。牧野之地。〔孝經。授神契〕。德至淵泉。則黃龍見。〔袁宏漢紀〕。獻帝詔曰。炎精之數既終。行運在乎曹氏。〔通考〕。自魏以後。始有九品之制。以辨官位之高卑。北魏以九品分正從。梁分十八班。諸享侯十班。詳九錫文。

## 徐孝穆集後跋

余讀史至魏晉而下。未嘗不廢書三歎也。南北朝凡九君。皆假唐虞之名。行篡竊之舉。沿習成風。遂成故事。故有生生世世不願生帝王家者。遂至禪詔出諸袖中。朝比肩而暮北面。其端肇於新莽。而成於晉魏。可鄙可痛。莫斯爲甚。善乎石勒之言曰。大丈夫當光明磊落。無效曹孟德欺人孤寡。以狐媚取天下也。顯令箋注徐庾兩家。獨不及禪代諸製。意在斯乎。吾門徐子大文。沉深嗜古。見徐庾箋注。心焉慕之。欲補其闕略。蓋以春秋之文。美惡同辭。陳詩之義。勸戒並設。且一書之中。而箋注家偏有未備。俾覽者終茫昧焉。有難愜置也。於是旁搜博采。以附卷末。名曰備考。而質之余。余謂顯令。維世之志也。足以立廉隅。大文。論世之志也。足以鏡得失。各自有當耳。昔梁簡文答湘東王書云。文章未墜。必有英絕領袖之者。今以徐子之趣向。而又能信好。將來縱橫藝苑。馳騁志林。豈曰孝穆才情僅嫻宮體而已哉。刻旣成。因書數言以報之。笠水陳銳穎長氏識。

中華民國二十八年三月初版

(62427)

本國學基  
叢書 徐孝穆集 一册

每册實價國幣肆角  
外埠酌加運費匯費

撰者 徐

箋注者 吳

發行人 雲南正路五

印刷所 商務印書館

發行所 各埠商務印書館



(本書校對者朱廣福)

G 五一八上

茲

20  
28974

